

489

Յ. ԳՈՐՈՅԵԱՆՑ

# ՊԱՐՄԿԱՍՏԱՆԻ ՀԱՅԵՐԸ



ՏՊԱՐԱՆ «ՄՈՂԵՐՆ», ԹԵՀՐԱՆ  
1968

---

---

ՊԱՐՍԿԱՍՏԱՆԻ ՀԱՅԵՐԸ

ԳՐԵՑ

ՆԱԶԱՐ Յ. ԳՈՐՈՅԵԱՆՑ

---

---

685



ՆԱԶԱՐ Զ. ԳՈՐԻՅԵԱՆ

ՍԵՆՏԵՄԲԵՐ ԳՈՒՅՈՒՆՆԻ ԱՆ ԱԿՏ  
ԲՆԵՃՈՒՄԵՆ  
ԳԻՄՆԱԿ  
ՀԱՅԿԱՍՏԱՆԻ ԿՈՄՍՈՒՆԻՍՏԱՆԻ ԿՈՄԻՏԵ  
ԵՄ

9(47.925)^(55)


7 - 84

ՆԱԶԱՐ Յ. ԳՈՐՈՅԵԱՆՑ

# ՊԱՐՍԿԱՍՏԱՆԻ ՀԱՅԵՐԸ

ՊԱՏՄԱԿԱՆ, ՏԵՂԱԳՐԱԿԱՆ ԵՒ ՎԻՃԱԿԱԳՐԱԿԱՆ  
ՀԱՄԱՌՕՏ ՏԵՂԵԿՈՒԹԻՒՆՆԵՐ ՊԱՐՍԿԱՍՏԱՆԻ ՀԱՅԵՐԻ ՄԱՍԻՆ՝  
ԱՄԵՆԱՀԻՆ ԺԱՄԱՆԱԿՆԵՐԷ ՄԻՆՉԵՒ 1898 Թ.

489



ՏՊԱՐԱՆ «ՄՈՂԵՐՆ», ԹԵՂԵՐԱՆ

1968

Սոյն գիրքը լոյս է տեսնում յարգարժան ազգային բարերար պր. ԱՐՁՈՒՄԱՆ ԱԻԵՏԻՍԵԱՆԻ նիւթական աջակցութեամբ:

Մեր ջերմ շնորհակալութիւնները յարգելի նւիրասուին:

Տ. ՊՕՂՈՍԵԱՆ

ԲՈՎ ԱՆԴԱԿՈՒԹԻՒՆ

	Էջ
Յառաջաբան	9
Նազար Յ. Գորոյեանց (կենսագրական)	11
Երկու խօսք սոյն գրքի հրատարկք. մասին	15
Ցուցակ հեղինակաց	21
Ներածութիւն	25
Ա. — ԱՏՐՊԱՏԱԿԱՆ	31
Ատրպատականի արդի սահմաններն և հայաբնակ գաւառները	44
Թաւրիզ	48
Արդի Թաւրիզը	102
Թաւրիզի Ներքին Թաղի հայոց դպրոցը	108
Թաւրիզի Ներքին Թաղի աղջկանց դպրոցը	117
Թաւրիզի Ներքին Թաղի ընթերցարան	118
Մանկական պարտէզ	119
Ս. Աստուածամայր եկեղեցի	119
Լիլաւա կամ Լէյլաբաղ Թաղ	122
Լիլաւայի դպրոցները	123
Թաւրիզի Հայուհեաց Բարեգործ. Ընկ.	125
Հայոց եկեղեցիներ և ուրիշ հաստատութիւններ քաղաքի այլ և այլ Թաղերի մէջ	126
Թաւրիզի Ամերիկեան Բողոքական Միսիոներաց հաստատութիւնք	128
Վաճառականութիւն և ձեռագործութիւն	129
Արւեստք	134
Թաւրիզի հնութիւնները	136
Ղալէյը Ռոշտիէ	137

Վիճակագրական տեղեկութիւններ	138
Կենսամթերքի արժէքները	143

ԱՏՐԱՍՏԱԿԱՆԻ զԱՆՈՆՆԵՐ

1 — Թաւրիզին մերձակայ քաղաքներ և գիւղեր (Գեհխարդան, Սոհրուլ, Մինավար, Մուժամբար, Ալչամուլք, Մարանդ, Օջուաշ)	146
Ս. Ստեփաննոս Նախավկայ վանքը	154
Ստորին Գարաշամբ և Վերին Գարաշամբ	162
2 — Խոյ	163
3 — Մակու	169
4 — Սալմաստ	172
5 — Ուրմիա	185
6 — Բարանդուզ	194
7 — Սուլդուզ	197
8 — Սովուջբուլաղ	199
9 — Միանդաբ	201
10 — Մարաղա	203
11 — Արգաբիլ	206
12 — Ղարաղաղ	208

Բ. — ՍՊԱՀԱՆԻ (ՊԱՐՍԿԱ-ՀՆԴԿԱՍՏԱՆԻ) ԹԵՄ

Սպահան	219
Սպահանի թեմը	222
Հայոց առաջին գաղթն Սպահան	223
Հին Ջուղա	225
Հայոց երկրորդ մեծ գաղթը և այլ գաղթերը	227
Շահ Աբբասի յաջորդները	235
Սաֆաւեան հարստութեան անկումն և Պարսկաստանի խռովութիւնները	247

Համառօտ ակնարկ Ջուղայի անցեալի վերայ	264
Ջուղայեցոց վաճառականութիւնը	268
Նոր Ջուղայի վարժարանները	283
Արհեստներ	285
Հայ զինուորութիւնը	286
Ազգային և կրօնական շէնքեր	287

ԹԵՆԻՐԱՆ

Նասրեդդին շահի մահը	299
Թենրանին մերձակայ շրջաններ (Վանազ, Խորդուէն, Գարուս, Բուժէյին, Ղազւին)	304

ՄԱՂԱՆՊԱՐԱՆ ԵՒ ԳԻԼԱՆ ԱՆԿԱՆՔՆԵՐ

(Փարահաբազ, Ռեշտ, Էնգելի, Բարֆրուշ, Աստարաբազ, Շահրուզ)	306
---	-----

ՍՊԱՀԱՆԻ ԹԵՄԻՆ ԵՆՐԱԿԱ ԱՅԼ ԵՐՉԱՆՆԵՐ

(Զանջան, Սուլթանիէ, Համաղան)	313
------------------------------	-----

ԱՆՉԱՏ զԱՆՈՆՆԵՐ

1 — Ղարաղան	325
2 — Մալայեր	326
3 — Քեազազ	326
4 — Գեափլա	326
5 — Քեամարա	328
6 — Բուրվարի	329

ՇԻՐԱՂ

ԽՈՐԱՍԱՆ

Սպահանի բեմին պատկանող Պարսկաստանի  
դուրս հայերը 341

### ՅԱԻՆԼԻԱԾ

Յանկ Պարսկաստանի բեմակալ առաջնորդաց

Ա. — Յանկ Թաւրիզի թեմակալ առաջնորդաց 353

Բ. — Յանկ թեմակալ առաջնորդաց Սպահանի և Հնդկաստանի 361

### ՅԱՌԱՋԱԲԱՆ

Երկրի մը, ժողովրդի մը բարայարեալ ու մանրամասն պատմութիւնը գրելու համար անհրաժեշտ է, որ մէկը ձեռքի տակ ունենայ ամէն դէպքերի, եղելութիւնների յիշատակութիւնները ժամանակակից ու զանազան անձերէ յաջորդաբար գրի առնուած:

Հայ գրիչները ընդհանրապէս Պարսկաստանի եւ մասնաւորապէս Ասրպատկանի հայոց նկատմամբ շատ տեղեկութիւններ չեն բողած. եղածները հաս-կտ, անորոշ ու վեր ի վերայ կերպով են:

Ինձ հնարաւոր չէր ունենալ պարսկական ու եւրոպական այն ամէն հեղինակութիւնները, որք Պարսկաստանի պատմութիւնը կը պարունակեն եւ կամ այս երկրի վերայ կը խօսին: Զեռք բերածներէս մեջ եւս չէին կրնար գտնուիլ հայոց նկատմամբ եթէ ոչ հարեւանցի յիշատակութիւններ, քանզի այսպիսի հեղինակութիւններ ընդհանրապէս պարապելով անելի երկրի իշխանների եւ իշխանութեան վերաբերեալ պատմութեամբ, անեսն կառնեն մասնաւոր ժողովուրդներին, նամանաւանդ հայոց պէս փոքրաքիւ ազգին պատկանեալ խնդիրները:

Տեղական հայ գրածներ ամենեւին չեմ կրցեր գտնել. աւանդութիւններն եւս ներկայ դարին սկիզբէն անդին չեն անցներ:

Պէտք է անելցնել նաեւ, որ գտնուած ամէն զլխաւոր յիշատակութիւններէն եւ ստացուած բերանացի պատմութիւններէն միայն ամէնէն հաւանականները գրի կառնուին:

Այս ամէն պատճառների համար, հակառակ բազմամեայ սպասմանս ու աշխատութեանցս, ինձ չէ յաջողուիլ շալ այս գրքին այն լրութիւնը, որ կը ցանկայի:

Այսու հանդերձ, սոյն նրկասիրութիւնս, իբր նախաւաւիդ, անվարան կը նւիրեմ ազգայնոցս, յուսալով որ կրնայ օգտակար լինել այն ամէնին, որք կը ցանկան Պարսկաստանի հայերի անցնալին ու ներկային վերայ համառօտ տնկելութիւն ունենալ:

ՆԱԶԱՐ Յ. ԳՈՐՈՅԵԱՆՑ

Յունիս, 1898 թ.

Դարվէմ

ՆԱԶԱՐ Յ. ԳՈՐՈՅԵԱՆՑ

(1843—1901)

Սոյն աշխատութեան հեղինակը՝ իրանահայ հանրային գործիչ եւ բանասէր Նազար Յ. Գորոյեանց, ծնել է 1843 թ. Սեպտեմբեր 7-ին, Թաւրիզում:

Բանասէրի հայրը՝ Յարութիւն Գորոյեանց, 1828 թ. ռուս-սանկական պատերազմից յետոյ Կարինից Անդրկովկաս փոխադրուած գաղթականութեան հետ անցել էր Շիրակի շրջանը եւ հաստատուել Գիւմրի (Ալեքսանդրապոլ) քաղաքում:

Կարն ժամանակ յետոյ, 1830-ական քաղաքներին, ինչ-ինչ պարագաներում, Յարութիւնը եւ իր նրկու եղբորդիները (Մարտեոս եւ Սիրական), թողնում են Գիւմրին, անցնում Թաւրիզ, եւ հաստատուելով այնտեղ, ամուսնանում են եւ ընտանիք կազմում:

Յարութիւնն ամուսնանում է պարսից փոխարքայի հիւսնապետ Նազար Շահբազեանի դստեր՝ Մարթայի հետ եւ այդ ամուսնութիւնից ունենում է հինգ զաւակներ՝ Մարիամ, Նազար, Ալեքսան, Տիգրան եւ Արշակ:

Նազարը գրանանաչ է դառնում Դանիէլ Շահբազեանի մօտ, իսկ նրք Թաւրիզի Ղալա քաղաքում հիմնում է «Ներսիսեան» (հետագային «Արամեան») դպրոցը, ուսանում է այդ դպրոցում եւ աւարտում է իբրեւ առաջնակարգ աշակերտ, Այդ դպրոցում նա աշակերտում է վասակաւոր



ուսուցիչներ Գրիգոր Աեքաղեանին, Տէր Յովսէփ աւագ Բահանայ Տէր Յովսէփեանին եւ Սահակ Աբրահամեանին:

Վերջինս յորդորում է պատանի Նազարին, որ զնայ Մալքա եւ ուսումը շարունակի բողոքական միսիոնարների հիմնած նեմարանում: Ծնողներն ընդդիմանում են, սակայն, ի վերջոյ, ուսումնասենչ պատանին կարողանում է նրանց համաձայնութիւնն ստանալ: Պոլսի վրայով մեկնում է Մալքա եւ 1862-ին մտնում է նեմարան, ուր ուսանում է չորս տարի եւ վերադառնում Թաւրիզ:

Մի կարն ժամանակ Թաւրիզ մնալուց յետոյ մեկնում է Պոլիս եւ մտնում պետական ծառայութեան մէջ: Ապա գործուղում է Հալէպ եւ Բաղդադ:

Նազար Գորոյեանցը մի քանի տարի Բաղդադում պատշտակավարելուց յետոյ վերադառնում է Թաւրիզ եւ պատշտակավարում է նոյն Բաղդադի հեռագրասանը, սակայն մի առ ժամանակ յետոյ հրաժարում է այդ պատշտակից, կրկին մեկնում է Պոլիս եւ ապա Բաղդադ, ուր մի քանի տարի մնալուց յետոյ վերադառնում է Թաւրիզ: Այդտեղ պատշտակավարում է հեռագրասանը, եւ միաժամանակ, զբաղւում առեսքրով, Հեսագային, երբ իր մասնաւոր ձեռնարկների մէջ յաջողութիւն է զտնում, պարապում է միայն առեսքրով:

Նազար Գորոյեանցը, իր երիտասարդ տարիքից իսկ, բուն հետաքրքրութեամբ հետեւում է Թաւրիզի ազգային կեանքին եւ նւիրում հանրային գործունեութեան:

Տարբեր տարիների ընթացքին եղել է Թաւրիզի «Ս. Աննայեան» եւ «Արամեան» դպրոցների վերաստույչ, հոգաբարձու եւ Թեմական Խորհրդի անդամ: Իր մասնակցութիւնն է բերել նաեւ «Ս. Աննայեան» դպրոցի հիմնադրութեան գործին եւ կազմել է նոյն դպրոցի կանոնագիրը:

Սիմոն Թումանեանի, Ասի Միքայէլեանի, Խաչատուր Տէր Զաւարեանի, Յ. Նազարեանի եւ Աւագ խան Ա. Յրանդիլեանի հետ Թաւրիզում հիմնել է «Աւարայրեան», «Ուսում-

նասիրաց» եւ «Խնայողական» ընկերութիւնները:

Նազար Գորոյեանը, 1879-ին, Մարտիրոս Նազարեանցի, Յովհաննէս Նազարեանի, Մարգար Հ. Նազարեանցի, Ալ. Տ. Օհանեանի, Յովհ. Տ. Յովսէփեանի եւ Եր. Մեդեմեանի հետ միասին, հիմնել են «Աւարայրեան» դպրոցը, որը 2 տարի յետոյ միացում է «Արամեան» դպրոցին:

Իբրեւ պատշտակավար Ասրպատականի Թեմի, մասնակցել է Խրիմեան Հայրիկի կաթողիկոսական օմման:

Մայրենի լեզուից բացի գիտէր պարսկերէն, արաբերէն, Յրանսերէն, անգլերէն եւ մասամբ գերմաներէն:

Նազար Գորոյեանցն ունեցել է պրպտող միտք, լայն ինքնազարգացում եւ գրական աշխատանքի հանդէպ մասնաւոր հակում:

Միաժամանակ եղել է ջերմ քասերատէր, եւ դեռեւս 1880-ական քաղաքներին, բերել է իր գործօն մասնակցութիւնը քաւրիզահայ բեմին, որով իրանահայ քասերական կեանքի պատմութեան մէջ իր արժանի տեղն ունի՝ իբրեւ նախաձեռնող եւ կազմակերպող ոյժ:

Թաւրիզում նրա կազմակերպած ներկայացումներից յատկապէս յիշատակութեան են արժանի «Ներսէս Մեծ» ողբերգութիւնը (բեմադրութեամբ քասերական սիրող Աբրահամ Փանէլեանի), «Շուշանիկ» ողբերգութիւնը (բեմադրւած 1880 թ. Դեկտ. 22-ին), «Բարեկենդանի կասակներ», «Վարդանանք», եւ այլն: Այս ներկայացումներին իրենց մասնակցութիւնն են բերել նաեւ Նազար Գորոյեանցի եղբայրները՝ Տիգրան եւ Արեակ Գորոյեանցները:

Նազար Գորոյեանցը իր մահկանացուն կնքել է 1901 թ. Դեկտեմբեր 5-ին, Թաւրիզում, եւ հողին յանձնել Ղալա քաղամասի Ս. Ասուածածին եկեղեցու տըշափակում, արժանանալով փառաւոր յուղարկաւորութեան:

Մի քանի խօսք նաեւ Նազար Գորոյեանցի քրոջ եւ երեք եղբայրների մասին, իբրեւ յիշատակութեան արժանի անձանց:

1. — Մարիամ Գորոյեանց (հետագային՝ տիկին Մասու-  
ժեան). — Անդամակցել է Թաւրիզի Հայուհեաց Բարեգործական  
Ընկերութեան, եւ իբրեւ նոյն Ընկերութեան ներկայացուցիչ,  
1896-ին գործուղել է Սալմաս, 1895—96 թ. թ. Տանկա-  
հայաստանում տեղի ունեցած կոտորածների հետեւանալով այն-  
տեղ ապաստանած գաղթականների խնամասարութեան աշ-  
խատանքներին աջակցելու համար:

2. — Ալէքսան խան Գորոյեանց (1848—1914). — Ա-  
ռնեսրական ծանօթ դեմք. եղազայել է Եւրոպա ու Ամերիկա  
եւ կազմակերպել արեւելեան հին ձեռարեստի ցուցահան-  
դէսներ: Առնեսրական ասպարէզ մտնելուց առաջ, երիտասարդ  
սարիֆում, պատշտովարել է Թեհրանի «Հայկազեան» դըպ-  
րոցում, իբրեւ Ֆրանսերէնի եւ քաղաքացիական դասասու:  
Պատշտովարել է նաեւ Բերլինի իրանեան դեսպանատանը,  
իբրեւ քարգման: Պարսկական եղանակներում ծանօթ էր  
Միրզա Էսֆանդար խան անունով:

3. — Տիգրան խան Գորոյեանց (1852—1922). — Նշանա-  
ւոր հնագէտ էր: Կազմակերպել է արեւելեան հին ձեռարեստ-  
ի ցուցահանդէսներ Ֆրանսիայում եւ Իտալիայում: Մաս-  
նակցել է նաեւ Միլանի միջազգային ցուցահանդէսին, որպէս  
իրանեան ներկայացուցիչ եւ իրանեան տաղաւարի պատաս-  
խանատու կազմակերպիչ: Անդամակցել է Ազատ Ռումնադիր-  
ների կազմակերպութեան, հանդիսանալով նոյն կազմակեր-  
պութեան ակնաւոր դեմքերից մէկը: Իր մահկանացուն  
կնկել է Թաւրիզում, 1922-ին:

4. — Աբշահ խան Գորոյեանց (1863—1948). — Ուսա-  
նել է Թաւրիզի «Արամեան» դըպրոցում, աշակերտելով մե-  
ծանուն վիպասան Բաժժուն: Եղել է իրանեան պետական  
բարձրաստիճան պատշտենայ: Մուգաձերեղդին Շահի՝ Եւրոպա  
կատարած նամբորդութեան ժամանակ եղել է նրա համ-  
հարգներից մէկը: Իր մահկանացուն կնկել է Փարիզում,  
1948-ին:

## ԵՐԿՈՒ ԽՕՍՔ

### ՍՈՅՆ ԳՐՔԻ ՀՐԱՏԱՐԱԿՈՒԹԵԱՆ ՄԱՍԻՆ

«Պարոկաստանի Հայերը» աշխատութեան մասին տեղեկ էին  
տուրջ տասն տարի առաջ, սակայն, առիթ չէին ունեցել ձեռագիրը  
տեսնելու:

Հեղինակի դուստր՝ տիկին Փառանձեմ Բեքրեան, տուրջ մէկ  
տարի առաջ, այդ աշխատութիւնը տրամադրեց մեզ՝ հրատարակելու  
առաջարկութեամբ:

Տպագրելիք աշխատութիւնը գրած էր միջակ ծաւալով նուրբ  
թղթի վրայ, խիստ անընթեռնելի ձեռագրով: Գրին կցւած էր մի  
ծանօթագրութիւն, հեղինակի ձեռագրով, որից պարզեց, թէ մեզ  
տրամադրւած օրինակը բնագրի պատճենն է, արտագրւած ուրիշ ձե-  
ռագրով, հեղինակի յանձնարարութեամբ:

Բնագիրն ուղարկւած է եղել Պոլիս, «Յովսէփ Իզմիրեանց»  
Գրական Յանձնաժողովին, եւ 1901-ին, նոյն Յանձնաժողովի որոշու-  
մով, արժանացել է մրցանակի, 30 տանկական ոսկի յատկացումով:

Ստորեւ մի ամփոփ ծանօթութիւն՝ «Յ. Իզմիրեանց» Գրական  
Մրցանակի մասին, որ տալու է նեմ Գր. Պատմանեանի մի յօդուածից  
(տպագրւած «Յուսաբեր» օրաթերթի 1957 թ. Մարտ 13-ի քի մէջ):

Ազգային բարերար Յովսէփ Իզմիրեանցը ծնւել է Ղզլա-  
րում (Հիւս. Կովկաս), 1800-ական քաղաքներին: Մահացել է 1883  
թ. Նոյեմբեր 18-ին: Յ. Իզմիրեանցը, 1874-ին, ազգին կտակած  
է եղել 25,000 ուրբլի, որից 10,000 ուրբլի, — իբրեւ հիմնադրամ, —  
յատկացրել է մրցանակներով վարձատրելու բանասիրական եւ ազ-  
գագրական բովանդակութիւն ունեցող յաջողագոյն աշխատութիւն-  
ների հեղինակներին: Մրցանակաբաշխութեան գործը յանձնւած է ն-

դել Պոլսոյ Պատրիարքարանին, որը կազմել է առանձին յանձնաժողով՝ այդ աշխատանքը վարելու համար: Մրցանակի արժանացած մի քանի աշխատանքներ հետագային հրատարակել են, իսկ շուրջ 15 անհայ աշխատանքներ, — ըստ Գր. Պատմանեանի ենթադրութեան, — Ա. համալսարհ. պատերազմից յետոյ փոխադրել են Երուսաղէմի Ս. Յակոբեանց վանքը:

Յ. Իզմիրեանց Յանձնաժողովի 1901 թ. մրցանակաբաշխութեան մասին Պոլսոյ «Սուրհանդակ» թերթի 1901 թ. Յունիս 21-ի (Յուլիս 5), ն. ս., Գ. տարի, № 714) թի մէջ տպագրուած է նոյն Յանձնաժողովի ընդարձակ տեղեկագիրը, ուր Ե. կէտով յիշատակուած է Նազար Յ. Գորոյեանցի «Պարսկաստանի հայերը» աշխատանքը:

Աշխատութեան այն օրինակը, որ յանձնուած էր մեզ՝ հրատարակելու համար, ունէր յաւելուածական երկու հատւածներ՝ «Թարգմանի ըրբը» եւ «Յանկ Պարսկաստանի թեմակալ առաջնորդաց» խորագրերով: Վերջինս կազմուած է աշխատանքներ մրցանակի արժանանալուց յետոյ, «Յ. Իզմիրեանց» Յանձնաժողովի առաջարկով, 1901-ին, մինչդեռ աշխատանքներ գրուած է նոյն 1898-ին:

Մեր տրամադրութեան տակ եղած ընդօրինակութեան մէջ հետզհետեւ կատարել է թերթի, բառերի, անունների եւ նախադասութիւնների փոփոխութիւններ, ինչպէս եւ կրճատումներ ու յաւելումներ: Պիտի ենթադրել, որ աշխատանքներ մրցանակի արժանանալուց յետոյ հետզհետեւ վերանայել է իր մօտ եղած այդ օրինակը, տպագրելու նպատակով, սակայն, իր վերահաս մահուան պատճառով, — որ տեղի է ունեցել մրցանակաբաշխութեան պատճառով յայտարարութիւնից վեց ամիս յետոյ, — աշխատանքներ մնացել է անհայ վիճակում՝ ամբողջ 67 տարի, իսկ գրուած քաղաքից (1898) նիւս 70 տարի:

Մեզ յանձնուած օրինակը, — ինչպէս նկատուցինք ինչ վերը, — գրուած էր խիստ անընթեռնելի ձեւագրով: Բազմաթիւ բառեր, մանաւանդ յատուկ անունները, պահանջում էին մեծ նիւթ վերձանելու համար: Այլ աղբիւրներից առնուած մեջբերումները դրուած չէին չափերների մէջ եւ միահիւսուած էին հետզհետեւ գրուածին: Բազմաթիւ յատուկ անուններ գրուած էին տարբեր տառադարձութեամբ եւ յանախ աղաւաղուած էին:

Ճիշդ բաժնեցինք այս թերթիները վերացնելու համար, բայց տարակուսում ենք, թէ մեր կատարած աշխատանքն անբերի

լինի:

Գաւառների, քաղաքների, գիւղերի եւ մեկուսի վայրերի ստորագրուածներն ու քաղաքները, որոնք կատարուած են ըստ երկու թերթի եւ տեղ-տեղ անհետուած են պետական-վարչական քրեջանների բաժանումները, թողեցինք նոյնութեամբ, զրէի կառոյցը փոփոխութեան չենք արկելու նկատմամբ:

Հեղինակի շարահիւսութիւնը, — արեւմտահայերէնին խառն արեւելահայերէն, ինչպէս եւ հոլովումներն ու խոնարհումները, — դարձնալ թողեցինք նոյնութեամբ:

Անհրաժեշտ նկատուցինք յայտելու հայ պատմագիրներից եւ այլ աղբիւրներից քաղուած մեջբերումների մէկ մասը, յատկապէս նիւթին անմիջականօրէն շտապող հատուածները, ինչպէս եւ նկատուած կրկնութիւնները եւ որոշ պարբերութիւններ, որոնք գործին որեւէ նպատակ չպիտի բերէին: Չտպագրեցինք նաեւ յատուկ անունների ցանկը եւ Թարգմանի բարբառին վերաբերող հատուածը, նկատուած ունենալով որ այն ամբողջացուած չէր:


Էջերի ներկում եղած այն ծանօթութիւնները, որոնք գրուած են արեւմտահայերէն, պատկանում են հեղինակին: Արեւելահայերէնով տրուած ծանօթութիւնները, մեծ մասամբ նուազ Մ. Խ. տառերով (ծանօթագրութիւն խմբագրողի), գրուած են մեր կողմից:

684

Ն. Գորոյեանցի այս աշխատանքներ մի կարեւոր նպատակ է մեր ժողովրդի պատմութեան համար, անկախ այն հանգամանքից, որ հնագոյն քաղաքի վերաբերող հատուածները գրուած են աւանդական պատմութեան աղբիւրների հիմամբ եւ չեն համապատասխանում բնական պատմութեան նորագոյն տեղեկութիւններին, որոնք ձեռք են բերուած խնդրոյ առարկայ աշխատանքներ գրի առնելուց յետոյ, վերջին 70 տարիների ընթացքին:

Աշխատանքներ մէջ կան ազգագրական, վիճակագրական եւ այլ տեղեկութիւններ, որոնք կարելի է իբրեւ աստղծ օգտագործել իրանահայութեան ամբողջական պատմութիւնը գրելու համար:

Այդ նկատմամբ նրախազէտ պիտի լինել յարգելի անհիշուած Փառանձեմ Բեւրեանին, որ երկար տարիներ անկորուստ պահել է այս աշխատանքները:



Նազար Գորոյնանցը գրել է նաև հետևելի աշխատությունները:

1. — «Պատմաբանական շարք», որ սպազրամ է Պոլսում, 1880 թին: Այս գրքի մեկ օրինակը գտնում է սիկին Փառանձեմ Բեհրեանի մոտ:

2. — «Բառարկար արաբերէնէ — պարսկերէնէ ի հայերէն»: Անսիպ է նաև մտնում է սիկին Փ. Բեհրեանի մոտ:

3. — «Տեղեկութիւններ 1828 թ. Ռուս-Պարսկական պատերազմի մասին» (անսիպ), գրամ Թաւրիզում, 1898 թ. Այս աշխատությունը կորուսած է մեզ անյայտ պատճառներով: «Պարսկաստանի հայերը» աշխատությունը սպազրելու ընթացքին, միանգամայն պատահականօրէն, մենք տեսանք մի յիշատակութիւն վերոյիշելի ձեռագրի մասին վասակաւոր բանասէր հանգուցեալ Յ. Իրազնկի (Յակովբ Տեր Յակովբեան) «Հայ ազատագրական շարժումը» (1548 — 1828 թ.) ընդարձակածաւալ նաև շատ արժեքաւոր անսիպ աշխատութեան աղբիւրների ցանկում, որ յիշատակում է նաև Ն. Գորոյնանցի այդ ձեռագրի քաղկանը (1898): Քանի որ Ն. Գորոյնանցի այս աշխատությունը գոյութիւն չունի Յ. Իրազնկի թողած գրքերի ու անսիպ գործերի մէջ, նաև քանի որ այդ ձեռագրի գոյութեան մասին անսնդեակ է սիկին Փ. Բեհրեանը, ուստի պիտի ենթադրել, որ ձեռագիրը գտնուելիս է եղել մի այլ անձնաւորութեան մոտ, որին նա վերագրածն է Յ. Իրազնկի:

Կարծում ենք, որ այդ աշխատությունը արժեքաւոր գործ պիտի լինի, նկատի ունենալով այն հանգամանքը, որ Ն. Գորոյնանցը հնարաւորութիւն ունէր բազմաթիւ վկայութիւններ հաւաքելու 1827 — 28 թ. թ. իրադարձութիւններին ահանասնս քաւրիզնցիներից:

Ն. Գորոյնանցն ունեցել է նաև այլ գրութիւններ նաև պատմաւորական փաստաթղթեր, — ըստ իր հարազատների վկայութեան, նրա գրքերի նաև թղթերի հաւաքածոն մինչև Ա. համաշխարհ. պատերազմը, պահում էին հնդկական երկու դուստրերի՝ սիկին Փ. Բեհրեանի նաև օր. Աննիկ Գորոյնանցի մոտ: Պատերազմի տարիներին, նրա վերջիններս անցնում են Կովկաս, այդ հաւաքածոն թողնում են Թաւրիզ, նաև ինչ-ինչ պարագաներում կորստեան է մասնւում դրա մեծագոյն մասը:

Յիշատակենք նաև, որ Ն. Գորոյնանցը միաժամանակ եղել է թղթակից «Դէյլի Նիւզ» նաև «Յիզարո» թերթերի, ինչպէս նաև աշ-

խատակցել է հայ մամուլին, մասնաւորապէս էջմիածնի պատճառները «Արարատ» ամսագրին նաև պոլսահայ «Մասիս», «Սուրհանդակ» ու «Բիզանդիոն» թերթերին: Ուշագրաւ յօդածներ ունի Բիսութունի բննագիր արձանագրութեանց նաև Մեծն Տիգրանի մասին, առաջինը սպազրամ «Արարատ» ամսագրում, երկրորդը՝ «Բիզանդիոն» թերթում:

ՏԱՃԱՏ ՊՕՂՈՍԵԱՆ

28 Յուլիսի, 1968 թ.

Քեհրան

## ՅՈՒՑԱԿ ՇԵՂԻՆԱԿԱՑ

ՈՐՈՆՑԱԷ ՏԵՂԵԿՈՒԹԻՒՆՆԵՐ ԱՌՆԻՆԵՐ ԵՒ  
ՎԿԱՅՈՒԹԻՒՆՆԵՐ ԲԵՐԻՆԵՐ ԵՆ ՍՈՅՆ ԱՇԽԱՏՈՒԹԵԱՆ ՄԷՋ

1. Աբրահամ կաթողիկոս. Պատմություն անցից Տն. Աբրահամու Մբ. Կաթողիկոսի հայոց թե փրսաղցույ առ Նասրեան Արքային Պարսից: Տպ. ի Կալկարա, 1796 թ.
2. Աղաթանգեղոս. սպագրություն Յովհ. Մարտիրոսանցի, Թիֆլիզ.
3. Ալիշան. «Այրարատ Բնաշխարհ Հայաստանայց Տնդագրեաց. Հ. Ղևոնդ Վ. Մ. Ալիշան Մխիթարեան. Վենեսիկ Ս. Ղազար, 1890 թ.
4. Աղեքսանդր. (James Ed. Alexsander) ճանապարհորդություն ի Պարսկաստան 1825—26 թ. անգլերեն. տպ. 1827 թ.
5. Ջինէթ Իււ Մեջալիս. Պարսկերեն պատմություն.
6. Էլիզէ Ռէկլիւ. Լազուսան, Հայաստան եւ Քիրքսասան. տպ. Վաղարշապատ.
7. Թաղիաղեանց Մեսրոպ Դաւթեան. Պատմություն հին Հնդկաստանի. Կալկարա, 1841 թ.
8. Թաղիաղեանց Մեսրոպ Դաւթեան. Պատմություն Պարսից. Կալկարա, 1846 թ.
9. Թալեոնիէ. Հաւաքածոյ պատմութեանց. Ծրաներէն.
10. Թարիխ մէօջէմ. Պատմություն Պարսից քաղաւ-

րութեան սկզբէն մինչ Մեծն Աղեքսանդրի տիրապետութիւնը.

11. *Թաքարի*. Թարիխ. Պատմագրութիւն Աբուջամարէ. գրւած արաբերէն, Հիշեթի 224-ին. բարգմանւած պարսկերէնի Աբու Ալի Մոհամմադ Ալիաղամիէն, Հիշեթի 310 ք. (միայն քանի մը կտրուներն տեսնուեմ. հակառակ ջանիցս, չեմ կրցնր ամբողջ գիրքը ձեռք բերել).

12. *Ժօբէն*. Ճամբորդութիւն ի Հայաստան եւ ի Պարսկաստան: (Ֆրանսերէն, քա. Փարիզ).

13. *Հազարովիչ*. Ստորագրութիւն Կալկաթա քաղաքի, զոր արար Պօղոս Պնսրոս Հազարովիչ ի նանապարհորդել իւրում Արեւելեան Հնդկիս: Տպ. ի Վենետիկ, 1832 ք.

14. *Հայարդ Օսթին Հենրի*. Արկածք ի Պարսկաստան եւ այլն. Տպ. Լոնդոն, անգլերէն, 1887 ք.

15. *Խորեն*. Պատճօնատար ոռուաց. տեղեկագրութիւն. Տպ. 1828 ք.

16. *Խորենացի Մովսէս*. Պատմութիւն Հայոց.

17. *Մոհամմէզ Թաղի խան*. Գեանց Դանտ. (պատմական աշխարհագրութիւն Պարսկաստանի). վիմասիպ, Թեհրան, Հիշեթի 1305 ք.

18. *Գիբըն*. Խոնարհումն եւ անկումն Հոռովեական կայսրութեան: Անգլերէն, քա. Լոնդոն.

19. *Հայր Յակովբոս*. «Ճամբորդութիւն միսիոնարի մը»: Ֆրանսերէն, քա. Փարիզ, 1730 ք.

20. *Հանվէյ*. Ճամբորդութիւն (անգլերէն), քա. Լոնդոն, 1786 ք.

21. *Հանքարվիլ*. Խուզարկութիւնք ի Պարսկաստան. քա. 1785 ք.

22. *Հերբերթ*. Նկարագրութիւնք. քա. 1839 ք.

23. *Համդուլլահ*. Աշխարհագրութիւն.

24. *Հերին*. Արեւաց աշխարհակալութիւն. անգլերէն. քա. 1826 ք.

25. *Հադի Ռոքնէզդին Ջիւլիի*. Մաշնէի Արքաք Մա-

մալէք, պարսկերէն.

26. *Մալքոմ*. Պատմութիւն Պարսկաստանի, անգլերէն, քա. 1817 ք.

27. *Մէյնարդ*. *Օրագիր Ասիական*. «Journal Asiatique» 1865 ք.

28. *Նայման* (գրագէտ). Հայազգի Հազարիւն գորավարին առաջնորդութեամբ Պարսկաստանէ Ռուսիա գաղթող հայոց պատմութիւն.

29. *Շարդէն*. Ճամբորդութիւնք. Ֆրանսերէն, քա. Ամստերդամ, 1735 ք.

30. *Ուզլի*. Ճամբորդութիւնք (անգլերէն) 1819—21, քա. Լոնդոն.

31. *Չամչեանց Հայր Մ. Վարդապետ*. Պատմութիւն Հայոց. Վենետիկ, 1784 ք.

32. *Բոյլէ*. Աշխարհագրական բառարան (Ֆրանսերէն).

33. *Ռօլէն*. Պատմութիւն հին ազգաց (անգլերէն).

34. *Ռոլինսըն Հենրի*. Անգլիա եւ Ռուսիա յԱրեւելս. անգլերէն. քա. 1885 ք.

35. *Ռոլինսըն Ջօրջ*. Հինգ մեծ միապետութիւններն Հին Արեւելեան Աշխարհին. անգլերէն, քա. Լոնդոն, 1862—7.

36. *Սերէոս*. Պատմութիւն Հերակլի. քա. Կ. Պոլիս, 1851 ք.

37. *Սթիւարթ*. Թեքե Թուրքմանների երկիրն. անգլերէն, 1881 ք.

38. *Սմիթ*. Խուզարկութիւնք ի Հայաստան. անգլերէն, քա. Լոնդոն, 1834 ք.

39. *Սփէր Միրզա Թաղի*. Նասիս էլ Թավարիս. պարսկերէն.

40. *Վիկտոր Լանդուս*. Ընդհանուր դրամագիտութիւն, Արմենիայի. Ֆրանսերէն, քա. Փարիզ, 1859 ք.

41. *Տիւրքէ*. Տիւրքերէ պատկերագրող. պատմութիւն Պարսկաստանի. Ֆրանսերէն, քա. Փարիզ, 1841 ք.

րութեան սկզբէն մինչ Մեծն Աղեքսանդրի տիրապետութիւնը.

11. *Թաքարի*. Թարիխ. Պատմագրութիւն Աբուլաֆարէ. գրւած արաբերէն, Հիշեթի 224-ին. քարգմանւած պարսկերէնի Աբու Ալի Մոհամմադ Ալիաղամիէն, Հիշեթի 310 թ. (միայն քանի մը կտորներն ենուր նմ. հակառակ ջանիցս, չեմ կրցնր ամբողջ գիրքը ձեռք բերել).

12. *Ժօբէն*. Ճամբորդութիւն ի Հայաստան եւ ի Պարսկաստան: (Ֆրանսերէն, սպ. Փարիզ).

13. *Հազարովիչ*. Ստորագրութիւն Կալկաթա քաղաքի, զոր արար Պօղոս Պետրոս Հազարովիչ ի նանապարհորդել իւրում Արեւելեան Հնդկիս: Տպ. ի Վենետիկ, 1832 թ.

14. *Հայարդ Օսթին Հենրի*. Արկածք ի Պարսկաստան եւ այլն. Տպ. Լոնդոն, անգլերէն, 1887 թ.

15. *Խորեն*. Պատճանասար ոռուսաց. տեղեկագրութիւն. Տպ. 1828 թ.

16. *Խորենացի Մովսէս*. Պատմութիւն Հայոց.

17. *Մոհամմէզ Թաղի խան*. Գեանջ Դանե. (պատմական աշխարհագրութիւն Պարսկաստանի). վիմասիպ, Թեհրան, Հիշեթի 1305 թ.

18. *Գիրքն*. Խոնարհումն եւ անկումն Հոռովեական կայսրութեան: Անգլերէն, սպ. Լոնդոն.

19. *Հայր Յակովբոս*. «Ճամբորդութիւն միսիոնարի մը»: Ֆրանսերէն, սպ. Փարիզ, 1730 թ.

20. *Հանվէյ*. Ճամբորդութիւն (անգլերէն), սպ. Լոնդոն, 1786 թ.

21. *Հանքարվիլ*. Խուզարկութիւնք ի Պարսկաստան. սպ. 1785 թ.

22. *Հերբերթ*. Նկարագրութիւնք. սպ. 1839 թ.

23. *Համդուլլահ*. Աշխարհագրութիւն.

24. *Հերին*. Արեւաց աշխարհակալութիւն. անգլերէն. սպ. 1826 թ.

25. *Հաղի Ռոքն Էդդին Ջիւլի*. Մաշմէի Արբաբ Մա-

մալէք, պարսկերէն.

26. *Մալքուլ*. Պատմութիւն Պարսկաստանի, անգլերէն, սպ. 1817 թ.

27. *Մէյնարդ*. *Օրագիր Ասիական*. «Journal Asiatique» 1865 թ.

28. *Նայման* (գրագէտ). Հայազգի Լազարիւս զօրավարին առաջնորդութեամբ Պարսկաստանէ Ռուսիա գաղթող հայոց պատմութիւն.

29. *Շարդէն*. Ճամբորդութիւնք. Ֆրանսերէն, սպ. Ամստերդամ, 1735 թ.

30. *Ուզլի*. Ճամբորդութիւնք (անգլերէն) 1819—21, սպ. Լոնդոն.

31. *Չամչեանց Հայր Մ*. *Վարդապետ*. Պատմութիւն Հայոց. Վենետիկ, 1784 թ.

32. *Բոյլէ*. Աշխարհագրական բառարան (Ֆրանսերէն).

33. *Ռօլէն*. Պատմութիւն հին ազգաց (անգլերէն).

34. *Ռոլինսըն Հենրի*. Անգլիա եւ Ռուսիա յԱրեւելս. անգլերէն. սպ. 1885 թ.

35. *Ռոլինսըն Ջօրջ*. Հինգ մեծ միապետութիւններն Հին Արեւելեան Աշխարհին. անգլերէն, սպ. Լոնդոն, 1862—7.

36. *Սեբէոս*. Պատմութիւն Հերակլի. սպ. Կ. Պոլիս, 1851 թ.

37. *Սթիւարթ*. Թեքե Թուրքմանների երկիրն. անգլերէն, 1881 թ.

38. *Սմիթ*. Խուզարկութիւնք ի Հայաստան. անգլերէն, սպ. Լոնդոն, 1834 թ.

39. *Սփէնր Միքայ Թաղի*. Նասիս էլ Թավարիս. պարսկերէն.

40. *Վիկտոր Լանդուս*. Ընդհանուր դրամագիտութիւն, Արմենիայի. Ֆրանսերէն. սպ. Փարիզ, 1859 թ.

41. *Տիւբրէ*. Տիեզերք պատկերագարդ. պատմութիւն Պարսկաստանի: Ֆրանսերէն, սպ. Փարիզ, 1841 թ.

42. Փրայս. Տեղեկագրութիւն Բրիտանական դեսպանութեան ի Պարսկաստան. անգլերէն, սպ. 1832 թ.

43. Քեր Փորթր. Ճամբորդութիւն ի Պարսկաստան, Հայաստան, Բաբելոնիա, 1817—18 թ. եւ 1821 թ.

44. Քէմֆէր. Այցելութիւն ի Պարսկաստան 1712 թրւին (անգլերէն).

45. Քեթաբ էլ Մէրրաթ էլ Բէլէղաթ. Հիշրէթի 1294 թ. (Աւեստահագրութիւն), պարսկերէն.

46. Քրուզինսկի. Յիշատակարան. Krusinskis Memoir Persia Revolution. 1705—1725, 1733.

47. Օկիլի. Ստորագրութիւն Պարսկաստանի. անգլերէն, սպ. 1673 թ.

48. Յրայլըր. Նոր պարսութիւն Արեւելեան Հնդկաստանի եւ Պարսկաստանի. անգլերէն, 1672 թ.

49. Յրէյգր. Պարսութիւն ճամբորդութեան ի Խորասան. 1821—1822 եւ 1825—1826 թ. թ. (անգլերէն).

## Ն Ե Ր Ա Ծ Ո Ւ Թ Ի Ի Ն

Պարսկաստանի հայերի մասին խօսելէ առաջ հարկաւոր էր համարեմ համառօտ ու հարեանցի ակնարկ մը ձգել այս երկրի սահմաններին, տարածութեան ու բնակչութեան կազմի վերայ:

Պարսկաստանի սահմաններն են. — հիւսիսէն՝ Ռուսիա կամ Երասխ գետ, Կասպից ծով եւ Անդրկասպեան երկիրը:

Արեւելքէն՝ Աֆղանստան եւ Բելուջիստան:

Արեւմուտքէն՝ Թուրքիա:

Հարաւէն՝ Բելուջիստան եւ Պարսից Ծոց:

Կլոր հաշուով այս երկիրը մերձ մէկ միլիոն քառակուսի քիլոմէթր տարածութիւն ունի: Ասոր մէկ մասը աղի եւ աւազուտ անապատներ են, մէկ մասը՝ քարային ու լեռնային եւ փոքրիկ մասը՝ անջրդի վայրեր են: Այնպէս որ երկրի միայն կէսը կամ քիչ մը աւելին մշակութեան յարմար է:

Պարսկաստանի մէջ մեծ եւ դիւրանաւարկելի գետեր չը կան: Գետերը երկրի տարածութեան հետ բաղդատելով՝ քիչ են, եւ ընդհանրապէս ջրի նւազութիւն կայ: Թէև այս պակասութիւնը մասամբ իւրիք լեցնելու համար անհամար առերկրեայ ու ստորերկրեայ ջրանցքներ շինուած են, սակայն գետերի ջրերն առանց վատնելու՝ օգտակարութեան հասցնելու համար արւեստական նոր ջրանցքների ու ջրամբարների մեծ պէտք կայ:

Այս երկիրը այժմ\*) բաժանուած է 12 նահանգների, որոնց տարածութիւնն երբեմն փոփոխութեանց ենթակայ է: Նա-

\*) Սոյն աւստրալիական մէջ նկատ այժմ կամ ներկայիս բաւերով պայմանաւորուած ժամանակաշրջանը պիտի նկատի ունենալ 1890-ական քաղաքները: Ծ. Խ.



հանգնեցրել, ըստ կարևորութեան, հետևեալներն են. — Արաղ, Ատրպատական, Խորասան, Սպահան, Ֆարս, Գիլան, Մագան-գարան, Քիւրդիստան կամ Քերմանշահ, Համաղան, Եաղղ, Քեր-ման և Լոռստան\*):

Պարսկաստանի մէջ մինչև սոյն թւականը երբեք վիճակագրութիւն եղած չլինելով, անհնար է ճշտիւ իմանալ բնակչաց թիւը: Պարսիկ աղբիւրները բնակչութեան թիւը ինն միլիոն կը հաշւեն, ուստի անհնար է ճշտիւ իմանալ կիջեցնեն: Սակայն, զանազան թիւերի բաղադրութիւններէն եզրակացնելով, ութ միլիոնը ներկայիս կրնայ մերձաւորագոյն թիւը համարուել: Այս թիւի մերձ մէկ քառորդը կամ երկու միլիոնը վաչկատուն կամ վրանաբնակ են, իսկ երեք քառորդը կամ վեց միլիոնը՝ նստակեաց կամ հաստատուն բնակութիւն ունեցող: Միայն թէ առաջինների թիւը հետզհետէ նւազելու և վերջիններինը աւելնալու վրայ է:

Որչափ որ դժւար է բնկաչաց ստոյգ թիւն իմանալ, աւելի դժւար է ցեղերի կամ տարբեր ծագում ունեցող բնակչաց համեմատութիւնը ճշգրտել. բայց զազափար մը տալու համար, հետևեալը կարծեմ լինելու է մերձաւոր համեմատութիւնը.

Պարսկական ցեղեր, Ֆարսերէն խօսող (զանազան բարբառներով) և կրօնով ամենամեծ մասամբ շիէ	5,000,000
Թրքական ցեղեր (աղճատ թրքերէն խօսող), շիէ	1,500,000
Քրդական ցեղեր (քրդերէն խօսող, պարսկերէնի մօտ բարբառով մը) սիւննի	600,000
Արաբական ցեղեր, սիւննի	200,000
Թուրքմանական ցեղեր (թուրքերէն խօսող) սիւննի	100,000

\* ) Հնագային, սարբեր ժամանակներում, նահանգների բաժանումները փոփոխութիւններ են կրել: Ծ. Խ.

Ջրապաշտական փարսիներ (ֆարսերէն խօսող)	50,000
Հայ, շուրջ	80,000
Քաղղէացի-ասորիներ	46,400
Հրեայ	30,000
Չանագան բարբառներ խօսող և տարբեր աղանդ ունեցողներ, որոնց ցեղային ծագումն ու դաւանութիւնները ստուգել դժւար է.	394,600

Գումար՝ 8,000,000

Ամերիկացի միսիոնարաց ըրած վիճակագրութեան համեմատ նշանակած ենք քաղղէացի-ասորիների թիւը, որը մօտաւորապէս ստոյգ կը թւի: Ասոնց ամենամեծ մասը մօտիկ անցեալի մէջ նեստորական էր, իսկ մնացեալը կաթոլիկ ու բողոքական: Սակայն, 1898-ին, երբ երկու ուսու քահանաներ (Ուրմիա\*) հասան, այս երեք դաւանութեանց պատկանողների մեծ մասը ուսական պաշտպանութիւնը ձեռք բերելու յուսով, յունադաւանութիւն ընդունեց:

Ժորեռը, որ 1806-ին եկած է Պարսկաստան, վիճակագրական երկու ցուցակ կը տայ նահանգների բնակչաց և ցեղերի համար: Նա իր տեղեկութիւնները գլխաւորապէս պարսկական աղբիւրներէ առած է և իրարմէ մասամբ կը տարբերուին: Նոյնը անփոփոխ աստ կօրինակեմ. —

\*) Այս աւխաստիներ գրած ժամանակ Ուրմիան Ասրպասականի մեծագոյն գաւառներից մէկն էր, նոյնանուն ֆաղաֆով: 1920-ական քաղաքներից քէ գաւառը եւ քէ ֆաղաֆը կոչուցին Ռեզայիէ, Փահլաւի հարստիեան հիմնադիր Մեծն Ռեզա Շահ Փահլաւիի անունով: Վերջին օրջանում, նրբ Ասրպասականի ընդարձակամալ նահանգը բաժանեց երկու մասի՝ Արեւելեան Ատրպատական և Արեւմտեան Ատրպատական, Ռեզայիէ ֆաղաֆը դարձաւ Արեւմրեան Ասրպասականի կենտրոնական ֆաղաֆը: Ծ. Խ.

Նահանգք.	թիւ բնակչաց
Երևան <sup>1)</sup>	120,000
Ատրպատական	1,400,000
Գիւլան	250,000
Մազանդարան	750,000
Արաղ	1,500,000
Ֆարս	700,000
Քիւրդիստան	400,000
Քերման	300,000
Սուզեստան	300,000
Սորաստան	700,000

Գումար՝ 6,420,000

Նոյն ժոբերը հաստատուն (նստակեաց) բնակչաց թիւը կը հաշւէ 5,720,000, վաչկատուն բնակչաց թիւը՝ 752,000: Փոքրամասնութիւն ներկայացնող ժողովուրդներէ թիւը կը ներկայացնէ ըստ հետևեալի. — հայ՝ 70,000, զբաղաշտական՝ 20,000, հրեայ կամ սաբէականք՝ 30,000, ծագումն անձանօթ ցեղեր՝ 300 կամ 400 հազար<sup>2)</sup>:

1) Նկատի պիտի ունենալ, որ այս վիճակագրութիւնը կազմուած է 1806 թին, երբ Երևանի նահանգը գտնուած էր Իրանի սահմաններում: Ծ. Խ.

2) Պատմական վիճակագրութիւն շիւնելու պատճառով ներկայացուած բոլոր թիւերը կասկածելի են: Ինչ վերաբերում է Իրանում բնակող հայերի թիւն, բազմաթիւ աղբիւրներով կարելի է հաստատել, որ միանգամայն սխալ է: Նկատի պիտի ունենալ, որ վիճակագրական այս տեսլները, ժոբերի կողմից գրի առնուած ժամանակ, 1806-ին, Երևանի եւ Նախիջիւանի խանութիւնները գտնուած էին Իրանի տիրապետութեան ներքոյ, չո՞ք թող հայեր հաստատուած էին Ասրպատական նահանգի Ղարաղաղ, Մաֆու, Խոյ, Սալմաս, Ուրմի, Մարաղա, Միանդուաբ գաւառներում, Սալմասի եւ Ուրմիոյ լեռ-

Պարսկական ցեղերն երկրի հարաւային, արևելեան, հիւսիսային եւ մէջի կողմերը կը գտնուին:

Թրքական ցեղերը՝ հիւսիսային արևմտեան կողմերը: Քրդական ցեղերը՝ թուրք եւ պարսկական սահմանների վերայ, սկսեալ Բայազիդէ մինչև Խանեղին, աւելի կենտրոնացած լինելով Սովուշբուլաղի ու Քերմանշահի մօտաւորութեանց մէջ:

Թուրքմանական ցեղերը հիւսիս-արևելեան, ոռուս եւ պարսկական սահմանների վերայ:

Արաբները հարաւային շրջանին մէջ:

Զբաղաշտականները՝ կապրին գլխաւորապէս Եազդ նահանգին մէջ, իսկ մաս մըն ալ այլ եւ այլ քաղաքների մէջ:

Հայերը՝ գլխաւորապէս Ատրպատականի, Սպահանի եւ Արաղի նահանգներու մէջ:

Քաղղէ-ասորիները՝ Ատրպատականի արևմտեան կողմը: Հրեաները՝ առաւելապէս Սինա, Սաքըզ, Համադան, Քերմանշահ, Թեհրան, Քաշան եւ Մեշեդ:

Չանազան բարբառով խօսողները կապրին երկրի ամէն կողմերը, բայց առաւելապէս Ատրպատականի մէջ:

Պարսկերէն խօսողների մէջ ամենագլխաւոր ցեղերն են՝ ֆարսերը, լոտերը, զէնդերը, բախթիարիները եւ ֆէյլիները:

նային քաղաքներում եւ Թաւրիզ քաղաքում (իբրև բնիկներ, շատ վաղ ժամանակներից): Վերջապէս, Շահ Աբբասից առաջ եւ Շահ Աբբասի օրոք Սպահան երբեք հսկայաթիւ գաղթականութիւն, որ հաստատուած էր Նոր-Ջուղայում եւ Իրանի այլ եւ այլ գաւառներում: Հետևաբար, հայ բնակչութեան համար նշանակուած 70 հազարի համարանք մի կոտորակն է այդ քաղաքներ Իրանի սահմաններում գտնող հայ ժողովրդի իրական համարանքի:

Կասկածելի է նաեւ զբաղաշտականների համար տուած համարանքը: Այլ աղբիւրների համաձայն, զբաղաշտականների թիւը, 19-րդ դարում, Իրանում հասել էր շուրջ 10,000, իսկ Հնդկաստանում՝ հաստատուած զբաղաշտականների թիւը՝ 100—120 հազար: Ծ. Խ.

Թուրքերէն խօսողների մէջ երևելիներն են՝ զաջարները, աֆշարները, շահսեվանները, թուրքմանները, թալիշիցեղերը, զարագեոզլուները և զարաչօրլուները:

Քրդական ցեղերի մէջ կարևորներն են՝ ուեշվէնդները, շաղաղիները, բէնիարդելանները և դէհբուքրիները:

\*

Պարսկաստանի հայերը շատ ժամանակէ ի վեր երկու առաջնորդական վիճակի բաժնւած են, այն է՝ Ասրպասականի և Սպահանի\*):

Ընթերցողներին մատչելի ըլլալու համար, սոյն բաժանումը պահելով աշխատութեանս մէջ, նախ Ատրպատականի և ապա Սպահանի թեմի վրայ պիտի խօսեմ:

Որպէսզի Պարսկաստան բնակող ազգայիներն անցեալն ու ներկան յստակ տեսնելին, յարմար դտայ իւրաքանչիւր նահանգի ու դաւառի վերայ համառօտապէս, և ամէն մի քաղաքի ու գիւղի վրայ ըստ կարևորութեան առանձին-առանձին խօսել:

\*) Սպահանի թեմ ասելով պիտի հասկանալ ո՛չ միայն Ասրպասականի սահմաններից դուրս՝ բովանդակ Իրանում հաստատուած հայ համայնքները, այլ և ձեռկաստանում և Կոնստանտնուպոլիսում հաստատուած հայ գաղթօջախները: Այդ պատճառով Սպահանի թեմը կոչուում է Իրան-ձեռկաստանի թեմ (նախապէս՝ Պարսկա-ձեռկաստանի թեմ): Ծ. Խ.

Ա.

## ԱՏՐՊԱՏԱԿԱՆ

Ըստ պարսից աղբիւրների՝ Ասրպասական, Ագրաբասական, Ագրվայական, Ագրպասական, Ագրայական, ըստ եւրոպական աղբիւրների՝ Ագրբեջան, Ագրբայջան, ըստ յունաց՝ Ասրօպասէնէ, ըստ հռովմայեցոց՝ Ասրօպասիա, որ կը կարծւի վենդիղայի մէջ յիշուած Վառինան լինել, որ կոչւեր է իւր գըլ-խաւոր քաղաքի Վառա կամ Վիռա անունէն:

Ըստ Ստրաբոնի՝ Ասրօպասէնէ անունը ծագեր է Ասրօպասէս-է, որ Արբելլայի պատերազմի ժամանակ այս երկրի կուսակալն էր: Մեծն Աղէքսանդրի հետ զաշնակցած ըլլալու համար իրեն թոյլ տրւեցաւ պահել այս նահանգը, ուր քիչ ժամանակի մէջ ինքզինքն անկախ ըրաւ:

Սակայն, եթէ բառի ստուգաբանութեանը դիմենք, վերի մեկնութիւնն անհաւանական կը թւի և կարելի է ասել, որ Ասրօպասէս իւր անունն աւելի Ասրօպասէնէ անունէն ստացեր է, քան թէ անոր տւեր է, և աւելի առաջ երթալով, հաւանականութեան սահմանէն դուրս չենք ելլեր, եթէ ըսենք յոյն պատմագիրներն այն ատենուան իշխանի անունը ճշտիւ չիմանալով, Ատրօպատէս անունով կնքեր են զայն, քանզի ասր, ագր, ազր, սանսկրիտերէն և հին պարսկերէն կը նշանակեն հուր, կրակ, աշխարհը բաղկացնող չորս տարրերէն\*) մին և

\*) Հին պարսիկները կը կարծէին, թէ աշխարհը կամ ամէն բան չորս տարրերէ կը բաղկանայ՝ հողէ, ջրէ, կրակէ և փամիէ:

պայկան կամ պահկան, տեղ կամ երկիր մը պահող, պահպանող կը նշանակեն, որով Ազգայական կամ Ասրպասական կը նշանակէ երկիր, տեղ հրոյ և կամ կրակ պահող:

Հին ժամանակ այս երկրի մէջ կրակի մեծ տաճար կամ հռչակաւոր ատրուշան մը ևս կար, որ Ազրպատական<sup>1)</sup> Ազրբփայկան կամ Ատրպատական կը կոչուէր: Ուստի ամէն հաւանականութեամբ կարելի է ըսել, որ Ասրպասական իւր անունն ստացեր է ատրուշանի կամ կրակի երկիր կոչումէն: Ոմանք Ջրադաշտին կը վերագրեն կրակապաշտութեան հիմնադրութիւնը, և Ուրմիա կը համարեն Ջրադաշտին ծննդավայրը և Քրիստոսի ծնունդէն քսան դար առաջ կը հաշուեն անոր ծննդեան թւականը<sup>2)</sup>: Ուրիշներ, թերևս աւելի գոհացուցիչ պատճառներով, անկէ շատ ետքը եղող մողերին կը տան այս կրօնի հաստատութիւնը: Որ մէկն ալ որ լինի, ստոյգ է, որ առնւազն Քրիստոսի ծնունդէն վեց դար առաջ հաստատուած է Ատրպատականին մէջ այն հռչակաւոր ատրուշանը, որմէ երկիրն ըստացեր է Ասրպասական անունը:

Ատրպատական հիւսիս-արևմտեան և մասամբ մը հիւսիսային կողմէն անմիջապէս և երկար տարածութեամբ սահմանակից լինելով Հայաստանին, իր յարաբերութիւններն այս վերջինին հետ սկսած են ամենահին ատեններէ: Այս նահանգի սահմաններն անդադար մեծ փոփոխութիւններ կրեր են: Քաղաքական գէպքերի ազդեցութեան տակ երբեմն կը տարածուէին, կը մեծնային, Հայաստանին և ինչպէս զինքը շրջա-

1) Ճարհանգ Անտման Արա կրտ, որ ի սկզբան Քաւրիգ Կաղաթի մէջ ասրուեան մը կար Ազերպասկան անունով, եւ այս պահանջով այդ երկիրն Ազերպատական կոչեցին եւ Ազերպաս եւս կը կոչեն:

2) Ըստ ուսուցչապետ A. V. Williams Jackson-ի՝ Ջորջտաւ կամ Ջրադաշտ ծննդ է 660—583 թ. Ք. առաջ, ազնւական կամ իշխանական ծնողներէ:

պատող ուրիշ դաւառներին պատկանեալ երկիրներն իր մէջ կը մտնէին, և երբեմն սեղմուելով և փոքրանալով, իր բուն հողերէն կը միացուէին Հայաստանին և կամ ուրիշ նահանգների հետ: Նախկին սահմանները ճշտիւ որոշելը շատ դժւարին և զրեթէ անկարելի է: Ատրպատականի հայերը և մանաւանդ Հայաստանի սահմանների մօտ եղողները նորեկ գաղթականներ չեն, այլ բնիկներ են, համարեալակից եւ ժամանակակից Հայաստանի մէջ հայոց հաստատուելու:

Ի հաստատութիւն այս իմ ըսածի, հարկ կը համարեմ յառաջ բերել Ջօրջ Ռոլինսընի՝ Վանայ լճի կոնադաշտի և Ատրպատականի նկատմամբ յայտնած կարծիքը՝ զայն վերջնելով իր «Հինգ մեծ միապետութիւններն արևելեան աշխարհի» գրքէն:

Վանայ լճի կոնադաշտին վերայ խօսած ատեն Ջ. Ռոլինսըն կը յաւելու. «Հետեապէս աստ է և աստ միայն բովանդակ Հայաստանէն, որ մենք կը գտնենք ասորական և մարական շրջանների ժամանակ կազմակերպուած մեծ միապետութեան գոյութեան նշանները: Վանի արձանագրութիւնները մեզ կը ցուցնեն շատ մը թագաւորների, որք Արևելեան Հայաստանին, ճշմարիտ Արարատին մէջ իշխանութիւն վարեցին, և որք քաղաքակրթութեամբ ևս և զինւորական գորութեամբ շատ աւելի առաջնակարգ էին քան այն ամէն ուրիշ իշխանները՝ որք իրենց մէջ կը բաժնէին հայ երկիրը:

«Վանի միապետներն երբեմն մարաց համար ահաւոր թշնամիներ եղեր են: Նոքա իրենց տիրապետութեան հետքերը թողեր են ո՛չ միայն լեռանցքների և գագաթների վերայ, որ կը տանին Ուրմիոյ լճի կոնադաշտը, այլ մինչև անգամ Միանդուարի համեմատաբար ստորին գաշտավայրին վերայ: Ասորմէ հաւանական կը թւի, որ նոքա մի ժամանակ մարական Ատրպատականի մէկ մեծ մասի տէրերն էին և նոյնիսկ Ուրմիա անունը, որ տակաւին լճին կցւած է, գուցէ անոր տրուել է իրենց (հայերի) մէկ ցեղէն»:

Ատրպատականի անթերի պատմութիւնը գրելու դիտա-  
ւորութիւնը չունենալով և այդ ընելու անհրաժեշտ կարևորու-  
թիւնը չտեսնելով, պիտի բաւականանամ յիշելով միայն այն  
դէպքերը, որք անմիջական կապ ու վերաբերումն ունեցեր են  
հայերի և հայ պատմութեան հետ:

Տիգրան Երևանդեան Ամղահակին վերայ տարած յաղ-  
թութեամբն, ի միջի այլոց, Ատրպատականին ևս տիրած պիտի  
լինի իբր սահմանակից նահանգի: Ինչպէս յիշեցաւ, Գարեհի  
Աղէքսանդրէն յաղթելովն այդ նահանգն անցաւ Ասրպատես  
անունով կուսակալին, որ ետքէն ինքզինք թագաւոր հրատա-  
րակեց: Սակայն, ուշադրութեան արժանի է, որ մինչ Հայաս-  
տան Մեծն Աղէքսանդրի յաջորդների իշխանութեան տակ մերթ  
օտար, մերթ հայազգի կուսակալներէ կը կառավարէր, ասոնց  
շարքին մէջ կը յիշուի ևս Արտաւազդ կամ Արտաւազան իշ-  
խան մը, որ ըստ Պողիւբիոսի յառաջագոյն Ատրպատականի  
թագաւորն էր: Այս բացատրելու համար պէտք է կարծել, որ  
Արտաւազդ նախ Ատրպատականի հայ գաւառներէն մէկի իշ-  
խանը պիտ եղած լինի և ետքէն զօրանալով, Ատրպատականի  
մեծագոյն մասին և կամ ամբողջին տիրեր է և թագաւոր  
զարձեր: Հուսկ յետոյ հայերէն հրաւէր ընդունելով, Հայաս-  
տան գնացեր, անդ թագաւորեր է և շատ հաւանականաբար Ա-  
տրպատականը, որ իր նախկին տէրութիւնն էր, կցեր է Ար-  
մենիոյ:

Սոյն նահանգը\*) կամ լաւ ևս սոյն երկրի իշխանը կե-  
րևի որ Վաղարշակ Ա-ի իշխանութեան տակ էր, քանզի այս  
թագաւորն, ըստ Խորենացոյ, Մորիիւղիկէսի վրայ քալած  
ատեն, ի միջի այլոց, Ատրպատականէ ևս զօրք հաւաքեց:

Վիկտոր Հանկուա կը կարծէ, որ այս թագաւորն Մի-

\*) Եւ արսաֆոյ սոցա (Հայոց 15 աւխարհս) եւ Արեակ Վա-  
ղարեակայ նաեւ զաւխարհն Ասրպատականի յարեւելից կողմանէ  
Մեծին Հայոց:

Չաղեաքի և Ադիաբէնի հետ Ատրպատականն ևս գրաւեց:

Ջորջ Ռոյլինսըն իր «Պատմութիւն Պարթևաց» աշխա-  
տութեան մէջ Ստրաբոնէն և Պլուտարքոսէն առնելով, կըսէ. —  
«Անստոյգ է արդեօք մարական Ատրպատականը, որ նոյնպէս  
տիրապետւած էր Տիգրանէն, մինչ այդ ժամանակ Պարթևաց  
տէրութեան մասը կազմած լինի»:

Ուրիշ տեղ մը ևս Մեծն Տիգրանի վերայ խօսած ա-  
տեն կաւելցնէ. «Ինչ միջոցներով, որք շեն յիշւած, նա (Տիգ-  
րան Բ.) իր հպատակութեան տակ բերեր էր Մարաստանը,  
Ատրպատականի մեծ թագաւորն, որ Աղէքսանդրի ժամանակէն  
ի վեր անկախ էր»:

Մեծն Տիգրանի այս տիրապետութիւնը հաստատութիւն  
կը գտնէ ևս Իգիտորի հետեւեալ խօսքերէն Ատրաբանի վերայ  
խօսած ատեն. «Ատրաբան Եկբատանին պատկանող մի հին պա-  
լատի դիրքն էր, զոր հայագն Տիգրան (Բ.) աւերեց»:

Հռչակաւոր արևելագէտ Սըր Հէնրի Ռոյլինսըն, կը հա-  
մարի Ատրաբան արդի Արթէման գիւղը լինել: Կըսէ. «Ատրա-  
բան, արդի Արթէման գիւղը, որ Ալւանդ լեռան հարաւային  
ստորոտին մօտ կիյնայ, աղէկ կը պատշաճի արքայական բնա-  
կատեղի մը: Արթէման (Թուլի) Սիրքան և Արթէման) երեք  
գիւղերէն մէկն է, որք իրարու կից կիյնան և ընդհանրապէս  
Թուլիսիրքան\*) անունին տակ կը ճանաչուին: Աստ ամենախիստ  
ձմեռւան ատեն, երբ Համադանն ու շրջակաները ձիւնի մէջ  
թաղւած են, ջերմ ու արև, լաւ եղանակ կը տիրէ, իսկ ամա-  
ռը հազարաւոր առակներ իջնելով, Որոնտէսին շուրջ կը տա-  
րածին բերրիութիւն ու անուշահոտութիւն»:

\*) Թուլի Սիրքան գիւղը Համադանի հարաւային արեւմտեան  
դին եւ անոմէ իբր 45 հազարամետր հեռու է: Այս գիւղը Թուլի-  
զէն մերձ 460 հազարամետր է: Ուսի ևս կը կարծեմ, որ Տիգրան  
առանց կանխաւ Ասրպատականին սիրելու, իր արեւաւանները մինչ  
Ասրաբան չէր կրնար առանց վստահի մղել:

Ոտորով Պարսկաստան ըրած իւր տասնամեայ արշաւանքների ժամանակ, որք մինչ Տիգրոն կը տարածէին, անհաւանական չէ, որ Ատրպատականին տիրած լինի, քանի որ իւր արշաւանքներէն դարձած ատեն երբեմն Ատրպատական կանցնէր ձմեռը:

Մեծն Տրդատ իւր հօր պէս Պարսկաստան ըրած արշաւանքների ժամանակ, որք անընդհատ 13 տարի տևեցին և որ մինչ Տիգրոնի հարաւային կողմերը կը մղէին, Ատրպատական դրաւած կերևի:

Սակայն, այս տիրապետութիւնն օրինաւորապէս հաստատուեցաւ միայն այն ատեն, երբ Ներսէս (ըստ ոմանց Շապուհ, ըստ այլոց՝ Վարահրամ Ա.ի կամ Բ.ի որդին և յաջորդը) Գիողղետիանոս կայսեր փեսայ և Գալբերիոս Կեսարէն\* և Տրդատէն յաղթելով, պարտաւորուեցաւ հաշտութիւն կնքել և դաշնադրութեան պայմանների երրորդ յօդւածովն Ատրպատականը Տրդատին թողուլ:

Ըստ Զ. Ռոլինսընի, դաշնադրութեան Գ. կէտը կը ճշտէ Հայաստանի սահմանների տարածումը մինչև Զինթա բերդը Մարաստանի մէջ:

Ոմանք այս յօդւածով կը մբռնեն ամբողջ Ատրպատականի թողումը: Այս կարծիքը հաւանական կը թւի, երբ աչքի առջև ունենանք, որ Տրդատի ժամանակ Փայտակարան ամբողջապէս այդ սահմաններուն մէջ կիյնար, պարունակելով նաև Ուրմիոյ լճի հարաւային կողմը գտնւող Տամբեր գաւառն, որ թերևս այժմեան Սուլդուզ գաւառակը պիտի լինի: Իսկ Վասպուրական կը տարածէր մինչև Մարանդի կողմերը:

Բայց ո՞ւր էր Զինթա կամ Սինթա բերդը: Ասոր նկատմամբ ոչ մի տեղեկութիւն կամ ցուցում չկայ, որով կարելի լինէր ըսել, թէ հաւանականօրէն այս ինչն էր: Սակայն, պէտք է

\*) Նորենացի Ներսէի պարսոյրիւնը Շապուհին և Գալբերիոս Կեսարի յաղթութիւնը Կոստանդիանոսին կը վերագրէ:

կարծել, որ այս բերդն Ատրպատականէ դէպի Պարսկաստան, նամանաւանդ Մարաստան տանող գլխաւոր ճամբաներէն մէկին վերայ եղած լինի: Այժմեան, ինչպէս և շատ հաւանականաբար հին ատենւան ճամբաների մէջ գլխաւորներն ի սկզբանէ երկուք են:

Նախ, Թաւրիզէն Միանէ գիւղաքաղաքի և Ղափլանքուն լեռան վրայով Զանջան, ուրկէ մէկ ճամբայ կը տանէ Համադան, իսկ միւսը Ղազւինի վրայով՝ Թեհրան, Ղուժ, Քաշան ու Սպահան:

Երկրորդը Թաւրիզէ, ինչպէս և Ուրմիայէ, Սայինդալէ գիւղաքաղաքը, և այս տեղէն երկու ճիւղ կը բաժնուի. մէկը Սաֆարխանէի և Սինէի վրայով, իսկ միւսը, որ ամենէն աւելի սովորական ու բանուկն է՝ Թիքան Թափա գիւղի և Բիջար քաղաքի վրայով՝ Համադան, Քերմանշահ և Բաղդադ կամ Տիգրոն:

Արդ, առաջին ճամբան հին ժամանակները այնքան բանուկ չէր, որչափ երկրորդը, քանզի Պարթև և նամանաւանդ Սասանեան թագաւորներն ընդհանրապէս ձմեռը Տիգրոն, իսկ ամառը Համադան ու Քերմանշահ կանցնէին և իրենց զօրաց մեծագոյն մասը շատ անգամ այս տեղերն կը ժողովէին ու կը պահէին:

Հայաստան արշաւած ժամանակ և առաւելապէս այս տեղեր զօրաժողով լինելով, երկրորդ ճամբայով կը յառաջանային դէպի Վասպուրական և Հայաստանի միւս նահանգները: Նոյնպէս և հայերը երկրորդ ճամբայով արշաւելով կանցնէին Մարաստան կամ Պարսկաստան, որպիսին պէտք է համարել Տիգրանի արշաւանքը մինչ Ադրաբան:

Հերակլ մինչև Տիգրոն արշաւելէ ետքը, Սիազուրոսի (Շէհրհօր) և Բարգանի (Բանէ) վրայով դարձաւ Գանդաքա (Թախթը Սուլէյման), անդ ձմեռելու\*):

\*) Այս կը հաստատուի նաև Քերեմթու այրի խուցերէն մէկի պահին վերայ քանդակուած յունարէն արձանագրութեան մէջ ներակա անունը գտնուելէն:

Արարներն ևս, Տիգրոնն առնելէ ետքը, սոյն երկրորդ ճամբայով մտան Մարաստան ու Ատրպատական:

Այս ամէնը նկատողութեան առնելով, նամանաւանդ ի միտ ածելով որ յատկապէս յիշւած էր թէ Չինթա Մարաստանի մէջ էր, պէտք է խորհել, որ այս բերդն ամէն հաւանականութեամբ երկրորդ ճամբային վրայ կամ մօտերն և Սային Ղալէ գաւառակի սահմանների և Համադանի մէջերն եղած լինի, որ թէ Ատրպատականի սահմանը որոշէր և թէ իբր բերդ արգելք դառնար պարսից դիւրաւ Ատրպատական մտնելուն:

Այս վերջին կարծիքը հաւանականութեան սահմանին կը մօտենայ:

Իսկ Կիբըն հետեւեալ շարքով կը յիշէ նահանգների անունները. — Ինթիլէն, Զարդիկէն, Արզանէն, Մոքսօէն և Քարդուզիա\*): Իսկ դաշնագրի Գ. յօդւածի նկատմամբ կաւելցնէ. — «Արմենիոյ տէրութեան այս աճումն աւելի արդարութեան, քան առատաձեռնութեան գործ մըն էր, քանզի վերը յիշւած յայնկոյս Տիգրիսի 5 նահանգներէն առաջին չորսը պարթևները Արմենիայէ գրաւեր էին: Եւ երբ հոռովմայեցիք անոնց ժառանգութիւնն ստացան, պայմանագրեցին ի վնաս գրաւողների, իբրև լիուրի փոխարինութիւն իրենց դաշնակցի համար, անոր (Արմենիոյ) տալով Ատրպատականի ընդարձակ ու բերրի երկիրն»:

\*) Հայոց նահանգներէն ու գաւառներէն շատերի նախկին բաժանումներն ու սահմանները նշուածն ու որոշակի յայտնի չեն եւ միայն հաւանօրէն ու մերձաւորապէս կրնան գծուիլ: Այսպէս եւս վերը յիշուած նահանգների կամ գաւառների սահմանների գծման, դիրքի ու տարածութեան եւս որոշման նկատմամբ կարծիքները մեծապէս կը տարբերին: Շատերը կը կարծեն, թէ անոնք Տիգրիսի արեւելեան կամ ձախ կողմն են, ոմանք ալ աջ կողմը կը դնեն զանոնք, Ն. Ղ. Ալիբան վերջիններին համակարծիք է:

Անունների որոշմանը գալով, մէկինը (Քորդուէն կամ Քարսուզիա) կարելի է հաստատապէս ըսել, նոյնը լինել կորնէ կամ կոր-

Սըր Աորերթ Քերփորթը կը կարծէ այս պատմական որոշումի կամ դէպքի քանդակագործւած լիշատակը դտած ըլլալ և իր 1817—1820 թւականներուն «Վրաստան, Պարսկաստան, Հայաստան և Բաբելոնի ճամբորդութեան պատմութիւն» աշխատութեան մէջ հետեւեալ կերպով կընէ իւր դտած քանդակեալ արձանագրութեան նկարագրութիւնը, զոր ամբողջապէս կը թարգմանեմ ստորև.

«Մերձ երկու մղոն հեռու Կուրշին Ղալէ\*) գիւղէն և Սալմաստի մեծ դաշտավայրի երկայնութեամբը կը բարձրանան շատ մը անջատուած ապառաժօտ լեռներ: Ասոնցմէ մէկի հարաւային երեսի վերայ և բաւականին միջոց դէպի գահավէժն ի վեր ժայռը 16 ոտք երկայնութեամբ հարթացւած է:

«Աստ ես դտայ շատ հասարակ նմոյշ մը ձեռագործութեան, որ կը ներկայացնէ չորս պատկերներ, որոնցմէ երկու-

դուք նահանգի հետ:

Արզանէն, ըս Ալիբանի, նոյնն է Աղձնիքի հետ, բայց ըս Ռօլինսընի, աւելի հաւանական է նոյնը լինի Արզն գաւառի հետ, որ արդի Խարզան գաւառակն է:

Զարդիկէն կը համարուի Բէյթ-Չուբդայի աղաւաղումն, որ ի հնումն Փիւնիկիա կը կոչուէր եւ այն արդի Յեւիքն է, որ Տիգրիսի ձախ դիմ եւ Ջեզիրէէ քիչ մը վեր կիցնայ:

Սօճէն գուցէ Ծոփ եւ Մոսուէն, Մոկփ լինեն:

Այս ամէնքը իբր կից եւ Տիգրիսի ձախ կողմն են:

Քանի որ գնի աջ կողմ գաւառներ չկան, որոնց անունները քիչ-շատ յիշուածներին նմանաձայն լինեն, ուստի աւելի հաւանական կը լինի, որ սոյն հինգ նահանգները Տիգրիսի ձախ կողմն էին, Իսկ Ինթիլէն հաւանականօրէն Մելիսիէն գաւառը լինի, որ արդի Մալաթիան է:

\*) Այս վայրը գտնուում է Սալմաստից դէպի Ուրմիա ձգող նամբի վրայ եւ ներկայիս պարզապէս կոչուում է Կուրշի կամ Ղուրշի: Տիգրիսի արձանագրութիւնը գտնուում է ներկայիս Փիրշաւուտ կոչուած լեռան ժայռերի վրայ: Ծ. Խ.

քը ձիաւորներ են: Որչափ որ կոպիտ է ճարտարապետական ոճը, այսուամենայնիւ նման է Սասանեան տէրութեան ժամանակին, ինչպէս որ յիշեցաւ իմ օրագրութեանս առաջին մասի մէջ:

«Այս բարձրաքանդակը (bas relief) կը կայանայ, կարելի է ըսել, երկու խմբերէ, թէպէտ և խկապէս պատմութեան մէկ կէտով շարայարւած: Մեր աջ կողմից խումբը (երբ դիմացը կանգնենք) կը կազմւի հեծեալ անձէ մը, որի ձիու դարդածածկոյթը և իր հագած զարդագոյնը, ինչպէս նկարագրուեցաւ, կը ցուցնեն Սասանեան ձեր: Իր մազերն կը ծածանեն առատ գանգուրներով. մի դնդակակերպ քան կը բարձրանայ սաղաւարտին վերայ, որ այստեղ ուրիշ զարդ չունի, ի բաց առեալ արքայական դրօշներն: Իր ձախ ձեռքը, որ սանձը կը բռնէ, կը թւի միևնոյն ատենը հանգչել երկար ու շիտակ սուրին բռնակին վերայ: Բացի իր գլխէն ու վիզէն առկախեալ տատանող շերտածայրերէն, ուրիշներն ևս կը ծածանեն իր մէջքին, որպէս թէ կցւած լինէին զգեստին, որ կուրծքին վերայ կը կոճկուի:

«Նոյնանման յաւելւածներ կը սաւառնեն զարշապարներէն: Իր երկնցուցած աջ բազկովը նա կը բռնէ օղ կամ պրսակ մը և զայն կը տայ ձիու գլխին մօտ կեցող հետիոտն անձի մը և կամ կերևի զայն անորմէ ընդունել:

«Վերջին պատկերս բաց գլխով է, իր մազերը ճակատին մէջէն բաժնւելով իւրաքանչիւր կողմը կիյնան լի և յորդառատ գանգուրներով: Նա հագեր է կարճ պատմուճան մը, որ մինչ ծունկը կը հասնէ, մէջքը գօտիով ու սուրի ժայաւէնով մը պնդեր է, լայն ու թոյլ անդրավարտիքն, որ ըստ երևոյթին ծայրն ոտքի կոճին կապուեր է, կը լրացնէ ամէնը, որ ինչ այժմ նշմարելի է իր զգեստի նկատմամբ:

«Երկրորդ խումբն, որ ընթացքի կարգով անկէ առաջ է, կը ներկայացնէ նմանօրինակ գործողութիւն մը, և յիշուի անոր մանրամասնութեանց գլխաւոր տարբերութիւնն կը կա-

յանայ միւսին հետ հեծեալ անձի հանդերձին, ինչպէս և իր ձիու դարդերին մէջ: Այս կենդանու ծածկոյթը կերևի աւելի շքեղաշուք քան թէ միւսինը և հեծնողի գլուխն առանց Սասանեան սովորական մազի լրմանն, որ եզակի մի պարագայ է այդ թւականի խորաքանդակներին մէջ, և որ կը թւի ցուցնել իշխան մը, յաւէտ դաշնակից այն վեհապետներին, քան թէ անոնցմէ մէկը: Նկարագոյնս, որ կը պատէ իւր սրունքն և ծունկը, ճշտապէս նման է անոր, որ ի Նախշը Ռոստամ գտնուած պատկերներին վրայ կը տեսնուի, մինչդեռ միւս ձիաւորի ոտքը ծածկւած է Շապուհի զգեստի ձեով, ինչպէս մեր տեսած այս արձանագրութեան մէջ քաշուեր է:

«Այս գործը բովանդակապէս շատ աղքատիկ կերպով մը կատարուած է, և պէտք է խիստ ծանծաղ խորաքանդակ համարուի, քանի որ հազիւ չորս մատնաչափ կը բարձրանայ ժայռի երեսէն. անոր վրայի կերպարանքների մանրամասնութիւնները ցուցադրուեր են քանդակագործի պարզ գծովն այն կերպով, ինչպէս որ փորագրող մը կը գծէ պղնձի վերայ. ուստի ինձ զարմանալի է, ինչպէս այսչափ թեթեւաբար բարձրացած մակերևոյթի մը որևէ մասն կրցեր է դիմանալ այնքան դարերի մաշումին, ի միտածեալ եղանակների փոփոխութիւններն և ուրիշ իստութիւններն, որոնք պէտք է անոր վրայէն անցած լինէին:

«Շատ ծայրատուժ տեղի ունեցեր է, բայց տակաւին բաւականին կը մնայ ցուցնելու համար այն նախնական կոպիտ կատարումն, որն հաւաստեալ հետաքրքրական մի օրինակ է այն օրւայ Հայաստանի մէջ գտնուող քանդակագործութեան վիճակին, վասնզի ես հակամէտ եմ անոր թւականը համարել մեր թւականութեան 4-րդ դարի սկիզբներն, և որը թշուառ գաղափար մը կուտայ այն ատենուան ճաշակին վերայ այսպիսի գործերի նկատմամբ:

«Յիրաւի արհամարհանք մը դէպի զեղարւեստների սոյն նմանողական ճիւղերն յայտնապէս կը տեսնուի նաև այդ երկրի



դրամները մէջ, այն ամենն, որ ես տեսեր եմ, մասնաւորապէս բարբարոսական լինելով: Արհամարհութիւն ըսի, վասնզի անոնց արւեստագէտներն պէտք է ծանօթ լինէին լաւագոյն նախագաղափարները, այն յարակայ հաղորդակցութեան պատճառով, որ այդ երկրի Յունաստանի և Հռոմի մէջ կար:

«Այս է հնութեան միակ նշխարն, որ ես կրցայ տեսնել այդ դաշտավայրին մէջ:

«Ես կը համարձակիմ անոր մեկնութիւն մը տալ պատմութեան հետեւեալ ծանօթութիւնէն.

«Ներսէս, պարսիկ թագաւորն, Գալերիոս կայսրէն պարտւելէն ետքը իւր յաղթողին թողուց Միջագետքը և Տիգրիսի արևելեան կողմը գտնուող հինգ գաւառներն, զորս կը պարունակէին Քարդուգիայի (Կորդուիք) մէկ մասն:

«Այս հինգ գաւառները յառաջագոյն Արմենիոյ տէրութեանը կը պատկանէին և քանի որ Գալերիոս ձեռնարկած էր պատերազմն ի պաշտպանութիւն հայոց թագաւոր Տրդատին, Ատրպատական զեղեցիկ նահանգը նոյնպէս կորզւեցաւ Ներսէսէն, իբր փոխարինութիւն արմենական միապետին, իր նախնական ժառանգութեան այն մասին համար, որ տրւեր էր կայսրին և այն կայսրն ընտրեց պահել իբր յատուկ իրենն: Ուստի ես կը կարծեմ, որ այս քանդակագործութեան միջի երկու խմբերն կրնան վերաբերիլ սոյն առանձին յանձնարարութեանց:

«Առաջնակարգ երկու անձերն, հետիոտն մարդն և առանց Սասանեան կամ ասիական զանգուրների արքայական անձնաւորութիւններն կրնան նշանակել Գալերիոս կայսրը ձիու վրայ նստած Արմենիոյ իշխանէն, որ ոտքի վերայ լինելով, կը ցուցնէ իր խոնարհ աստիճանն, ընդունելով ամէն իրաւունքների հրաժարումն, որ նա ունէր Ներսէսի թողած հինգ գաւառների վերայ:

«Միւս երկուքի խումբը, որ ասորմէն ետքը կը գայ, կրնայ ներկայացնել Պարսկաստանի Ներսէսը, նոյնպէս հեծեալ,

ի պատիւ իր գերագոյն կարգին, իբր Մեծն թագաւոր, մատուցանելով հայկական իշխանին, որ դարձեալ հետիոտն է, Ատրպատական նահանգի իշխանութիւնը, կորզւած իրմէն, վերը յայտնւած պատճառի համար»:

Տրդատի մահէն ետքը Ատրպատականի մեծագոյն մասը, կամ լաւ է ըսել այն գաւառները, որ ի սկզբանէ անտի հայոց չէին պատկաներ, անցան պարսից:

Այս կարելի է հետևցնել Սորենացւոյ հետեւեալ խօսքերէն. — «... Յոգնականութենէն նորին (Կոստանդեայ) թագաւորեաց Սոսրով, ոչինչ արիութիւն քաջութեան ցուցեալ, որպէս զհայրն, այլ ոչ վասն հատուածելոց կողմանցն հակառակեցաւ ինչ յետ միոյ նուագին, զոր ի յունականացն կրեցին զօրացն, այլ ի կամս թողեալ արքայն պարսից խաղաղութիւն առնէ ընդ նմա բովանդակ վարկուցեալ մնացելոց սահմանացն տիրել...»:

Եւ յիրաւի, որչափ որ արի և պատերազմասէր էր Տրդատ, անոր հակառակ, անարի ու մեղկ էր Սոսրով, որ իւր անձի դիւրութիւնն ուզելով, կամաւ Շապուհին թողուց Ատրպատական, ու խոստացաւ անոր հարկ տալ: (Տես Գիրքն):

Նահաւանդի մարտէն ետքը (Քսի. 641-ին), ուր արարները յաղթելով վերջ տւին Սասանեան տէրութեան, Ատրպատական (ինչպէս և Պարսկաստանի ուրիշ նահանգները) ընկաւ արաքների իշխանութեան տակ և սկսաւ կառավարել ամիրապետներէ զրկւած ոստիկաններէ, որոնք «Ոստիկան Ատրպատականի» կը կոչւէին:

Այդ ժամանակէն սկսեալ այս նահանգի ճակատագիրը բոլորովին Թաւրիզի բախտին ու դրութեան ենթարկւած լինելով, առաջնի պատմութիւնն երկրորդի հետ խառն պիտի գրուի, կրկնութեան մէջ շիջնալու համար:

ԱՏՐՊԱՏԱԿԱՆԻ ԱՐԴԻ ՍԱՀՄԱՆՆԵՐԸ,  
ԿԼԻՄԱՆ, ԲՆԱԿԻՉՆԵՐՆ ԵՒ ՀԱՅԱԲՆԱԿ ԳԱՒԱՌՆԵՐԸ

Այս նահանգի սահմաններն ընդհանուր գիծերով և ոչ մանրամասն կերպով կը ներկայացնեն հետևեալը.

Հիւսիսէն Ռուսաստան, որ Երասխ գետով կը բաժանուի Պարսկաստանէն:

Արևմուտքէն Թուրքիա, որ Քոթուր (կամ Ղոթուր) լեռներով կանջատուի:

Հարաւէն պարսկական Քիւրդիստան կամ Սակրգ գաւառն և Սամսա նահանգն:

Արևելքէն Գիլան նահանգը:

Ատրպատականի ամենամեծ երկայնութիւնը մերձ 420 հազարամետր է, որ կը ձգուի հիւսիսէն հարաւ և ամենամեծ լայնութիւնը 370 հազարամետր, որ կը տարածուի արևելքէն արևմուտք և ամբողջ տարածութիւնը, մօտաւոր հաշուով շուրջ 100,000 քառակուսի հազարամետր է: Այս նահանգը, որ կը պարունակէ Ուրմիոյ լճի ամբողջ աւազանը, խիստ լեռնային մի երկիր է: Լեռներէն ոմանք շատ բարձր են և մշտական ձիւնը երբեմն չի պակսեր, ինչպէս են Սաւալան լեռը, որ մերձ 14,814 ոտք բարձրութիւն ունի և Թաւրիզի արևելեան, հիւսիսային արևելեան կողմը և սոյն քաղաքէն Արդաբիլ տանող ճամբին վերայ է: Յիշատակենք Սոհունդ լեռներն, որք Թաւրիզի հարաւային արևելեան, հարաւային կողմն են: Կարելի է ասոնց վրայ աւելցնել նաև Փոքր և Մեծ Մասիսները, որք սոյն նահանգի արևմտեան հիւսիսային ծայրը կիյնան և զայն մասամբ իւրիք կը բաժնեն Թուրքիայէն ու Ռուսիայէն:

Երկրի մէկ մեծ մասը թէև անբերրի, անապատ, սակայն բոլորովին անյարմար չէ մշակութեան, աշխատութեամբ ու խնամքով կրնայ փոխելի, մշակելի դառնալ: Մնացորդ մասին մէջ բաւական տարածութեամբ խիստ բերրի հողեր կան, ի մասնաւորի Ուրմիոյ դաշտին մէջ և Արաքսի բերանին մօ-

տերն ևս և Կղէօզանի նախալտակների և Ջղաթի ու Թաթաքի գետերի եզրերի վերայ:

Բերքերը բազմաթիւ են և բազմատեսակ, որոնց մէջ գլխաւորներն են՝ ցորեն, դարի, բրինձ և այլ ընդեղէններ:

Ուրմիոյ լիճը (նախնեաց Կապուտան ծով), կը գտնուի նահանգի արևմտեան հիւսիսային կողմը և Թաւրիզի արևմտեան և արևմտեան հարաւային կողմը, անկանոն ձևով հիւսիսէ հարաւ կերկարի. ամենամեծ երկայնութիւնը մերձ 130 և ամենամեծ լայնութիւնը 38 հազարամետր է: Այս լիճը ծովի մակերևոյթէն 4100 ոտք բարձր դիրք ունի և հաւանաբար երկրի երեսը գտնւած աղի ջրերի մէջ ամենաաղին է: Ջուրն մերձ 100-ին 22 աղ կը պարունակէ և ամենևին ձուկ չի գտնուեր մէջը: Լճեզրն ընդհանրապէս զառիվար լինելով, միայն երեք կամ չորս տեղ կան, ուր նաւեր կրնան ցամաքին մօտենալ: Այս նաւահանգիստներին մէջ, եթէ այսպէս հնարաւոր է կոչել, գլխաւորներն են Ղորմէխանէ, որ Ուրմիոյ արևելեան կողմը, Ուրմիա քաղաքէն 18 կիլոմետրի վրայ է և Ռահմանլու, որ լճի արևելեան կողմն է: Լճի վերայ միայն չորս փոքր նաւեր կան, տափակ յատակով:

Ատրպատականի կլիման ընդհանրապէս բարեխառն ու հաճելի է, թէև տեղ-տեղ ամառը խիստ տաք և ձմեռը դառնապէս ցուրտ է, սակայն ամէնքը միատեղ առնելով, կլիման առողջաբար կը համարուի:

Նահանգի բնիկների վերայ հետազայ ներազաղթութիւնների և արտազաղթութիւնների պատճառով ուրիշ ազգութիւններ ևս աւելցան:

Արդի բնակիչներն են գլխաւորաբար թուրքերն կամ թրքական ցեղերն\*), քիւրդերն և փոքր թւով հայերն ու ա-

\*) Ռուրի ցեղերի առաջին ներուումն ի Պարսկաստան կը քի եօրնւրոդ դարի սկիզբներն սեղի ունեցած է: Խազար կոչուած ցեղ մը իր Ջուրիլ անունով գլխաւորի հրամանի տակ Վոլգայի դաւսերէն նկնելով, Վր-

**սորիներն:**

Ինչպէս աշխատութեանս սկիզբն ըսեցաւ, Պարսկաստանի մէջ վիճակագրութիւն չլինելով, անկարելի է բնակչութիւնը ճիշտ կամ մերձաւորագոյն կեպով իմանալ: Սակայն, առած տեղեկութեանց վերայ հիմնելով, որչափ որ ինձ կարելի է եղեր զաղափար մը կազմել, Ատրպատականի բնակչութեան թիւը մէկ միլիոնէ աւելի է, հաւանական համեմատութեամբ. —

Թուրք (թրքական ցեղեր)	900,000
Քիւրդ	250,000
Հայ	40,000
Քաղղէս-ասորիներ (Սիրիանի, Քելդանի, Նեսս-տորականք և Նաղուբիք)	46,400
Ուրիշ ցեղեր, անորոշ բարբառով և անյայտ ծագումով, մերձ	138,600
Հրեայ	5,000
	Գումար՝ 1,380,000

Այս նահանգի, որ մերձաւորապէս 4,000 զիւղ ունի, քաղաքներն ու քաղաքազիւղերն հետեւեալներն են իւրեանց բը-

րասանի մէջ Հնրակլ քաղաւորին միացաւ եւ անոր հետ Պարսկաստան, Ասրպատական մտնելով, մեսական ոսնասնղ մը ձեռք բերաւ: Այդ ժամանակներէ ի վեր զանազան ցեղեր, իբր ընթանիներ, զօրներ, Ոսոսի անապատներէն եւ Վոլգայի եզրերէն արջանաբար երկիրն քափուեցան: Եսէն Ղազնիի, Սամանի եւ Սելջուկ ցեղերն, որոնցմէ ետք մոնղոլներն Չնգիզի, քուրերն՝ Քէյմուրի գլխաւորութեամբ, եւ ի վերջոյ եօգրէներն մտնելով, հաստատեցան այս երկրի մէջ: Ասրպատականի արդի քուրերը այս զանազան ու սարբեր ծագումով ցեղերի խառնուրդներն ու սերունդներն են, որոնց համեմատութիւնը կարելի չէ ստուգել:

**նակչութեամբ.**

Թաւրիզ	250,000
Ուրմիա	50,000
Խոյ	35,000
Մարաղա	30,000
Արդաբիլ	22,000
Բինաբ	10,000
Սուլուջբուլաղ	9,000
Ահալ	7,000
Գիլման	4,000
Մակու	4,000
Մարանդ	6,000
Գուխարզան	3,000
Քեօհնաշհար (Սալմաստի մէջ)	3,000
Գովզան	2,600
Միանդուաբ	3,000
Միանէ	2,000
Սարաբ	2,500
Սուլդուզ	2,500
Սարդաշթ	2,000
Սայինդալէ	1,500
Բարի	1,500
Աստարա	1,500

ԱՏՐՊԱՏԱԿԱՆԻ ՀՍՅՍԲՆԱԿ ՆԱՀԱՆԳՆԵՐԸ,  
ԳԱՒԱՌՆԵՐԸ, ՔԱՂԱՔՆԵՐՆ ՈՒ ԳԻՒՂԵՐԸ

ԹԱԻՐԻՉ

Քաղաքի մը պատմութիւնը նոյն քաղաքն ու շրջակա-  
նէրն բնակող ժողովուրդի պատմութիւնն է:

Քաղաքի աճումն ու զարգացումը, բնակիչներէի զար-  
գացման ու յառաջադիմութեան ստոյգ նշաններն են, և ան-  
կումն ու աւերումն՝ անոնց նւագման ու թշւառութեան հետե-  
ւանքն: Հայաբնակ քաղաքների և ըստ պահանջման ու կարե-  
ւորութեան գիւղերի պատմութիւնն և նկարագրութիւնն ընե-  
լով, ըստ իս) անոնց բնակիչների հաւաքական պատմութիւնն  
աճել կը նշանակէ: Անոնց վիճակը քաղաքական դէպքերի ազ-  
դեցութեան տակ) ստէպ-ստէպ մեծ փոփոխութիւնների ենթա-  
կայ եղեր է, երբեմն ամէն կողմերէ հաւաքելով՝ շատցեր,  
բւագմացեր է, երբեմն ամէն դի ցրւելով՝ նւագեր, քիչցեր են:  
Մերթ անդորր ու ապահով վիճակ ունենալով՝ յառաջադիմեր,  
հարստացեր, մերթ տառապանաց ու հարստահարութեանց են-  
թարկւելով՝ յետադիմեր ու աղքատացեր են:

Քիչ քաղաքներ կան, որ ասոր չափ քաղաքական մեծ  
փոփոխութեանց և աւելի քչեր, որ ասոր չափ փոփոխակի յա-  
ջողութեանց ու ձախորդութեանց ենթակայ եղած լինեն: Թաւ-  
րիկ կամ Թարվէզ ըստ արդի հասարակ գործածութեան, Թորի՝  
ըստ Ֆրանսիացւոց, Թարբիզ՝ ըստ տեղացի աղճատախօս թուր-  
քաց, Թարբիզ՝ ըստ պարսկաց, որ կը նշանակէ ջերմ թափող,  
ջերմնափարատ, կամ ըստ այլոց քիչ մը ուղղադրութեան փո-  
փոխմամբ՝ թաբ կամ Թարբիզ — տապ, ջերմ տարածող\*) ար-  
դի Ատրպատական նահանգի գլխաւոր քաղաքն է և նոյնը եղեր  
է խիստ քիչ բացառութեամբ, շատ դարերէ ի վեր:

\*) Աւելի առաջ ներառով կարելի է ըսել՝ որ Թարբիզ՝ Դավ-  
րեժի ստաղարձն է, Արդի պարսկերէնը eus անգամ հինի Ի եւ Վ  
գրերն Բ-ի փոխել է:

Սըր Հէնրի Ռօլինսըն կը կարծէ, որ այս քաղաքը հին  
մամանակաները Վառա կամ Վիռա կը կոչւէր, որմէ և Վառինա,  
որ Վենդիգայի մէջ յիշւած է, հաւանաբար Ատրպատականի  
նախկին անունը եղած լինի: Կը կարծւի ևս, որ սա նոյնը ե-  
ղած լինի Պտղոմէոսէ յիշւած Թավրեսի հետ<sup>1)</sup>:

Թաւրիզ մնաց պարսկաց ձեռքը մինչև արաբացւոց Պարս-  
կաստանին և Ատրպատականին տիրելը եօթներորդ դարի կէ-  
սին մօտերը:

Մերձաւորապէս 170 տարիէ ետքը՝ Հիջրէթի 199-ին  
(814 թ. Բ. ծ. յ.) Թաւրիզ գլխովին մի նորոգութիւն ունե-  
ցաւ Հարուն էլ Ռաշիդ ամիրապետի Չուբէյդա կնոջ ձեռամբ:

Այս նորոգութիւնը պարսիկ աշխարհագիրներէն ու պատ-  
մագիրներէն ոմանք նորոգ շինութեան և նախնական հիմ-  
նարկութեան կը փոխեն: «Չինեթ իւլ Մէջալիս»-ի մէջ կը կար-  
դանք հետեւեալը. «Չուբէյդա Ատրպատականին մէջ ճամբոր-  
դած ատեն սաստիկ կը ջերմէր. օր մը աղբիւրի մը քով հաս-  
նելով, իջևանեցաւ այնտեղ: Այդ վայրի օդն խիստ առողջա-  
բար և ջուրն խիստ բարեհամ գանելով, քանի մը օր մնաց.  
ջերմը հետզհետէ նւագելով՝ քիչ օրեր ետքը բոլորովին փա-  
րատեցաւ: Անմիջապէս իջևանած տեղը քաղաք մը շինել տւաւ  
և անունը Թարբիզ<sup>2)</sup>, այսինքն ջերմաքափ դրաւ:

1) Հեղինակն օգտւելով Չամչեանի պատմութիւնից, այս է-  
ջերում ներկայացրել է նաև հայ մասնագիրներից Բաղամբնի և  
Թաւրիզ Բաղամբնի անունն (Դավրեժ) առնչող հայկական աւանդա-  
կան բացատրութիւնը, Այդ հասածը յապաւեցինք, նկատի ունենա-  
լով, որ այն լուսամտօք է ընթերցողներին, մեր աւանդական պատ-  
մութեան գծով: Ծ. Խ.

2) Եւրոպայի նամբորդներէն ու աշխարհագիրներէն ոմանք  
անտեղեակ հայոց պատմութեանը, պարսիկ աշխարհագիրներէ առնե-  
լով Թաւրիզի հիմնարկութիւնը, սոյն դժուարին կը տան: Սակայն, այս  
յայտնի մի սխալ է, Բաղամբնի, ինչպէս յայտնի է, Թաւրիզ Չուբէյդայէն  
առաջ նրնելի մի Բաղամբն է:

վաթսուհն և եօթը տարի ետքը Թաւրիզի մէկ մասը երկրաշարժէ կործանեցաւ և բաւականին շատ մարդիկ զոհուեցան: Ասոր պատճառով թիւնն հետեւեալ կերպով կը տրուի «Զինէթ իւլ Մաշալիս»-ի մէջ, որն Ղազի Թօքն էր Գին Ջուլիի Մէջմէէ Աբբաս Մէմալիք գրքէն առնւած է, ուր կըսէ, թէ հիշրէթի 268 (881 Ք. յ.) թւականին և Աբբասեանների փոխանորդութեան ժամանակ, Թաւրիզ մեծ երկրաշարժ մը եղաւ: Աբու-թահէր շիրազցի աստղագէտն, որ այն ատեն կը գտնէր Թաւրիզ, կանխաւ ըսաւ, թէ այդ իրիկուն քաղաքն երկրաշարժէն պիտի կործանի և տեղի կառավարիչները կարելի եղածին չափ բռնի ժողովուրդը դաշտ հանեցին, որ փլատակների տակ չը մնայ\*):

Իրօք, գուշակած իրիկունը շարժ եղաւ և քաղաքը մնացողներէն 4000 հոգի սպանուեցան:

Քիչ մը ետքը, նոյն աղբիւրը կը յաւելու, թէ «Նզդի ցեղի գլխաւորներէն մէկն, որ Աբբասեանների հաստատուէն առաջ Թաւրիզի կառավարիչն էր, վերը յիշւած աստղագէտի ընտրութեամբ Կարիճ աստղատան բախտին տակ Թաւրիզի հիմնադրութեան սկսաւ, որպէսզի այնուհետեւ ալ երկրաշարժէ այս քաղաքին ձախորդութիւն չհասնէ, բացի հեղեղէ»:

Դարձեալ, ըստ նոյն աղբիւրի, Թաւրիզի պարսպի շուրջը վեց հազար քայլ է եղեր և 10 դարպաս ունեցեր է:

Այս պատմութեան նայելով, այն ատենուան բնակիչների թիւը 100,000-ի մօտ համընթաց մը եղած պէտք է համարել, որպէսզի ժողովրդի մեծագոյն մասը քաղաքէն ելլելէ ետքը մնացողներէն դարձեալ 4000 հոգի սպանուի:

Շարժէ սպանուողների թիւն ուրիշ ապացոյց մը կընայ լինել, որ Թաւրիզ Ջուրէյդայէ առաջ երեւելի քաղաք մը եղած է, այլապէս խիստ անհաւանական է, որ հարիւր կամ եր-

\*) Համդուլլահ այս ներկայացմի բախանը Հիջրէթի 244-ին (858—9 Ք. ծ. յ.) կը դնէ:

կու հարիւր տարւան մէջ նորոգ հիմնւած քաղաք մը այնչափ մեծանայ, որ իր բնակիչներէ մեծագոյն մասն դուրս ելլելէ ետքը մնացողներէն այնչափ մեծ թիւ ևս փլատակների տակ մնալով սպանուի: Նամանաւանդ երբ յիշուի, որ այն ատենուան տներն առհասարակ միայարկ էին, մեծ պարտէզներով:

Մերձ երկու դար ետքը, հիշրէթի 434 թ. (1042 թ. Ք. ծ. յ.) Սաֆար ամսի 14-ին, ուրիշ երկրաշարժ մը, աւելի սաստիկ քան առաջինը, մէկ գիշերուան մէջ ամբողջ քաղաքը կործանեց, և կըսուի թէ մինչև 40,000 հոգիք իրենց կեանքը կորսնցուցին:

Սէլջուկեանների զօրանալով, անոնց մէջէն Տուղբիլ բէկ հետզհետէ Պարսկաստանի մասերը գրաւելով, Ատրպատականին ևս տիրեց հիշրէթի 446-ին, (1053 թ. Ք. յ.) և տարի մը ետքը նախ իր զօրքը և ապա ինքն անձամբ Հայաստան արշաւեց և մինչև եօթն տարի այս երկիրն ոտնակոխ ընելով, բիւրաւոր հայեր գերեց և Պարսկաստան քշեց, և հաւանաբար, անոնց մեծագոյն մասն Ատրպատական թողուցաւ:

Ալիասլան, Տուղբիլի յաջորդը, Պարսկաստան շատ տեղեր նորոգութիւն ըրաւ և Թաւրիզը մեծցուց: 1064-ին Հայաստան մտաւ, Անին առաւ, կործանեց և բաղմաթիւ գերիներ տարաւ հիւսիսային Պարսկաստան (Ատրպատական) բնակեցուց:

Ասոր յաջորդեց Մելիքշահ, 1072-ին, և հօր նման 1086—1093 թ. թ. անդադար Հայաստան արշաւելով՝ հազարաւոր գերիներ Պարսկաստան տարաւ: Մելիքշահէն ետքը Սէլջուկեան տէրութիւնն սկսաւ նւազիլ, սակայն Ատրպատական մինչ կէս դար ևս անոր յաջորդների ձեռքի տակ մնաց:

Ասոնցմէ ետքը Ատրպատականին տիրեցին Աթաբէկներն կամ Էօզբէկ թաթարներն, մինչ հիշրէթի 590 թ. (1193 թ. Ք. յ.): Զինէթ իւլ Մաշալիսին մէջ պատմւածին նայելով, սէլջուկեանների և Աթաբէկների ատեն Ատրպատականի տւած հարկը տէրութեան՝ 680,000 թումանի մօտ գումար մը եղեր է: Այս գումարն, ի նկատի առնելով այն ժամանակւայ թումանի ու-

նեցած արժէքը, խիստ մեծ դուժար է, որով չափազանցութեան կասկած կը տայ: Այսուհանդերձ, ասկէ կրնանք հետեցնել, որ այն ատեններն Ատրպատական այժմէն խիստ աւելի բազմամարդ ու ծաղկեալ վիճակի մէջ եղեր է:

Այն ատեններն այս նահանգին և ի մասնաւորի Թաւրիզի մէջ բազմաթիւ հայեր եղած պիտի լինեն: 13-րդ դարի սկիզբներն մոնղոլեան ցեղը Չենգիզ խան հետզհետէ զօրանալով, շատ երկրներ թիրեւէ ետքը, Ատրպատականն ևս առաւ, հաւանաբար, 1219—1220 թ. թ. ատեններն և իր կատարի ու արիւնոռչտ բնաւորութեան համեմատ սարսափելի կոտորածներ արաւ: Բայց ըստ «Գեանջ Գանէշ» ի հեղինակին, Թաւրիզեցիք շատ ապրանք և ոսկի տալով, իրենց քաղաքը կոտորածէ ու կողոպուտէ ազատեցին: Անոր յաջորդեց 1226 թ. իր որդին Ռախաթա խան, որ աւելի քիչ արիւնոռչտ ու կատարի լինելով, հօր ըրած աւերներն քիչ-շատ նորոգեց և իր Չարմաղան զօրավարն Ատրպատական զրկեց Սուլթան Ջալալէղդին Սարազմ շահին դէմ, որ Չենգիզի մահէն ետքը Ատրպատական դարձեր ու անոր տիրեր էր:

Չարմաղան եկաւ, Ջալալէղդինին շարաշար պարտութեան մատնեց և 1233 թ. Հայաստան արշաւեց:

Ռախաթա խանին յաջորդեց 4 տարի ետքը Կիսակ խան, որ նէսրանի (այսինքն քրիստոնէական) կրօնքը կը դաւանէր և որի թագաւորութիւնը միայն մէկ տարի տևեց:

Ասոր յաջորդեց Մանգու խանն: Ասիկա իր եղբայրն՝ Հուլաքու խան Պարսկաստանին ու Հայաստանին թագաւոր անւանելով, Ատրպատական զրկեց:

Մանգու խանէն ետքը Հուլաքու խանը\*) իջըէթի 656 թ.

\*) Հուլաքու բնութեան քրիստոնէական էր կրօնով: Այս տարակուսելի է, բայց քրիստոնէական լինելուն վերայ տարակոյս չկայ: Սակայն իր քաղաքին, Իողուջ Սարուն քրիստոնէական էր և սոյն կրօնին մէջ ալ մնաւ:

մոնղոլեան տէրութեան դահը նստաւ և մեր թւականի 1254-ին, բոլոր Հայաստանը նւաճեց և Թաւրիզի մէջ շատ նորոգութիւններ ըրաւ:

Ասոր յաջորդեցին Աբաղա խանը, Հուլաքու խանի որդին, որ մահմեդականութիւն ընդունելով, կոչւեցաւ Սուլթան Ահմադ: Արզուն՝ Աբաղա խանի որդին, Քէյխաթուն՝ 1291-ին, և ի վերջոյ Ղազան խան՝ 1295-ին<sup>1)</sup>, վերջինս իր աթոռը Թաւրիզ փոխադրեց և քաղաքի արևմտեան կողմը տեղ մը, որ Շամ կը կոչէր, շատ մը հոյակապ շինութիւններ կանգնեցուց իր բնակութեան համար, որոնք մէկ տեղ գալով, քաղաք մը կը կազմէին: Այս Շամ, Շամբ կամ Շամ Ղազան կոչւեցաւ և այժմ միայն վերջին անունը մնացեր է անանց շինութեանց:

Ղազան խան Թաւրիզի մէջ ևս շատ շինութիւններ ըրաւ, և քաղաքի չորս դին պատնէշ մը սկսաւ քաշել տալ, որ բոլոր քաղաքն իր ամէն այգիներով պարսպի մէջ լինէին, ասոր շուրջը 25,000 քայլ էր, սակայն իր մահով այս գործը կիսակատար մնաց:

Թաւրիզ, որ Սելջուկեանների և Աթաբէկների ատենը շատ երևելի քաղաք էր, մոնղոլների ժամանակ, Հուլաքու խանի թագաւորութիւնէն սկսեալ, աւելի մեծ կարևորութիւն ըստացաւ և Ատրպատականին մէջ Մարաղայէն ետքը գլխաւոր քաղաքն եղաւ: Ղազան խանի աթոռը հոն փոխադրւելով մոնղոլական իշխանութեան տակ եղող բոլոր երկրների մայրաքաղաքը դարձաւ:

Այս ատեններն Թաւրիզ վերին աստիճանի պայծառութեան հասեր և իր կարևորութեամբ զարգացման և վաճառականութեան զենիթին էր: Բազմամարդութեան կողմանէ զուցէ կէս միլիոնը կանցնէր<sup>2)</sup>: Կը հաւաստեն, որ այս ժամանակ իր

1) Ըստ Մալթոլմի՝ 1294-ին:

2) Շարդէն կրտէ, որ Միրզա Թահերէն լսած է, քէ Ղազան խանի ժամանակ շատ աւելի բազմամարդ ու ծաղկած եղեր է, քան իր ակնարկած ժամանակը (1665—77-ի մէջերը):

տարածութիւնն կը ձգւէր Այնալի կամ էյնալ-Չէյնալ լեռնէն մինչև Չուրանդաղ կոչւած լեռն, որ առաջինի դէմ առ դէմը կիյնայ և Աջի կոչւած գետէն մինչ Բարենջ գիւղն:

Ղազան խան Խորասան գնացած ատենը Ղազաինի մօտ Յիսկիլդարային մէջ մեռաւ. դիակը Թաւրիզ բերւելով, թաղւեցաւ Շամ Ղազան 1302-ին (Ք. ծ. յ.): Ըստ Ջինէթիւ Մաջալիսի՝ այս միապետի ատենը Թաւրիզի արքունի տուրքն 870 թուման, հինգ հարիւր գինար խաֆի էր\*):

Ղազան խանին յաջորդեց էլջայթու Սուլթան Խորաբանդէ Մահամմադ իբն Արղունխան և 1303-ին Թաւրիզ թագաւորութեան գահը նստաւ: Երկու տարի ետքը Սուլթանիէ քաղաքը նորոգեց, արքունիքը հոն փոխադրեց և մեռաւ 1319-ին:

Մինչև Խորաբանդէի թագաւորելը մոնղոլեան թագաւորներէն ոմանք մահմեդական չլինելով, ոմանք այդ կրօնին անտարբեր գտնւելով, և ոմանք հակամէտ լինելով առհասարակ դէպի քրիստոնեաները, մանաւանդ հայերը, որք Հայաստանի մէջ աւելի բռնութեան ենթակայ լինելով կը մօտենային թագաւորութեան կենտրոնին, ուր բռնութիւնք և հարստահարութիւնք այնչափ սաստիկ չէին կրնար լինել, և այսպէս, Ատրպատականի մէջ հայերը շատ բազմացեր էին:

Ասոնք ոչ միայն բաղդատմամբ ուրիշ տեղերին շատ հանգիստ կապրէին, այլ և յաջողակ էին և օրէ օր կը յառաջդիմէին: Սակայն, Խորաբանդէ գահ բարձրանալէ քիչ ետքը սաստիկ հալածանք բարձրացուց թէ քրիստոնէից և թէ հրեաների դէմ: Բռնի կրօնափոխութիւն հրամայեց, հազարաւոր մարդիկ կրօնքի պատճառով սպանել տուաւ, քրիստոնեաների և հրեաների վերայ ծանր տուրք դրաւ, և գրեթէ Պարսկաստանին մէջ քրիստոնէութիւն ու հրէութիւն ջնջեց: Հայերն ասոր ա-

\*) Ըստ Մ. Գասբիէ դը Մէյնասի եւ գնդապետ Փրայսի՝ մէկ դիւարն արժէ 7 եւ կես—9 ծրանկ, որով 870 թումանը 65,250,000 է մինչև 78,300,000 ծրանկ կը լինի:

տեն սկսան ցրւիլ ու նւագիլ: Թաւրիզ, որ արքունիքի Սուլթանիէ փոխադրւելովը մեծ անշքութիւն ու փոփոխութիւն կրբեր էր, քրիստոնեաների ցրւումովն սկսաւ իյնալ ու աւերւիլ:

Խորաբանդէի յաջորդը՝ Սուլթան Աբու Սէէդ խան, որ Բրհաղուր կոչւեցաւ, ձմեռը Բաղդադ կը նստէր, իսկ ամառը՝ Սուլթանիէ: Սա իր աղջիկն իր հրամանատարներէն մէկին տալով, Ատրպատականին կուսակալ անւանեց ու Թաւրիզ ղրկեց:

Աբու Սէյէդէ ետքը մոնղոլական տէրութիւնը խիստ տրկարացաւ: Էմիրներն իրենց կառավարած երկրներին սկսան ինքնագլուխ աիրել և ուզած թագաւորացնը գահի վերայ նստեցնել և չուզած ատենը վար առնելով՝ ուրիշ մէկն անոր տեղ թագաւորեցնել:

Այսպէս, մոնղոլեան միապետութիւնը շատ մը թագաւորութիւնների ու հրամանատարութիւնների բաժանւեցաւ, որով և երկրին մէջ մեծ շփոթութիւն ընկաւ: Քիչ ատենի մէջ Թաւրիզ շատ մը թագաւորների ու հրամանատարների ձեռքէն անցաւ:

Կը պատմւի, որ Հիջրէթի 771-ին (1368 թ. Ք. յ.) Իլխանեան Էմիր Շէյխ Օվէյսի որդի Սուլթան Հիւսէյն Ատրպատականի թագաւորն էր: Ժանդախտը Թաւրիզ երևան ելաւ և երեք հարիւր հազար հոգի սպանեց\*):

Սուլթան Ահմադ, որ Ղփչաղի կողմերը կը տիրէր, 100,000 հոգով Ատրպատականի վերայ յարձակեցաւ, Թաւրիզի մէջ վրէժն առաւ և ըստ Ջինէթիւ Մաջալիսի՝ 8 օր, գիշեր-ցերեկ, կոտորած բրաւ և քաղաքը կողոպտեց:

Բնակչաց կրածները գրիչ անկարող է նկարագրել: Սա հիջրէթի 784 թ. (1381 թ. Ք. յ.) իր եղբայր Սուլթան Հիւսէյնը բռնելով, սպանեց և ինքն անոր տեղ թագաւորեց Ատրպատականի վերայ: Այս ատենները Լէնկ Թէմուր հետզհե-

\*) Այս բիւն որչափ չափազանց ալ լինի, կը ցուցնէ որ այս հիւսանդուրեան բրած կոտորածը սարսափելի է եղեր:

տէ զօրանալով և իր դրացի պետերին ու թագաւորներին յաղթելով՝ 1384-ին (հիշրէթի 788 թ.) Ատրպատական մտաւ: Սուլթան Ահմադ յաղթելով Լէնկթէմուրի հրամանատարներէն, փախաւ Բաղդադ:

Լէնկթէմուր եկաւ Շամ Ազան, որն դեռ կանգուն էր, իջևանեցաւ, ամառն հոն և թաւրիզի շրջականերն անցուց, ի վերջոյ իր երբորդ որդին Ջէլալէդդին էմիրան Շահն Ատրպատականի և ուրիշ երկրների վերայ կուսակալ դնելով, ինքը Ափշաղի կողմերը գնաց:

Լէնկթէմուրի մահէն ետքը, 1405-ին, Իւսուֆ կամ Աարա Իւսուֆ թուրքման, որ Լէնկթէմուրի վախէն Եգիպտոս փախեր և հոն բանտարկւած էր, բանտէն փախաւ և իր կողմնակիցներն հաւաքելով, շատ մը յաջողութիւններէ ետքը Ատրպատականին մօտեցաւ: Նախ Նախիջևանի քով և երկրորդ անգամ թաւրիզի մօտերն 1408-ին (հիշրէթի 813 թ.) էմիրան Շահին չարաչար յաղթելով, զայն բռնեց, սպանեց, իր որդին Փիրբուղադն Ատրպատականին թագաւոր անւանելով, թաւրիզի գահը նստեցուց և ինքը Բաղդադի կողմերը գնաց:

Շահրուխը (Լէնկթէմուրի որդին և յաջորդը) 1418-ի (հիշրէթի 823 թ.) ատենները Աարա Իւսուֆի վերայ եկաւ: Մարտը տեղի ունեցաւ Սուլթանիէի մօտ, ուր վերջինս յաղթելով՝ սպանւեցաւ:

Իսքանդար, Աարա Իւսուֆի որդին ևս, որ Շահրուխէն յաղթելով, Ասորեստան\*) փախեր էր, վերջինիս մեկնելէն ետքը Ատրպատական մտաւ և տիրեց թաւրիզին: Շահրուխ երկրորդ անգամ Ատրպատական մտաւ, Իսքանդարին յաղթեց և զայն փախցուց, սակայն իր մեկնելէն ետքը Իսքանդար նորէն դարձաւ և թաւրիզն առաւ: Շահրուխ երրորդ անգամ Ատրպատական եկաւ, Իսքանդարին փախցուց և որովհետև ասոր եղբայրը՝ Միրզա Ջըհանշահ, իրեն հնազանդութիւն կը ցուցնէր, զայն

\*) Պիտի հասկանալ՝ Միջագետք: Ծ. Խ.

1433-ին Ատրպատականին թագաւոր ըրաւ և ինքն նորէն Խորասան վերագործաւ:

Իսքանդար դարձեալ յարձակեցաւ Ատրպատականի վերայ, բայց այս անգամ Ջհանշահէն յաղթելով՝ փախաւ Ալընջաղ բերդը, ուր իր որդու ձեռքով սպանւեցաւ: Ջհանշահ 1438-ին Հայաստան և Վրաստան արշաւեց և բազմաթիւ գերիներ բերաւ Ատրպատական:

1460—61-ի ատեններն Աղթամարի Չաքարիակաթողիկոսն այս միապետի մօտ եկաւ և լաւ ընդունելութիւն գտնելով, էջմիածնի կաթողիկոսութիւնը խնդրեց և ստացաւ: Այս թագաւորը թաւրիզի մէջ երեւելի մզկիթ մը շինեց, որ իր անւամբ Ջհանշահ կոչւեցաւ և այժմ միայն աւերակ մնացորդներն կան, որ Գէօյ մէջիդ կանւանւի:

Ջհանշահ 1463-ին (870 հիշրէթի) Ուզուն Հասանից սպանւելով, որդին Հիւսէյն Ալի հօր տեղը նստաւ Ուզուն Հասանի օգնութեամբ, բայց երբ սա երեք տարիէ ետքը մեռաւ, Ուզուն Հասան յարձակեցաւ Ատրպատականի վերայ և տիրեց անոր: Այս թագաւորն ևս Վրաստան արշաւելով, այնտեղէն շատ գերիներ բերաւ:

Ասոր յաջորդն՝ Եաղուբ ևս Տփղիսի շրջանէն շատ քերիստոնեաներ գերի բերաւ Ատրպատական:

Հայր Ա. Ալիշանի «Այբարատ»-ին\*) մէջ բերւած յիշատակագիրը մը կըսէ. «Այս Եաղուբի ժամանակ Սօֆի կոչւած ցե-

\*) Հ. Ղ. Ալիբանի «Այբարատ» աբխասութիւնը տեղումս գտնել չկարողանալու պատճառով դժուարացանք նշել, քէ այս մեջբերումը որտեղ է լրանում: Սկզբում չակիւրս դուած է, իսկ որտէ պարբերութեան վերջում չակիւրս նշանակուած չէ: Ուստի բնագրի 2—3 էջը բողեցինք նոյնութեամբ, միայն փոփոխութեան ներքակելով յատուկ անունների տառադարձութիւնը, նախորդ էջերում յիշատակուած նոյն անունների գրութեանց ձևին համապատասխանեցնելու նկատմով:



դէն Իսմայիլ իշխանը հետզհետէ զօրանալով, Շիրվանին տիրեց: Ատրպատականի թագաւորն այս լսելով՝ անոր դէմ պատերազմի ելաւ և Նախիջևանի մօտ Իսմայիլէն շարաշար յաղթեց լով, փախաւ:

Այս պարտութեամբ Ուզուն Հիւսէյնի հիմնած Աղ-ղօյին-լու թագաւորութիւնը վերջացաւ: Իսմայիլ եկաւ Թաւրիզ, 1500-ին թագաւորական գահը ելնելով, Շահ Իսմայիլ անունն առաւ, և Շիէ դաւանանքն որ մինչ այն ատեն գաղտնի էր, իր տէրութեան կրօնն ըրաւ: Ասկէ ետքը աւելի զօրանալով, գրեթէ ամբողջ Պարսկաստանին տիրեց:

Սուլթան Սէլիմ օսմանեան միապետը 1513-ին Պարսկաստանի վերայ յարձակեցաւ: Խոյի և Բայազէդի մէջ տեղը եղող Չալ-ղըրան կոչւած դաշտը սոսկալի մարտէ մը ետքը Շահ Իսմայիլին յաղթելով, եկաւ Թաւրիզն առաւ. քաղաքի արհեստագէտներէն ընտրելով մերձ 3,000 ընտանիք, որոնց մեծագոյն մասը հայեր էին, Կ. Պոլիս գրկեց և քանի մը օր միայն մընալով, փութով իր մայրաքաղաքը վերադարձաւ:

Սէլիմի մեկնելէն ետքը Շահ Իսմայիլ եկաւ քաղաքին տիրեց: Սուլթան Սուլէյման 1534-ին Շահ Թահմազի ձեռքէն Թաւրիզն առաւ և պահապան զօրք դնելով՝ դարձաւ Կ. Պոլիս:

Իւր մեկնելէն քիչ ետքը Թաւրիզի ժողովուրդն ոտքի ելաւ և յանկարծակի օսմանցիների վերայ իյնալով, սարսափելի կոտորած մը ըրաւ և քաղաքին տիրեց: Իբրահիմ փաշան Մեծն Սուլէյմանէ ղրկւելով, Թաւրիզն երկրորդ անգամ առաւ, մեծ բերդ մը շինել տւաւ, զայն 350 թնդանօթով և չորս հազար պահապան զինւորներով ամրացուց:

Սակայն, այս չարգիլեց ժողովուրդը նորէն ապստամբելէ: Իբրահիմ նորէն օսմանեան զօրքով ղրկւեցաւ և 1548 ին քանի մը արիւնալից յարձակումներէ ետքը Թաւրիզը առաւ և իր կատաղի զօրաց կամացն թողաւ, որք բոլորովին թալլելէն ետքը, անպատմելի անգթութիւններ և ապիրատութիւններ գործեցին, Թահմազ թագաւորի պալատներն և ամենա-

երևելի շէնքերն հիմնայատակ կործանեցին և քաղաքն արիւնով, դիակով ու աւերակով լցուցին:

Այսուամենայնիւ 1546 — 1553 թւականներին շատ մը հայեր ջալալիների աւած նեղութիւններէն և սովի պատճառով հետզհետէ փախչելով, եկան Ատրպատական և Թաւրիզ բնակեցան: Շահ Թահմազ զօրք ժողովելով և 1550-ին Թաւրիզն առնելէն ետքը Վրաստան և Օսմանեան Հայաստան արշաւեց և ամբողջ տարի մը ամէն տեղ հրով և սրով աւերեց և հայերէն ու ուրիշ քրիստոնեաներէ գերի տարաւ Պարսկաստան:

Սուլթան Սուլէյման երրորդ անգամ Շահ Թահմազի վերայ եկաւ, բայց հաշտութիւն ընելով, վերադարձաւ:

Այս ատեններ Շահ Թահմազ իր աթոռ Թաւրիզէն Ղազ-ւին փոխադրեց: Այսուամենայնիւ Թաւրիզ, հակառակ իր ձախորդութեանցն ու կրած թշւառութեանցը, քիչ ատենէ սկսաւ իր աւերակներէն բարձրանալ ու ծաղկիլ, այնպէս որ Սուլթան Մուրադի թագաւորութեան սկիզբներն այնչափ յառաջադիմեր էր, որ իր վերայ գրգռեց այս վեհապետի ցանկութիւնը: Սուլթան Մուրադ, ըստ այլոց Մուսթաֆա փաշա, 1577-ին մեծ զօրքով Պարսկաստան մտաւ, Թաւրիզն առաւ և Ատրպատականէն 60,000 չափ զլխաւորապէս հայ գերելով, Յունաստանի կողմերը ղրկեց:

Կերևի, որ քիչ ետքը պարսիկներն նորէն ետ առին Թաւրիզը, քանզի 1585-ին Օսման փաշան բազմաթիւ զօրքով, որոնց թիւն ըստ ոմանց 600,000 ի կը բարձրանայ, Սուլթան Մուրադէն Թաւրիզ ղրկւեցաւ. սոյն հրամանատարն եկաւ քաղաքն առաւ և սկսաւ բերդ մը շինել տալ, որ մահին պատճառով կիսատ մնաց: Զաֆար փաշա Օսմանին յաջորդեց, որի զօրքերն անպատմելի նեղութիւններ տւին բնակչաց:

Շահ Աբբասի թագաւորելովը 1585-ի (հիշրէթի 995 թ.) Պարսկաստան յառաջադիմութեան ու բարօրութեան շրջանին մէջ մտաւ:

Այս հանճարեղ միապետ իւր տէրութիւնն ամէն խոհե-

մութեամբ և ճարտարութեամբ կարգի դնելէ ետքը, 1600 թը-  
ւականին աթոռը Ղազարինէն Սպահան փոխադրեց: 1603-ին Ալի  
փաշային՝ օսմանցւոց կողմէ դըւած կուսակալին յաղթելով,  
Թաւրիզն առաւ և օսմանցիներէն շատերին կոտորեց: Նախա-  
րարներն ամէն տեղ սիռելով, պանդուխտներն, այսինքն վեր-  
ջին տարիներն Ատրպատական եկած բնակողներն թէ հայ, թէ  
հրեայ և թէ ուրիշ զանազան ազգերն, ամէնքն հանել տալով,  
դրկեց կէսն ի Փարահաբադ և կէսն Սպահան քաղաքն և շըբ-  
շականերն:

Այս հայոց առաջին բռնի գաղթումն եղաւ Սպահան: Նոյն  
տարին Հին Ջուղայէ և Հայաստանի ուրիշ գաւառներէ բռնի  
գաղթել տւած հայերի հետ Շահ Աբբաս Թաւրիզէն ևս հայեր  
հանել տալով՝ քշեց Նոր Ջուղայ, ուր Թաւրիզեցիք միասին բը-  
նակելով, առանձին թաղ մը կազմեցին որ այժմ ևս կը կոչուի  
«Թարվիզցւոց թաղ»:

Սալիլ Քափտան փաշան, — Սուլթան Ահմէդի հրամանով, —  
1616-ին Շահ Աբբասի վրայ եկաւ, Թաւրիզն առաւ, քաղաքն  
աւերելէ, պարսիկներն թալլելէ և 30,000 հոգի այլ և այլ  
ազգերէ, առաւելապէս հայերէ, գերելէ ետքը, դարձաւ:

Շահ Աբբաս 1617-ին և 1618-ին դարձեալ օսմանցւոց  
երկիրն մտնելով, տեղերնից փախած, դարձած հայերն կրկին  
անգամ հանել կը տայ և Պարսկաստան կը զրկէ, նաև Մակուէ,  
Սոյէ, Սալմաստէ, Ուրմիայէ և ուրիշ կողմերէ Թաւրիզ եկած  
բնակած հայերն և Թաւրիզցիներէն շատերն բռնի հանել տա-  
լով և միացնելով Արդաբիլէ և Ատրպատականի զանազան կող-  
մերէ գաղթել տւած հայերի հետ, ամէնքն ալ քշեց Սպահան:  
Այս վեհապետ մինչ իր մահ (1629), 7—8 անգամ Թաւրիզէ  
և թէ Ատրպատականէ հայեր բռնի հանել տալով, գաղթեցուց  
Սպահան և անոր շրջականերն:

Այսպէս, հայերը, որք 13-րդ դարի առաջին քառորդէն  
ի վեր ներագաղթութեամբ կամ բռնի բերելով սկսեք էին  
հետզհետէ բազմանալ Ատրպատականի, նամանաւանդ Թաւրի-

զի մէջ, որպէս որ 15-րդ դարի մէջերն բաւականին մեծ բազ-  
մութիւն մը կը կազմէին: Նահանգին մէջ, և որք Թաւրիզի  
մէջ, միայն 7000 տնէ աւելի կը հաշուէին, այնուհետև հետըզ-  
հետէ բռնի արտագաղթութեամբ և զանազան պատճառների  
համար ցրւելով, Շահ Աբբասի ժամանակ բոլորովին նւազեցան  
և անկէ ետքը ևս շարունակ պակասեցան:

1641 թւականի Փետրւարի ուրբաթ օրը Թաւրիզ և  
շրջականերն մեծ դետնաշարժ մը եղաւ: Առաքել պատմագրի  
խօսքին նայելով՝ որ ժամանակակից էր և Թաւրիզեցի, մինչ  
երկու ամիս շարունակ, օրը 5—6 անգամ գետինը կը շարժէր:  
Այս երբերումն ընդհատաբար 6 ամիս տևեց և երբեմն-երբեմն  
գետինը կը զղրդէր: Այս շարժէն 1200 հոգի մեռան, հին ա-  
տենէ կանգուն մնացած շինութիւններն, որոնց մէջ ևս հայոց և  
պարսկաց կանգնւածներն կործանւեցան, որոնց հետ ևս Շամ  
Ղազան, որմէ միայն պատերն մնացին:

Շրջականերն ալ աւելի վնաս կրեցին, ինչպէ Սոսրով  
Շահ, ամբողջ Իւսկի դաւառակն և Գուխարդան գիւղը:

Շարդէն առաջին անգամ 1665-ին Պարսկաստան հասաւ  
և 1677-ի վերջին այս երկրէն մեկնեցաւ: Նա Թաւրիզ իջե-  
ւանեցաւ Ֆրանկիսկեան (Քափուսին) կրօնաւորների վանատու-  
նը: Այս անձի պատմածներն վստահելի ու ճշմարտաման պէտք  
է համարել, քանզի սա պարսկաց արքունեաց հետ յարաբե-  
րութիւն ունենալով, յաճախ անոնց հետ և մերթ առանձին  
Պարսկաստանի զանազան կողմերն ու շատ քաղաքներն այցե-  
լելով, շատ տարիներ անդ բնակելով, մանաւանդ իր հետա-  
քըրքի բնաւորութեամբ ամէն բան քննելով, ամէն ինչի հե-  
տամուտ լինելով, երկրի դրութեանն ու վիճակին և բնակչաց  
սովորութեանց ու կենցաղավարութեանց վերայ խիստ ճիշտ  
տեղեկութիւններ ստացաւ: Շարդէն հետևեալը կը պատմէ այն  
ատենւան Թաւրիզի վերայ.

«Ես կարծեմ, կարելի է ապահովապէս ըսել, որ Թաւ-

բիզի ժողովրդի թիւը 550,000-ի կը հասնէ<sup>1)</sup>։ Քաղաքը բաժանւած է 9 թաղի և ժողովուրդը Հէյդար Նէմմէթուլլահի։ 15,000 տուն<sup>2)</sup> և 15,000 խանութ կայ։

Պարսկաստանի մէջ տներն անջատւած են կրպակներէ։ Որք մեծագոյն մասամբ երկար ու լայն փողոցների մէջ են և ծածկւած 40—50 ոտք բարձր կամարներով։ Այս շուկաները կամ բազարները քաղաքի սիրտը կը կազմեն. տները գրեթէ ամէնքն պարտէզ ունին։

Ես Թաւրիզի մէջ շատ պալատներ կամ հոյակապ տներ չեմ տեսեր։ Բայց պալատներն անշափ գեղեցիկ են։ Ասիոյ մէջ ոչ մէկ տեղ նմաններ չկան։ Սքանչելապէս գեղեցիկ է տեսնել անոնց լայնութիւնն ու ընդարձակ տարածութիւնը, զանոնք ծածկող սիրուն դմբէթներն ու կամարները, այն մեծ բազմութիւնը, որ ցերեկ ատեն անդ կը գտնուի, և ասրանաց այն մեծ քանակութիւնը, որոնցմով քաղաքը լեցւեր է։

Ամէնէն գեղեցիկն, ուր կը վաճառուին գոհարեղէններ, և ամէնէն թանկագին ապրանքներ, ութ անկիւնի է և խիստ ընդարձակ, այն Ղէյսարիէ կը կոչուի, այսինքն արքայական վաճառանոց։ Այն շինուած է մերձ հիջրէթի 850-ին<sup>3)</sup> Հիւսէյն թագաւորէն։ Որ իր բնակութիւնը Թաւրիզ հաստատեր էր։ Հասարակութեան համար սահմանւած տեղերն ոչ սակաւ գեղեցիկ են և ոչ ալ պակաս լեցւած։ 300 իջևանատուն (քարվանսարայ) կը հաշուեն, որոնց մէջ այնպիսի ընդարձակները կան, որ իւրա-

1) «Normant»-ի հրատարակութիւնը (Փարիզ) 50,000 սպազրամ է։

2) Այս քիւր սպագրական սխալ կերնի, գուցէ 51,000 է, քանզի 15,000 տունով քաղաք մը, ոչ 55,000 բնակիչ եւ ոչ 15,000 խանութ եւ ոչ այնչափ մեծ տարածութիւն, ինչպէս նա յիշեր է, կըրնայ ունենալ։

3) Շարդէն «Ղէյսարիէ»-ի շինութեան քաղաքին մէջ կը սխալի, քանզի Ուզուն Հիւսէյն հիջրէթի 822-ին միայն յաջորդեց իր եղբորը՝ Ջեհանգիրին։

քանչիւրի մէջ կընան 300 անձ բնակիչ։ Ծխախոտի, սուրճի և մեկոնէ շինւած զօրեղ ըմպելիքների պանդոկներն ևս, և բաղնիքներն ու մզկիթները լաւ կը համապատասխանեն ուրիշ շինութիւնների մեծութեան ու շքեղութեան։ Մզկիթները թըւով 250 են։ Երեք հիւանդանոց կայ, որոնք բաւականին մաքուր և լաւ պահւած են։ Այժմ անդ չեն բնակիր, բայց օրն երկու անգամ այն ամէն անձանց, որք այնտեղ կերթան, կերակուր կը տան։

Քաղաքի հարաւակողմը, դուրսերը կը գտնուին այն վայրերը, որոնց մէջ կերեւին պարսից վերջին թագաւորների պատերի աւերակները և արևելեան կողմը այն բերդինը, ուր, ըստ հայոց ըսածին, Սոսրով կը բնակէր և ուր նա կը պահէր Երուսաղէմէն բերած աւարը։ Թաւրիզի հրապարակն ամէնէն մեծ հրապարակն է, որ ես տեսեր եմ աշխարհի մէջ, այն մեծապէս կը գերազանցէ Սպահանինը։

Թուրքերն (օսմանցիները) շատ անգամ մարտի ձեով անդ 30,000 մարդ շարեր են։ Իրիկուները այս հրապարակը կը լեցւի ստւար ժողովուրդով, որ կը գայ զւարճանալ տեսակ-տեսակ զբօսանքներով, ինչպէս ձեռնածութիւն, զօտեմարտութիւն և ուրիշ խաղեր։ Յերեկն այն մի շուկայ է ամէն տեսակ պարէնի։ Քաղաքը լեցւեր է ոսկիի, մետաքսի և բամբակի արեւստագործութիւնով։ Պարսկաստանի ամենագեղեցիկ փակեղներն ու ապարօշներն աստ կը հիւսուին։ Գլխաւոր վաճառականներէն շատերն ինձ վստահացուցեր են, որ տարին 6,000 հակ մետաքս կը ձեռագործեն։ Ամէն բան աման է։ Հացի լիպրան սովորաբար միայն երկու լիտոն<sup>2)</sup>, իսկ մսինը 18 դնի

1) Այժմ Պարսկաստան միայն մէկ հիւանդանոց կայ եւ այն Թեհրանի մէջ է։

2) Մէկ լիտոն = մօտաւորապէս 2 սանթիմի եւ մէկ դնի = 1/12 սուի կամ 5/12 սանթիմի, որով հացի այժմեան լիտոն արդի դրամով կարժեր մօտ 40 սանթիմ եւ միսինը 15 սու կամ 75 սանթիմ։

է: Կը հաւաստեն, որ այս քաղաքի շրջականներն 60 տեսակ խաղող կաճի: Պարսկաստանի մէջ տեղ մը չկայ, ուր մէկը կարենայ լաւագոյն կամ աւելի փափկութեամբ և աւելի աման կերպով ապրիլ, քան թէ ի Թաւրիզ»:

Այնուհետև, մինչ կէս դար, Թաւրիզ մեծ արկածների ենթակայ չեղաւ, սակայն այս միջոցին աւելի յետադիմեց, քան թէ յառաջադիմութիւն ըրաւ:

1721-ին գրեթէ բոլորովին կործանւեցաւ երկրաշարժէ մը, որով բնակչաց մէկ մեծ մասն իրենց կեանքը կորսնցուց: Քրուչինկի սպանւողների թիւն 80,000ի կը հասցնէ, իսկ Բոյլէ՝ 25,000ի կիջեցնէ:

Երբ աֆղան Մահմուդը Սպահանն առաւ և Շահ Հիւսէյնը բռնեց, վերջինի որդին՝ Շահ Թահմազը Մագանդարանէ Թաւրիզ եկաւ:

Ոմանք հայերի վերայ գրպարտութիւն ըրին, թէ ասոնք թշնամիները կը գրգռեն: Շահը կուզէր իր բարկութիւնը հայոց վերայ թափել, բայց Յովհաննէս անունով հայ մը, որ Շահին շատ սիրելի էր, ընծաներով մեծամեծներին դիմելով, անոնց միջնորդութեամբ Շահի բարկութիւնն իջեցուց:

Դժբախտ քաղաքը հազիւ իր աւերակներէ սկսեր էր բարձրանալ, երբ Սուլթան Ահմադ Պարսկաստանի խառնակութենէն օգուտ քաղելով, զօրք դրկեց, որք շատ տեղեր գրաւելէ ետքը, եկան Թաւրիզը պաշարեցին: Պաշարումն երկարեցաւ, սաստիկ կռիւներ տեղի ունեցան, պաշարւողներէ 30,000 և պաշարողներէ 20,000 հոգի ինկան: Ի վերջոյ, 1725 թ. Օգոստոս 3-ին քաղաքն առնւեցաւ: Բնակչաց մէկ մեծ մասը փախուստով իր կեանքը ազատեց, մնացողներէն շատերն կոտորւեցան և շատերն ևս գերի տարւեցան, այնպէս որ քաղաքը գրեթէ առանց բնակչի մնաց: Այս ատեններն է, Աֆշար Նադեր կամ Թահմազ Ղուլի, որ ետքէն դարձաւ Նադեր Շահ, հետզհետէ զօրանալով ու Պարսկաստան շատ տեղեր տիրելէ ետքը, 1731 թ.ին այս քաղաքն առաւ, որով սա յաղթողի քմաց են-

թակայ եղաւ և մեծ վնասներ կրեց:

Նադեր շահի մահէն ետքը, 1747-ին, Պարսկաստան սարսափելի վրդովմանց մէջ իյնալով, Թաւրիզ հետզհետէ տիրացան թագաւորութեան թեկնածու իշխաններ, և ամէն նոր իշխան նորանոր տուրքեր կամ հարկեր կը պահանջէր թէ իր թագաւորութիւնն սկսելու ծախուց և թէ զօրք պատրաստելու համար: Ատրպատականի, նամանաւանդ Թաւրիզի հայերի կըրածներն շատ ծանր էին: Ծանր հարկեր, տուգանքներ անընդհատ իրար կը յաջորդէին, խժողովական շարժարանքների կը մատնուէին: Ոչ ոք չէր ազատեր, մինչև չվճարէր, կամ ուրիշէ փոխ առնելու խոստում չընէր: Այս բոլորի վերայ աւելցաւ նոր հնար մը ևս, որ կը կոչւէր «Կըզեազդի» (աղջիկ դրել): Ամէն տարի շափահաս աղջիկներ ի անունները գրի կառնուէին, ապա անոնց զեղանիններէն քանի մը հատ, ըստ պահանջման թւից, կընտրուէր երկրակալի կանանոցին համար, իսկ մնացածին համար դրամական տուրք կամ փրկանք առնելով, բաց կը թողնէին:

Ծերեր կը պատմէին, որ երբ «կըզեազդի» ժամանակը կը մօտենար, ծնողք իրենց շափահաս դուստրերը ստորերկրեայ դաղտնի տեղի մը մէջ փակելով, շաքաթներով անդ կը պահէին, մինչև որ աղջիկ գրողների այցելութիւնը վերջանար: Շատ անգամ, ըստ հնարաւորութեան, այցելու պաշտօնեաներն մեծաքանակ կաշառներով գոհացնելով, կազատէին իրենց զաւակներն այդ դժոխային վիճակէն: Այս պատճառով Ատրպատականի հայերն յետին աղքատութեան ու թշուառութեան մէջ ինկան:

Այս վիճակը շարունակւեցաւ մինչև Քեարիմ խան Զանդի միապետութիւնը, որի ժամանակ Պարսկաստան քիչ մը շունչ առաւ, բայց ասոր մահէն ետքը, 1778-ին, նորէն մեծ ալեկոծութեանց մէջ ինկաւ, որին հայերն ամէնէն շատ ենթակայ էին:

Այս ատեններն Սալմաստի իշխանաւորն Ատրպատակա-

նի ամէն տեղեր ասպատակելով, բնակիչներն անխնայ կը ջարդէր, Թաւրիզն ևս ընդհանուրի ճակատագրէն ազատ չմնաց:

Մինչ այս շարիքներն դեռ չէին նւագած, Թաւրիզ դարձեալ մեծ երկրաշարժէ մը աւերւեցաւ 1780-ի Գեկտեմբերի վերջին կամ 1781-ի Յունւարի սկզբին\*):

Շահբագեան Մահտեսի Գասպար, որ երեք տարեկան ժամանակ այս աղէտին ենթակայ լինելով, երկու օր փլատակների տակ մնացեր էր, ծնողներն ու բարեկամները մարմինը փնտռած ատեն բահով զարկեր, ճակատը վիրաւորեր էին, և որմէ ետքը հանւելով, մերձ 80 տարի նոր կեանք ունեցաւ, կը պատմէր թէ շատ անգամ ծնողներէն և ուրիշ ականատեսներէ լսեր էր, որ շարժը Ծննդեան տօնէն առաջ տեղի ունեցաւ, քաղաքի մեծագոյն մասը կործանեցաւ: Բարեբախտաբար այն ատենի տներն խիստ քիչ բացառութեամբ միայակ և նամանաւանդ հում աղիւսով շինւած լինելով, աւերակների տակ մնացողներէ շատերն ազատուցան:

Մշակների թիւն այնչափ նւազ էր փլատակների տակ եղողներին բազմաթիւ և ընդհանուր տարաբախտութեան միջոցին մարդիկ այնչափ խստասիրտ էին դարձեր, որ հողի տակ եղողներէ հարցնելով կը ստուգէին, և եթէ իրենցներէ չէր, առանց հանելու կանցնէին ուրիշ տեղ փորել՝ իրենցներէն դտնելու համար: Երկրի երեքումը մէկ ամսէ աւելի տևեց: Անպատասպար բնակիչներ ցրտի սաստկութեան պատճառով մեծ նեղութիւն կը կրէին: Մեծ էր պաշարաց նւագութիւնը ու թանգութիւնը: Սակայն, ջրի համար կրած զրկանքն ու տառապանքն ամէն բան կանցնէին: Երկրաշարժէ ջրի ճամբաներն ու ազուգաներն աւրւեր, տների ջրամբարներն ևս քայքայ-

\*) Թաւրիզի հայ ժողովրդին Ղուկաս կարողիկոսն ուղղած եր մխիթարական մի կոնդակ, որ Հայոց ՌՄԼ Յունւար Ժ քաւականը կը կրէ, Հնկուապէս ներաւարժը 1781 ր. Յունւար 10-է առաջ սնդի ունեցած պիտի լինի:

ւելով իրենց պարունակած ջրերն հոսեր, փչացեր էին: Անոնք որ հեռու տեղերէ ջուր բերելու համար միջոց չունէին, ձիւնի մնացորդներն կամ սառոյցի կտորներն հաւաքելով ու կաթսայի մէջ լցնելով կը հալէին, խմելու ջուր ունենալու համար:

Գարնան գալուստը միայն դժբախտ բնակիչների թշուառութիւնները թեթևացուց: 19-րդ դարի սկիզբը Քայնէր անունով եւրոպացի ճամբորդ մը, որ Թաւրիզէն անցնելով, գայն դիտեր էր, կը գրէ, թէ այն ատեն այս քաղաք դեռ իր աւերակներէն չէր բարձրացած, միայն վեց հազարի չափ տուն կը պարունակէր, որոնց մեծագոյն մասը խարխուլ ու կիսաւեր վիճակի մէջ էր: Ժոքեռ, որ 1806-ին Պարսկաստան հասաւ, այն ժամանակի բնակչաց թիւը 50,000 կը համարէ:

Աղա Մահմադ խան Ղաջարի թափառելովը 1784-ին Պարսկաստանի խռովութիւններն հետզհետէ դադրեր էին, սակայն Ատրպատականի ընդհանուր ժողովրդեան և առաւել հայոց թշուառութիւնները բոլորովին չէին վերջացած, քանզի Ատրպատականի ժողովուրդն ընդհանրապէս և Թաւրիզի բնակչութիւնը մասնաւորապէս մեծ դիմադրութիւն ցոյց տալով Աղա Մահմադ խանի տիրապետութեանը, այս բռնաւոր երկրակալը շատ խստիւ վարւեցաւ ժողովրդեան հետ, անորմէ շատերը դերի վարելով Պարսկաստանի այլ և այլ կողմերն և հայերէն առանց հասակի և սեռի խտրութեան, բաւականին խողխողել տւաւ\*): Աղա Մահմադ խան 1795-ին Վրաստանի վերայ յարձակեցաւ և Հերակլ թագաւորին յաղթելէ ետքը Տրփ-

\*) Ղուկաս կարողիկոս ՌՄԼԶ (1787) Հոկտեմբեր 11-ին Թաւրիզի հայոց ուղղած կոնդակին մէջ կըսէ. «Յաւիմք վասն խղնալի ժողովրդեանդ մերոյ, բայց մեր եւս նոյնպիսի դառն դիպւածոյ պատահելով քանիցս անգամ, քէ ի յառաջ քարժնցմանէ կովկասականացն խոսքարոյից եւ քէ սեղոյս բնակչացն բազմիցս զմիմեամբ անկանելոցն եւ գրեթէ միտ ի վրդովմունս եւ ի զբաղմունս գոլով, ոչ կարեաւ օրհնութեան քրդով զօնգ մխիթարել...»:

խիսն առաւ, սոսկալի կոտորած բբաւ և 15,000, ըստ այլոց՝ 25,000 հայ և վրացի զերի վարեց ի Պարսկաստան:

Ոմանք գերիների թիւը 16000 կը հաշւեն, որոնցմէ 12000 հայ, 4000 վրացի: Վրացիներէն մերձ 70 տուն գեռևս ներկայիս Ղուժի շրջակայքը կը տեսնուին, որք կրօնափոխ լինելով հանդերձ, իրենց լեզուն ու սովորութիւնները մեծաւ մասամբ պահեր են:

Ռուսերն Մահմադ շահի ետեէն Արաքսն անցան և մինչև Ահար յառաջացան, սակայն, Եկատերինէ կայսրուհւոյ մահը վերայ հասնելով, 1796 Նոյեմբեր ամսին մէջ, արշաւող զօրքը ետ դարձաւ և այսպէս Պարսկաստան մեծ վտանգէ մը ազատեցաւ:

Մահմադ շահ նորէն Վրաստան մտնելու նպատակով հետեւեալ գարնան յառաջացաւ մինչ Շուշուայ բերդը, բայց աստ իր երկու ծառաներէ գիշեր մը սպանւելով, իր զօրքը ամէն ինչ թողուց ու դարձաւ երկիր:

Մահմադ շահին յաջորդեց իր եղբօր որդին, որ 1798-ի սկիզբներն նստեց Պարսկաստանի գահը, Փաթալի շահ տիտղոսով: Այս ժամանակները Վրաստանի մէջ քաղաքակալական փոփոխութիւն մը տեղի ունեցաւ, սրի հետեանքն հայոց ապագային վերայ մեծ ազդեցութիւն պիտի ունենար:

Ռուսիոյ դործակատարն անարգարանալի միջոցներով կայսրութեան բոլոր ազդեցութիւնն ի դործ դնելով Վրաստանի վերջին գահակալ Գէորգ ԺԳ-ը թագաւորի վերայ, յաջողեցաւ 1800 Սեպտեմբեր 28 ին թուղթ մը ստորագրել տալ, որով թագաւորը Վրաստանի թագը, իր անունով և իր յաջորդների անունովը, կը թողուր Ռուսիոյ կայսեր:

Այս չարաղէտ դործը Գէորգի թագաւորի դէմ գրգռեց վրացւոց ատելութիւնն ու արհամարհանքը: Այս ատեններն քանի մը վրացի ազնւականներ չուղելով ռուսաց իշխանութեան տակ մնալ, փախան Պարսկաստան և պարսից ծառայութեան մէջ մտան: Ռուսերն Վրաստան հաստատուելէ քիչ ետ-

քը սկսան յառաջանալ և պատրաստուել պարսից ձեռքէն հանելու Անդրկովկասի մնացեալ մասը: Փաթալի շահ գահ բարձրանալէ քիչ ետքը, իր որդին՝ Աբբաս Միրզան, Ատրպատականի կուսակալ կարգելով՝ Թաւրիզ զրկեց:

Այս արքայազնը Պարսկաստանի լուսաւորեալ և հանճարեղ անձերէն մէկը լինելով, մեծ ջանքով ու աշխատութեամբ սկսաւ իր նահանգը բարեկարգել, Թաւրիզը ծաղկեցնել և ժամանակի ներածին շափ քրիստոնեաների, նամանաւանդ հայերի վիճակը բարւոքել: «Կըզեագդին», որ Մահմադ շահի թագաւորութեան վերջին տարիները դրամական տուրքի փոխուեր էր, Աբբաս Միրզայի կուսակալութեան ատեն բոլորովին վերջացաւ:

Հետաքրքրական պարագայ մը ևս: Անտաշ տարրերի համար սովորութիւն էր եղեր քրիստոնեաների հետ վէճ կամ կռիւ ունեցած ատեն շուտով վազել գանգատ ընել իրենց կառավարչական պաշտօնատարներին, թէ հաւատս հայհոյեց: Այս երկու բառ այժմ առածի տեղ անցնելով, առանց առիթի կռիւ փնտռելու կամ լոկ զրպարտութեան նշանակութիւն ստացեր է: Շահնազարեան կը պատմէ, թէ Աբբաս Միրզայի մերձաւոր ծառաներէն մէկը, օր մը, 1807 թւականին, հայ վաճառականի մը պատահելով, ամենաչնչին առիթով կը սկսի անոր անարգանք ընել: Հայն կը փոխարինէ: Ծառան կը համարձակի յայնժամ հայհոյել վաճառականի կրօնը: Վաճառականն ալ շղիժմանալով, սաստիկ կը ծեծէ ծառան: Այս վերջինը կը փութայ ուղղակի իշխանին երթալ և վաճառականն ամբաստանել «գիս ծեծեց առանց պատճառի և հաւատս հայհոյեց» ըսելով:

Փոխարքան իր ներկայութեան բերել կը տայ վաճառականն և ուրիշ վկաներ, անձամբ հարց ու փորձ ու քննութիւն ընելով, ստոյգ եղելութեանը վերահասու կը լինի և կը համոզուի, որ յանցանքն իր ծառայինն է և խստօրէն կը պատժէ:

Արքայազնի այս խոհական ընթացքով հաւատքի անուսով եղած զրպարտութեան ձևը շատ անդործածութեան մէջ

ինկաւ և քրիստոնեաներն այդ փորձանքէն ազատւեցան:

Անգլիացի զինւորական մարզիչներէն, որք յաջորդեր էին Նապօլէօնէ զրկւած Ֆրանսիացիներին, ոմանք այս ատեններս Ատրպատական եկան պարսից զօրքը կրթելու համար: Ասոնց ի թաւրից ներկայութիւնը բաւական օգտակար եղաւ մերագնեայ բնակչաց, որք զժւարութեանց մէջ անոնց միջնորդութեանը կամ պաշտպանութեանը կը դիմէին:

Մ. Ուիլիէմ Փրայս, որ իբր քարտուղար կընկերանար անգլիական արտակարգ դեսպանութեան ի Պարսկաստան, 1810—1811 թւականներին հետեւեալ տեղեկութիւնները կը տայ թաւրիզի հայերի նկատմամբ:

«1811 թ. Յունիս 7/19-ին, երբ Սըր Ուզլի թաւրիզ հասաւ, տարւեցաւ այն տունն, ուր Սըր Հ. Ճօնս յառաջագոյն բնակեր էր. բայց այս տունը խիստ փոքր լինելով հետևորդների բնակութեան համար, բաւականին ատեն տեղ մինչև որ ուրիշ տներ հայթայթւեցան: Օրւան ընթացքին քանի մը հայ ընտանիքներ իրենց տներէն դուրս հանւեցան, մեզ տեղ ընելու համար: Տուն մը, որ հայ քահանայի մը կը պատկանէր, ինձ վիճակ ընկաւ, և տեսնելով որ ընտանիքն իրենց անկողինները տունէն դուրս կը հանէին, ես անոնցմէ խնդրեցի վերադառնալ, միայն երկու սենեակ բաւական համարելով իմ գործածութեան համար: Անոնք ջերմ շնորհակալութիւն յայտնեցին ինձ և ես երեկոյեան զանոնք իրենց տան մէջ տեսնելու հաճոյքն ունեցայ:

«Տան դուռը խիստ փոքր լինելով, ես պատճառը տանուտէրին հարցուցի: Նա ինձ իմացուց, որ դիտմամբ փոքր ըրեր էին, որպէսզի ձիերը չկրնային իրենց ախոռը բերել, քանզի հայ մը որ ախոռ ունենար, իր տէրը կենթարկէր ձրիպէս ուրիշի ձիերն պահելու: Այս բարի մարդը հաճելի կին մը և քանի մը զաւակ ունէր, որոնցմէ ամենագեղեցիկը մի աղջիկ էր տասնեօթն տարեկան: Բացի իր պաշտօնէն, իբր քահանայ, նա զասատու էր նաև, և քանի որ նրա զասարանն իմ սենեակին

կից էր, ես շարունակ կրնայի լսել աշակերտների հայերէն լեզուի զասը և երեսանների բեն—այբ—բա—գիմ—այբ—դա հեղեղը»:

1812—13-ին պարսից զօրքերը յարձակելով ռուսաց նորոգ տիրած երկրների վերայ, բաւականին մեծ վնաս հասցուցին անոնց, սակայն ետքէն պարտաւորւեցան ետ քաշուել: 1813 թ. Հոկտեմբերին ռուսաց և պարսից մէջ խաղաղութեան դաշնագրութիւն մը կնքւեցաւ ի Գիւլիստան: Սակայն, սահմանները որոշող զծերի ճշգրիտ տեղագրութիւնների պակասութեան պատճառով, քիչ ատեն ետքը, երկու տէրութեանց միջև անհամաձայնութիւն ծագեց, վէճի ենթակայ եղող կէտն Կեղամայ ծովի հիւսիսային և հիւսիսային արևելեան կողմը գտնուող երկիրն էր: 1826 թ. գարնանը իշխան Մենչիկով Պարսկաստան հասաւ թէ Նիկոլա կայսեր զահակալութիւնը ծանուցանելու և թէ անհամաձայնութեան առիթ տւող կէտերն կարգադրելու համար:

Ֆաթալի շահ բանակցութիւններն ընդհատել տւաւ: Մենչիկով Յուլիսին Սուլթանիէէ մեկնեցաւ և Նրևան հասած ատեն Նրևանի սարդարը կալանաւորեց նրան. 25 օր պահւեցաւ, և միայն զնդապետ Մաքդոնալդի ըրած միջնորդութեանց շնորհիւ ազատ արձակւեցաւ:

Աբբաս Միրզա անմիջապէս 45—50,000 հետևակով և և քանի մը խումբ թնդանօթածիզ զինւորներով մտաւ վերջին տարիները ռուսաց տիրած երկիրները, սրով սկսեցաւ ռուս-պարսկական պատերազմը\*):

\*) Այստեղ, մի քանի էջերի մէջ, հնդիկակր նկարագրում է 1826—27 թ. թ. ռուս-պարսկական պատերազմը, նկատի ունենալով, որ այդ էջերի մէջ ուշագրաւ ոչ մէկ տեղեկութիւն տրւած չէ Ասրպասականի հայ բնակչութեան մասին, յարմար նկատեցինք այդ հաստատման մեքոնութեամբ յապաւել: Ծ. Խ.

Այդ իրադարձութեանց նկարագրութեան մէջ հայերին առընչ-

Պատերազմի ընթացքին Պարսկաստան կը գտնւէր վրաց  
Հերակլ թագաւորի որդին՝ Աղէքսանդրը, որ պատերազմէն ա-  
ռաջ Թաւրիզ հաստատուած էր, իբրև ոռուսաց զէմ ապստամբ:  
Ռուսերը Ատրպատական մտելէն ետքը Աղէքսանդր արքայազնը  
Վան փախաւ և իր ընտանիքը Թաւրիզ թողուց: Ռուսերը այս  
ընտանիքը քանի մը ուրիշ վրացի տղաների ու աղջիկների  
հետ, որք իրենց երկրէն զողցւած\*) կը համարէին, առնելով,  
Երևան ու Տփլիս զրկեցին:

«Արձագանք» թերթի մէջ տպագրուած մէկ յօդուածէ կը  
տեղեկանանք, որ արքայազն Աղէքսանդրի կինը՝ Մարիամ, 23  
տարեկան, զարմանալի գեղեցկութեան տէր մի հայուհի էր:  
Նա Երևանի յայտնի Մելիք Սահակ Աղամալեանցի դուստրն էր  
և ունէր մի փոքրիկ զաւակ՝ Հերակլ անուանով: Ինքն արքա-  
յազն Աղէքսանդր այդ ժամանակ կը գտնւէր Վան, ուր հրո-  
սակներ կը կազմէր սպասուած ոռուս-տաճկական պատերազմի  
պարագային ոռուսաց զէմ գործելու համար: Գիտնալով որ Մա-

ւող միակ հետաքրքրական տեղեկութիւնը հետևեալն է, որ պատմում է  
հեղինակը պատերազմի վերջաւորութեան կապակցութեամբ, ըստ ե-  
րեւոյթին լսած լինելով քաւրիզնցի տարեց Բաղաբաղիւնից:—

«Աբբաս Միրզա ոռուսաց Թաւրիզին մօտեցաւը տեսնելով, Թաւ-  
րիզէն ելաւ և մեկնեցաւ Սոնջրուլաղ, Չիրնալով պալատի պարու-  
նակութիւնն իր հետ սանել, մեկնած ասենը կը կանչէ Նազար Շահ-  
բաղեանը, որի հաւատարմութեան վերայ մեծ վստահութիւն ունէր,  
և անոր կը յանձնարարէ իր երկու հաւատարիմ ծառաների հետ պա-  
լատի քանկագին ու արժեաւոր իրերը տեղ մը պահել միջնա իր  
վերադարձը: Ն. Շահբաղեանը իր մէկ ծառային և արքայազնի եր-  
կու ծառաների հետ նոյն օր, կէս գիշերին, երբ ամեն ոք կը քնանար,  
պալատի այդ իրերը, կրցածին չափ կը կրէ, կը լնցնէ ստորեկրեայ,  
չգործածուած ամբար մը և դուռն փակ ու ցնխով պատ դնելով՝ կը  
գոցէ և առջնն հնոսիք լնցնելով, անսեսանելի կը դարձնէ»:

\*) Վրասսանէն և Իմերեթէն երեխայ գողնալու և այլուր  
վանառելու սովորութիւնը մինչ վերջին ժամանակներս կը շարու-

րիամ ազդեցութիւն ունի Ատրպատականի հայոց վերայ, նրան  
և որդուն զրկեց Երևան, հօր՝ Մելիք Սահակի մօտ:

Քէր Փորթը, 1819-ին, Աղէքսանդր արքայազնին Թաւ-  
րիզ հանդիպած և հետը բաւականին մտերմացած լինելով, հե-  
տեալ տեղեկութիւնը կը տայ անոր վերայ:

«Վրաստանի հանգուցեալ Հերակլ թագաւորի չորրորդ  
որդւոյ՝ Աղէքսանդր Միրզայի ներկայութիւնն (Թաւրիզի մէջ)  
մասնաւոր շահագրգռութեան առարկայ էր: Այս արքայազնը,  
որի արքայական ոգւոյ անկախութիւնը տակաւին կը դիմադրէ  
որուսաց հետ բարեկամութիւն ընելու ամէն պայմաններին, ոչ  
միայն մերժելով իրեն մատուցած կայսերական ամէն պատիւ,  
բայց յայտնապէս ինքզինքը հրատարակելով անհաշտ հակառա-  
կորդ այդ տէութեան, իր հայրենի երկիրն գրաւելու համար:  
«Արքայազնը նախ քաշուեցաւ Դաղստան: Վանի վայրենի խուճ-  
բերին պէս լեզգիները հողկահար մի ժողովուրդ են: Այս ան-  
հրնազանդասէր ազգաց մէջն էր, որ Հերակլի որդին փնտոնց  
ո՛չ միայն ապաստանարան, այլ և վրէժխնդրութիւն, և նի-  
զակակցելով անոնց գլխաւոր Շէյխ Ալիխանին հետ, իր ան-  
հանդարտ ոգին գրգռեց ամէն տեսակ անիրաւի յարձակում ա-  
նոնց կողմէն այն երկրին մէջ, վերջին պատերազմի սոսկալի  
զէպքերի ժամանակ: Նա ամենևին չհաշտեցաւ այն խաղա-  
ղութեան հետ, որ անոնց (լեզգիներին) անդորրութիւն տւաւ,  
իսկ այն մի քանի շաբաթներին մէջ, ունեցած իր անդիջա-

նակէր: 1870 քաղաքին, երբ Բաղդադէն կուզէի մեկնիլ, ինձ յանձ-  
նեցին 12 տարեկան վրացի տղայ մը, զոր չերեկները գողանալով,  
բերեւ այս քաղաքը վանառեւ էին: Հայերէն ոմանք այս իմանալով,  
յաջողեւ էին,—ի՞նչ միջոցներով ինձ յայտնի չէ,— զայն ազատել և  
բերել ինձ տալ, որ Պարսկաստան սանելով, այնտեղէն Վրաստան կամ  
Ռուսիա դրկեմ, ձամբան բաւականին երկիւղ կրելով, որ մի գուցէ  
տղան խլէն ձեռքս, զայն բերի Թաւրիզ, ուր յանձնեցի ոռուսաց ընդ-  
հանուր հիւպատոս պր. Բեկաբաղովին, որ զրկեց Տփլիս»:



ների ատելութիւնը ուսաց դէմ, ջանաց վերստին արծարծել ծխող կրակն, որ երբեք բոլորովին չէր մարած այն օրինազանց ցեղերի և կայսերականների մէջ: Բայց երբ այս ցեղերի ազատութեան վերայ յարձակում չգործւի, անոնք իրենց գէնքն ու բարեկամութիւնը կը վաճառեն առաւելագոյնը տւողին...

«Երբ արքայազն Աղէքսանդր ամենամեծ դժւարութեամբ, քաջութեամբ ու հնարքով անոնցմէ հեռացաւ, ան իրեն ճամբայ բացաւ այդ անմատչելի երկրի ամբողջութիւնների մէջէն և երբ իւր ճամբան կը պատահէր Շիրվանի մէջ արդիււած կէտի մը, ան իսկապէս իւր սրով, իրեն ճամբայ կը բանար, մինչև որ հասաւ Պարսկաստանի սահմանն և ինքզինքն յանձնեց Աբբաս Միրզայի ազնւական ապաւինութեան: Անկարելի էր նայել այս անվեհեր արքայազնի վերայ, որչափ ալ ամեհի ու յամառ, առանց շահագրգռութեան, առանց այն տեսակ զրթութեան ու սքանչացման, որով մարդ մը կրնայ նայիլ արքայական առիւծին, որ հալածւած իւր ժառանգական անապատէն, բայց դարձեալ դառնալով, մօտերը շուրջ կը թափառէ և կը մոնչէ իւր սպառնալիքներն ընդդէմ մարդկային օտարականների, որք վրդովեւ էին իւր տիրապետութիւնը»:

Պատերազմէն ետքը որոշեց հաշտութեան պայմանագրութիւնը կնքել Գէհլսարդան աւանի մէջ, բայց Յաթայի շահ, ուսաց առաջարկած պայմանները չընդունելով, վերջինները յառաջացան մէկ կողմէ մինչ Սային Ղալէ և միւս կողմէ՝ մինչ Արդաբիլ, ուր գտած ամէն ձեռագիր մատեաններն ու հնութիւններն Պետերբուրգ փոխադրեցին և երկրորդ կողմէ ալ հասան մինչ Ղափլանքուհ լեռան ստորոտը, որ Միանէի մօտերն է: Այսպիսով հաշտութեան պայմանագիրն կնքւեցաւ 1828 թ. փետրւար 10-ին, Թուրքմանչայ կոչւած գիւղին մէջ: Հաշտութեան դաշնագրութեան գլխաւոր պայմաններն հետևեալներն էին.

Ա. Ռուսիոյ և Պարսկաստանի միջև հաշտութիւն ու մշտնջենաւոր բարեկամութիւն պիտի լինի:

Բ. Գիւլիստանի պայմանագրութիւնը կը ջնջւէ:

Գ. Պարսկաստան Ռուսիոյ կը թողու Երևանի և Նախիջևանի խանութիւնները:

Դ. Պարսկաստան պիտի վճարէ Ռուսիոյ 80 միլիոն ռուբլի՝ իբր պատերազմական տուգանք:

Ե. Աբբաս Միրզա Ռուսիայէն կը ճանաչւի իբր ժառանգ Պարսկաստանի գահին:

Զ. Ռուսերն ազատօրէն պիտի նաւարկեն Կասպից ծովի մէջ և միայն իրենք իրաւունք պիտի ունենան անդ գինեալ մարտանաւեր պահելու:

Է. Հայերն մինչև մի ամբողջ տարի պիտի կրնան անարգել իրենց ընտանիքովն և շարժական գոյքովն անցնիլ Պարսկաստանէ Ռուսիա և մինչև 5 տարի վաճառել իրենց անշարժ կալւածները:

Ը. Շահը կատարեալ ու լիւրջ ներում կը շնորհէ Ատրպատականի ամէն բնակչաց՝ իրենց բռնած ընթացքի համար:

Այս պայմանագրութենէն անմիջապէս ետքը ռուսերն սկսան ամէն կողմէ Արաքս գառնալ:

Նիկողայոս կայսրը դաշնագիրը վաւերացուց 1828 թ. Մարտ 2-ին, և անմիջապէս հրամանագրեց, որ Երևանի ու Նախիջևանի խանութիւններն այնուհետև կոչել «Աւխարհ Հայոց» և կայսեր բազմաթիւ տիտղոսների վերայ աւելացնել ևս «Թագաւոր Հայոց Աշխարհի» տիտղոսը:

Ասով ռուսերը նպատակ ունէին յուսադրել դիւրախար հայերը, բայց երբ հաստատուեցան և ալ հայերի օգնութեան մասնաւոր պէտք մը չգագցին, յայնժամ, 1840-ին, այն կոչումն վերցրին և պարզապէս «Երևանի նահանգ» անւանեցին:

Հայազգի գնդապետ Լազարե, որ 1827-ին նշանակւած էր Թաւրիզի քաղաքապետ՝ ռուսական գրաւումի ժամանակ, սկզբի օրէն ամէն ջանք ի գործ դրաւ հայերը ռուսաց նոր տիրած երկիրն զազթել տալու համար:

Սա իրեն օգնական ընտրեց հայերը դաղթեցնելու գործի համար իշխան Մովսէս Չաքարեան Երկայնաբազուկ Արդու-թեանին, Իսահակ Տէր Առաքելեան Ղայթմագեանցին, Էնակու-լոփեան ու Շարոյեան փոխգնդապետներն և Գաւիթ ու Աղէք-սանդը Ղորղանեան, Շաղաբաթեան Մելիք Շահնազարեան, Մե-լիք Իւսուֆեան սպաներն և ուրիշ վրացի ու ռուս սպաներ, ամէնքն ալ հայազէտք և զանոնք զրկեց Ատրպատականի գա-ւառներն:

Ասոնք միանալով Ներսէս Աշտարակեցիի առաջած ըՄ-տեփաննոս եպիսկոպոսի և Նիկողայոս վարդապետի հետ, ցրեե-ցան Ատրպատականի մէջ: Քաղաքէ քաղաք, գիւղէ գիւղ շրջե-լով, կը քարոզէին, կը յորդորէին, որ քրիստոնեաներն գաղ-թեն:

Հայերը կը հաւատային, որ քրիստոնեայ կայսրն և կա-ռավարութիւնը Քրիստոսի աշակերտներ էին և հետևապէս այն-պէս կը վարէին հպատակների հետ, ինչպէս հայր մը իւր որ-դիների հետ, և երբեք չհասկածեցին, թէ քրիստոնեայ կայս-րութեանց քաղաքական նպատակների դիմաց շամանդաղի մը չափ ծանրութիւն չի ներկայացներ մարդասիրութեան գործը, այլ իրենց նպատակին, իրենց շահին առանց վարանելու կը զոհեն ոչ միայն օտարազգի հպատակներ, ոչ միայն համազգի համակրօն ժողովուրդներ, այլ մինչ անգամ մերձաւոր արիւ-նակիցներ:

Այն ժամանակ ծերունի Եփրեմ կաթողիկոս Տփլիսի մէջ անկողնուն կը ծառայէր և կաթողիկոսութեան հոգան ու էջ-միածնի կառավարութիւնը Ներսէս արքեպիսկոպոսին թողեր էր, որն հայ հոգևորականութեան մէջ ամէնէն երևելի, զուցէ արժանաւորն էր:

Ներսէս շլացած խաբուսիկ յոյսերէ, առաւել ևս ոգևոր-ւած ռուս կառավարութեան ըրած մեծամեծ խոստումներէն, սկսեք էր նամակներով և կոնդակներով Ատրպատականի քա-հանաներին համոզել, որ ամէն միջոց՝ յորդոր, խրատ, ըս-

պառնալիք ի գործ դնեն հայերն Ռուսիա շեցնելու համար: Քահանաներն իրենք անկարող այսպիսի մեծ խնդրի մը հե-տևանքները չափելու, կշռելու ու վերլուծելու, իրենց ամէն վստահութիւնը դնելով Ներսէսի դատողութեան և աշարջութեան վերայ և իրենց միայն պարտք համարելով եկեղեցա-կան գլխի պատւերներին անսալ, ամէն ջանք թափեցին անոր ցանկութիւնն ու հրամանը կատարելու:

Այսպէս, հրամայւած կաթողիկոսէն, յորդորւած եպիս-կոպոսէ, վարդապետներէ ու քահանաներէ, հրապուրւած ռու-սաց ըրած մեծամեծ խոստումներէ, վստահացած հայազգի Լա-զարեան և ուրիշ հայ և վրացի զօրապետաց ու սպայից խօս-քերէն, նամանաւանդ անաբեկւած տեղացիների ապագայ վրէժ-խընդրութենէն — իբր հաւատակից ռուսաց, — հայերն յուսացին իրենց փրկութիւնը գտնել Ռուսաստանի մէջ և կարծեցին որ անգամ մը ոտքերնին դնէին այն երկիրն, ամէն դժւարու-թիւն ու նեղութիւն պիտի վերջանային և այնուհետև ազատ պիտի կարենային աշխատիլ ու հանգիստ ապրիլ:

Ինչպէս շատ մը անձեր, նոյնպէս տէրութիւններ որևէ բանի արժէքն այն ատեն միայն կը հասկանան, երբ զայն կը կորսնցնեն: Այսպէս և տեղական կառավարութիւնը երբ տեսաւ որ ռուսերն այնչափ ջանք կընէին հայերն իրենց երկիրն գաղ-թել տալու համար, արթնցաւ, բայց ուշ, և սկսաւ զանոնք սիրաշահել և մեծ խոստումներ ընել անոնց:

Թագաժառանգ Աբբաս Միրզան, իւր ժամանակի հան-ճարեղ գլուխներէն մէկը, երբ զգաց այս գաղթման դէշ հե-տևանքները, իրեն աջակից ու խորհրդակից ունենալով Անդ-լիոյ դեսպան՝ գնդապետ Մաքդոնալդն, սկսաւ գաղթականութեան առաջն առնելու համար ջանքեր ընել: Անդլիացի Մ. Վելլոք և Ֆրանսիացի Մ. Սեմենօյ ուրիշ անդլիացի սպաների և պար-սիկ պաշտօնեաների հետ գաւառներն զրկեցան, որպէսզի հա-մոզեն հայերն ու նեստորականներն (պսորիները), որ չգաղ-թեն:

Ասոնք կը նկարագրէին Ռուսիա իբր երկիր աքսորանաց: Սակայն գաղթող գաւառացի հայերէն շատերը Վելլօքին, Սեմենօյին և այլոց կը մերժէին անսալ:

Թագաժառանգ Աբբաս Միրզա իւր կողմն շահեց Ս. Բարդուղիմէոս վանքի վանահայր Իսրայէլ եպիսկոպոսն, որ այս ատեններն Սալմաստ կը գտնւէր: Այս եպիսկոպոսն համոզմամբ թէ առանց համոզման հակառակեցաւ գաղթմանն և հոգևով ու սրտով գործին մէջ մտնելով սկսաւ ամէն տեղ շրջել, քարոզել, յորդորել ո՛չ միայն հայերն այլ և ասորիներն, որ չը գաղթեն և մինչև անգամ բռնի արգիլեց շատերին:

«Արձագանք»ի 1893 թ. Հոկտեմբեր 15-ի թիւի մէջ գրւած է, թէ Ներսէս Աշտարակեցի արքեպիսկոպոսն գայրանալով Իսրայէլի արարքին վերայ, ուղեց գայն պատժել և մի նամակ գրեց Պասկևիչին, հետեւեալ բովանդակութեամբ.

«Այն անձինք, որոնց ուղարկել էի համոզելու ու ճանապարհ գցելու Ատրպատականից դէպի ուսաց սահմաններն գաղթող հայերին, տեղեկացնում են ինձ, թէ Իսրայէլ եպիսկոպոսն, որին էջմիածնի հոգևորականութիւնը նշանակել է Սալմաստի Ս. Բարդուղիմէոս վանքում\*), մոռանալով իւր քրիստոնէական պարտականութիւնը, գաղտնի, նենդութեամբ և բացարձակ սպառնալիքներով արգիլում է հայոց այս կողմ գաղ-

\*) Սալմաստ գաւառում ոչ 1827—28 թ. թ., եւ ոչ էլ դրանից առաջ, Ս. Բարդուղիմէոս անունով որեւէ վանք, եկեղեցի կամ ուխտատեղի գոյութիւն չի ունեցել: Սալմաստի Հաճքվան գիւղի մերձակայքում գտնուում էր Ս. Թադէոս անունով մի ուխտատեղի, որ հաւանաբար ժամանակին եղել էր վանք եւ ունեցել իր վանահայր: Մեր կարծիքով, Ներսէս Արքեպ. Աեսարեկեցու ակնարկած վանքը Տանկահայաստանի Աղբակ գաւառի պատմական Ս. Բարդուղիմէոս վանքն է: Պիտի ենթադրել, որ Աղբակին սահմանամերձ Ասրպատականի գաւառների հայ համայնքները վարչականօրէն նրբմն ենթակայ են եղել Ս. Բարդուղիմէոս վանքի եպիսկոպոսներին կամ նախնային նրանց հոգևոր հեղինակութիւնը:

թելու և ուրիշ անկարգութիւններ է անում: Վասն որոյ, համաձայն պատրիարքի ինձի տւած իշխանութեան, հայոց բոլոր հոգևոր գործերը կառավարելու համար, ես խնդրեցի այնտեղի գորավար գեներալ մայեօր իշխան Չավչավաձէին, որ գրէ Սոյի բերդապետին, յիշեալ եպիսկոպոսին գինւորների խիստ հակողութեամբ ուղարկել էջմիածնի վանքը՝ հոգևոր դատի ենթարկելու, և այս դէպքում չքաշուել նորա աստիճանը անպատելուց, որովհետև մինչև որ նա չի արդարացնի այնտեղի հոգևորականութեան առջ իւր գնացքը, մինչև այն ժամանակ արժանի չէ իւր աստիճանին վայել պատուի:

Այժմ ես տեղեկանում եմ, թէ Սոյի բերդապետը պատասխանել է, որ առանց Ձերդ պայծառափայլութեան հրամանի՝ չէ կարող կատարել իմ պահանջմունքը: Վասն որոյ խոնարհաբար խնդրում եմ հրամանագրել ում հարկ է, որ շուտափոյթ ուղարկեն Իսրայէլ եպիսկոպոսին):

Այս գրութեանը Պասկևիչ պատասխանեց.

«Ես ցաւում եմ, որ դուք տեղեկանալով Սալմաստի Իսրայէլ եպիսկոպոսի անբարեմիտ վարմունքի մասին, չէք բարեհաճել ուղղակի ինձ դիմելու: Այն միջոցին ես Թաւրիզ լիբնելով, ամենայն յարմարութեամբ կարող էի կատարել Ձեր ցանկութիւնը: Բայց այժմ ես շատ դժւարանում եմ Ձեր պահանջմունքը Իսրայէլ եպ.ի մասին լրացուցանել, վասնզի թէև Սոյի գաւառը մի առ ժամանակ գրաւ է թողնւած մեզ մօտ, մինչև որ պարսիկներն կը վճարեն իւրեանց պարտքը, այնուամենայնիւ առանց Աբբաս Միրզայի համաձայնութեան, չէ կարելի ոչ ոքի դուրս քշել, որովհետև դորանով պարսից տէրութիւնը իրաւացի կերպով կարող է բողոքել, որ մենք խախտում ենք դաշնագրութիւնը:

Այդ պատճառով ներկայ հանգամանքներում ես աւելի ոչինչ չկարողացայ անել, բացի այն, որ հրամանագրեցի Պանկրատեին, աշխատել համոզել Իսրայէլ եպիսկոպոսին, որ նա գայներ կայանայ Ձերդ Սրբազնութեան, իւր արարմունքներով ար-

դարանալու կամ դատաքննելու:

Հրամանագրեցի նաև յայտնել նրան, որ եթէ չշտապի գալ, այն ժամանակ նա կը գրկէի իւր աստիճանից և ես ստիպողական կերպով կը պնդեմ Աբբաս Միրզային, որ հարկադրէ նրան գալ Էջմիածին: Սակայն կարծելով՝ որ Ձեր ստորագրեալ հոգևորականաց շրջանում, սորանից առաջ էլ երբեմնապէս պատահած լինեն պարտաւորութեանց այդպիսի օրինազանցութիւնք, ես կը ցանկայի դիտնալ, թէ ի՞նչ եղանակով էին դատի հրաւիրուած այդպիսի անբարեմիտ անձինք և թէ հայոց հոգևոր բարձրագոյն իշխանութիւնը ի՞նչ միջոցներ էր գործ դնում ըմբոստների դէմ:

Գեներալ Պանկրատևիչն չկարողանալով համոզել Իսրայէլ եպիսկոպոսին յօժարութեամբ գալու Էջմիածին, աշխատեցաւ ձեռք բերել և Պասկևիչին ներկայացնել եպիսկոպոսի մի նամակը առ Սալմաստի պարսիկ կառավարիչ Մուստաֆա բէկը, որով համոզում էր սորան չանց կենալ ոռուսաց կողմը և շթողնել հայերին դաղթելու:

Չայրացած Պասկևիչը նկարագրելով Իսրայէլ եպիսկոպոսի բոլոր արարքները, իւր գրութեան մէջ, 1828 թւի Մայիսի 31-ին, առ Եփրեմ կաթողիկոսն, ասում է. «Իսրայէլ եպիսկոպոսի այդպիսի անբարեմիտ ակնյայտնի վարմունքը դէպի մեզ և վնասակար ազդեցութիւնը հայոց վերայ, ստիպում է ինձ ամենախոնարհաբար խնդրել Ձերդ Վեհափառութեան, քննութեան ենթարկել այս հոգևորականի արարքները և արդեօք չէ՞ք բարեհաճիլ պատշաճաւոր համարել կարգալոյծ անել նորան եպիսկոպոսական աստիճանից, որն ի շարն է գործ դնում, կամ թէ մի ուրիշ պատժի ենթարկել»:

Այսպէս, երկու կառավարութիւններն ջանքեր կը թափէին և զոհողութիւններ յանձն կառնէին հայերն իրենց կողմը շահելու համար. բայց քանի որ գաւառների հայերն մասամբ իւրք Թաւրիզին կը նայէին և այս քաղաքի բնակչաց ընթացքին կուղէին հետեիլ, թագածառանգ Աբբաս Միրզան ամէն

ջանք ի գործ կը դնէ Թաւրիզի հայերն դաղթելէ արդիւելու համար: Նա կը կանչէ արքունի հիւսնապետ Նազար Շահբազեանն) և անոր կը յանձնէ մի հրովարտակ, որով կը յայտարարէր, թէ հայերէն ոմանց բռնած հակառակ ընթացքին պատճառով, համայն հպատակներն, որք միտք չունէին դաղթելու, պատժւելու վախէն կը դաղթեն, ուստի ապահովութիւն կը տրւի, որ ոչ ոքի նկատմամբ բռնութիւն ու անարդարութիւն չպիտի լինի և մնացողներին մեր կողմէ գթութիւն պիտի շընորհւի:

Ստորև թարգմանաբար կը ներկայացնենք սոյն հրովարտակն:

Դորրը  
Դարիայի  
Խոսրաւի  
Աբբաս<sup>2)</sup>

Բաւձրագոյն հրաման եղաւ, որ Թաւրիզի հայոց քաղապետն ու ալ եւորներն իմանան, թէ այս ժամանակ Նորին Բաւձրութեան արդարադասութեան առաջ կնցողներին խո-

նարհաբար սեղ եկացնեն, որ մի քանի հայերի ունեցած սխալ ընթացքի պատճառով համայն հպատակներն մեր հասուցումներէն ու պատճառութեանէն երկիւղ կրելով, հայրենիք լքանելու ցանկութիւնը չունենալով հանդերձ, հասուցման վախէն յօժար են հայրենիք բողնել: Ուստի այս շնորհազեղ հասցեով, որ պատշապանութեան, ապահովութեան ու անդորութեան փառաց աղբիւրէն ելեր է, կը կարգադրենք որ ոչ մէկ կողմէ եւ ոչ ոքի որեւէ հարսահարութիւն եւ որեւէ բռնութիւն հայերէն որեւէ մէկի վերաբերմամբ սեղի չպիտի ունենայ եւ ով որ իւր հայրենիք մնալու ու հաստատելու յօժարի, մեր կողմէն կատարեալ գթութիւն ու քաղցրահայն-

1) Նազար Շահբազեանն աշխատութեանս հեղինակի մօր հայրն է: Հրովարտակը կը գտնուի մեր մօտ:  
2) Արքայական ծովի մարգարիս Աբբաս:

ցութիւն անոր նկատմամբ ի գործ պիտի դրի, եւ ով որ ցանկանայ մեր ներկայութեան սեամբը պատրաստելու լինելով բարձրագոյնին դեմ յանդիման խօսիլ եւ մեր կողմէն խորախոյս ու անդորրութիւն ձեռք բերել, մենք հասարակաց մոտք տալով, մեր ներկայութեան շնորհը նկատութիւնը սերնէմք»:

Տւեալ

Օրհնեալ Ռամազան ամսին մէջ,  
Հիշրէքի 1243 ին.

Բացի այս հրամանագրէն, թագաժառանգը հարիւր թուման (մերձ 1000 ֆրանկ) տալով Նազար Շահբագեանին, կը պատուիրէ տանել իւր սենեկապետին հետ եւ յանձնել թաւրիզի աւագ քահանայ Տէր Յովհաննէս Տէր Յովսէփեանին, եւ իւր կողմէ ըսել, որ այս գումարը դահաժառանգը ձեզ պարզեւ կը զրկէ եւ այսուհետեւ եւս տարին հարիւր թուման ոտճիկ պիտի տայ քեզ այն պայմանով, որ չգաղթես, այլ մնաս:

Տէր Յովհաննէս կը մերժէ եւ իւր գաղթման որոշումն կը յայտնէ:

Նազար Շահբագեան կէս դիշերին երկրորդ անգամ կերթայ քահանայի մօտ եւ ամէն միջոցով կը ջանայ համոզել, որ չմեկնի: Բայց սա քիչ մը ակնածելով ներսէս արքեպիսկոպոսէն, որ հրամայեց էր գաղթել եւ ուրիշներն եւս իւր հետ գաղթեցնել, քիչ մը ձանձրացած տիրոջ ծանր վարչակարգէն եւ քիչ մը հրապուրւած անձանօթ գալիքէն, քանզի այդ ատեն թէ ուսերը եւ թէ իրենց տիրած երկիրները պարսկահայոց բոլորովին անձանօթ էին, անդրդուելի կը մնայ իւր որոշման մէջ: Նազար, ճարահատեալ, պարզեւ դահաժառանգին կը վերադարձնէ: Այսուհանդերձ, չյուսահատուելով, շատ ջանքերէ ետքը, կը յաջողի մէկ քանին համոզելով, միւսներն կապած բեռներնին ստիպմամբ քակելով, պահել, որ չգաղթեն:

Այսպէս, Նազարի ջանքերի, Անգլիոյ գործակատարի յոր-

դորների եւ թագաժառանգի տւած հրովարտակի հետեանքով քաղաքի հայերէն մերձ տասն եւ հինգ տուն չգաղթեցին:

«Արձագանք» թերթը մնացողներին թիւը վեց տուն կը հաշուէ, ուրիշներն՝ 26 կամ 56, բայց ես ծեր մարդոց բերանէ լսածներս վերայ 15 տունը աւելի ճիշտ կը համարեմ:

Քանի որ Տէր Յովհաննէս չհամոզուեցաւ մնալ, Աբբաս Միրզան յատուկ սուրհանդակով մը հրամանագիրը զրկեց Համադան: Եւ այն տեղի աւագ քահանային, որ նոյնպէս Տէր Յովհաննէս անունը կը կրէր, հրամայեց անմիջապէս («չափարի») գալ թաւրիզ եւ հովուել հայ ժողովուրդն:

Երբ սա թաւրիզ հասաւ, թագաժառանգն զւարճախօսութեամբ ըսեր է՝ այն Տէր Յովհաննէս չլինի, այս Տէր Յովհաննէս լինի, եւ թաւրիզին տալիք թոշակը շնորհեց Համադանին: Եւ իրօք, այս թոշակը մինչև օրս կը շարունակուի տրուիլ Տէր Յովհաննէսի սերնդին, ի Համադան:

Գաւառացի հայերէն ոմանք եւս, թաւրիզ մնացողներին օրինակին հետեւելով, ոմանք Մ. Վելլօքի եւ Սեմենօի յորդորներին ու խորհուրդներին անսալով, այլք, նամանաւանդ Սամաստի բնակիչներին մէկ մասը, Իսրայէլ եպիսկոպոսի ջանքերովն ու ստիպումներովն արդեւքի տակ ըլլալով, մնացին իրենց տեղերը:

Այսօր թաւրիզ եւ գուցէ գաւառներն այսքան հայ գտնուելն մասամբ իւրք Նազար Շահբագեանին կը պարտինք, քանզի այն քանի մը ընտանիք եթէ մեկնած լինէին ուրիշներին հետ, ալ այն ատեն որեւէ ասպաւէն, վստահութեան յոյս չունենալով, ուսաց կողմը գաղթողներէն ոչ ոք կը վերադառնար եւ այսպիսով այժմ Ատրպատականի մէջ շատ աննշան թիւով հայ պիտի գտնուէր: Այսուամենայնիւ, Ատրպատականի հայոց մեծագոյն մասն, իսկ նեստորական ասորիներէն մերձ հարիւր տուն միայն գաղթեցին:

Հայերի այս գաղթի հետեանքով, ըստ պարսիկ կառավարիչներին եւ Լազարեանի վկայութեան, պարսից տէրութիւ-

նը տարեկան մերձ հարիւր հազար թուաման (մերձ 600,000 ֆրանք) ուղղակի եկամուտ կորսնցուց, բացի անուղղակի կերպով ստացւող եկամուտներէն:

Հաշտութիւնը կնքելէն անմիջապէս յետոյ հայերն սկսան Ղազարինէ, Միանէէ, Սալմաստէ, Ուրմիայէ և Մարաղայի, Քիւրդիստանի ու Սոյի շրջաններէն և Թաւրիզէն ու իր շրջականերէն, գոյքերնին կրցածնին չափ վաճառել որևէ գնով, իսկ չկրցածնին ասոր-անոր ընծայել, տներնին և ուրիշ անշարժ կալւածներն այսպէս թողուլ և խումբ-խումբ դէպի Երասխ յառաջանալ:

Թէև դաշնադրութեան 12-րդ յօդուածին համեմատ գաղթողները կրնային իրենց կալւածները մինչ 5 տարի վաճառել, սակայն գաղտնի ցուցմունքով գաղթողների կալւածները գնողներ չեղան:

Գաղթողների ճամբորդութիւնը առանց դժւարութեան ու վտանգի չեղաւ, քանզի գաղթականք ոչ միայն ուտելիք դժւարաւ կը գտնէին, կամ մերթ երբեք չէին գտներ, այլ անոնք, որ վերադարձող զօրքի անմիջական պահպանութեան ներքոյ չէին, ճամբին կը կողոպտուէին: Քիւրդիստանէ գաղթող հայերը մեծաւ մասամբ դարանակալ քիւրդերէ կողոպտուեցան և սպանուեցան ճամբի վերայ:

Ըստ ուսական վիճակագրութեան, երկուք ու կէս ամսի մէջ 8,000 ընտանիքէ կամ 40,000 հոգիէ աւելի Արաքսէն ուսաց հողն անցան: Ոմանք գաղթողների թիւն 80,000 կը հասցնեն, բայց այս յայտնի չափազանցութիւն է:

Էլի Սմիթը գրում է, թէ Թաւրիզի հայոց եպիսկոպոսի (հաւանաբար Իսրայէլ եպիսկոպոսը լինի) բերնից լսել է, որ ամբողջ Ատրպատականի նահանգէն գաղթողների թիւը 9,000 ընտանիք պիտի լինի: Երիցեանը, հաւանաբար ուսական աղբիւրներէ առնելով, գաղթողների թիւը կը հաշուէ 8249 տուն, կամ մօտաւորապէս 45,000 հոգի («Արձագանք», 1893 թ. Հոկտ. 20, թիւ 122): Ռուս պաշտօնատար մը՝ Սոպէն, գաղթողնե-

րի թիւը կը հաշուէ 8036 ընտանիք (35,560 հոգի), ըստ երևոյթին ճամբան մեռածների թիւը հաշուի չառնելով:

Գաղթողներն կը յուսային, որ անգամ մը ճամբայ դուրս գան, ամէն դժւարութիւն պիտի դադրէր, բայց հակառակ իրողութեանց հանդիպեցան: Ռուսաց նորոգ տիրած երկիրներն վերջին պատերազմի, տեղացի տարրի քիչ-չատ ցրելուն և ուրիշ հանգամանքների պատճառով, մասամբ անմշակ մնացեր էին և պարսկաց ու ուսաց զօրքերի անց ու դարձով ուտելիքներն նւազեր ու թանկացեր էին:

Երևան կազմուած «Գաղթականութեան յանձնաժողով»ը կը տեղեկացնէր Հազարեանին, որ հաց չգտնելու պատճառաւ, ոչինչ օգնութիւն չէր կրնար տալ թշուառներին և թէ անոնք ուսաց սահմանները սովամահ կը լինեն, ուստի կը խնդրէր զանոնք ետ պահել մինչ նոր հունձքը, բայց արդէն ուշ էր, ժողովրդի մեծ մասը Արաքսն անցեր էր, միւս մասն ալ անցնելու վրայ էր («Արձագանք», թիւ 122, Հոկտ. 20, 1893):

Հայերը «Արաքս» գետն անցածին պէս (Ապրիլ, 1828) տեսակ մը սով սկսաւ ուսս բանակին մէջ. զինուորներն անկարգութիւնը երբեմն մինչ այն աստիճան հասցրին, որ պատեհ միջոց գտած ատեն, գաղթականների ունեցած դոյզն գոյքն կը խլէին: Ռուսաց շնորհած դրամական նպաստը և անակնկալ ծախուց համար տուածը չնչին բաներ էին, համեմատելով գաղթողների թիւին:

Ընդամենը տրուեր էր 14,000 սակի դուքատ և 400 արծաթ բուբլի (որ բոլորը 141,600 ֆրանկ կընէր և որ մարդ գլուխ երեք ու կէս ֆրանկ կը լինէր), և այն ևս տասն տարւան մէջ վերադարձնելու պայմանաւ...

«Արձագանք» այս մասին այսպէս կը գրէ. «Քաջ գիտնալով որ որքան օգտակար պիտ լինի Ռուսիոյ համար հայոց նման աշխատասէր և համեստ ժողովրդի ձեռք բերելը, Պասկևիչ 1828 Ապրիլ 3-ին գրեց կայսեր, թէ Պարսկաստանից գաղթող հայք, ստիպուած են թողնել այնտեղ իրենց կալւած-

ները և ամենայն ինչ և չքաւոր են: Նոցա թէ գաղթելու ժամանակ և թէ սկզբնական բնակութիւն հաստատելու համար կարեւոր է տալ դրամական օգնութիւն, վերադարձնելու պայմանաւ: Այս առաջին նւագում ես որոշեցի այդ քանի համար 50,000 ռուբլի այն գումարից (200,000), որ ստանում ենք պարսից տէրութիւնից, բայց կարծում եմ որ առ հասարակ գործ դնելի այդ նպատակի համար մօտ 200,000 ռուբլի»:

Ապա «Արձագանք»ը գրում է. «Սակայն նախապաշարւած լինելով հայերի դէմ, Պասկևիչը կարծում էր, թէ նոքա ոռւսաց ոսկւոյ համար են գաղթում: Չծածկելով իւր այս կարծիքը լազարեանից, Պասկևիչը յիշեալ 50,000 ռուբլուց տւեց նորան միայն մէկ մասը և այն էլ կտոր-կտոր: Այս դրամը պէտք էր բաժանւէր չքաւոր գերդաստաններին, բայց ամէն մի տանը ոչ աւելի քանց 5—6 ռուբլի: լազարեանի հաշւից երևում էր, որ նպաստ տրւած էր ընդամենը 14,000 ոսկի, մօտ 44,000 ռուբլի: լազարեանը գրում է Պասկևիչին, որ «չայք ոռւսաց ոսկւոյ համար չեն գաղթում, այլ նոքա զոհում են իրենց բոլոր ունեցածը, և այն կարծիքը որ ունէիք դուք նոցա մասին, նոցա չէ կարող վերաբերիլ»: Երևանում եղած գաղթականութեան յանձնաժողովին էլ մի գումար էր յանձնւած օգնելու չքաւոր գաղթականներին, բնակարան չունենալու համար, բայց ոչ ոքի 20 ռուբլուց աւելի չտալով: Յանձնաժողովը ծախսեց մօտ 40,000 ռուբլի:

«Ականատես Գրեթօեղովը այս մասին գրում է. «Գրամական օգնութիւնը շատ անկարգ ու անճոռնի է բաժանւում: Տալիս են մի-մի կամ երկու-երկու ռուբլի իբրև աղքատների, առանց ճիշտ տեղեկանալու, թէ ումը ի՞նչ և ո՞րքան է հարկաւոր: Միանւագ 25 ռուբլի տալը աւելի նպատակայարմար է քան թէ քիչ-քիչ և զանազան ժամանակ տալը: Պէտք է ասեմ, որ այս գաղթականներն աւելի օգտաւէտ են քան թէ վրաստանի հայք, որոնք մանրավաճառներ են, ոչինչ օգուտ չեն բերում արքունի գանձարանին: Իսկ Պարսկաստանից ե-

կողմերն մեծ մասամբ արհեստաւորներ են և երկրագործներ:

Այսպէս թէ այնպէս, տէրութեան ըրած ծախսը պարսկահայոց գաղթականութեան վերայ հազիւ հասնում էր 20,000 ռուբլու կամ մօտ 2 ռուբլի մարդագլուխ և այն տասը տարւայ մէջ վերադարձնելու պայմանաւ»:

Ոչինչ պատրաստութիւն չէր տեսնւած նորոգ գաղթականներն ընդունելու համար և ոռւս կառավարութիւնը դեռ ժամանակ չէր ունեցեր նորոգ տիրած երկիրներն կարգաւորելու:

Պասկևիչ 1827 թ. Հոկտեմբեր 6-ին Երևանում սահմանեց մի ժամանակաւոր վարչութիւն, որին յանձնեց Երևանի և Նախիջևանի վարչական գործերը: Գեներալ Կրասովսկին նախագահ, Ներսէս արքեպիսկոպոս և Երևանի բերդապետ Բորոգին փոխգնդապետ՝ անդամք: Պասկևիչ ծանր պարտաւորութիւն դրեց անոնց վերայ: Պէտք է ասել, որ շիմանալով Պասկևիչի կարգադրութեանց մասին, ոռւսաց կայսրը երբ հրամայեց նոր գրաււած երկիրները կոչել «չայոց աշխարհ», միևնոյն ժամանակ կարգադրեր էր, որ մասնաժողով կազմւի մի կանոնադրութիւն սահմանելու, թէ ինչպէս պիտի կառավարւի հայոց աշխարհը: Մասնաժողովի անդամներն էին Կոմս Գեբիչ, արտաքին և ներքին ելեմտից նախարարները, գեներալ վեյսիամիւնով: Տեղացի հայերն, որք նախքան պատերազմը հարստահարութեանց և վերջին պատերազմին վնասներ կրած ըլլալու պատճառով աղքատ վիճակի մէջ կը գտնւէին, չկրցան և չէին կրնար նորեկ ազգակիցներին օգնել: Այսպէս, գաղթողներն գրեթէ իրենց ճակատագրին թողնւեցան և կառավարութեան կողմանէ խիստ նւագ օգնութիւն դտան: Գաղթող հայերն, որ Ատրպատականի մաքուր, զով, առողջարար և աղէկ ջուրին սովորեր էին, իրենց նոր բնակավայրերն հասած ատենին, օդի սաստիկ տաքութեան, պատսպարանաց պակասութեան, ուտելեաց անբաւականութեան և քանի մը տեղերի կլիմայի անառողջութեան և ուրիշ աննպաստ հանգամանքների պատճա-

ոով շատ գոհեր տւին և գաղթականութեան մէկ կարևոր մասը մեռաւ:

«Արձագանք» մեռնողների թիւը 3000ի շափ կը դնէ, բայց հաւանական է այս թիւն իւր մէջ չունէ ճամբան մեռնողներն, այլ միայն այն գաղթականներն, որք իրենց տեղերը հաստատուելէ ետքը 4,000ի շափ պակսեցան մէկ տարւան միջոցին:

Ռուս կառավարութեան 1829—31 թւականներին կազմած վիճակագրութիւնը կը ցուցնէ, որ Պարսկաստանէ գաղթող հայերն բնակեցան հետևեալ վայրերը.

	գերդաստանք	հողիք
Երևան քաղաքի մէջ	366	1,715
Երևանի 10 մահալների	4,193	21,853
Նախիջևան քաղաքի մէջ	265	1,110
Նախիջևանի մահալների մէջ	1,872	9,542
Օրդուբադ քաղաքի մէջ	36	182
> շրջակայքը	214	1158

Բացի ասոնցմէ, քանի մը հարիւր գերդաստանք անցան Ղարաբաղի կողմերն և ոմանք ալ մինչ Տփլիս ցրւեցան:

Սոյն գաղթական հայերն, որ մեծաւ մասամբ Ատրպատականի ամենաբերրի գետիններն ունէին, դիւրակեաց ապրուստ մը թողնելով, այնչափ նեղութիւնով, տառապանքով ու վնասով գաղթելէն ետքը, յուսացած ազատութիւնն ու հանդրատութիւնը չգտան, շատ տարիներ աղքատութեան մէջ մնացին, անարդարութեան ու բռնութեան ենթակայ եղած և իւրեանց վիճակի համեմատ ծանր տուրքերի տակ շարշարւեցան:

Դարձեալ «Արձագանք»էն կը տեղեկանանք հետևեալը.

Ռուս աստիճանաւոր Չուբարէվը, որ պաշտօնով Ղարաբաղ զրկւած էր, 1830 թ. Ապրիլ 20-ին կը գրէ Պասկևիչին.

«Անցեալ պատերազմի անմահ քաջագործութեան կարգում անշուշտ շատ նշանաւոր տեղ է բռնում հայոց մեր եր-

կիր գաղթելը: Հայք, մի ժողովուրդ են որ այս երկրում ամենից շատ են հաւատարիմ մեր տէրութեանը և կարելի է ասել, որ նոքա ամենաազնիւն են գոնէ հասարակ ժողովրդի մէջ:

Պարսկաստանից գաղթած հայք նշանաւոր են օրինակելի աշխատասիրութեամբ. նոցա մեծ մասը արհեստաւոր են, շատ օգտաւէտ և շատ հազւագիւտ կովկասում: Դժբախտաբար օգտաւէտ ժողովուրդն շափից դուրս ճնշւում է Ղարաբաղում, մի կողմ թողնելով բնիկ հայերին, որոնք կեղեքւում են թուրք բէկերից, կը յիշենք միայն գաղթականների մասին: Ղարաբաղի տեղական (ռուս) իշխանութիւնը հայոց դէմ մի ինչ որ նախապաշարմունք ունենալով՝ աններելի կերպիւ նեղացնում է նոցա և մինչև հիմա նրանք չունեն հաստատ բնակութիւն: Նոցա տւել են շատ անբերրի հողեր, իսկ Մեղրիի, Գիւնէի կողմերում (մահալում) տւած հողերն էլ շատ քիչ են: Տեղական իշխանութեան կարգադրութեամբ Մարաղայի հայք սկզբում բնակութիւն ստացան հին, այժմ աւերակ Բերդա (Պարտաւ) քաղաքում: Այս տեղը որ մի դաշտ է կուր գետի մօտ, ամառը սաստիկ շոգ է և անտառներում եղած գանազան թունաւոր սողունները դարձնում են այս տեղը մահւան բնակարան: Մարաղեցիք, սովոր լինելով զով և առողջ կլիմայի, չէին կարողանում տանել արեգակի խանձող տապը և հիւանդանում էին: Գիւղի տանուտէրը իզուր էր աղաչում, թոյլ տալ նոցա տեղափոխել լեռնային կողմերը. նոցա թախանձանքները առանց հետևանքի մնացին:

Չունենալով ոչ ջուր, ոչ կերակուր, բնակւելով բաց երկրնքի տակ և ենթարկւելով արեգակի կիզիչ տօթին, շարաբախտ հայք մահւան գոհ գնացին: Երեք ամսւան մէջ նոցանից 1,012 հողիք մեռան: Բաւական չէր այդ, շրջակայ քոչող թուրքերը օգուտ քաղելով նոցա հիւանդութիւնից, թալանեցին նոցա գոյքը և տաւարը: Իզուր էին հայք դիմում արդարագատութեան. նոցա ծեծով էին բաւականութիւն տալիս: Մինչ Պետերբուրգում վելիամիւնով պնդում էր որ հայք նայիբնե-



րի ձեռքով կառավարեն»:

Ահա ինչ էր գրում Պասկևիչի կողմից ուղարկւած ոսկւաստիճանաւոր Չուպարեվը. «Առհասարակ Ղարաբաղում, մահալներում նախիբները ճնշում են ժողովրդին և Մելիք Սուղադադը գերագանցեց ամենքին: Ինքն լինելով անբարոյական և արբեցող, նա պտտում է գիւղէ գիւղ, շրջապատւած արբեցող ու յանդուգն ծառաներով, գանակոծում, կեղեքում, տուգանք, կաշառք առնում: Այս նախիբը համարձակում էր մինչ անգամ եկեղեցի մտնել, յիշոց տալ քահանային»:

Իրաւ է, որ ոսկւ կառավարութիւնը վեց տարի հարկերէ և երեք տարի դատաստանական մեղապարտութիւններէ ազատութիւն շնորհեր էր, սակայն ասոնք աննշան բաներ էին բաղդատմամբ այն վնասներին, զորս գաղթողները կրէր էին և այն զոհողութեանց, զորս հայերը ըրէր էին: Ռուս կառավարութիւնն ազատ էր իր նորոգ տիրած երկիրներն, որք գանազան պատճառներով գրեթէ ամայի դարձեր էին, լեցնել հայերով, որք բացի ճարտար, խաղաղասէր ու արդիւնաբեր ժողովուրդ ու հպատակ լինելէ, մի սանձ էին նոյն երկրի մէջ ապրող անհնազանդ տարրերի համար:

Սակայն, ինչ որ պարսաւելի կը դարձնէ կառավարութեան և պաշտօնատարաց ընթացքն, այն է, որ ոչինչ չըրին նոր հպատակներն կարօտութենէ, սովէ ու թշւառութենէ պահպանելու համար: Տեսանք իւր դրամական չնչին նպաստն, տեսանք իւր անտարբերութիւնը գաղթականաց Պարսկաստանէն չւերու ատեն և թէ սոցա կրածներուն նկատմամբ:

Ռուսերն հայերէն ամէն բան սպասեցին, ընդունեցին, բայց փոխարինութիւն չըրին:

Թաւրիզի ժողովուրդի մէկ մեծ մասը Նախիջևան մնացեր էր, ամէնէն մօտ քաղաքը լինելու պատճառաւ: Այս քաղաքն, որ մինչ այժմ աննշան մի տեղ է, այն ատեններն ալ աւելի աննշան էր և ոչ մի կերպով գաղթողներին պարապմունք կամ ապրուստի աղբիւր չէր կրնար հայթայթել: Թաւ-

րիղեցիք սկիզբէն զգալով որ մեծ դժւարութեանց ու նեղութեանց պիտի հանդիպէին, սկսան բարձրաձայն տրտնջալ: Ներսէս արքեպիսկոպոսը գանոնք հանդարտացնելու նպատակաւ մը խիթարական ու յուսադրական նամակ մը ուղղեց անոնց:

Նամակը (1828 Ապրիլ 29 թւակիր) ուղղւած էր Նախիջևան վերաբնակւած թաւրիղեցիներին՝ «հայոց հոգեւորականաց, մարմնաւորականաց, Տէր Յովհաննէս և Տէր Կարապետ քահանայից, մեծարոյ առաջաւոր անձանց, իշխանաւորաց, վաճառականաց, արհեստաւորաց, առհասարակ Աստուածասէր ամենայն ժողովրդոյ, արանց և կանանց, մեծաց և փոքունց»:

Բերելով օրինակներ Ս. Գրքից, Աւետեաց երկրի մասին, ուրախութիւն կը յայտնէ հայոց Արարատեան դաւառն հաստատելու մասին, և այլն:

Ստորագրւած է՝ «Արքեպիսկոպոս Հայոց Վրաստանի՝ Ներսէս, յերևան քաղաք»:

Այսուամենայնիւ գաղթողներէն մի քանիսն ծածուկ խոյս տալով, Պարսկաստան վերադարձան, միւսներն ատեն մը համբերութեամբ տարան նեղութիւններն, բայց տեսնելով որ իրենց վիճակը փոփոխութիւն մը չէր ստանար, իրենց աւագ քահանայի՝ Տէր Յովհաննէս Տէր Յովսէփեանի միջոցով դիմեցին Նիքիթմ կաթողիկոսին, իրենց դժւարութեանց դարման խնդրելու համար:

Նիքիթմ պատասխանեց, որ շատ կը ցաւէր ժողովուրդի կրած տառապանաց համար, այլ կը յուսար որ Պասկևիչ շուտով անոնց ամէն պիտոյից համար ևս հոգացողութիւն կընէ: Նամակը գրւած է 1828 թ. Օգոստոս 22-ին, ի Ս. Էջմիածին և ուղղւած է Տէր Յովհաննէս քահանային:

Այս խոստումը մինչ երկու-երեք ամիս չիրականանալով, թաւրիղեցիք մի խնդրագիրը դրկեցին Տէր Յովհաննէս քահանայի և քանի մը անձանց հետ Նիքիթմին, Էջմիածին, թախանձանօք օգնութիւն հայցելով:

Նիքիթմ ոչինչ կըրցաւ ընել իրեն դիմողների տառապանք-

ներն նւագեցնելու համար, միայն յենւած կայսերական «անսուտ խոստման» վերայ, և յուսադրական կոնդակով մը յորդորեց զանոնք սպասել:

Կոնդակը դրւած է 1828 թ. Նոյեմբեր 14-ին, ի Ս. Էջմիածին: Այս կոնդակով կաթողիկոսը կը տեղեկացնէ Տէր Յովհաննէս քահանայի, Ամիրզադա Մահտեսի Յարութիւն Մինասեանի, Մելիք Նազար Մելիք Յարութիւնեանի և պր. Կարապետ Աւագեան Մայիլեանցի այցելութիւնը ի Ս. Աթոռ, ապա կը յայտնէ իր վշտակցութիւնը գաղթողներու կրած ձախորդութեանց համար: Այնուհետ կը յորդորէ համբերել, և յոյս կը յայտնէ, որ շուտով, կայսերական հոգածութեան շնորհիւ, բոլոր նեղութիւններէն կազատուին:

Թաւրիզեցիներէն ոմանք այլ ևս չկարենալով սպասել, սկսան վերադառնալ իրենց նախկին քաղաքը:

Աբբաս Միրզա ուզելով հայոց վերադարձը քաջալերել, զնդապետ Մաքդոնալդի միջնորդութեամբ ու երաշխաւորութեամբ երկրորդ հրովարտակ մը յանձնեց հայերին:

Ահա սոյն հրովարտակի թարգմանութիւնը.

Դորր  
Դարիայի  
Խոսրաւի  
Աբբաս

Բարձրագոյն հրաման եղաւ, որ ռուսների յանդուգն գործերի ու խառնակութեան ժամանակ Թաւրիզի հայ ժողովուրդը, որ բարձրագոյն սերութեան հին հպատակներն են, անի-

մաս մոլորմամբ իրենց բնել հայրենիքէն ու նախկին բնակութենէն երես դարձուցած լինելով, անոր ամբողջութիւնը ցրի: Մինչ այն, որ բարձրապատիւ, գերասիւնան, ազնւազարմ, վեհանձն եւ պատու ու անմասշտիկութեամբ արջապատու անուանի քրիստոնէայ գնդապետ Մաքդոնալդը՝ անզլիական գեղեցիկ սերութեան դեսպանը, որ մեր բարձրագոյն սերութեան համար անհուն բարեկամութիւն ու բարեկամականութիւն ունի, զանոնք (հայերն) խրախուսելով ու

ապահով եցնելով, վերադարձուց ու ետ բերաւ:

Այս ժողովրդի վերադարձէն ու ժողովումէն ետք այն բարձրապատիւ անձը (Մաքդոնալդ) ի նպատակ անոնց մեր պայծառափայլ Նաւարէն (Նահանգապետի փոխանորդ) խնդրեց գրութիւն մը ու շնորհաց բաշխում մը:

Ուստի սոյն բարեբախտ սարիէն եւ այսուհետեւ յիշեալ հայերն բացի վեց հարիւր բունան բնակացի կոմարէն, որ գինեսանց վարձագինն է, ամէն պարտաւորութիւններէ, արժունի հարկերէ, վերադիր եւ արտակարգ տուրքէ ցաւիսեան բոլորովին ազատուած կը յայտարարենք եւ հրամայեցինք այս որոշումը արձանագրել: Ուստի կը կարգադրի, որ Թաւրիզի արդի ու ապագայ կառավարիչներն, քաղաքապետներն, գործակատարներն ու վերաստույցները բացի 600 բունան ամէն տարւայ կոմարէն, որ գինեսանց վարձագին պատճառով գինեկաններէն պիտի առնուի, ուրիշ ամէն արժունի կոմարներէ, հարկերէ ու արտակարգ տուրքէ (հայերն) ազատ հանաչեն: Գրիչն ու քաղաք այս մասին կարճեցնեն եւ որեւէ կերպով հասիկ մը չբան (դռանի 1/1,000) ոչ մէկ անունով ու եղանակով չպահանջեն: Օրհնեալ դիւանասան բարեբախտ բնորոնակութեամբ օժտուած քարտուղարներն այս արձայական շնորհալի գրի բացատրութիւնն օրհնակեն, պահեն եւ իրենց պատասխանատուութեան տակ հանաչեն:

Գրուած է Մոհարամ սրբազան ամսի մէջ,

Հիշրէրի 1244 թ.

Ռուսիայէն վերադարձան քանի մը ուրիշ հայ ընտանիքներ ևս, որոնց մէջ էին նաև Տէր Յովհաննէս Տէր Յովսէփեան և Տէր Կարապետ: Եւ թագածառանդը ներողամտութեամբ թոյլ տուաւ այս քահանաներին, որ իրենց ժողովուրդն առաջւան պէս զարձեալ հովւեն: Միւս Տէր Յովհաննէսը վերադարձաւ Համադան:

Եփրեմ կաթողիկոսն ուզելով Թաւրիզի եպիսկոպոսի ազդե-

ցութիւնը նւագեցնել, Նախիջևանի և Ազուլիսի հոգևոր գործոց ընդհանուր կառավարիչ Բարսեղ արքեպիսկոպոսն Թաւրիզ կը ղրկէ, ձեռքը տալով Տէր Յովհաննէսին ուղղած յանձնարարական նամակ մը (գրւած 1828 Դեկտ. 16): Կերևի որ սա ոչ մէկ իշխանութիւն չկրնալով բանեցնել Թաւրիզի հայոց վերայ, շուտով իւր տեղը կը դառնայ:

Այնքան ժամանակ, որ թագաժառանգ Աբբաս Միրզան կուսակալ էր ի Թաւրիզ, Ատրպատականի հայերն ընդհանրապէս և թաւրիզեցի հայերն մասնաւորապէս, բաւականին անդորր ու յաջող վիճակ մը ունեցան, միայն 1830 թւականին տարափոխիկ հիւանդութիւն մը (քօլերա կամ ասոր նման ախտ մը) Թաւրիզի մէջ երևան ելաւ և շատ կոտորած ըրաւ:

Աբբաս Միրզա ցանկալով վարձատրել Իսրայէլ եպիսկոպոսն իր մատուցած ծառայութեանց համար, զայն Թաւրիզ հրաւիրեց, և առանց էջմիածնի հաւանութեան, Ատրպատականի առաջնորդ ճանաչելով, շատ անգամ իւր ներկայութեան կընդունէր, կը պատէր և անոր ամէն խնդիրներն կը կատարէր:

Ի միջի այլոց, կը պատմեն, թէ Աբբաս Միրզա կը սիրէր երբեմն կրօնական բանակիւնների ունկնդիր լինել: Ծեր մարդերէ, նաև Հայր Այվատեանէ լսեր եմ, որ անգամ մը քանի մը երևելի մահմեդական հոգեւորականներ և Իսրայէլ եպիսկոպոսը կը հրաւիրէ, որ իւր ներկայութեամբ կրօնի վերայ վիճաբանին: Պարսիկ հոգեւորականներն ընդհանրապէս կընդունին, որ Աստուած շնորհեր է չորս սրբազան գիրք, որք են՝ Աստուածաշունչ, Սազմոս, Աւետարան և Ղորան: Այս չորսէն որ մէկի նախամեծարութեան վերայ վիճաբանութեան ատեն Իսրայէլ կըսէ. «Դուք մեծապէս կը սխալիք, 5-րդ գիրք մը ևս կայ, որ ամենէն զօրաւորն է: Հոգևորականներն խոր գարմանքի կը մատնւին այս նոր վարդապետութեան վերայ և իրարու երես կը նային, հուսկ յետոյ կը հարցնեն, թէ որն է այն հինգերորդն: Իսրայէլ եպիսկոպոս, որ միշտ ձեռքը մտրակ մը կը կրէր, զայն ցոյց տալով, կը պատասխանէ. «Սա է, առանց ա-

սոր միւս չորս գիրքերն զօրութիւն չեն ունենար»: Աբբաս Միրզա բարձրաձայն քրքջալով, կըսէ Իսրայէլ եպիսկոպոսին. «Կեցցե՛ս, կեցցե՛ս, շատ ճիշտ է»:

Աբբաս Միրզա, որ արդէն շատ շնորհ ունեցեր էր Թաւրիզի հայոց վերայ այն քանի մը տան չգաղթելէն, ուրիշ քանի մը ընտանեաց վերադարձէն ետքը աւելի հոգատարութիւն ցոյց տւեց անոնց: Որպէսզի անոնք բոլորովին ազատ լինեն պաշտօնատարաց ճնշումներէն, անոնց դատավարութիւնը ուղղակի Անգլիոյ գործակալութեան յանձնեց: Քանի մը տարի քաղաքի հայերը ուրիշ անմիջական իշխանութիւն չճանաչեցին բացի անգլիական հիւպատոսարանէն և իրենց ամէն դատերն ու տարակարծութիւններն անդ կը ներկայացնէին: Թաւրիզի հայերն անհեռատեսութեամբ, նամանաւանդ կրթութեան ու բանգէտ գլխաւորի պակասութեան պատճառով, իրենց փոքրիկ գատերով ու չնչին վէճերով այնքան զբաղում ու յոգնութիւն պատճառեցին հիւպատոսարանին, որ սա ի վերջոյ ձանձրանալով, հայերի կառավարութիւնը դարձուց տեղական պետական իշխանութեանց:

Քանի որ Աբբաս Միրզա կը գտնւէր Թաւրիզ, Ներսէս արքեպիսկոպոսը կամ Եփրեմ կաթողիկոսը չկրցան բան մը ըննել Իսրայէլ եպիսկոպոսին. բայց վերջինիս պաշտպանի Ատրպատականէ մեկնելէն անմիջապէս ետքը, Եփրեմ Հին Նախիջևանի Նիկողայոս վարդապետն եպիսկոպոս ձեռնադրելով՝ Ս. Թաղէոս և Բարդուղիմէոս վանքերի առաջնորդութիւններն, որք մինչ այն ժամանակ առանձին վիճակներ կը կազմէին, միացնելով և Նիկողայոսը բոլոր Ատրպատականի հայոց առաջնորդ կարգելով, ղրկեց Թաւրիզ, յատուկ կոնդակով մը և Իսրայէլ եպիսկոպոսը հրաժարացնելով Ս. Բարդուղիմէոս վանքի վանահայրութենէն, հրաւիրեց գալ պատուով էջմիածին և մըլխիթարել իւր ծերութիւնը: Այս հրահանգի ստուգութիւնը կերևի կաթողիկոսի կողմէ Տէր Յովհաննէս քահանային ուղղւած 1834 թ. Մայիս 7-ի և 18-ի նամակներէն:

Իսրայէլ հնազանդեցաւ այս հրամանին կամ ի՞նչ եղաւ այնուհետեւ, մենք չենք կրցեր իմանալ:

Աբբաս Միրզա Խորասան նահանգին կուսակալ կարգւելով, գնաց անդ և քիչ ժամանակէ ետքը մեռաւ: Փաթալի շահ նորա (Աբբաս Միրզայի) որդին՝ Մահմադ Միրզան թագաժառանգ անւանելով, Թաւրիզ զրկեց:

Ասոր կուսակալութեան ժամանակ հայերը այնքան լաւ չխնամուկեցան, ինչպէս իւր հօր՝ Աբբաս Միրզայի ատեն:

Փաթալի շահ 1834 Հոկտ. 9-ին Սպահան երթալով, անդ մեռաւ: Թագաւորի մահւան լուրը տարածուելով, իւրաքանչիւր կուսակալ գլուխ կը բարձրացնէ և անկախութեան պատրաստութիւններ կը տեսնէ: Այսպէս, Ալիշահ, Թեհրանի մէջ թագաւորի տիտղոս կառնէ և գանձարանը բանալով, արքունի գանձը շալաբար ու անընտրողաբար ասոր-անոր կը բաշխէ, կուսակիցներ շահելու համար:

Հասան Ալի Միրզայի Շիրազ և Ռամազան անունով մէկն Սպահանի մէջ ինքզինքնին թագաւոր կը յայտարարեն և կսկսեն շրջականերն ու գաւառներն հրամանագրեր զրկել:

Փաթալի շահի մահւան գոյժը կը հասնէ Թաւրիզ թագաժառանգին: Ռուսիոյ ղեսպան Կոմս Սիմենովիչ և Բրիտանիոյ ղեսպան Սըր Ջոն Բեմբլի, միասին թագաժառանգին կերթան, նախ իւր պապի մահւան լուրը կը հաղորդեն և մխիթարութիւն կը յայտնեն, ապա թագաւորելը կը շնորհաւորեն և հուսկ յետոյ կառաջարկեն, որ փութով Թեհրան երթայ:

Թագաժառանգ Մահմադ Միրզա տեսնելով որ թագաւորութեան տիտղոս առնողներն իրմէն աւելի բազմաթիւ զօրք և մեծ պատրաստութիւններ ու գանձ ունէին, կը վարանի սկիզբներն առանց դրամի ու պատրաստութեան ճամբայ իյնալ և Ռուսիոյ ղեսպանի աջակցութիւնը կուզէ: Վերջինս կը խոստանայ Հայաստանէն 7,000 զօրք թագաժառանգին օգնութիւն բերել տալ: Սակայն, Բրիտանիոյ ղեսպանը վախնալով այն վտանգէն, որ գուցէ առաջ պիտի դար Ռուսիոյ զօրքը

Պարսկաստան ընդունելէ, փութով կերթայ թագաժառանգին և կը խոստանայ զօրաց Թաւրիզէ Թեհրան ծախքը վճարել, եթէ անոնց հրամանատարութիւնը իրեն յանձնւի:

Մահմադ Միրզա այս առաջարկութիւնն ընդունելով, նախ Սըր Հէնրի Արթըր (որ Լինչի կը կոչուէր), 1,500 հետևակով և 16 թնդանօթով կը զրկէ և ինքը մնացորդ զօրաց, ուրիշ մեծամեծաց ու երկու ղեսպանաց հետ Նոյեմբեր 9-ին Թաւրիզէն ճամբայ կիյնայ:

Թագաժառանգին ընդառաջ և օգնութեան եկողները մէջ առաջիններն եղան Ղայթմագեանց Սամուէլի որդի Խոսրով խան, բազմաթիւ հետևորդներով և Ռաշտի մարզպան Էնակոլովեան Մանուչար խան, 70,000 սկի (թուման) ընծայով և գունդ մը հեծելագօրով\*):

Ալիշահ, որ Թեհրանի մէջ իրեն թագաւոր յայտարարեր էր, քսան հազար զօրք տալով իւր եղբօրը, զրկեց Մահմադ Միրզային դէմ, բայց զինւորներն փոխանակ մարտնչելու, թագաժառանգի կողմն անցան: Մահմադ Միրզա առանց դիմադրութեան Թեհրան մտաւ և Ալիշահ իրեն անձնատուր եղաւ: Լինչի զօրքով Շիրազ զրկուեցաւ. նա գնաց, Հասան Ալի Միրզան բռնեց, զրկեց Թեհրան և այն նահանգը հպատակութեան տակ բերեց: Թագաժառանգը 1835 թ. Մարտ 19-ին գահը նստաւ, Մահմադ շահ կոչուին առաւ և երկրի վրդովումներն սկսան քիչ-քիչ վերանալ:

\*) Ղաջարական սերութեան սկիզբները Պարսկաստան գնուող երեւելի վրացիներէն եւ հայերէն շահերը Վրաստան էին: Ասոնցմէ ոմանք Աղա Մահմադ շահէն գերի բերուեալ էին, իսկ ոմանք ոռուսաց Վրաստանին սիրած ասեն Պարսկաստան գաղթեալ էին, եւ ոմանք եւս վրացոց ապստամբութիւնը լայնողելու ժամանակ Պարսկաստան ապաստանեալ էին: Ասոնց մէջ յիշելու է Խոսրով խան, Ս. Ղայթմագեանց, Մանուչար խան Էնակոլովեան, Միրզա Գորգին խան, Ռուսսամ խան Էնակոլովեան, Աղալար խան, Սամսոն խան, Դաւիթ խան Սազիբեանց, Իսուի Բեկ, եւ այլն:

Ասոր թագաւորութեան ժամանակն Ատրպատականի հայերը միջակ կերպով կառավարւեցան. ոչ բոլորովին անդորրութիւն ու արդարութիւն վայելեցին և ոչ ալ ծայրայեղ անարդարութեանց ենթակայ եղան:

Մահմադ շահ 1848-ին մեռնելով, Նասրէղղին Միրզա թագաժառանգն, որ իբր Ատրպատականի կուսակալ Թաւրիզ էր, անմիջապէս մեկնեցաւ ու Թեհրան հասնելով, թագաւորութեան գահը բարձրացաւ:

Ինչպէս Մահմադ շահին օգտակար ծառայութիւններ մատուցեր էին Սոսրով խան և Մանուշար խան և ուրիշ հայ պաշտօնեաներ, Նասրէղղին շահին ևս մեծ ծառայութիւններ մատուցին: գլխաւորապէս Սոլումոն խան Էնաղուրովեան, Ռուստամ խանի որդին և Սամսոն խան զօրավարները:

Նասրէղղին շահի գահակալութեան սկիզբները ոչ սակաւ վտանգ կսպառնային թագաւորութեանը Լոռստանի և Սուզեստանի ապստամբութիւններն: Այս ապստամբութեանց շուտով զսպելուն և ուրիշ նահանգների մէջ շտարածւելուն կառավարութիւնը մեծապէս պարտական է վերը յիշւած վրացահայ զօրավարներին:

Սամսոն խան զրկւեցաւ Սուզեստան: Այս զօրավարն իւր հմտութեամբը, հնարագիտութեամբն և յաճախ ստոյգ վրտանգների ենթարկելովը, յաջողեցաւ այն նահանգը հնազանդութեան մէջ բերել, այն երկրի ցեղապետներէն մի քանիսն անձնական առատ պարգևներով իւր կողմը շահելով, ուրիշները քաղցրութեամբ ու հնարքով համոզելով, զինաթափ ընելով և ուրիշներին ևս մարտով յաղթելով:

Սակայն Սոլումոն խան\*) (կը կոչւէ Սհամը Դովլէ), որ

\*) Սոլումոն խան նրկու որդի ունեցաւ. սրանք էին՝ հանգուցեալ Ջհանգիր խան, որ գեղարւեստից նախարար էր եւ Վիեննայի արդի դեսպան Նարիման խան, որ Ղաւամ-էս-Սալթանէ սիսդոսն ունի:

Լոռստան զրկւեր էր, աւելի դժւար պարագաների մէջ կը դտնրւէր: Իւր զօրքը, բաղդատմամբ ապստամբ լոռերին, շատ սակաւաթիւ էր, և որ ինչ գլխաւորն էր, զօրականներն իրենց օրապահիկը ու ռոճիկը թերի սւ զեղշով ստացած լինելով, խիստ դժգոհ էին կառավարութենէն և դժկամութեամբ ու անսիրտ կերպով կերթային թշնամու դէմ: Լոռերը յաջողեր էին ձեռք բերել ամուր բերդ մը, ուրկէ շրջակաները մօտ ու հեռու ապատակելով, կը կողոպտէին և աւարի կաննէին:

Սոլումոն խան գնաց այն բերդին վերայ: Լոռերը կանխելով, մեծ բազմութեամբ անդ հաւաքւեցան: Երբ հայ զօրավարն փոքրաթիւ զօրքով մօտեցաւ բերդին, մէջիններն սկսան կարկուտի պէս գնդակ տեղացնել զօրքի վերայ: Զօրականները վարանեցան, կանգ առին. վայրկեանը յուսահատական էր. եթէ մէկ զինուոր միայն մէկ քայլ նահանջէր, ընդհանուր փախուստ մը տեղի պիտի ունենար, և ո՞վ կրնար երևակայել ինչ մեծ ու դէշ հետևանք առաջ պիտի գար:

Էնաղուրովեան այս զգալով, մէկ ձեռքով սուրը, միւսով իւր տասնևհինգ տարեկան Նարիման որդին բռնած, կը յառաջանայ գոչելով՝ «Անոնք որ կանացի սաւան (չաղրա) կուզեն ծածկել\*», թող ետ դառնան փախչեն, իսկ անոնք որ արիութիւն ունեն, թող ինձ հետևեն»:

Նոյն ըոպէին գնդակ մը Նարիմանի աջ ուսը քերել խանձելով կանցնէ. պատանին կը ցնցւի, հայրը դառնալով որդւոյն, խստիւ կը յանդիմանէ, ըսելով «Անարժան զաւակ, ինչո՞ւ կը վախնաս, զինուորը մարտի մէջ պէտք է մեռնէ»:

Թնդանօթաձիգները զօրավարի սոյն խօսքերէն ու օրինակէն զգաստանալով, թնդանօթները յառաջ կը մղեն և դէպի բերդն ուղղելով, կսկսեն ոմբակոծել: Զինուորներն ևս ա-

\*) Այս արտայայտութիւնը պարսկերէնին մէջ անչափ նախասկան է, եւ Թրանսերէն lâche-էն (վաս) աստիկի զօրաւոր նրբանակութիւն ունի:

մօթահար իրենց թուլասրտութեան համար, թնդանօթածիզների օրինակին կը հետեին:

Լոռերը թնդանօթների գործած աւերէն ահաբեկւած, աւելի ևս զօրավարի անվեհերութենէն պարտւած, հրացանաձրգութիւնը կը դադրեցնեն և պայմանով անձնատուութիւն կառաջարկեն: Շուտով համաձայնութիւնը կը գոյացուի և զօրքը կը մտնէ բերդը: Սակայն, մնացեալ էր աւելի դժւարինը, այն, որ զինուորը յաղթութենէ ետքը կողոպուտն իւր իրաւունքը կը համարէ: Սոլոմոն խան նոր ապստամբութեանց տեղի չտալու համար կարգիլէ աւարառութիւնը: Զինուորներն, որք արդէն դժգոհ էին իրենց օրապահիկէն ու ռոճիկը լրիւ չստացած լինելու պատճառով, կը խռովին, կը դայրանան և անհնազանդութեան կը պատրաստուին: Էնակոլոփեան իւր գրպանէն դրամ ու պարզկներ բաշխելով, զօրականները կը հնազանդեցնէ:

Հայ զօրավարը երկու տարի Լոռիստան կը մնայ և բուրովին կը խաղաղացնէ ու հպատակութեան մէջ կը բերէ: Քանի որ Թեհրանէ երբեք դրամ չղրկեցաւ զօրքի ծախսը հոգալու համար մի քանի նախանձոտ անձանց խարդաւանքի պատճառով, հայ զօրավարն ամենայն զոհաբերութեամբ իւր սեփական զոյքերն ու կալւածներն հետզհետէ վաճառել տալով և յաճախ ասորմէ անորմէ պարտք ընելով, զօրաց վըճարեց և միշտ զանոնք գոհ վիճակի մէջ պահելով, չթողուց որ ցրւին: Իւր զոհաբերութիւնն այն աստիճան եղաւ, որ երբ Թեհրան վերադարձաւ ու ժամանակէ մը ետքը վախճանւեց, յուղարկաւորութեան ծախքը դժւարաւ կրցան հայթայթել իւր թողուցած զոյքէն:

Քոլերան, այս տարափոխիկ ախտը, վերջին երեք քառորդ դարի մէջ գուցէ ամէն տեղէ աւելի Պարսկաստան երեւացեր է և ամէն անգամ, քաղղատմամբ ուրիշ երկիրներէ, աւելի շատ կոտորած ըրեր է: Այս դարի մէջ Թաւրիզ քոլերա մտեր է հետեւեալ թւականներին՝ 1822, 1830, 1833, 1846,

1847, 1851, 1858, 1861, 1866, 1871, 1892 և միշտ Յուլիս Օգոստոս, Սեպտեմբեր ամիսների մէջ սկսեր և մէկ ու կէսէ մինչև երկուք ու կէս ամիս տևեր է: Վերջին քոլերան Մեշեղի մէջ երևան ելնելով, մէկ կողմէ յառաջացաւ մինչ Սաբզաւար, միւս կողմէ մտաւ Անդրկասպեան երկիրը, և այն տեղէ ևս յառաջացաւ Բաքու, ուրկէ Կովկասի և բուն Ռուսիոյ ուրիշ քաղաքներն տարածւեցաւ: Բաքուէ անցաւ Արգաբիլ և այս քաղաքէն ու Տփլիսէն անցաւ Թաւրիզ: Այս քաղաքի մէջ երևան ելաւ Յուլիս 11-ին կամ 12-ին: Թաւրիզի մէջ բնակւող հայերի մէկ մասն արդէն քաղաքէն մեկներ էր Մուժումբար ու Ալշամուլք գիւղերն, և ուրիշ մասն ալ քոլերան սկսած ու սաստկացած ատեն հետզհետէ մեկնեցաւ: Այսպէս, ներքին թաղի (Ղալա) մէջ մերձ 40, իսկ Լիլաւա թաղի մէջ մերձ 200 ընտանիքներ մնացին: Ներքին թաղէն ուշ մեկնողներէն ու մնացողներէն 58 և դրսի թաղէն (Լիլաւա) միայն 30 հոգի գոհ դարձան այս տարափոխիկ ախտին: Երկու թաղի տւած զոհերի թիւին մէջ եղած այս մեծ տարբերութիւնն ուրիշ կերպ չենք կրնար բացատրել, եթէ ոչ ջրերի մաքրութեան տարբերութեամբ: Դրսի թաղի ջուրն անհամեմատ աւելի քիչ անմաքուր էր քան թէ ներքին թաղինը:

Մեռնողների մէջ յիշելու է Ատրպատականի առաջնորդ Ստեփաննոս եպիսկոպոս Մխիթարեանն, որ քոլերայէ բռնւելէ ետքը թէև շատ յոյս կար որ ազատէր, սակայն յանկարծ վիճակը փոխւելով, Օգոստոս 2-ին վախճանւեց:

Մուժումբար փախչող քաղաքացի հայերէն միայն 8, իսկ եւրոպացիներէն այստեղ կամ ուրիշ տեղեր փախչողներէն և թէ քաղաքը մնացողներէն 12 հոգի մեռան:

Դիտելու արժանի է, որ Մոհարրամ ամսի 9, 10 և 11-ին ամենասաստիկ օրերն եղեր են, երբ կրուի օրը մինչ 1500ի չափ մեռնող եղեր է: Այս արտակարգ սաստկութիւնը տալու է աւելի այն օրերի կրօնական սղատօնի առթիւ մեծ բազմութեամբ մէկտեղ խմբւած լինելուն:

Ըստ պաշտօնական տեղեկութեանց, Թաւրիզի բնակիչներէն մերձ 8,000 հոգի մեռան քաղաքին մէջ, բայց հաւանական է, որ մեռնողները թիւը 10,000-ը անցած լինի:

### ԱՐԴԻ ԹԱԻՐԻԶԸ

Կը գտնուի էյնալ-Չէյնալ լեռանց հարաւային արեւմտեան գիւն: Քաղաքն այժմ կը բաժանուի 8 մեծ թաղերի, որք իրենց ստորաբաժանումներն ևս ունեն: Այս թաղերն, որք իրենց անուններն տւեր են նաև քաղաքի դարբասներին, հետեւեալներն են. արևելեան կողմը՝ Բաղմէշէ, հարաւային արևելեան՝ Խիաբան, հարաւային՝ Նովբար, հարաւային արեւմտեան՝ Ահրաբ, արևմտեան՝ Գեաջիլ կամ Վարջի, հիւսիսային արևմտեան՝ Սորխաբ: Թէև քաղաքը պատող պարսպի մէկ մասն անհետացեր ու տներին խառնւեր է և մնացորդն ևս հետզհետէ անհետանալու վրայ է, սակայն այն մասի շուրջն որ պարսպի մէջ կը համարուի, մերձ մէկ ֆարսախ է: Տներն առ հասարակ շինուած են երկյարկ, որ կը բաղկանայ գետնափորէ և վրայի ծածկոցէ մը, և համարեա բոլորն պարտիզակ կամ պարտէզ մը ունեն, նամանաւանդ պարսպէ դուրս գտնուածներն մեծ պարտէզ մը կամ ընդարձակ այգի մը ունեն և համեմատութեամբ բնակչաց թիւին, խիստ մեծ տարածութիւն մը կը գրաւեն:

Ամբողջ քաղաքը, պարսպէ դուրս եղած տներով, այգիներով ու պարտէզներով հանդերձ, մերձ 2 ֆարսախ երկայնութիւն և մէկ և մէկ չորբորդ ֆարսախ լայնութիւն ունի, և կը տարածուի արևելքէ արևմուտք: Այլ գետի մէկ մասը քաղաքի մէջէն կանցնի և կերթայ թափիլ Ուրմիոյ լիճը: Թաւրիզ ուրիշ գետ չունի. ոռոգման ու գործածութեան ջրերն ամէնքն ալ կը գան աղբիւրներէ (քեհրիզ), որոնց թիւը 800-ը կանցնէ: Այս ջրերը ստորերկրեայ ջրանցքներով քաղաքի ամէն կողմերը կը տարւեն, սակայն այս ջրանցքներէ շատերն չմաքրելու պատճառով ջրերն կը գէշանան ու անմաքուր կը դառնան: Այ-

գիւների ու բանջարանոցների շատնալովը ջրի պէտքը օրէ օր կաւելնայ և բաղդատմամբ Ատրպատականի ուրիշ քաղաքներին, Թաւրիզ ջրի մեծ պակասութիւն ունի:

Թաւրիզի օդը խիստ առողջարար է ու մաքուր, կլիման բարեխառն: Ձմեռը ցրտութեան աստիճանը շատ քիչ անգամ — 24 սանթիգրադի կիջնէ, իսկ ամառն ամենատաք ժամանակն արևին մէջ + 46<sup>0</sup>-ը շանցներ: Ամենացուրտ ժամանակը Յունւարի կէսին մինչ Փետրւարի կէսն է, և ամենատաք ժամանակը՝ Յուլիսի կէսէն մինչ Օգոստոսի կէսն: 1870, 71 և 72 տարիների մէջ ամենօրեայ առաւօտեան ժամը 9-ին առնւած դիտողութիւններէն կերևի, որ Յունւար և Փետրւար ամիսների միջին ցրտութիւնն է օդին մէջ — 8½, իսկ Յուլիս ու Օգոստոս ամիսների միջին տաքութիւնն է արևին մէջ + 30 սանթիգրադ:

Ամառն երեկոններն քիչ բացառութեամբ զով են և արշալոյսի դէմ աւելի ցուրտ, քան թէ տաք: Տաքէ ցուրտ և ցրտէ տաք փոփոխութիւնն ընդհանրապէս աստիճանաբար և կանոնաւոր եղանակով, նամանաւանդ օդը խոնաւ չլինելով, բնակչաց ամենամեծ մասը տանիքի վերայ կամ բակին մէջ բացօթեայ կը քնանայ:

Թաւրիզ ամէն տեսակ ուտելեաց մեծ առատութիւն կայ և բաղդատմամբ այլ տեղաց՝ գները մատչելի են: Պտուղներն զանազան են առհասարակ, աղէկ ու անուշահամ, որոնց մէջ յատկապէս յիշելու է խաղողն (որի տեսակներն ոմանք մինչ երեսուն կը հաշւեն), դեղձը, ծիրանը և տանձը: Ընդեղէնները, բանջարեղէնները, դալարեղէնները բազմաթիւ և բազմազան են և առհասարակ Ատրպատական բուսած ուտելեղէնների ամենամեծ մասը աստ կը գտնուի:

1869-ին, թաղապետների ցուցակագրած թւահամարին համեմատ, որ ճշտութեան մօտ կը կարծուի, Թաւրիզ քաղաքն ունէր 32,000 տուն կամ ընտանիք: Այն թւականէն ի վեր եղած աճումն ու յաւելումն հաշւի առնելով և ասոնց վրայ ա-

ւելցնելով քարւանսարաների մէջ ապրող պանդուխտներն, որք թւահամարի մէջ չէին մտած, պէտք է որ այժմ բնակչաց թիւը մօտենայ 250,000-ի:

Տեղացիք կրթութեան կողմէ շատ ետ են. քաղաքին մէջ հաւանաբար հարիւրին չորս մինչ վեց լինի գրագէտների կամ գրահանաչների համեմատութիւնը:

Բացի միայն մէկ դպրոցէ, որ կառավարութեան հաշուով կը պահուի և ուր պաշտօնեաների գաւակները միայն կը յաճախեն, ժողովուրդն իր համար առանձին դպրոց մը, — որ քիչ-շատ արգի գաղափարների կամ մեթոդների համեմատ կազմած լինի, — չունի: Բարձրագոյն դասակարգին պատկանողներն հողեւորական ուսուցիչ մը վարձելով, տան մէջ իրենց գաւակները կրթել կը տան, իսկ ուրիշներն ընդհանրապէս գաւակներն կը զրկեն հողեւորական ուսուցչի մը մօտ, որ 20—30 աշակերտ, երբեմն տղայ ու աղջիկ խառն, գլխին հաւաքելով, մզկիթի մէկ անկիւնն անոնց լոկ կարգալ ու գրել կը սովորեցնէ: Առաջներն աշակերտուհիների թիւն աշակերտներէն շատ վար չէր, բայց քանի տարիէ ի վեր հետզհետէ առաջիները կը նւագին ու վերջիները կաւելնան. գուցէ այս առաջ կը գայ իգական սեռն արական սեռին ոչ ընտանի լինելու գաղափարին օրէ օր զօրանալէն:

Թաւրիգի բնակիչներն առ հասարակ աշխատասէր, շարքաշ, քչով գոհ եղող ու խնայող են: Մեծ մասամբ անգրագէտ լինելով հանդերձ, խիստ ճարպիկ են վաճառականութեան մէջ. ամենաչնչին գրամագլխով կրնան գործել ու շատ անգամ յաջողիլ:

Թէև հազարէ մէկը թւաբանութեան չորս գործողութեան տեղեակ է, սակայն ամէնքը վաճառականական ամէնէն խրթին հաշիւները համարիչի (չոթք) վրայ կամ բերանացի շատ արագութեամբ կրնան ընել:

Արհեստից մէջ թէև ստեղծիչ ոգի չունեն, սակայն նմանողութեան ու ընդօրինակութեան ձիրքէն զուրկ չեն: Խա-

բելն առուտուրի մէջ աւելի ճարպիկութիւն (գրանդի) կը համարուի քան թէ թերութիւն, և «դաբբա» ընելն, այսինքն ապրանքը գնելէ ետքը «խաբւեր եմ» ըսելով նոր գեղջ մը ևս պահանջելը խիստ սովորական բան է:

Տեղացի բնակիչները հային հետ բաղդատած ժամանակ՝ աչքի զարնող տարբերութիւններէն մէկն ալ այն է, որ մինչ առաջինը անշարժ կը մնայ կամ անզգալի փոփոխութիւն կը մտցնէ իւր կենցաղավարութեան և գործելու եղանակին մէջ, հայը յար և անդադար ամէն բան կը փոխէ կամ կը բարեփոխէ:

Այսպէս, տեղացին կէս կամ երեք քառորդ դար առաջ ինչ եղանակաւ, ինչ ձև զգեստ կը հագնէր, ինչպէս կը ճաշէր ու կընթրէր, իւր տունը ինչ կերպ կը շինէր, ինչպէս կը կահաւորէր, ինչպէս կը գործէր ամէն բանի մէջ, աւելի ևս ինչպէս կը խորհէր, գրեթէ նոյնպէս կամ խիստ աննշան տարբերութեամբ նոյնը կընէ և այսօր: Սակայն, հայ մարդերն որ դարիս սկիզբը տեղացիների պէս կը հագնւէին, 1827—28 թ. պատերազմից ետքը քիչ-քիչ իրենց զգեստի ձևը «գիւրջի» կոչւածին կամ տփխիսեցւոց հագած ձևին նմանցուցին, և երբ սկսան Ռուսիա ու Եւրոպա երթեկութիւն ընել, յայնժամ «գիւրջի» ձևը եւրոպականին տեղի տւաւ: Հայ կանայք ևս, որ առաջներն անթարի և քիւլեջէ կը հագնէին, գլուխներն ու ծնօտնին նախնեաց ձևով կը կապէին և ոտերնին «չախշուր» կը քաշէին, հետզհետէ տփխիսեցւոց նման սկսան հագնուիլ, իսկ վերջին ժամանակներս դպրոցէ ելլող աշակերտուհիներն ընդհանրապէս եւրոպական ձև կը հագնուին և առանց սաւանի (չաղբա) կը շրջին:

Հայ բնակչաց նիստն ու կացն և ուրիշ սովորութիւններն ևս օրէ օր աւելի եւրոպականին կը մօտենան քան թէ տեղականին:

Մինչ այժմ տեղացին կամայ թէ ակամայ, ինքնաբերաբար թէ պարտաւորեալ, իւր շահածէն կամ գոյքէն մէկ մեծ բաժին կը հանէ կրօնական նպատակի համար և գրեթէ ոչինչ



կը գոհէ մարդասիրութեան կամ կրթութեան համար, հայն, ընդհակառակն, օրէ օր իւր կը օճական նւէրները կը նւագեցնէ, բայց առատաձեռնութեամբ կը նծայէ մարդասիրական ու կրթական նպատակաց համար:

Պէտք է աւելցնել ի նպաստ տեղացիներին, որ ասոնք տնտես են և իրենց շահէն միշտ կը ջանան մեծ մաս մը խնայել ու պահել, մինչ զեռ հայն անտնտեսաբար և երբեմն շոտալարար ամբողջ շահածը կը ծախսէ: Ի վերջոյ, յիշենք ևս, որ տեղացիին իւր գործառնութիւններն կը սահմանափակէ իւր երկրին, կամ առ առաւելն թուրքիոյ դրկից կամ Ռուսիոյ սահմաններին մէջ, իսկ հայն աւելի ձեռնարկող ողիով, ի խնդիր ուսման, արհեստի կամ շահի, ամէն երկիր համարձակաբար կը դիմէ:

Թաւրիզ գտնւող եւրոպացիներն՝ այր, կին, երեխայ, ամէնքը հաշւելով, 70-ի շափ են և հայոց հետ խառը կը բնակին: Հինգ հիւպատոսարաններ կան, և ըստ հնութեան կարգի հետևեալներն են՝ Անգլիոյ, Ռուսիոյ, Թուրքիոյ, Ֆրանսիոյ և Աւստրո-Հունգարիոյ:

Հայերն, որք այժմ (1897) 581 տուն կամ ընտանեաց շափ են, երկու թաղի մէջ խմբւած են. առաջինը կը կոչուի Ենրֆին կամ Ս. Սասուածամայր եկեղեցւոյ քաղ, որի ամբողջութիւնը պարսկերէն «Մհար Մէհին» (աղճատ թրքերէնով՝ «Միար-միար») կը կոչուի. երկրորդը՝ Դրսի կամ Լիլաւայի թաղ կը կոչուի: Աւանդութեամբ կըսուի, որ հայերը Մհար Մէհին գալէն առաջ «Դավաշի» թաղամասին մէջ կը բնակէին:

Դավաշիի մէջ, որն հայոց արդի բնակած թաղի հիւսիսային դին և անորմէ մերձաւորապէս մէկ հազարամեթր հեռու է, հայերը մի գերեզմանատուն ունէին, ուր ըստ շատերի ասութեան՝ հին տապանազրեր կային, շատ հին թւականով: Այս գերեզմանատունը 1853-ին Սահակ եպիսկոպոս Սաթուհեանը վաճառեց տեղացւոց:

Այս նոյն թաղամասի մէջ հայերն ունեցած են եղեր

նաև եկեղեցի մը՝ Ս. Յովհաննէս անունով, որը շատ աւելի առաջ, ինչ-ինչ պատճառներով անցած է տեղացւոց ձեռքը, թերևս այն ժամանակ, երբ դարեր է հայաբնակ լինելէ:

Թաւրիզի արդի հայ ժողովուրդը բաղկացած է զարագաղցիներէ, որոնք Փայտակարանի գիւղերէն հետզհետէ գաղթելով, եկեր, այս քաղաքը հաստատուեր են և այժմ համեմատաբար ժողովուրդի ամենամեծ մասը կը կազմեն: Հայ բնակչաց մէջ կան նաև Պարսկաստանի միւս նահանգներէն և օտար երկիրներէ ու այլ և այլ տեղերէ հաստատուողներ: Բուն թաւրիզեցի հայերը այժմ ժողովուրդի ամենափոքր մասը կը կազմեն:

Ներքին թաղի հայ ընտանիքների թիւն է 219 և ունեն հետևեալ զբաղումները.

Վաճառական, գործակատար ու գրագիր	74
Ոսկերիչ	18
Գինեվաճառ	14
Գերձակ	13
Պաշտօնեայ	6
Հիւսն	5
Ուսուցիչ	5
Վիրաբոյժ բժիշկ (3 այր, 1 կին, տեղական իմաստով ինքնուս բուժողներ)	4
Լուսանկարիչ	4
Աշաբոյժ (կին)	3
Ապակեհատ ու ներկարար	3
Բժիշկ	1
Քահանայ	1
Զանազանք (ծառայող և փոփոխական գործերով պարասպողներ)	68

Գումար՝ 219

Պէտք է աւելացնել, որ համեմատաբար, օրէ օր, վա-

ճառականաց և արհեստաւորաց թիւը կը բազմանայ, իսկ ձեռագործ արհեստաւորացը կը քիչնայ:

### ՆԵՐՔԻՆ ԹԱՂԻ ՀԱՅՈՅ ԳՊՐՈՅԸ

Գաստիարակութիւնը տեսակ մը ջերմաչափ է, որով խիստ դիւրին է ազգի մը յառաջադիմութիւնը կամ յետամնացութիւնը դատել:

Վարժարանների բազմացումն և դպրոցական կրթութեան զարգացումն ու տարածումը, ժողովուրդի մը յառաջադիմութեան ստոյգ ապացոյցներն են: Ուստի հարկ կը համարիմ թաւրիզի վարժարանի հաստատութեան համառօտ պատմութիւնն ընել:

1833 թւականէ առաջ այս քաղաքին մէջ հայոց յատուկ վարժարան չկար, այլ քահանաներ և մերթ աշխարհական անձինք, իրենց տունը տղայք հաւաքելով, ընթերցանութիւն և քերականութեան տարերքը կը սորվեցնէին: Այս կերևի Ուիլիէմ Փրայսի 1810-ին թաւրիզ ըրած ճամբորդութենէն: Ինչպէս տեսանք, նա քահանայի մը տուն իջևանած լինելով, կըսէ որ երէցը բացի քահանայութենէ, ուսուցչի պաշտօն ևս կը կատարէր, իւր տան մէջ ժողոված աշակերտաց դասատուութիւն ընելով:

Թաւրիզի մէջ հայոց յատուկ վարժարան մը շինւեցաւ 1833 թւին, Մահտեսի Գասպար Շահբազեանի ջանքովը, ժողովուրդի ձեռնտութեամբն և եկեղեցւոյ դրամովն:

Այս շէնքը եկեղեցւոյ բակին մէջ էր և կը բաղկանար մէկ մեծ սրահէ և մէկ փոքր սենեակէ: Առաջինն դասարանի և երկրորդը վարժապետի գործածութեան կամ բնակութեան համար էին: Նորակառոյց վարժարանը յանձնւեցաւ բաղադրի Մանուէլ անունով ուսուցչի մը: Այս անձը թէև ուսեալ վարժապետ մը չէր և թաւրիզեցւոց բացատրութեամբ քերականութիւն ու ճարտասանութիւն չգիտէր, սակայն, այն

ժամանակի համար խիստ պիտանի մի առաւելութիւն ունէր, որ էր իր շատ զեղեցիկ և դիւրընթեռնելի ձեռագիրը, որով անոր մօտ աշակերտողները քիչ բացառութեամբ խիստ վայելչազիր եղան:

1832-ին Մեսրոպը թաղիաղեանց թաւրիզ գալով, առանձին մի տան մէջ սկսաւ քանի մը աշակերտների ևս դասատուութիւն ընել: Բայց թաւրիզեցիք այս բարձր վարժապետի յարգն ու արժանիքը չկրցան գնահատել և կարողութիւն չունէին բաւարար բռնիկով զայն գոհացնել: Աւելցնենք ասոնց վերայ, որ թաղիաղեանցի կիներ սոյն միջոցներին մեռաւ թաւրիզի մէջ, և այս պատճառով թաղիաղեանց մեկնեցաւ թաւրիզէն, ալ չվերադառնալու համար:

Թաղիաղեանցի կնոջ գերեզմանը կը գտնուի Ս. Աստուածածին եկեղեցւոյ աջ կողմը եղող դրան մօտերն և տապանաքարին վերայ սոյն հակիրճ բայց իմաստալից տապանագիրը կայ:

Թանգ Մեսրոպայ թաղիաղեանց,

Օսար յիմոց հայրենեաց,

Ի ծնանիլ զմարդ յաշխարհ,

Ծնաւ ինքնին առ Ա.ձ: 1832

Ասկէ ժամանակ մը ետքը թաւրիզ հասաւ բաղէշցի Ղազար Մարտիրոսեան վարդապետն, որ տուն մը վարձելով, սկսաւ աշակերտներ հաւաքել և ուսուցչութիւն ընել: Սակայն, Ղազար խարդաւանութեամբ Պօղոսի ուսուցչութիւնը խափանեց, որով վերջինս պարտաւորւեցաւ մեկնիլ: Կարապետ բաղէշցի վարժապետ մը ևս Պօղոսի բախտին ենթարկւեցաւ և Ղազար մնաց միակ տէր վարժարանին:

Այս վարժապետն այն ատենները տիրող գաղափարին համեմատ դրոց աշակերտ էր, այսինքն քերականութիւն, ճարտասանութիւն դիտէր, Ասոր աշակերտներէն շատերն իրենց ուսուցչի իմացածին չափ բան սորվեցան, որի վերայ ոմանք

ետքէն աւելցուցին ևս պարսկերէն լեզուի մասնաւոր գիտութիւնը: Ղազար յընթացս իւր ուսուցչութեան յօրինեք է քանի մը տաղեր ու ոտանաւորներ, որոնց տների սկզբնադրերը տաղերը նւիրւած անձանց, աշակերտաց և կամ իւր անունը կը կաղմեն: Ասոնք տպագրութեան արժանացած չլինելով, իբր օրինակ, մէկ-երկուքի սկիզբներն աստ կը բերեմ.

Ի գնալ գարնան ես քնդ կարօս մնացի,  
Արագ ելնալ ի գլուխ լնրանց գնացի,  
Զքնդ ոչ տեսնալ, ես սուգ առնալ յոյժ լացի,  
Հնծնձանօք յոգոց հաննալ ասացի.  
Բացիր, բացիր, իմ կարմիր վարդ, աննման,  
Գնդդ նման արեգական շողոզման,  
Աշխարհ՝ զուր աշխարհ, քնդ վա՛յ միտս եւ յար  
Տայ անարգանօք խնդն՝ բարուն Ղազար,  
Խաբանօք խաբես, չսաս, բայց քե չար  
Ի յուսադրութենէդ բազմօք անյարմար:

Ղազարի մեկնմանէ ետքը անոր աշակերտներէն ոմանք և մասնաւորապէս Տէր Յովսէփ Տէր Յովսէփեան ստանձնեցին ուսուցչութեան պաշտօնն: Իրաց այս վիճակը տեսց մինչ Սահակ եպիսկոպոս Սաթուրեանցի Ատրպատականի թեմին առաջնորդ կարգուիլը (1850 թ.):

Յիշատակաց արժանի սոյն անձը, Թաւրիզ հասնելով, գտաւ որ ոչ միայն վարժարանի սրահն անբաւական և անյարմար մի տեղ էր, այլ նաև Առաջնորդարանն իսկ, որ միայն երկու փոքր սենեակէ կամ խուցէ կը բաղկանար, խղճուկ և անշուք մի շէնք էր, անբաւական մինչ անգամ վարդապետի մը բնակութեան, ուր մնաց թեմակալ առաջնորդի մը, ուստի ձեռն ի գործ մխեց յարմար վարժարան մը և վայելուչ առաջնորդարան մը շինելու:

Սահակ մեծամեծ դժւարութեանց և խոչընդոտների հանդիպեցաւ: սակաւաթիւ, տղէտ ու շահասէր անձանց կողմէ, մաս-

նաւորապէս մէկէ մը, որին գրիչ մը վասակ մականունը տւեր է: Սակայն նա ամէն հաստատամտութեամբ շարունակեց իւր ձեռնարկած գործն, առատաձեռնութեամբ ծախսեց ոչ միայն առաջնորդութեան ամբողջ հասոյթն, այլ և իւր հետ բերած սեփական գումարն, որ մօտ 3,000 բուբլի էր: Նա հայրենասիրաբար ամէն աշխատութիւն, վիշտ և նեղութիւն տարաւ և համբերութեամբ ու խոհեմութեամբ հետզհետէ հանգանակեց տեղացի ժողովուրդէն և օտարաքաղաքացի անձերէ փոքրիկ գումարներ, և այսպէս յաջողեցաւ ի վերջոյ կանգնել, աւարտել առաջնորդարան մը երկյարկ շէնքով, ունենալով սրահներ, սենեակներ և պիտոյական ծածկոցներ ու դեղեցիկ միայարկ վարժարան մը, որ կը բաղկանար երկու սրահներէ և ուրիշ շէնքերէ: Թաւրիզեցիք պարտ են ընդ միշտ երախտաղէտ մընալ այս հայրենասէր անձին և անոր յիշատակն անմոռաց պահել իրենց սրտին մէջ:

Նոր վարժարանը ներսէսեան անունը ստացաւ և 1852-ին բացուելով, մօտ 100-ի չափ աշակերտներ սկսան յաճախել: Ուսանելի առարկաներն էին՝ հայերէն ընթերցանութիւն, քերականութիւն, ճարտասանութիւն, վայելչադրութիւն, սրբազան պատմութիւն, թւաբանութիւն, երգեցողութիւն և պարսկերէն լեզու:

Այս վիճակն անհամեմատ բարձր ու բարեկարգ էր առաջւանէ և հետզհետէ յառաջադիմելու յոյս կը տար: Սակայն, Սահակի մահւամբ, 1856-ին, վարժարանի դրութիւնը վատթարացաւ գլխաւորապէս եկամուտի պակասութեան պատճառով: Առաջնորդական փոխանորդ Յակովբ վարդապետ Շահբաղեանի ատեն անտարբեր վիճակի ենթարկուեցաւ: Արէլ եպիսկոպոս իւր առաջնորդութեան ժամանակ ջանաց քիչ-շատ կանոնաւորել վարժարանը, և 1860 թւականին, Ֆրանսերէն լեզուի ուսումն ևս մտցուց ուսանելի առարկաների շարքը, բայց քիչ ատեն ետքը իջմիածին կանչուելով, վարժարանն նախկին դրութեան մէջ ինկաւ:

1862-ին, Յովսէփ խան Մոյսէեան և քանի մը անձինք միաբանելով, առանձին տան մէջ ուրիշ վարժարան մը ևս բացին, ուր կը պաշտօնավարէին պր. պր. Սահակ Տէր Աբրահամեան և Սամուէլ Գիւլգաղեան և հայերէն, անգլիերէն, ֆրանսերէն և պարսկերէն դասատուութիւններ միանգամայն սկսեցան: Սակայն, այս առանձին վարժարանն քանի մը ամսէ ետքը զոցւելով, մասնաւոր արդիւնք առաջ չբերաւ:

Գէորգ եպիսկոպոս Վեհապետեան 1861-ին Ատրպատականի վիճակաւոր առաջնորդ կարգւելով, ուղեց քիչ-շատ վարժարանը բարեկարգել, բայց տնտեսական պակասութեան պատճառով մեծ փոփոխութիւն չկրցաւ տալ:

Վեհապետեան 1865-ին Թեհրան երթալով, յաջողեցաւ վեհափառ Շահէն տարեկան 200 թումանի թոշակ ձեռք բերել Ներսէսեան վարժարանի համար: Այս նոր եկամտի աւելնալովը, վարժարանի վիճակը մի քիչ աւելի ապահով դարձաւ, սակայն այն դեռ շատ հեռի էր յառաջագէմ ու արդիւնաւետ կրթարան մը լինելէ: Մինչ 1868-ի ատենները վարժարանը գրեթէ բոլորովին առաջնորդների կամ անոնցմէ կարգւած փոխանորդների իրաւասութեան տակ էր. ամէն ինչ անոնք կը տնօրինէին, ինչպէս ուղէին, այնպէս կը պահէին և ժողովուրդին որևէ հաշիւ ու համար չէին տար: Սակայն, այս թւականին ժողովուրդը շարժեցաւ, ուղեց իւր վարժարանը ինքն կառավարել և այս առթիւ վարժարանի տնտեսութեան համար առաջին անգամ ընտրական միջոցով հոգաբարձութիւն մը հաստատեց, որին նախագահն եղաւ ի պաշտօնէ Ատրպատականի առաջնորդը:

Սոյն հոգաբարձութիւնն սկսաւ աւելի հոգ տանիլ վարժարանին, բայց մեծ բան չկրցաւ ընել, դարձեալ մուտքի նրւազութեան պատճառով: Արդ մեծ քայլ մը առնուել էր և եթէ ժողովուրդն շարունակէր զբաղելի վարժարանի խնդրով և հոգս ունենար անոր բարելաւութեան համար, անտարակոյս, այս հպատատութիւնն հետզհետէ կը բարեկարգէր ու կը յառաջա-

դիմէր, սակայն ինչպէս միշտ, այս անգամ ևս ժողովուրդի եռանդը պաղեցաւ և դպրոցն անտես առնուեցաւ և անտարբեր վիճակի մէջ ինկաւ:

Անդրէաս եպիսկոպոսի օրով, 1873-ին, վարժարանը դրամական խիստ նեղ վիճակի մէջ գտնուելով, քանի մը անձինք աւելի ինքնաբերաբար քան թէ ուրիշներէ թելագրւած, հանդանակութիւն մը բացին, որին ժողովուրդը, բնիկ թէ օտարաքաղաքացի, առատաձեռնաբար մասնակցելով, մերձ 3,500 թումանի չափ դումար մը հանդանակեցաւ, և այս առթիւ Ներսէսեան վարժարանի անունը Արամեան դպրոցի փոխուեցաւ: Այս ատեններն ևս ուսուսաց կառավարութիւնը Կովկասի փոխարքայի միջոցով տարեկան 100 տուգաթի թոշակ մը շնորհեց:

Այս հանդանակութեան և նոր թոշակի աւելնալովն դպրոցի տարեկան մուտքը մերձ 1000 թուման եղաւ, որով նոր ուսուցիչներ վարձուեցան և դպրոցն սկսաւ քիչ մը բարեկարգւելի ու զարգացման շաւղին մէջ մտնիլ:

Երկու տարիի չափ այսպէս շարունակելէ յետոյ ուսուցիչ Յակովբ Մելիք Յակովբեանի (Բաֆֆի) հրատարակած յօդուածներին սխալ մեկնութիւն տրուելով, վէճ մը ծագեցաւ ժողովուրդին մէջ. Բաֆֆի պարտաւորուեցաւ մեկնիլ Պարսկաստանէ, դպրոցի բարեկարգութիւնն անտես առնուեցաւ, որով և խանդարուեցաւ:

Գպրոցական գործն այսպէս կաղէ կաղ շարունակուեցաւ մինչ 1879-ի մէջերն, երբ բոլորովին երեսի վրայ ձգւած ու գրեթէ զոցւած վիճակի մէջ կը գտնուէր: Սոյն ատեններն ժողովուրդն Աւարայրեան Ընկերութեան օրիորդաց դպրոցի բացումէն զրգուելով, քանի մը անգամ ժողովներ ընելէ ետքը, նոր հոգաբարձութիւն մը ընտրեց և նոր կանոնադրութիւն\*.)

\*) Այս կանոնագիրը ես խմբագրեցի, որն եղաւ առաջին եւ գլխաւոր կանոնագրութիւնը, որ Առաջնորդի, Հոգաբարձութեան եւ ժողովուրդի իրաւունքներն ու պարտաւորութիւններն կը սահմանէր:

խմբագրել տւաւ Արամեան դպրոցի գործերն ըստ կարգին վարելու և բարեկարգ վիճակի մէջ դնելու համար:

Արամեան դպրոցն քիչ մը բարեկարգւեցաւ, բայց շատ յառաջադիմութիւն չկրցաւ ընել: Մուշեղեանց եպիսկոպոսի առաջնորդութեան օրով միջակ վիճակ մը ունեցաւ: Մեսրոպէ վարդապետ Ճերմակեանի ատեն հոգաբարձութեան և այս առաջնորդական փոխանորդի միջև ծագած անհամաձայնութեան պատճառով դպրոցն նորէն անտարբերութեան մատնւեցաւ:

Ստեփաննոս եպիսկոպոս Մխիթարեանի առաջնորդութեան ժամանակ (1887—1892) դպրոցն ոչ միայն յառաջադիմութիւն չըբաւ, այլ յաճախ, երկար միջոցներ խիստ անբարեկարգ ու խանգարեալ վիճակի մէջ գտնւեցաւ: Այս կղերիկսը շատ խորամանկ, հնարագէտ ու դիւրաթեք մէկն էր, լեզուէն ըստ յարմարութեան գործածելու դիւրութիւնը կը ժառանգէր, խիստ յանդուգն ու հրամայող բնաւորութիւն մը ունէր և դեռ երիտասարդ լինելով (Թաւրիզ եկած ատեն 40-ը նոր կը բոլորէր), ծանր աշխատութիւն, կարողութիւն և մեծ տրամադրութիւն կը ժառանգէր: Այս անձը շատ յարմար և գուցէ յատկապէս Ատրպատականի համար ստեղծւած առաջնորդ մը կը լինէր և մեծ բարիք կրնար ընել հայոց, եթէ վերի առաւելութեանց հետ անտանելի և աններելի պակասութիւններ ևս չունենար: Իւր ընչաքաղցութիւնն չափ ու սահման չունէր և զայն յագեցնելու համար ոչինչէ քաշւել չունէր: Խիղճ ըսւած բանը չէր գիտեր: Փառասիրութիւնը, սնապարծութիւնը և եսականութիւնը վերին աստիճանի մեծ էին և զինքն ուրիշներին անսիրելի ու անյարգելի կը դարձնէին: Ամէն բանի մէջ իւր կիրքն երևան կելնէր և այս այնչափ աճած էր, որ զինքը զրկելով ուղիղ դատողութենէ ու խոհականութենէ, յաճախ իրեն անդարմանելի սխալներ գործել կը տար և իւր անհամեստութիւնը կը դար այս պակասութեանց լրումն տալու:

Դպրոցին գալով՝ ինչպէս ուրիշ ամէն գործերի մէջ, ա-

սոր մէջ ևս բացարձակ տէր և տնօրէն կուգէր դառնալ և իւր կամքն օրէնք համարել տալ:

Ամէն կանոն ոտնատակ տալով և լոկ անւանական ու կեղծ ընտրութիւն կատարել տալով, այնպիսի անձեր հոգաբարձու ընտրել կը տար, որք բացի «Սրբազան» դու ամէնէն լաւ գիտես» ըսելէ, ուրիշ բան չէին կրնար խորհել ու ընել, և կամ այնպիսիներն հոգաբարձութեան մէջ կը բերէր, որ իւր բարեխօսութեան ու օգնութեան կարօտութիւն ունենալով, կամայ ակամայ իրեն չկրնային հակառակել, այլ կամակից ու հաճոյակատար լինէին: Բայց երբ իր ուղած ընտրութիւնն իրեն չյաջողէր և ընտրւած հոգաբարձուներէն ամէնքը կամ մէկ մասն անկախ անձեր լինէին, յայնժամ ամէն ջանք, ամէն հնարք ի գործ դնելով, ուսուցչաց մէջ հակառակութիւն և հոգաբարձուների մէջ անհամաձայնութիւն ու երկպառակութիւն կը սերմանէր, որով այս ամէն անձանց մէջ ինքն միայն իրաւախոհ ու դատաւոր լինելով, դարձեալ ըստ իւր քրմաց ամէն բան տնօրինել կը տար:

Այս բռնապետութիւնն ու մաքիավելութիւնն տանելի, գուցէ ներելի ևս լինէին, եթէ բաւականին ազդասիրութիւն ունենալով՝ ուղէր իւր կամքը յառաջ տանելով հանդերձ, դըպրոցը յառաջադէմ ու բարեկարգ վիճակի մէջ դնել: Սակայն իւր բարք ու կիրք արդելք էին ամէն բարեկարգութեան: Իւր կըթութիւնն վանական էր ու խիստ թերի, որով ոչ կարողութիւն և ոչ տրամադրութիւն ունէր արդի ուսումնական դադափարներն ու փափուկ խնդիրներն զնահատելու և ըմբռնելու, և ուրիշների միջամտութիւնը չկրնալով տանել, աւելի կընտրէր դպրոցը և ամէն բան անկարողութեան ու յետադիմութեան մէջ թողնել, քան թէ մէկն իւր բացարձակ իշխանութեան մասնակից տեսնել:

Մխիթարեան 1892 թ. Օգոստոս 2-ին քուլերայէն վախճանւեցաւ Թաւրիզի մէջ, և իւր փառասիրութեան հակառակ, խիստ անշուք կերպով թաղւեցաւ: Իւր անչափ ազահութեամբ

դիզած դրամներն, որք կը կարծւէին պատկառելի գումարի մը կը հասնէին, ոչ կըրցաւ և ոչ ալ ժամանակ ունեցաւ իբր տէր իւր ցանկութեան ու կամաց համեմատ գործածել և կամ ապագայի համար յիշատակ թողուլ:

Մխիթարեանի մահէն մինչ այժմ (1897) ևս Արամեան դպրոցը սովորական ելևէջի, այսինքն երբեմն անտարբեր, երբեմն քիչ մը բարեկարգ և երբեմն ևս յետադէմ վիճակի մէջ եղեր է:

Այժմեան Արամեան դպրոցն ունի ընդամենը եօթը դասարան, նախակրթարան, կրթարան, պատրաստական, Ա. Բ. Գ. և Դ. դասարան. աշակերտաց թիւը մերձ հարիւր է և ուսանելի առարկաներն են՝ հայերէն, գրութիւն, գծագրութիւն, երգեցողութիւն, թւաբանութիւն, աշխարհագրութիւն, կրօն, հայոց պատմութիւն, բնական պատմութիւն, պարսկերէն, ռուսերէն և ֆրանսերէն լեզուներ:

Արդ, եթէ Արամեան դպրոցի ներկայ վիճակը բաղդատուի Սաթուհեանի ժամանակ եղածի հետ, կարելի է ըսել, որ ներկայի աստիճանն աւելի բարձր է: Սակայն, երբ նկատի առնելի որ այն ժամանակ Ներսէսեան դպրոցի մուտքն անապահով ու անորոշ վիճակի մէջ էր և տարեկան ծախքը հազիւ երկու հարիւր թումանի կը բարձրանար, իսկ ներկայիս Արամեան դպրոցի եկամուտն ապահով է և ծախքն 2,500 թումանը կանցնէ, նամանաւանդ երբ նկատողութեան առնելի, որ ասկէ կէս դար առաջ հայոց մէջ կըթուրէինր դեռ հին դրութեամբ էր և անկէ ի վեր է, որ ուսման և ուսուցանելու եղանակը մեծ փոփոխութիւն կրեր է և ամէն տեղ դպրոցներն արտակարգ յառաջադիմութիւն ըրեր են, երբ այս ամէնն ի նկատի առնելի, յայնժամ պէտք է ըսել, որ արդի Արամեան դպրոցը Սաթուհեանի ժամանակէս դպրոցին հետ բաղդատելով, շատ յառաջադէմ վիճակի մէջ չէ, և ձեռք բերւած արդիւնքն անհամեմատ նւազ է և ոչ մէկ կերպով կը համապատասխանէ եղած ծախքին:

Շատ բաներ կան, որք պատճառ կը դառնան Արամեան դպրոցի այս անյառաջադիմութեանը, բայց ըստ իս անոնց մէջ ամենագլխաւորն ժողովուրդի անտարբերութիւնն է:

Ժողովուրդին կիյնայ անհատաբար և հաւաքաբար դպրոցի յառաջադիմութիւնը ի մտի ունենալ: Ժողովուրդն բարոյական պարտաւորութիւն պիտի դրայ խղճի մտօք ընտրել այնպիսի հոգաբարձուներ, որք այդ գործին ընդունակութիւն ու յարմարութիւն ունին: Նա պարտաւոր է ուշադիր հոգատարութեամբ հսկել դպրոցի վիճակին և զայն կառավարողներէ ընթացքին վերայ, այլ և իբր տէր, հաշիւ պահանջել թէ առաջնորդներէն և թէ հոգաբարձուներէն և զանոնք պատասխանատու ընել ամէն անկարգութեանց համար: Մինչ ժողովուրդն շարթնայ և դպրոցի ու ազգային գործոց նկատմամբ ունեցած անտարբերութիւնը ջերմ ու սրտազին հոգատարութեան չփոխէ, դպրոցը պիտի մնայ այն, ինչ որ եղեր է մինչ այժմ:

ՆԵՐՔԻՆ ԹԱՂԻ\*) ԱՂԶԿԱՆՅ ԳՊՐՈՅ

Մինչ 1868 թւականը Թաւրիզի մէջ իզական սեռի համար որեւէ դպրոց չէ եղեր: Բնակիչներէն շատ քիչերն առանձին ուսուցիչ ապահովելով, իրենց տան մէջ ընթերցանութիւն ու վայելչագրութիւն սորվեցնել կընային: Այս թւականին մի քանի անձինք միաբանելով, միայն իրենց ազջիկները տիկին Ս. Գիւլգաղեանին յանձնեցին, որ առանձին տան մը մէջ սկսուաւ կարդալ-գրել և ասեղնագործութիւն սորվեցնել:

Պր. և տիկին Գիւլգաղեանների մեկնումէն ետքը այս դպրոցը դադարեցաւ: Քանի մը տարի ետքը նորէն սկսաւ նոյն տիկինը ուսուցչութեամբ և երկու տարի շարունակելէ ետքը կրկին գոցւեցաւ:

\*) «Ներքին քաղ» Թաւրիզում աւելի յայտնի է «Ղալա» անունով կոչուում էր նաև «Ներգաղա», Ծ. 10.

1879 թ. պարոնայք Ն. Գորոյեանց, Մարտ. Ա. Նազարբէգեանց, Յովհաննէս Նազարեան, Մար. Հ. Նազարբէգեան, Ալ. Տ. Օհանեան, Յովհաննէս Տ. Յովսէփեան և եր. Մէղէմեան միաբանելով, շատ աշխատութենէ և քանի մը անձանց կողմէ յարուցած դժարութիւններն ու խոչընդոտները յաղթելէ ետքը յաջողեցան դպրոց մը բանալ «Աւարայրեան» անունով:

Այս հաստատութիւնը, ուր 10 ձրիավարժ և 12 թոշակաւոր աշակերտուհիներ կը կրթէին, մերձ երկու տարի շարունակեցաւ, որմէ ետքը միացեցաւ «Արամեան» դպրոցին: Թումանեան եղբարք, ի յիշատակ իրենց հանգուցեալ Աննա մօրն, առատաձեռնաբար դեղեցիկ շինութիւն մը կառուցանելով, 1886-ին, աղջկանց դպրոցին յատկացուցին, ուր և փոխադրուեցան աշակերտուհիք և այս առթիւ Ս. Աննայեան դպրոց անունն սկսաւ կրել: Արդի (1897) աշակերտուհիների թիւը 70-ը կանցնի: Այս հաստատութիւնն չորս դասարան ունի. նախակրթարան, կրթարան, պատրաստական և ա. դասարան: Ուսանելի առարկաներն են՝ հայերէն, գրութիւն, դժագրութիւն, թւաբանութիւն, աշխարհագրութիւն, կրօն, հայոց պատմութիւն և ասեղնագործութիւն: Պէտք է աւելցնել, որ աղջկանց դպրոցը համեմատաբար աւելի արդիւնաւոր է քան տղայոցը:

### ՆԵՐՔԻՆ ԹԱՂԻ ԸՆԹԵՐՑԱՐԱՆ

Այս հաստատուեցաւ 1874-ին մի քանի անձանց միաբանութեամբ ու ջանքերով և քիչ ատենի մէջ ժողովուրդի և օտարական ու հեռաւոր հայերի օժանդակութեամբ 500 կտորէ աւելի գրքեր ժողովուեցան:

Սկզբի առաջին և երկրորդ տարին ամէնէն մեծ համակրութեան արժանանալով, օրէ օր ճոխացաւ ու բարեկարգուեցաւ, սակայն ետքէն այս համակրութեանն յաջորդեց անտարբերութիւն, որով և այս հաստատութիւնն բախտակից եղաւ Արամեան դպրոցի վիճակին, լինելով մերթ բարեկարգ,

ու օգտակար, մերթ անբարեկարգ ու անօգուտ: Այժմ անդ կան մերձ 2000 հատորք, որք կը բաղկանան հայերէն, ռուսերէն, ֆրանսերէն, անգլերէն ու պարսկերէն գրքերէ:

Տարեկան մուտքն, որ բաժանորդներէ կը հաւաքւի, հազիւ հազ կը բաւականանայ լրագրերի ու պարբերաթերթերի վճարմանն, որք գլխաւորապէս կոմկասէ կստացւին. այնպէս որ ընթերցարանն պիտանի ու օգտակար համարւած գրքերով ճոխացնելու համար շատ դրամ չի մնար:

### ՄԱՆԿԱԿԱՆ ՊԱՐՏԷՉ

Տիկին Փ. Ս. Յունանեացի և տիկին Հեղինէ Ա. Ժորժի նախաձեռնութեամբ և ուրիշ տիկնանց աջակցութեամբ կազմուեցաւ Ատրպատականի Հայուհեաց Բարեգործական Ընկերութիւնը:

Սա յաջողեցաւ բանալ Մանկական պարտէզ մը, ուր 30-ի չափ երեխայք, երկու սեռէ, նախնական դիտելիք կը սովորին:

Ետքէն ասոր աւելցաւ ևս արհեստանոց մը, ուր քսանի չափ աշակերտուհիք կար ու ձև կը սովորէին:

Այս հաստատութիւնները խիստ օգտակար ծառայութիւն կը մատուցանեն թէ երեխայոց ուսանելի նախնական քայլերն դիւրացնելով և թէ իրական սեռին անհրաժեշտ արհեստ մը սովորեցնելով:

### Ս. ԱՍՏԻԱԾԱՄԱՅՐ ԵԿԵՂԵՑԻ

Այս եկեղեցւոյ տեղն առաջ ուրիշ մը եղեր է: Այս կը հաստատեն թէ աւանդութիւնք և թէ արդի եկեղեցւոյ գլխաւոր դրան աջ կողմի պատին մէջ դրւած մարմարիտնէ յիշատակարանն, որ հետեւեալ արձանագրութիւնն ունի.

«Շնորհիւն Այ շինեցաւ Սբ եկեղեցիս ի հայրապետու-

քեան Ղազար աւիիրընսիր Ածայբան կարուղիկոսն (ար<sup>ն</sup>)  
Հայոց առաննորդութն... Տն Զաֆարինա վարդապետ. արդեամբ  
օրհնեալ վանառականաց եւ սնդականց ֆաղափս ի քվ.  
Ռ ձ Ղ է:

Ամէն հաւանականութեամբ այս գրութեան մէջ յիշ-  
ւածն, որի համար Ղուկաս կաթողիկոս զեղեցկաշէն և շքնադա-  
տես կը գրէ իւր կոնդակին մէջ, 18-րդ դարին մէջ տեղի ու-  
նեցած երկրաշարժներէն խախտւելով, 1781-ի երկրաշարժէն  
բոլորովին աւրւեցաւ: Ներկայի եկեղեցին անոր տեղի վերայ  
կամ անմիջական մօտերն հիմնարկւած կերէի 1782-ին: Թէ-  
պէտ իւր գլխաւոր դրան վերն եղող յիշատակարանին մէջ, որ  
վերջերս հաստատուեր է, կըսէ. «Շինեցաւ Ս. Ածամայր եկե-  
ղեցիս ի 1 Ապրիլ 1782 ամի և ի թ. Հայոց ՌՄԼԱ, ի հայրա-  
պետութեան Տն Ղուկասու և աշխատութեամբ Յովսէփ աւագ  
քահանայի Տ. Յովհաննէսեան, արդեամբ հայ ազգի բարեպաշտ  
ժողովրդականաց», սակայն, շինեցաւ բառի տեղը հիմնարկե-  
ցաւ աւելի ճիշտ կը լինէր, քանզի Ղուկաս կաթողիկոսէն նոյն  
Տէր Յովսէփին տրւած շրջաբերական կոնդակ մը, որով քանի  
մը գաւառներ ժողովուրդը կը հրաւիրուի կամաւոր տուրք տալ  
աւերւած եկեղեցւոյ շինութեան համար, Հայոց ՌՄԼԱ (1782)  
Ապրիլ 1 թւականը կը կրէ: Ուստի եկեղեցւոյ շինութիւնն ու  
լրումն հանդանակութենէ ետքը համարելու է, և աւանդութիւն  
մը, որ մինչ մեզ հասեր է, կըսէ «Մեծ Տէր Յովսէփ մաղերով  
դրամ բերաւ և եկեղեցին շինեց»:

Այս կոնդակն, ինչպէս և 18-րդ դարի վերջերէն սկսեալ  
հայոց կաթողիկոսներէ ղրկւած շատ կոնդակներ և նամակներ  
պահւած են Տէր Յովսէփեանց ընտանիքի մօտ:

Ղուկաս կաթողիկոսի այս կոնդակն կոչ կընէ Կարսի,  
Կարնոյ, Տիգրանակերտի, Վանի, Բայազիդի, Սոյի, Սալմաստի,  
Ուրմիոյ և այլ շրջանների կրօնական և աշխարհական ազ-  
գայնոց, և կը տեղեկացնէ. «Լւեալ էք ահա, թէ որպէս ահա-  
զին, մեծ և երկարաձիգ շարժմամբ զմեծագոյն աւերութիւնս

և զվնասս կրեաց քաղաքն Թաւրէզ: Եւ յայնմ շարժմանէ խրդ-  
ճուկ և սակաւոր ժողովուրդքն մեր և որք գոն անդ, ոչ սա-  
կաւ վնասուց են դիպեալք: Որք թող զմարմնաւորս վնասա-  
կարութեան, կրեալ են ևս զհոգևոր վնասս մեծագոյնս: Վասն  
զի Ս. եկեղեցին նոցա, զեղեցկաշէն և շքնադազարդս (զորոյ  
զգեղեցկութիւն զիտեն տեսողք) ի նոյն ահագին շարժմանէն,  
փլեալ է ի հիմանէ և մեծ տրտմութիւն և վիշտ սրտից եղեալ  
խղճալի այն այնորիկ, քան զայլ վնասուց մարմնականս, զորս  
կրեալ են ի շարժմանէ»:

Այնուհետև, կոնդակի մէջ կը նկարագրուէ, թէ եկեղեցին  
պեղելու ատեն այլոց (օտարաց) կողմանէ յափշտակւած են ե-  
կեղեցական գոյքերն ու անօթներն, և այսպէս ժողովուրդն մը-  
նացած է առանց եկեղեցւոյ և կարօտ հոգևոր որևէ մխիթա-  
րութեան: Ապա կոչ կընէ օժանդակել կամաւոր տուրքով Տէր  
Յովսէփ քահանային, որ պիտի շրջագայէ այդ գործին յաջո-  
ղութեան համար:

Կոնդակի վերջաւորութեանը գրւած է. «Գրեցաւ գիրս  
Շրջաբերական ի ՌՄԼԱ թւոյս մերում, ի յԱպրիլի 1 և ի Շը-  
նորհածաւալ Աթոռս Ս. էջմիածին»:

Ս. Աստուածամայր եկեղեցին շինւած է անտաշ քարէ և  
կիրէ. զրսէն չափելով երկայնութիւնը մերձ 23 և լայնու-  
թիւնը 15 մեթրէ մի քիչ աւելի է: Ունի վեց քառակուսի  
սիւներ, որոնց վերայ կը կենայ մեծաւ մասամբ կամարակապ  
ծածկոցը, զորս տարբեր տարածութեամբ մասերի կը բաժանեն  
ներսն: Առաջին մասը գրաււած է մի միջին մեծ և երկու  
կողմի փոքր սեղաններէ, երկրորդը դասէ, իսկ երրորդն ու  
չորրորդը ժողովրդատեղէ: Երրորդ մասի մէջտեղը չորս սիւնե-  
րի վրայ կը բարձրանայ գմբէթն, որի ներսի բարձրութիւնը  
յատակէ հաշւելով, մերձ 8 մեթր պէտք է լինի և սիւների  
միջի հեռաւորութիւնը 5 մեթրի չափ է:

Հետագային, Ստեփաննոս եպիսկոպոսը կողերի երկու  
փոքր սեղաններն վերցնել տալով, միջի տարածութիւնքն խո-



րանները փոխեց:

Եկեղեցւոյ մէջ գտնուող պատկերներին մէջ յիշատակութեան արժանի է Քրիստոսի խաչէն իջեցումն, որն թէև ոչ յիշատակարան, ոչ նկարչի անունը և ոչ ևս թւական ունի, սակայն տարակոյս չկայ, որ երևելի մի նկարչի գործ է: Ներկայացումը մեծապէս կենդանի ու բնական է և Պարսկաստանի եկեղեցիների մէջ ասոր շափ արւեստաւոր ու գեղեցիկ նկար չկայ կարծեմ: Եկեղեցւոյ պատերի մէջ գտնւած թւականակիր քարերէն ամենահինը մի մարմարիոն է, հետևեալ արձանադրութեամբ. «Սբ. խաչս յշտկ է այ ի պաշին կղցին Սուռմին որդցն Գրիգոր Նազրի անդրեան ամիրբիշ պղս թվ ոճովէ\*): Բակին մէջ եղող տապանաքարերին մէջ ամենահինը գոր ես կրցեր եմ գտնել, ՌՃԺ թւականը կը կրէր:

Այս քարն այժմ անհետացեր է: Այս թւականներէ այնպէս կարելի է մակաբերել, որ 17-րդ դարի սկիզբէն քիչ առաջ արդի Ներքին թաղի (Ղալա) մէջ հայ բնակչութիւն չէ եղեր:

Եկեղեցւոյ արևմտեան հիւսիսային կողմը և առաջնորդարանի պատէն քիչ մը հեռու, տապանաքար մը կար, որի համար աւանդաբար կըսէի որ քաջ մարտիկ Ռուստամ Բէգինն է, գոր բռնելով, գլխատել տւեր են:

### ԼԻՂԱԽԱ ԿԱՄ ԼԷՅԼԱԲԱԳ ԹԱՂ

Այս թաղի եկեղեցին, որ Ս. Սարգիս կը կոչւի և որն ամէն կերպով Ս. Աստուածամայր եկեղեցւոյն կը նմանի, բացի միայն մեծութեամբ, որ անորմէ փոքր է, շինւեր է 1845 թին, նախկին եկեղեցւոյ տեղին վերայ, Տէր Զաքար Տէր Զաքարեա-

\* ) Ս. խաչս յիւսասկ է Այիպաւէն (եւ իւր) կողակցին խոնովին եւ որդւոյն Գրիգորի, Նազրի, Անդրէի, Ամիրբիւի, Պողոսին, քիւն ՌՃԺն:

նի աշխատութեամբ և հայ ժողովուրդի ձեռնտութեամբ ու գրամական նպաստով: Ասոր աջ կողմի դրան վերայ յիշատակարան մը կայ, որ 1821 թւականը կը կրէ: Ասորմէ կարելի է հետևցնել, որ այն թւականէ առաջ այստեղ հայեր եղեր են: Կերևի, որ ոռւս-պարսկական պատերազմէ ետքը Լիլաւայի հայերն ևս, Ներքին թաղեցիների հետ մեկնեը են այնպէս, որ կամ ամենևին այնտեղ հայ չէ մնացեր և կամ միայն 3—4 ընտանիք մնացեր են:

Քանի որ այս թաղին մէջ գետինը բաղդատմամբ Ներքին թաղինէն աւելի ավան է, Ատրպատականի գիւղերէն, Պարսկաստանի այլ և այլ նահանգներէն և ուրիշ երկիրներէ թաւրիգ գաղթողներն ընդհանրապէս առաջ Լիլաւա բնակութիւն կը հաստատեն և միայն ետքէն ոմանք Ներքին թաղ կը փոխադրուին: Այս պատճառաւ Գրսի թաղն (Լիլաւա) աւելի շատ բաղձամարդ կը դառնայ, քան թէ Ներքինը: Լիլաւա եթէ առաւելութիւն մը ունի, այն է, որ շուկայէն քառորդ ժամի շափ աւելի հեռու է քան թէ Ներքին թաղը, այլապէս թէ օդն և թէ ջուրն աւելի լաւ են, քան թէ վերջինինը: Լիլաւայի մէջ գտնուող հայ տների թիւը այժմ (1897 թ.) 362 է:

### ԼԻՂԱԽԱՅԻ ԴՊՐՈՅՆԵՐԸ

Սկիզբներն Լիլաւայի մէջ ուսումնական որևէ հաստատութիւն չկար: Նոր սկսողները Նանէ անունով կնոջ մը քով պարզ ընթերցանութիւն կը սովորէին, որմէ ետքը Ներքին թաղի վարժարանը կը գնային շարունակելու համար:

1850-ին եկեղեցւոյ բակին մէջ երկու սրահներ շինւեցան, ուր ընթերցանութեան և թւարանութեան դասատւութիւն սկսեցաւ և աշակերտներն յառաջադիմած ատեն դարձեալ Ներքին թաղի դպրոցը կը յաճախէին:

1887-ին թումանեան եղբարք, ի յիշատակ իրենց հօր, դարձեալ եկեղեցւոյ բակին մէջ, կառուցին մի նոր երկյարկա-

նի շէնք, չորս մեծ սրահով, և աստ փոխադրւեցան աշակերտներն: Այս թւականին աղջկանց ընթերցանութիւն ու ասեղնագործութիւն սովորեցնելու համար դպրոցի սկզբնաւորութիւնն եղաւ, որ հետզհետէ կանոնաւոր ընթացք ստացաւ: 1895-ին պ. Գրիգոր Թումանեան, ի յիշատակ իւր հանդուցեալ մօրն, առանձին ծախքով կառուցանել տւաւ մի հոյակապ շէնք, որ կը բաղկանայ 15 սրահներէ, բացի նախասենեակներէ և ուրիշ ծածկոցներէ:

Ամբողջ Թաւրիզի մէջ այսպիսի մի գեղեցիկ ու մեծ շէնք չկայ:

Այս դպրոցը, որ Թումանեան\*) անունը կը կրէ, եթէ պակասութիւն մը ունի, այն է, որ լինելով եկեղեցւոյ բակին մէջ, գուրկ է չորս կողմը պէտք եղած գետինէ և այսպէս ըսած սեղմւեք է եկեղեցւոյ և ուրիշ առանձին տների միջավայրին մէջ: Պէտք է ցաւօք ու ավստասլով աւելցնել, որ չգտնւելով կենտրոնական տեղի վրայ, չի կրնար օգտակար լինել ևս ներքին թաղի ժողովրդեանը: Լիլաւացւոց պէտքն ևս այնչափ չէ, որ կարենան անթերի կերպով դայն գործածել: Թէև ի բացակայութեան պը. Գրիգորի՝ դիտողութիւններ ուղղւեցան անոր, կամ անոնց՝ որոնց յանձնւեք էր շինութեան գործը, բայց ինք-

\*) Այստեղ յիշատակուած զոյգ դպրոցները յայտնի են եղել Հայկազեան և Թամարեան անունով, եւ ասանամեակներ շարունակ, անգնահատելի դեր են ունեցել քաւրիզահայ կրթական կենտրոնում: Ներկայիս, այս զոյգ դպրոցներից բացի, որոնք այժմ կոչուում են «Ասաղի» անունով, նոյն եղանակով կառուցուած է մի նոր եւ հոյակապ շէնք՝ իբրեւ աղջկանց միջնակարգ դպրոց, ազգային բարեարհանգուցեալ Միխայէլ Սահակեանի անամբ: Այս նոր դպրոցի կառուցումն սկսել էր բարեարհ ինքը, որի ցաւալի մահից (1963 թ. Յունիս 23) յետոյ աշխատանքները լրացան 1963 թ. Նոյեմբերին, իր կնոջ՝ Տիկ. Աւետիս Սահակեանի եւ զաւակների՝ Ռոբերտ, Բաճճի եւ Քրիստափոր Սահակեանների առաստանն ներառուրեամբ եւ ան-

նահաւանութենէ թէ այլ պատճառէ դրդւած, ամէն խորհուրդ, ամէն թելադրութիւն անլսելի մնաց: Ոչ միայն այս, այլ և ասոր անյարմար տեղի վրայ կառուցուին անանցանելի պատնէշ կը դառնայ երկու թաղի ապագայ միացման կրթական գործին մէջ: Ներկայիս Հայկազեան դպրոցի աշակերտաց թիւը 135-ի կը հասնէ: Ասոնք կուսանին հայոց լեզու, վայելչագրութիւն, գծագրութիւն, երգեցողութիւն, կրօնագիտութիւն, թրւաբանութիւն, հայոց պատմութիւն, աշխարհագիտութիւն, բրնագիտութիւն, պարսկերէն, ռուսերէն և ֆրանսերէն լեզուներ:

Իսկ Թամարեան դպրոցի աշակերտուհեաց թիւն է 110 և կը սովորին հայոց լեզու, վայելչագրութիւն, գծագրութիւն, կրօնագիտութիւն, թրւաբանութիւն, հայոց պատմութիւն, աշխարհագրութիւն, առտնին տնտեսութիւն, ձեռագործ և երգեցողութիւն:

#### ԹԱՒՐԻԶԻ ՀԱՅՈՒՆԵԱՅ ԲԱՐԵՂՈՐԾԱԿԱՆ ԸՆԿԵՐՈՒԹԻՒՆ

Այս ընկերութիւնն կազմւեցաւ 1891 թւին, ներքին թաղի (Ղալա) և Լիլաւա թաղի տիկիներէ միաբանութեամբ:

խոնջ ջանքերով:

Հանգուցեալ Միխայէլ Սահակեանը ծնւել է Սալմասի Խոնովա գիւղում, 1902 թ.:

Նրա միւս եղբայրներն են ազգային բարեարհներ Բարայէլ եւ Ջիրայէլ Սահակեանները:

Հանգուցեալ Բարայէլ Սահակեանի յիշատակին, Թեհրանի շէնքում արիւն հայաւաս քաղամասում, 1958 թ. կառուցեց Իսրայէլ Սահակեան ազգային հոյակապ դպրոցը, հանգուցեալի կնոջ՝ Տիկ. Արմենուհի Սահակեանի, զաւակների՝ պր. պր. Դանիէլ (Դոդիկ), Հենրիկ ու Անահիտ Սահակեանների եւ պր. Ջիրայէլ Սահակեանի առաստանն ներառուրեամբ ու մեծ ջանքերով:

ի սկզբան նպատակ ունէր օժանդակել քաղաքիս չքաւոր աշակերտուհիների կրթութեան: Սակայն, անդամուհիների ջանքերի և ուրիշ բարերար անձանց շնորհիւ Ընկերութեան դրամական վիճակն հետզհետէ բարելաւելով և հաստատ հիմքերի վերայ դրւելով, գործունէութեան ծրագիրն ևս ընդարձակեցաւ:

1892-ին կարուձևի արհեստանոց մը և 1896-ին մանկապարտէզ մը բացեցան Լիլաւա թաղին մէջ:

Այս վերջին թւականին Ընկերութիւնը կը նպաստէր Լիլաւայի դպրոցին մէջ 33 աշակերտի, Արհեստանոցին մէջ 10 աշակերտուհիների և մանկապարտէզին մէջ 12 մանկանց, աստոնց ուսման և ուրիշ պիտոյքների ծախքերն հոգալով: Բացի աստոնցմէ, վերջին երեք տարւան (1894—97) միջոցին Ընկերութիւնը ոչ մի ջանք չխնայեց օգտակար լինել Հայաստանի տառապելոց և Պարսկաստան ապաւինող դաղթականներին, ասոնց դրամական նպաստներ և զգեստներ հասցնելով:

Ուստի, այս Ընկերութեան Վարչութիւնն և անդամուհիներն յատուկ շնորհակալութեան և մեծ քաջալերութեան արժանի են:

**ՀԱՅՈՅ ԵԿԵՂԵՅԻՆԵՐ ԵՒ ՈՒՐԻՇ ՀԱՍՏԱՏՈՒԹԻՒՆՆԵՐ  
ՔԱՂԱՔԻ ԱՅԼ ԵՒ ԱՅԼ ԹԱՂԵՐԻ ՄԷՋ**

**Ս. ԱՍՏԱԾԱԾԻՆ**


Այս սրբավայրը կը գտնուի Մարալան կոչւած թաղին մէջ, որ Ներքին թաղէն մերձ 1½ հազարամետր հեռու է և անոր արևելեան և հարաւ-արևելեան կողմն է: Կերևի որ Մարալան թաղին մէջ առաջներն շատ հայեր կը բնակէին և Ս. Աստւածածին\*) անունով եկեղեցի մը ունէին. ետքէն հայ ժողովուր-

\*) Քանի մը սարի առաջ ջրամբարի մը սնդր փորած ասնն ոսկորներ եւ պղնձէ խաչ մը գտնուեցան: Այս առանց սարակոյսի կը հասցատէր, որ ակոյ առաջներն եկեղեցի եւ շուրջը քերեզմանատուն մը եղեր է:

դը նւագելով, ցրւելով (և ի վերջոյ որևէ պատճառով ու կերպով յայտնի չէ), անհետանալով, եկեղեցին միայն մնացեր է, բայց որին ևս խնամք չտարւելով, աւրւեր է, խակ տեղն իբրև ուխտատեղի պահւեր է: Հուսկ յետոյ փոքրիկ մատուռ մը շինւեր է եկեղեցւոյ տեղն և հայերն շարունակեր են անդ ուխտի երթալ:

Նազար Շահբաղեանն այս մատուռի շորս կողմի գետիններն, որ տեղացի օտար բնակչաց ձեռքն անցեր էին, 1828 թւականէ սկսեալ հետզհետէ գնելով, մեծ աշխատութեամբ ու ծախքով այգւոյ մը կը վերածէ և ուխտաւորներն, մանաւանդ իզական սեռն, օտարականաց անկարգ ընթացքէն ազատ կացուցանելու համար, այգին պատով կը շրջապատէ և այգւոյ ամենամեծ մասը Ներքին թաղի եկեղեցւոյն կը հրիտակէ, որով այս այգին ազգային կալւած կը դառնայ:

Նազար Շահբաղեան մատուռի ետևի ձախ կողմը թաղւելով, այնուհետև սովորութիւն եղաւ հայերէն ու օտարազգի քրիստոնեաներէն այս այգւոյ մէջ թաղել:



Աւանդաբար կը յիշուի Տերտրի այգի անունով մէկն ևս, ուր ժամանակին եկեղեցի մը եղեր է, բայց վերջերս ամէն հետք անհետացեր է:

Լիլաւայի արևելեան հարաւային կողմը կը գտնուի Հայոց հանգստարանն, ուր այժմ ընդհանրապէս կը թաղուին հայերի մեռեալներն:

Ըստ պր. Գալուստ Շերմազանեանի, Խիարան թաղի մէջ, Գէօյ-մէշիկէ քիչ մը վեր, այգւոյ մը մէջ տապանաքարեր գտնուեր են հայ գիրերով, և կը կարծուի, թէ այդտեղ հայոց գերեզմանատուն մը եղեր է, բայց անտէր մնալով, օտարականաց ձեռքն անցեր է ու այգւոյ վերածուեր է և տապանաքարերն հետըհետէ անհետացուեր են:

**ԹԱԻՐԻՉԻ**  
**ԱՄԵՐԻԿԵԱՆ ԲՈՂՈՔԱԿԱՆ ՄԻՍԻՈՆԱՐԱՅ**  
**ՀԱՍՏԱՏՈՒԹԻՒՆՔ**

Թաւրիզի մէջ ասոնց ունեցածնին երկուք են՝ տղայոց դպրոց, որ հինգ կարգի բաժանւած է. —

Մանկական պարտէզ — 2 տարեշրջանով:

Ծաղկոց	2	>
Տարրական դպրոց	3	>
Բարձր դպրոց	2	>
Աստուածաբանական դպրոց	2	>

Ասոնց մէջ 115 աշակերտ կուսանին (1897 — 98 թ.):

Ուսանելի առարկաներն են՝ հայերէն, թւարանութիւն, դժագրութիւն, աշխարհագրութիւն, երգեցողութիւն, կրօնագիտութիւն, հայոց պատմութիւն, հին և նոր ազգային պատմութիւն, մարդակազմութիւն, անդլիերէն, պարսկերէն, ռուսերէն, արգերբա, երկրաչափութիւն, տոմարակալութիւն, եկեղեցական պատմութիւն և աստուածաբանութիւն:

Աղջկանց դպրոց, ուր կան 110 աշակերտուհիներ. ուսանելի առարկաներն են՝ հայերէն, թւարանութիւն, դժագրութիւն, աշխարհագրութիւն, կրօնագիտութիւն, հայոց պատմութիւն, պատմութիւն հին ազգաց, մարդակազմութիւն, աստուծոնին տնտեսութիւն և ասեղնագործութիւն:

Ըստ վերատեսուչ պր. Ս. Ճ. Ուիլսոնի, ամերիկեան միսիոնարք Պարսկաստանին մէջ կրթական 129 հաստատութիւնք ունին, 3510 հայ և քաղզէ-ասորի ուսանողներով, որոնցմէ 360-ը գիշերօթիկ են:

Ասոնց ծախքէն տարին 6,831 թուման կը տայ տեղացի ժողովուրդն, իսկ մնացեալն ամերիկեան ընկերութիւնն:

**ՎԱՃԱՌԱԿԱՆՈՒԹԻՒՆ**  
**Ե Ի**  
**ՉԵՌԱԳՈՐԾՈՒԹԻՒՆ**

Այս երկու զբաղումները ժողովուրդի մը կեանքի բարգաւաճման ու յառաջագիժութեան հետ սերտ կապ ունենալով, աւելորդ չեմ համարեր համառօտ տեղեկութիւն մը տալ Ատրրպատականի և գլխաւորաբար Թաւրիզի վաճառականութեան վերայ:

Թաւրիզն ի սկզբանէ անտի ճանաչւեր է Պարսկաստանի ամենավաճառաշահ քաղաքներէն մէկն: Իւր ընդարձակ վաճառականութեան շնորհիւ է միայն, որ կրցեր է բազմատեսակ աղէտներէն ետքը, քիչ ժամանակի մը մէջ, վերելլել ու ծաղկիլ:

Թողնելով նախկին վաճառականական վիճակն, սկսինք միայն ներկայ դարի երկրորդ քառորդի սկիզբէն:

Ռուս-պարսկական պատերազմին (1827 թ.), ռուսաց այս քաղաքն մտած ատեն Թաւրիզ դեռ բոլորովին վերականգնած չլինելով վերջին երկրաշարժէն կրած ահագին վնասներէն, վաճառականութիւնն ևս անկեալ վիճակի մէջ էր: Դարիս սկիզբներն, ինչպէս և նախընթաց դարի վերջերն Պարսկաստանի առևտրական յարաբերութիւնները Եւրոպայի հետ կը կատարէին Պարսից ծոցի Բուշիր նաւահանգստի միջոցով: Առաջատանաւեր Եւրոպայէն, ամենամեծ մասամբ Անգլիայէն, բեռնաւորւած, Բարեյուսոյ գլխի վրայով և Պարսից ծոցով ճամբորդելով, կը հասնէին այս նաւահանգիստն և փոխադարձաբար ներքին բերքեր առնելով, Եւրոպա կը փոխադրէին:

Սակայն, երբ դարիս երկրորդ քառորդին շոգենաւերի կանոնաւոր երթևեկութիւն հաստատեցաւ Կ. Պոլսոյ և Տրապիզոնի միջև, Բարեյուսոյ գլխի ճամբան հետզհետէ թողեցաւ: Եւրոպական վաճառքներ շոգենաւով Տրապիզոն հասնելով, այնտեղէ կարաւանով Թաւրիզ կը գային: Այսպէս աւելի կարճ

ժամանակի մէջ Պարսկաստան կը հասնէին, քան թէ Բարեյուսոյ գլխով և Պարսից ծոցով: Քիչ միջոցի մէջ Թաւրիզ պարսից ամբողջ թագաւորութեան գլխաւոր վաճառանոցն եղաւ: Երկրի ամէն կողմերէն վաճառականներն անդ սկսան յաճախել ու հաստատելի, կամ եւրոպական վաճառք գնելու և ներքին կողմերն փոխադրելու և կամ բնիկ ապրանքներ զանազան կողմերէ բերելով, այդ տեղէն արտասահման ղրկելու համար:

Ներածումի վաճառականութեան մէջ նախ կարևոր տեղը կը բռնէին Թիւրքիոյ և ի մասնաւորի Կարինի հայերն: Ասոնք, ինչպէս կը տեսնուի 1809-ին գրեւծ ու անվճար մնացած մուրհակներէն, այս թւականէ առաջ Թաւրիզ հաստատուեր էին և վաճառականութեամբ կգրադէին, որը և շարունակեցին մինչ 1848-ը:

Սակայն պարսիկների Կ. Պոլիս յաճախելովն և անդ առևտրական տներ հաստատելովն և քանի մը երևելի յոյն տրաների Թաւրիզ հաստատուելովը, հայերը պարտաւորեցան վերջիններին տեղի տալ ու քաշելի:

Պարսկաստանէ ի Թուրքիա և Եւրոպա արտածութիւնքը գլխաւորապէս ատրպատականցի թուրքերի ձեռքն եղած է և է ևս: Ռուսիոյ հետ եղած վաճառականութեան գլխաւոր գործողներն եղան նախ տիխիսեցի հայերն, ապա շուշեցի հայերը և թուրքերն: Բայց հետզհետէ վերջիններս քաշուելով, տեղացի հայերն անոնց յաջորդեցին: Թաւրիզի առևտրի աճումը պակասեց Գիլան նահանգի մետաքսի նւազումով, այդ նահանգի մետաքսը մեծ քանակութեամբ Թաւրիզէ անցնելով, Եւրոպա կուղարկէր: Սակայն, ներածութիւնք Ատրպատական զգալի հարւած մը ստացան Սուէզի ջրանցքի բացուելովը, քանզի Եւրոպայէն, գլխաւորաբար Անգլիայէն, շոգենաւեր ուղղակի Պարսից ծոցը երթեկեկելով՝ սկսան վաճառքների մէկ մասն Բուշիր հանել, ուրկէ ղրկել երկրի հարաւային և միջին նահանգներն. ուրիշ մի մաս Բասրա հանելով, այնտեղէ փոքր շոգենաւե-

րով Բաղդադ փոխադրել, ուրկէ ալ կարաւանով Պարսկաստանի հարաւային արևմտեան կողմերն ղրկել:

Ուրիշ նւազում մը ևս ունեցաւ Կասպից ծովի վերայ շոգենաւերի կանոնաւոր երթեկուցութեան հաստատումով և ուսաց Թուրքմանստանին տիրելովն, որով այդ ծովի վերայ գտնուող քաղաքների և Պարսկաստանի արևելեան հիւսիսային նահանգների յարաբերութիւններն Թաւրիզի հետ պակասեցան:

Արդի եւրոպական ներածութիւններն գլխաւորաբար Ատրպատականի սպառման համար են. փոքրիկ մաս մը միայն այս նահանգէ շրջականներն կը ղրկուին:

Վերջին տարիներ, որչափ որ ներածութիւնք Եւրոպայէ Ատրպատական նւազեցան, անոր հակառակ արտածութիւնք Ատրպատականէ ի Ռուսիա աճեցան:

Այս նահանգի առևտրական գրութիւնը, սկսած 1888-ից, մօտաւորապէս հետևեալն է.

	Ֆրանք
Ներածութիւնք Եւրոպայէ Թուրքիոյ վրայով Ատրպատական	31,000,000
Արտածութիւնք Ատրպատականէ ի Թուրքիա և Եւրոպա	7,500,000
Ներածութիւնք Ռուսիայէ Ատրպատական	4,000,000
Արտածութիւնք Ատրպատականէ ի Ռուսիա	19,000,000

Ներածութեանց մէջ գլխաւոր տեղը կը բռնեն Անգլիոյ բամբակեղէնք՝ որք Մանչեստրի ապրանք ևս կը կոչուին, և զորս տեղացիք «մալիֆաթուրա» կանւանեն:

Անգլիայէ ետքը կը գան Գերմանիա, Աւստրիա, Յրանս, Զւիցերիա:

Հետաքրքրական է աստ յիշատակել 1886—1890-ի ներածութեանց տարեկան համառօտ հաշուեցոյցները, հակերի քանակութեան վերաբերմամբ, որով կը տեսնուի իւրաքանչիւր ազգէ վաճառականք մերձաւորապէս ինչ համեմատութեամբ կը մասնակցին ներածւած ապրանայ առուտուրին:

1886 թ. Մանչեստրի ապրանք ներածած են (մալիֆաթուրա), հակով,

Յոյնք	(ծրարով)	12185
Հայք		7738
Եւրոպացիք		5305
Չանագան ազգեր, բայց գլխաւորապէս պարսիկներ		6918

Չանագան ազգեր, բայց գլխաւորապէս պարսիկներ ներածած են սնդուկով.

Չանագան ապրանք		2365
Ապակեղէն		345
Լուցկիք		3684
Թէյ		3447
Շաքար		25,434
Չանագան ապրանք (ծրարներով)		11,915

1890 թ. Մանչեստրի ապրանք

Յոյնք	(ծրարով)	10,583
Հայք		7,306
Եւրոպացիք		3771
Չանագան ազգեր, գլխաւորապէս պարսիկներ		9619
Չանագան ապրանք		1387
Ապակեղէնք		1564
Լուցկիք		1574
Թէյ		3663
Շաքար		16850
Չանագան (ծրարներով)		7455

Ատրպատականէ արտածութիւնք ի Ռուսիա ճշտելու հա-

մար պէտք է երկուքի բաժանել Անդրկովկաս և բուն Ռուսիա: Անդրկովկաս զրկւած ապրանքներն են՝ բամբակ, մետաքս, միրգ, գորգեղէն և այլն. ասոնց առուտուրի փոքրագոյն մասը ռուսիացի հայոց ձեռքն է, իսկ մեծագոյնը ռուսիացի և ատրպատականցի թուրքերի: Բացի սոյն բերքերը, շուշեցի և երևանցի թուրքերն պարսկական նահանգէն Անդրկովկաս կը տանին մաքսանենդութեամբ բամբակէ, բրդէ, մետաքսէ հիւսւածներ, թէյ, ռոմ, ծխախոտ և այլն:

Այս բոլորի գումարն տարին 4,000,000 ֆրանկի կը մօտենայ:

Ատրպատականէ բուն Ռուսիա զրկւած մթերքերն են՝ չոր պտուղք, գլխաւորապէս տեսակ մը շամիչ (սաբզա), ծիրան, բամբակ, դայլի ու աղւէսի մորթի, մեղրամոմ, և այլն: Այս արտածութիւնք, որ Աստարայի և Կասպից ծովի վրայով կը փոխադրուին, 14,000,000 ֆրանկը կանցնին: Ասոնց առուտուրի մեծագոյն մասը ատրպատականցի հայերի, իսկ փոքրագոյնը թուրքերի ձեռքն է: Ներածութիւնք Ռուսիայէ դէպի Ատրպատական, որ 3,500,000 ֆրանկէ աւելի է, մեծաւ մասամբ թուրքերի ձեռքն է, թէև հայերն ևս այս առուտուրի մէջ բաժին ունին: Բացի օտար երկիրներէ հետ ունեցած առուտուրէն, Ատրպատական նահանգը Պարսկաստանի ուրիշ նահանգների հետ ևս մեծ առուտուր ունի: Ասոր գրամական գումարն իմանալ հնարաւոր չլինելով, փոխանակած հակերի քանակութիւնը մերձաւորապէս հետեւեալն է.

Ատրպատականէ ուրիշ նահանգներ՝	30,000 հակ.
Ուրիշ նահանգներէ՝ Ատրպատական	28,000 >

Պէտք է աւելցնել, որ Ատրպատականի և ի մասնաւորի Թաւրիզի վաճառականութիւնը օրէ օր նւազելու, քան թէ աճելու վրայ է: Վաճառականութեան աճման ամենամեծ խոչընդոտներն փոխադրութեան դժւարութիւններն են, որք առաջ կը գան երկաթուղու և խճուղու պակասութենէն: Այս պակասութիւնն աւելի արգելք կը դառնայ արտածութեան քան թէ

ներածութեան, քանզի ներածական ապրանքներն ընդհանրապէս աւելի թանկագին լինելով, ծախքերի բարդումն այնչափ ծանր ազդեցութիւն չունէ նրանց գների վերայ, սակայն, արտածող ապրանքներն սովորաբար աժանագին լինելով, փոխադրութեան ծախքերն և դժւարութիւններն մեծապէս կը բարձրացնեն անոնց նախնական արժէքն, որով և արտածութեան աճմանը մեծ արդելք կը դառնան:

Ուրիշ մի մեծ արդելք է իւրաքանչիւր գաւառէ ներս հաստատուած «ռահդարի» (ճանապարհակալութիւն) կոչուած արքունի տուրքերն, որ զգալի կերպով ապրանքի ծախքերն կաճեցնեն և այդպիսով կը դժւարացնեն ներքին ապրանքի տեղէ տեղ փոխադրութիւնը: Պարսից կառավարութիւնը, որ մինչ այժմ անտարբեր մնացեր է վաճառականական խնդիրներին, եթէ չփոխալ այսոնք իւր հոգածութեան նիւթ ընել, նամանաւանդ արտածութեան զարկ տալ, խճուղիներ և յարակից ուղիներ շինելով ու քիչ-շատ յարդարելով, պիտի տեսնէ մօտ ապագայի մէջ ներածութիւններն անչափ աճած և արտածութիւններն ընդհակառակն նւազած այն աստիճան, որ ասոնց մէջ որեւէ համեմատութիւն հաստատելն անհնար պիտի լինի, որով և երկրի տնտեսութեան քայքայումի մեծ պատճառ կը դառնայ:

#### ԱՐԻԵՍՏՔ

Թաւրիզի հայերն ոչ նւազ յառաջադէմ եղեր են արւեստից մէջ: Պատմութիւնը կաւանդէ, որ Սուլթան Սէլիմ, 1513-ին, Թաւրիզն առնելէ ետքը երևելի արհեստաւորներն հաւաքելով, Կ. Պոլիս զրկեց, բայց չի բացատրեր ի՞նչ կարգի արհեստաւորներ են սոքա: Սակայն, այս յայտնի է, որ Պարսկաստանի ամենաճարտար ոսկերիչներն միշտ հայերն են եղեր, ուստի անհաւանական չէ կարծել, որ Կ. Պոլսի արդի ոսկերիչներն թաւրիզեցի արհեստաւորների սերունդներն են:

Վերն յիշած արտագաղթութեամբ հանդերձ, Սաֆաւեան

տէրութեան բոլոր ժամանակ հմուտ արհեստաւորներն ընդհանրապէս հայերն էին: Մեր ժամանակին ևս հայ ոսկերիչներն, դերձակներն, հիւսններն, հրագէնի վերաբերեալ գործիքներ շինողներն անհամեմատաբար կը գերազանցեն տեղացի բնակիչներն:

Թաւրիզի մէջ, առաջներն, արհեստներն բաւականին ծաղկած են եղեր: Մետաքսագործութիւնն առաջին տեղը կը բռնէր. հիւսւածներն, որք գլխաւորաբար երեք տեսակ էին՝ ռանաւիզ, ալաջա և խասա, մեծ քանակութեամբ Թուրքիա և Ռուսիա կը զրկէին, բայց հետզհետէ արտածութիւնը պակսեցաւ, այժմ միայն խիստ փոքրիկ քանակութեամբ կը պատրաստեն, գլխաւորապէս տեղական պիտոյից համար:

Յիշելու է նաև թաղիքագործութիւնը. թաղիքը «էչա» կըսել տեղական բարբառով. բրդէ անհիւս կապերտներ են, որոնք Քերմանի և Եազդի թաղիքներէն շատ ստոր լինելով, միայն Ատրպատականի մէջ կը գործածուին:

Բամբակէ և բրդէ ուրիշ գործւածքներ ևս կը հիւսուին, որք միջակ բաներ են: Բացի ասոնցմէ, կան ուրիշ արհեստներ ևս, որք պիտի յիշեն գործարանաց և արհեստաւորաց թւահամարին մէջ: Ատրպատականի գաւառների մէջ կը պատրաստուին տեսակ-տեսակ կապերտներ ու գորգեր: Վերջինների մէջ շերիզ և Բախսեայիտ հիւսւածներն թէև արթիւթիք և Ֆարահանի շափ գեղեցիկ չեն, սակայն իրենց հաստութեամբ և շատ անգամ բոլորովին բուրդ լինելուն պատճառով Ֆարահանի գորգերէն աւելի շատ կարտածուին: Եւրոպա և մանաւանդ Ամերիկա գորգեղէնի գործածութիւնը հետզհետէ ընդհանրանալով, 5—6 տարիէ ի վեր Թաւրիզի մէջ ևս սկսեցին գորգեր հիւսել:

Ասոնք, թէ մետաքսէ և թէ բուրդէ հիւսւածներն, շատ արւեստական և ազնիւ լինելով, մեծ գնով կը վաճառուին Եւրոպա և Ամերիկա: Այս պատճառով այս արհեստը քիչ միջոցի մէջ խիստ շատ ծաղկեցաւ: Այժմ, 1898-ին, մօտ 2,000ի շափ կազմած կայ այս քաղաքի մէջ, և իւրաքանչիւր կազմած մէկ

Գլխաւոր վարպետի և երկուքէ վեց փոքր երեխայի գործ կը տայ:

### ԹԱԻՐԻՉԻ ՀՆՈՒԹԻՒՆՆԵՐԸ

Կանգուն մնացած հին շինութեանց մէջ ամէնէն երևելին է Ալիշահի միջնաբերդը, որ Արք կը կոչուի և որ շինուեր է 1300 թւականներին, Սոջա Ալիշահի ձեռքով, որ Ղազան խանի մեծ իշխանն էր: Այս պարսպաւոր քաղաքի արևելեան հարաւային ու Սրամի ներսի կողմը կը գտնուի Գլխաւոր մասն, որ 30—32 մեթր բարձրութիւն ունի, թրծուն աղիւսէ ու գաճէ, հաստ պատերով մի հաստատուն շէնք է, որի վերի մասը սրահ մը կայ, որ կերևի ետքէն աւելցւած է:

Երկրորդ տեղը կը բռնէ Ուստա Շաղերդ կոչւած մզկիթը: Այս Թաւրիզի ամենազեղեցիկ և ամենամեծ գմբէթն ունեցող մզկիթն է, որ շինուեր է էմիր Շէյխ Հիւսէյնի հրամանով, 1350 թւականի (Ք. ծ. յ.) ատենները: Այժմ գմբէթն դեռ կանգուն է ու անխախտ, սակայն միւս մասերն, թէև նորոգւած, բայց դարձեալ կիսաւեր են:

Աւերակ մնացած հնութիւնների մէջ ամենաերևելին ու հոյակապը Գէոյ Մէշիդ կոչւած մզկիթն է: Այս շինուեր է հիջրէթի 878-ին, Ջըհան Շահի ձեռքով, որ «Ղարաղոյունլու» ցեղի պեան էր և Թաւրիզում իշխեց 1410—1467 թ. (Ք. ծ. յ.): Թէև այժմ բոլորովին աւերակ է, սակայն կանգուն մնացած բեկորներն տակաւին ամէն այցելուի հետաքրքրութիւնը կը շարժեն և անոր հիացում կը պատճառեն: Բեկորների մէջ ամէնէն աւելի աչքի զարնողն և հետևապէս ամէնէն աւելի ուշադրութիւն գրաւողն շէնքի ճակատն է, որ կը բաղկանայ մի սրածայր ձևով մեծ կամարէ, որի բարձրութիւնը գուցէ 7 մեթրէ աւելի է: Սոյն կամարը շրջապատւած է խսուռ շաճև ոլորած ու պարզ մասերէ, որոնք ներքին կամարի հետ մի ամբողջութիւն կազմելով, կը բարձրանան մինչ ծայրը:

Ճակատի, ինչպէս և ուրիշ կանգուն սիւների դռնակամարների ու պատերի երեսներն զարգարւած են յախճապակեայ հիանալի մոզայիքով, որն կարծես մկրատով կտրած և ամենանուրբ ճշտութեամբ իրարու յարմարցուցած են. նկարներն, եթէ այսպէս կարելի է կոչել, մի պարզ խմբումն չեն ներկայացներ, այլ ծաղկեայ փունջեր, պսակներ ու ոլոր-մոլոր կապեր, կազմւած երկրաչափական գծերէ ու ձևերէ, տեղ տեղ իրենց մէջ առնելով քուֆի ու արաբական նախկին գրերով, զուբանէ գրւած տներ կամ տողեր: Ասոնց զանազան երանգներին մէջ, որք բաց կապոյտ են, ճերմակ, բաց դեղին, կարմրադեղին, սև, մութ, կանանչ ու մութ կապոյտ: Իշխող գոյնը կապոյտն է, որի առաւելութեան պատճառով կոչուեր է կապոյտ մզկիթ: Սակայն այս բոլոր գոյների մէջ ներդաշնակութիւն մը կայ, որ կատարեալ սքանչացում կը պատճառէ: Ասոնց վրայի ջնարակին գալով, ոչինչ կարելի է գտնել աւելի թափանցիկ, ջինջ ու պայծառ, քան սա:

### ՂԱԼԷՅԸ ՌՈՇՏԻԷ

Այս բերդը, որ արդի Թաւրիզի արևելեան կողմը, էյնալ Ջէյնալ լեռան ստորոտի մօտ և Լիանքուհ կոչւած բլրակին վրայ է, շինուած է Սոջա Ռաշիդ-էդդին Վէզիրէ, 13-րդ դարի վերջերն:

Մեծն Աբբաս, որի ժամանակ բերդը բոլորովին աւերուեր էր, գտնելով որ ան խիստ լաւ դիրք ունէր, թէ քաղաքը պաշտպանելու և թէ անոր իշխելու համար, գայն նորէն շինել տրւաւ: Սորա յաջորդներն անտես առնելով, նորէն աւերակ դարձաւ: Այժմ միայն աւերակ մնացորդներն կը տեսնուին:

Քաղաքի արևելեան-արևելեան հիւսիսային կողմը և էյնալ Ջէյնալի մէկ ծայրին վրայ դեղեցիկ մենաստան մը կայ, որ էյնալի, Ալիի աչքն կը կոչուի: Այս մենաստանը Շարդէնէ ևս յիշուեր է: Հայկական աւանդութեանց նայելով, այստեղ ա-



ուսմանը հայոց ուխտատեղի եղեր է, բայց ես որևէ հաստատութիւն չեմ կրցեր գտնել այս մասին:

Քաղաքի հարաւային արևելեան կողմը, մերձ 7 քիլոմետր հեռավորութեան վրայ, կը գտնուի շէնք մը և խիստ մեծ աւազան մը, որ «Շահգեօլի» (արքայի լիճ) անունը կը կրէ:

### ՎԻՃԱԿԱԳՐԱԿԱՆ ՏԵՂԵԿՈՒԹԻՒՆՆԵՐ

Այս թւահամարը կազմւեր է 1869 թւականին, քաղաքապետութեան միջոցով, և լրացումներով ամբողջացւած է 1892-ին: Սակայն թիւերը միշտ փոփոխութեանց են թակայ լինելով, ասոնք մերձաւորագոյնը պէտք է համարել:

#### Շինութիւնք

Բաղնիք	270
Մզկիթ (մեծ և փոքր)	270
Քարվանսարա, հանդերձ թեմչէնեւրի (ծածկւած վաճառանոցներ), մերձ 1500 խանութով	40
Քարվանսարա (կարաւանի համար)	37

Շինդիէր հազարապետն 1886-ին խանութները թիւը կը ներկայացնէ 3922 և քարաւանսարաներինը՝ 166: Թէև այժմ վերը տրւած թիւերէն աւելի պէտք է լինին, բայց այսչափ բազմանալն տարակուսելի է:

#### Գործարանք

Աղիւսի գործարան (քուրէ)	10
Արա հիւսելու գործարան	60
Գաճի փուռ	22
Կաշեգործարան (զաբբախանա)	4
Կիրի փուռ	8
Ճրագուի արհեստանոց	4
Մետաքս հիւսելու արհեստանոց	80

Սանցատուն	30
Տպարան (վիճագրական)	6
Քաթան հիւսելու գործարան	15
Օճառի գործարան	21
Գորգ հիւսելու գործատուն մերձ 1000 կազմած	

#### Առուստուրով զբաղողք

Ածխավաճառ և յարդավաճառ (ալլաֆ)	160
Բրդավաճառ	12
Գերան ու տախտակ վաճառող (աղաջի)	47
Գոհարավաճառ	5
Գորգավաճառ	165
Գուլպայ վաճառող (ջօրաբշի)	100
Գրավաճառ	22
Երկաթէ նիւթեր վաճառող	20
Խեցեղէն վաճառող	10
Ծխախոտ վաճառող (թիւթիւնշի)	350
Կապերտ և ցնցոտի վաճառող (քէօհնէ ֆրուշ)	104
Կերպասավաճառ (բազազ)	285
Կուժ վաճառող (գէովղուշի)	150
Հանքային նիւթեր վաճառող (թոխմէ ֆրուշ)	30
Համեմավաճառ և քաղցրեղէն վաճառող (աթթար և դաննաթի)	120
Հնավաճառ (սըմսար)	35
Մանրավաճառ (խարազի)	75
Միջնորդ	200
Յախճապակի և ապակեղէն վաճառող (շիւի ֆրուշ)	14
Շաքար և թէյ վաճառող (դանդֆրուշ)	50
Սեղանաւոր (սարբաֆ)	60
Սերմնավաճառ	10
Վաճառական հակով և կտորով վաճառող (թաշէր)	2,000

Տիսիավաճառ (շալֆրուշի) 10

Ձանազան զբաղում ունեցողներ

Աշաբոյժ	6
Աստղագետ (մոնաշամ)	7
Բժիշկ	50
Գիր ընող (աղօթք գրող)	50
Գուսանք, երաժիշտք, երգող ու պարող (մէսիս- խան և մոթրէք)	225
Դիաթաղ (մորդէշուրչի)	100
Կոյր և կաղ մուրացկաններ	300
Հմայողներ և բախտագուշակներ	20
Զիաբոյժ	20
Մուլլա	2,000
Վիպասան (Նաղլ, հէքայէթ ըսող)	30
Վիրաբոյժ	4
Վհուկ (ֆալչի, ջաղուքոն)	50
Դերվիշ	150

Արհեստարտ

Աղիւսագործ	100
Անագագործ (կըլայչի)	15
Այգեպան և այգեմշակութեան բանւորներ (բաղ- բան և բէլգար)	5,000
Աբա կարող	50
Ապակեհատ (ջամբուռ)	16
Բեռնակիր	1020
Կգրար (բամբակի)	33
Գլխարկ կարող	214
Գորգագործ (1892 թ. ի վեր, վարպետ և բան- ւոր)	6,000

Գարբին	50
Գերձակ	70
Երիզագործ (ժապաւէն հիւսող)	19
Թաղիքագործ (քէչաչի)	21
Թամբագործ (սարբաջ)	40
Թիթեղագործ	40
Ժամագործ	12
Լապտերագործ (ֆանուսագ)	4
Լարագործ	10
Կաշեգործ (դաբաղ)	60
Պարագնագործ	9
Մողայիքի վարպետ (խաթամագ)	1
Կագմարար (սահաֆ)	20
Կապիչ (կոտրած ամաններ փակցնող)	15
Կողպէք շինող և նորրոգող	25
Կշող (պետական) դափանդար	50
Կօշկակար (կանացի 105, ոռւսի 70, եամա- նի 35)	224
Հակ կարող (թալիսչի)	30
Համետագործ	43
Հայելագործ (այինէսագ)	5
Հիւսն	252
Հնակարկատ (կօշիկի. փինաչի)	200
Հրացանի բուն շինող (դոնդաղսագ)	20
> հրահան շինող (չախմախսագ)	24
Կտաւ ներկող (դադաքսագ)	85
Ճախարակագործ	20
Մեղանագործ (թանաք պատրաստող)	4
Մետաքսագործ	123
Մշակ (բանւոր, փորող, ֆահլա, քանքան)	5000
Մոմագործ և մոմավաճառ (ճրագուի. շամչի)	50
Մուշտակագործ	3

Ներկարար	100
Նկարիչ	60
Նովաքէշ մշակ	250
Շիշ պատրաստող	1
Ոսկեթել երիզ հիւսող	6
Ոսկենկարիչ (մուգէհիբ)	3
Ոսկերիչ	51
Որմնագիր	550
Չւան շինող (իփաքսագ)	20
Չուխայ կարող	15
Չիբուխ շինող (չիբուխչի)	5
Ջրկիր	250
Պայտառ (նալբանդ)	100
Պղնձագործ (միսկար)	45
Սուբ շինող (ղէմէսագ)	30
Վրանագործ	150
Քարհատ և քարտաշ	150
Փորագրիչ (հաքքաք)	3
Փսիաթ շինող (հասիրչի)	50

Ուսելիք պատրաստող և վանառող

Արգանակ պատրաստող (դիզի եփող)	6
Բանջարավաճառ (սովզչի)	40
Խաշնեփ (քալլագիզ)	25
Խորտկարար (քաբաբփագ)	25
Հացագործ	125
Ճակնդեղ եփող և վաճառող	100
Մսավաճառ	73
Մրգավաճառ (խոշքէբար)	35

Նպարավաճառ և պողավաճառ (բաղկալ)	250
> > շրջուն (թաբաղչի, նիմ- դագ)	500
Փլաւ և շլով եփող (շլովփագ)	14
Քաղցու շինող և վաճառող (դօշաբչի)	42
Քաղցր > > (հալւաչի)	70

ԿԵՆՍՍՄԹԵՐՔԻ ԱՐԺԷՔՆԵՐԸ

Թաւրիզի վրայ ըսածներն վերջացնելէ առաջ աւելորդ չենք համարեր նշանակել անհրաժեշտ պիտոյից գները: Բայց քանի որ թումանի իրական արժէքը յարաժամ փոփոխման մէջ է և իյնալու վրայ է, որով և շատ մթերքների արժէքը հետըհետէ կը թանդանայ, հարկ համարեցինք պարսկական դրամի դիմաց նշանակել ևս ֆրանսականը, որ աւելի հաստատուն ու որոշ վիճակ ունի և բաղդատութեանց համար դիւրին դադափար տալու համար աւեցնել մթերքների համեմատական արժէքը:

Պարսկաստանի դրամական դրութիւնն տասնորդականի վերայ է. թումանն, որ 10,000 դինար կը նշանակէ, կը բաղկանայ 10,000 դինարէ: Առանը թումանի 1/10 է: Սակայն թումանը ճիշտ որոշ արժէք չի ներկայացներ: Քաղաքական փոփոխութեանց տակ թումանի արժէքը կամ այս անունը կրող ոսկեդրամի կշիռը անդադար փոփոխութիւններ կրեր է: Ոսկեդրամի հետըհետէ բարձրացումով դրամական գործողութիւններն ևս անըդալարար արծաթի վերածւեցան: Արծաթի արժէքի հետըհետէ իյնալով, թումանի արժէքն ևս պակասեցաւ:

Շարդէնի ատեն թումանը արժէր 2½ սթերլին կամ 62½ ֆրանք: 1721-ին 2 սթերլինը կամ 50 ֆրանք, 18-րդ դարի վերջերը 25 ֆրանք, 1822-ին՝ 133/4 ֆրանք, 1850-ին՝ 113/4 ֆ. 1873-ին՝ 10 ֆ., 1892-ին՝ 6½ ֆ. 1894-ին՝ միայն 5 ֆրանք:

Թաւրիցի մէջ երեք տեսակ լիդր կայ. — «րասրա» 1000 մսխալ կը կշռէ, «փոնգալու»ն 1062½ մսխալ է և «սաղար»-ը 640 մսխալ է: 217—218 մսխալը մէկ քիւօղրամ է:

1855 թ. արժեքները

	Ղոսն	Շահի	Ֆրանկ	Սնքմ.
Յորեն (միջակ, լիդրը 1062½ մսխալ)	—	4	—	23
Գարի > > > >	—	3	—	17
Հաց > > 1000 մսխալ	4	2/3	—	26
Միս (ոչխարի, ամբանը)	—	20	1	15
> > ձմբանը	2	8	2	75
> (կովի > )	1	8	1	60
Իւղ (հալած, դտած) ամբանը	4	—	4	60
Կարագ (լիդրը 1062½ մսխալ)	3	4	3	70
Ձու (գարնանը, 5 հատը)	—	1	—	5¾
> (ձմեռը, 10 հատը)	—	4	—	23
Կաթ (ոչխարի, լիդրը 1000 մսխալ)	—	6½	—	37½
Մեղր (լիդրը 1000 մսխալ)	4	—	4	60
Սեր > >	2	—	2	30
Խաղող > >	—	6	—	35
Գինի, շիշը (մէկ լիթր)	—	6	—	35
Օղի > >	—	9	—	52
Չամիչ օղու, լիդրը 1000 մսխալ	—	14	—	80
Ածուխ (ամբանը) լիդրը 1000 մսխալ	—	4	—	23
Փայտ (գարնանը) 100 լիդրը	11	—	12	65
Յարդ > >	4	—	4	60
Շաքար, լիդրը 640 մսխալ	5	—	5	75
Թէյ (հասարակ) ֆունթը (88 մսխալը)	3½	—	4	2½
Աւստրալարձ				
Մշակ (հասարակ), օրական, գարնանը	—	8	—	46
> > ամբան վերջերքին	—	12	—	69
Որմնադիր (միջակ)	1	5	1	44
Հիւսն >	1	5	1	44

1897-ի արժեքները

	Ղոսն	Շահի	Ֆրանկ	Սնքմ.
Կաթ (ոչխարի), լիդրը 1000 մսխալ, ամբանը	—	14	—	35
> (կովի) > > ձմբանը	1	12	—	80
Մեղր (լիդրը, 1000 մսխալ), ձմբանը	12	—	6	—
Սեր > > > ամբանը	6	8	3	20
Խաղող > > > >	1	—	—	50
Չամիչ (հասարակ) 1000 մսխալ	3	—	1	50
Գինի (շիշը) մէկ լիթր	1	5	—	62½
Օղի > > >	1	8	—	70
Ածուխ, ամբանը 1 լիդրը (1000 մսխ.)	—	16	—	40
Փայտ, աշնանը 100 >	24	—	16	—
Յարդ > > >	2	—	1	80
Շաքար 1 լիդրը (640 մսխալ)	3	12	1	80
Թէյ (հասարակ) ֆունթը (88 մսխալ)	3	—	1	50
Աւստրալարձ				
Մշակ (հասարակ) ամբանը, օրավարձ	1½	—	—	75
> > > գարնանը >	1	—	—	50
Որմնադիր (միջակ)	2	5	1	12½
Հիւսն	2	10	1	25

## ԱՏՐՊԱՏԱԿԱՆԻ ԳԱԻԱՌՆԵՐԸ

### 1. — ԹԱԻՐԻՉԻՆ ՄԵՐՁԱԿԱՅ ՔԱՂԱՔՆԵՐ ԵՒ ԳԻՒՂԵՐ

#### ԳԷՂԵՑԻՆ

Գէկխարղան կամ Դուխարղան, Թաւրիզի հարաւային կողմը, եօթը ֆարսախ հեռաւորութեամբ խիստ ծառաշատ ու գեղեցիկ մի գիւղաքաղաք է:

Աստ ժամանակով հարիւր տան չափ հայեր եղեր են, սակայն 1827-ին միայն քանի մը տուն մնացեր էին, որոնք ևս յետոյ Ռուսիա գաղթեցին: Վերջին տարիներս միայն մէկ հայ ընտանիք կար, սա ևս մեկնելով, ոչ մէկ հաստատուն հայ բնակիչ չմնաց: Միայն Թաւրիզէ վաճառականներ միրգ առնելու համար կերթան, տարւայ քանի ամիսն կը մնան այնտեղ:

Աստ էջմիածնապատկան կալւած մը կայ. թէև շահախրնդիր ոմանք քանիցս առաջարկեցին զայն վաճառել, սակայն էջմիածին խոհեմութեամբ առաջարկը մերժեց, բաւականանալով չնչին հասոյթովն, որ ամէն տարի կստանայ կալւածի վարձատուութենէն:

Այս կալւածքը 1821-ին մինչ ութսուն թուաման արգիւնք տւեր է, այժմ միայն 30—40 թուաման հաշիւ կը տայ:

Եկեղեցին, որ Ս. Սարգիս կը կոչուի և այն տեսայ 1889 թ., երկու մասէ կը կազմուի. մէկն, որի մէջ է սեղանը, աւելի հին կերևի և կաւէ պատով (մոհրէ) է, իսկ միւսն որ դրան կողմն է ու ետքէն շինուած կերևի, անտաշ քարէ է: Շէնքը փայտով ծածկւած է: Սեղանը բարձրացած ատեն յատակը քար մը կայ, որի վերայ հետեւալը գրւած է. «Աձ ողորմի Տուխար-

կանցի Ամիրի որդի Տեր Յովսէփ. թվ 1200 (գուցէ Հայոց Ռ. Մ. ըսել կուզէ): Խորանի մէջ քարի մը վրայ կայ. «Յիւսասկ Է խաչս Տեր Ներսէսի. թվ. ՌՁ»: Սեղանի դրսի պատին վերայ ևս մարմարիոն մը կայ, գէշ քանդակով, որ հնար չեղաւ կարդալ. միայն կրցայ որոշել թւականն, որ է Ռ Խ Ա:

Այս թւականներէն կերևի, որ եկեղեցւոյ մէկ մասն երեք դարի հնութիւն ունի:

#### ՍՈՂՐՈՒՂ

Թաւրիզի հիւսիսային կողմը և անորմէ 4 ֆարսախ հեռաւորութեամբ, մի փոքրիկ գիւղ է, 25 տնով (85 արական և 70 իգական բնակչով): Քանի մը այգիներ ունի զանազան պտուղներով: Գիւղին կից բարձրագագաթ բլրի մը վերայ, յանուն Ս. Յովհաննու, թրծուն աղիւսով գեղեցկաշէն փոքրիկ մատուռ մը կայ, զորն Զօրավար Սամսոն խան շիներ է 1840 թւականին, որին և յայնժամ սոյն գիւղը կը պատկանէր: Վարժարան չունի, քահանայ ևս չկայ, այլ պէտք եղած ժամանակ Մուժումբար գիւղէն բերել կը տան:

#### ՄԻՆԱՎԱՐ

Սոհրուլի արևելեան կողմը և անորմէ երեք ֆարսախ հեռու կը գտնուի Մինավար անունով թրքական գիւղ մը: Ասոր հիւսիսային կողմը և 300 քայլ հեռաւորութեամբ կայ դմբէթածածկ խուց մը, որի մէջտեղը կայ երկու մեթր երկայնութեամբ, մէկուկէս լայնութեամբ և կէս մեթր բարձրութեամբ գերեզման մը: Այս գերեզմանը կամ շէնքը «Փիւ» անունը կը կրէ: Հետաքրքրականն այն է, որ սա մի ուխտատեղի է թէ քրիստոնէից և թէ մահմեդականաց համար հաւասարապէս:

Շրջակայ թրքական գիւղերի բնակիչներն աստ կայցելեն «նազր» համար և գերեզմանին կը կախեն թաշկինակներ, հիւսւածքի կտորներ և մանաւանդ տէրոզորմեաներ, որոնցմէ մի քանիսը պատէն կախած գտանք: Կը բերեն հայերն, մեր-

ձակայ գիւղերէն, տօն օրերին և յատկապէս Համբարձման տօնին, կաղօթեն ու զոհ կը մատուցանեն: Այս տեղի երկու տարբեր կրօնների պատկանող ժողովուրդներէն հաւասարապէս յարգելին ու պաշտելին ենթագրել կը տայ, որ ժամանակով Մինավարի ժողովուրդը քրիստոնեայ է եղեր և բնիկներն պարագայից բերմամբ կրօնափոխ դառնալով հանդերձ, շարունակեր են յարգել ու պաշտել իրենց սրբավայրը և այսպէս ուրիշ քրիստոնեայք ևս չեն արգիլւած այցելել ու պաշտել:

### ՄՈՒԺՈՒՄԲԱՐ

Սոհրուլի հիւսիսային կողմը և անորմէ մէկ ու մէկ քառորդ ֆարսախ, իսկ Թաւրիզէ հինգ ու մէկ քառորդ ֆարսախ է: Ըստ աւանդութեան, այս գիւղը, առաջներն մերձ ութն հարիւր բնակիչ ունեցեր է: Սա որչափ ճիշտ է, յայտնի չէ, սակայն սա ստոյգ է, որ վարելահողերն ու սահմաններն խիստ ընդարձակ են և 450 տան ապրուստի միջոց կրնան հայթայթել:

Ըստ առաջնորդական վիճակագրութեան՝ 120 տուն բնակիչք կան եղեր, որոնցմէ 400-ը արական և 350-ը իգական: Իսկ 1892-ին, ըստ առած տեղեկութեանցս, միայն 100-ի մօտ տուն կար. բայց 1898-ին, նոյնքան ժողովուրդէն բարեկեցիկ դասը հետզհետէ Թաւրիզ գաղթելով, և ուրիշներն Ռուսաստան և Կովկաս աշխատելու երթալով և ոմանք անդ հաստատուելով, գիւղի բնակչաց թիւը տարիէ տարի փոխարէն աւելնալու, կը պակսի:

Աստ Ս. Հոնիվսիմէ անունով եկեղեցի մը կայ, որի կամարներն սրբատաշ սև քարէ, իսկ պատերն ու կամարանման ծածկոցն անտաշ քարէ են: Եկեղեցւոյ արևմտեան պատին վերայ այսպիսի յիշատակարան մը կայ. «Շինեցաւ տունն... Ռ ճ Խ է-ին) ևս Իսայ խան գրեցի, ուստա Օխան շինեց», բայց ես կը կարծեմ, որ այս յիշատակարանը կը վերաբերի միայն նոյն

պատի նորոգութեանը կամ շինութեանը, որն և միւս պատերի կազմութենէն կը տարբերի:

Ի նկատի առնելով եկեղեցւոյ մեծութիւնն ու գեղեցկութիւնն, աւելի հաւանական կը դտնեմ, որ եկեղեցին սոյն թւականէ առաջ և գիւղի բազմամարդ եղած ատենը շինւած լինի: Առաջ երկու քահանայ կար, բայց 1892-ին միայն մէկը կար: Փոքրիկ մի վարժարան ունին, ուր տղայք ժողովուրդ, ընթերցանութիւն կը սովորին:

Եկեղեցւոյ արևելեան կողմը լեռնածայրերին վերայ կայ փոքրիկ մատուռ մը՝ Աննուոյթ անունով, որ մի ուխտատեղի է: Ասոր դրան վերը եղած յիշատակարանին նայելով, շինւեր է թաւրիզեցի ոսկերիչ Հայրապետեան Կարապետէ, 1810 թւականին, անտարակոյս գրաւելով հնագոյն շէնքի մը դիրքն: Ասորմէ քիչ մը հեռու, լեռնածորակի մը մէջ, կայ և խիստ փոքրիկ գմբէթ մը՝ Կոյս Վարվառէ անունով: Գիւղի արևմտեան և հիւսիսային կողմը եղող լեռներին վերայ քարակոյտ ուխտատեղիներ կան, որոնք ևս Երեւման խաչ և Ս. Յովհաննէս անունը կը կրեն:

Մուժումբարի օդը զերազանցօրէն առողջարար և ջուրն խիստ աղէկ ու մարսեցուցիչ են:

Թաւրիզի հայոց սովորական ամառանոցն է, ուր հայ ընտանիքներ կերթան ամառան տօթ օրերն անցնելու: Տարափոխիկ հիւանդութեանց ատեն ևս մէկ մեծ մասն աստ կապաստանէ:

Ձմեռը սաստիկ ցուրտ է և շատ կը ձիւնէ:

Բնակիչների մեծ մասն երկրագործութեամբ կը պարպի, սակաւաթիւ անձինք Ռուսիա կամ Կովկաս կերթան աշխատելու, ոմանք ևս ձիապանութեամբ կը բաղին: Ամենահին տապանաքարն, զոր ես կըրցայ գտնել, մուժումբարցի Տէր Մինասի որդի Տէր Յովսէփինն է, ՌՄՂ թւականով:

## ԱԼՉԱՄՈՒԼՔ

Այս գիւղն Մուժուժբարի հիւսիսային կողմը և անորմէ մերձ մէկ երբորդ ֆարսախ հեռու է:

Ունի եօթանասուն հինգ տուն բնակիչ, որոնցմէ 240-ը արական և 195-ը իգական: Ս. Գրիգոր Լուսաւորիչ անունով փայտաշէն եկեղեցի մը կայ, մէկ քահանայով: Սոյն երեք գիւղերը Թաւրիգին մօտ լինելու պատճառով համեմատաբար Ատըրպատականի ուրիշ գիւղերէն աւելի անդորր և կամայականութիւններէ զերծ վիճակ մը ունին:

Ալչամուլքի արեւմտեան կողմը և Աղղաշ լեռան բարձր գագաթին մօտ կը գտնուի ուրիշ բարձր գագաթ մը՝ էշկիբէտէր անունով: Այս գագաթին վերայ քարակոյտ մը կայ, որ ուխտատեղի է և Ս. Նշան անունը կը կրէ: Կը յիշեմ, 1851-ին, այս ուխտատեղին հօրս հետ այցելած ատեն աչքով մինչ Թաւրիգ կրնայի տեսնել: Ըստ այլոց Օրդուբադ ևս այս երկու լեռան գագաթներէն կերևի:

Այս ուխտատեղիներէ կարելի է հետեցնել, որ այս գիւղեր ու տեղեր խիստ հին ատեններէ ի վեր հայեր եղեր են և շատ աւելի թիւով, քանզի նոր գաղթականներէ կազմած վայրերի մէջ ընդհանրապէս ուխտատեղիներ չկան:

Գիւղացիք կըսեն, որ ներկայիս (1897 թ.) Ալչամուլք միայն 50 տուն բնակիչ ունի:

## ՄԱՐԱՆԳ

Արդի Մարանդ գաւառակը Թաւրիգի հիւսիսային արեւմտեան կողմը կիյնայ: Այս գաւառակը միւսներէ կը բաժնուի հարաւային կողմէ Աղ-գաղ և Մշով-գաղ լեռներով և Մեշուղ լեռան մէկ մասովն. արեւելեան կողմէ Քոփանդաղով, հիւսիսային կողմէ անորոշ գծով մը, որի նշանները Նիւան լեռան

գագաթներն են:

Արդի Մարանդ գաւառակը վաթսուն գիւղ ունի: Սարաբոն և Պողոմէոս Մարաստանի քաղաքները յիշած ատեն, Մարանդա անունով մէկ քաղաք կը յիշեն, որ հաւանականաբար հայոց մատենագրութեան մէջ յիշած Մարանդն է, որ այժմ աւերակ է և արդի քաղաքի արեւմտեան կողմը և անորմէ մերձ երեք ֆարսախ հեռու է:

Ըստ հայոց աւանդութեան՝ Նոյեմզար կամ Նիմզար ի Մարանդ թաղեցաւ:

Սորենացույ պատմութեան մէջ այս քաղաքի նկատմամբ միայն այս յիշատակութիւնը կայ. «Յետ յաղթութեան, Տրդատ դարձ արարեալ ի Հայս, ձմերեաց ի Մարանդ»:

Շարդէն կըսէ, թէ Միրզա Իբրահիմի որդին՝ Միրզա Թահէր, որ ուսեալ ու գիտնական անձ մը և արքունի տուրքերի գանձապետն էր, ինձ կը պատմէր, որ Մարանդի աւերակների մէջ գանձ մը գտնեցաւ, որ տպած շատ ոսկի ու արծաթ կը պարունակէր. ասոնք ամէնքը ղրկեցան թագաւորին՝ Սպահան: Այս գրամները տպած էին Դաղիանոսի անունով և կը հարցնէր, թէ ո՞վ էր Դաղիանոս ու ո՞ր ազգի թագաւորներէն: Ես պատասխանեցի. «Յունական և եւրոպական պատմութեանց մէջ Դաղիանոս անունով մէկը չկայ, որ Պարսկաստանի վերայ թագաւորած լինի. գուցէ Դարեհն եղած լինի, որ արաբացիք արաբացնելով, Դաղիանոս եղեր է»:

Շարդէնի այս ենթադրութիւնը շատ հաւանական չերեւիր, քանզի պարսկական հին գրամների մէջ միայն մէկ տեսակը Դարեհին վերագրւած է: Այս տեսակն, որմէ մինչ այժմ քանի մը հատ գտնուեր է, ոսկի է և վրան կը կրէ մարդի մը պատկերը՝ ձեռքն ունենալով աղեղ ու նետ մը: Այս գրամին «Դարի» անունը տրւեր է:

Ասորմէ հատ մը տեսած եմ Մանչեստրի թանգարանին մէջ, բայց եթէ յիշողութիւնս չի վրիպէ, այս գրամի վերայ որեւէ գիր չկայ, սակայն, եթէ գրւածք մը ևս լինի, ոչ Միր-

դա Թահէր և ոչ Շահ Աբբաս երկրորդի ժամանակն որևէ մէկն կրնար կարգալ և իմանալ որ Գաղիանոս անունը կը կրէ:

Ուստի կենթադրւի, որ գտնուած դրամները վերայի գրուածքն (եթէ երբեք գրուած էր) Տիգրան (Տիգրան) եղած լինի, ինչպէս կը կարգացւի սոյն արքայի դրամների վերայ եղած յունարէնը:

Աշխատութեանս հեղինակի մօտ գտնուած Տիգրան երկրորդի արծաթ դրամի երեսին վերայ Տիգրանի պատկերն է, գլուխը կրելով թագն, որի վերի կողմը կայ երկու արծիւ: Ընդդիմակողմը կայ Հայաստան՝ թագուհւոյ մը պատկերով, ձեռին բռնած հասկ մը, առատութեան նշան, իսկ ոտքի տակը կայ մարդ մը պառկած և ձեռքն երկնցուցած, որ գթութիւն հայցելու դիրք ունի. ասոր վերն կայ խորհրդաւոր նշան մը, որ թերևս փողերանոցին յատուկ նշանն է: Գրամի երկու եզրին վերայ կայ յունարէն «Վասիլիոս [Տիգրանոս] մակագրութիւնը:

Սակայն, այս դրամի վերաբերմամբ մեզ համար ամէնէն աւելի ուշագրաւ երևոյթն իր տիպն է: Սա բաղդատելով նոյն ժամանակաւ հարևան երկիրների դրամների տպածքին հետ, կը տեսնենք որ Տիգրան երկրորդի դրամն աւելի գեղարուեստական է: Ասկէ կրնանք հետևցնել, որ այն ատենները Հայաստան արևեստի կողմանէ աւելի ծաղկեալ վիճակի մէջ էր, քան թէ հարևան երկիրները:

Ըստ Զինէթ-իւլ-Մէջալիսի, Մարանդ ժամանակով խիստ մեծ քաղաք է եղեր, 8000 քայլաչափ շրջապատով, արևմտեան դաշտին մէջ, որդան կարմիր կայ, և մինչ մէկ շաբաթ, այսինքն յղութեան եղանակին մէջ, կարելի է հաւաքել. իսկ այդ ժամանակը անցնելէ ետքը հողին մէջ կը ծածկւին եղեր:

Հայերն այստեղէ ե՛րբ անհետացան, չի գիտցւիր: Կիրակոս Գանձակեցւոյ պատմածը, թէ «Յետ բազում քաջութեանց և յաղթութեանց զոր արարին մեծամեծ իշխանքն Զաքարէ և Իւանէ, չոգան զօրօք բազմօք ի քաղաքն Մարանդ, և ա-

որն զնա...», և այլն, խիստ հակիրճ ու անորոշ է և դժւար է գիտնալ, թէ այդ ատենը (ԺԳ. դար) աստ հայեր կային, թէ ոչ:

Արդի Մարանդը միայն 1000 տուն բնակչով գիւղաքաղաք կամ փոքրիկ մի քաղաք է Թաւրիզէն 10 ֆարսախ հեռաւորութեամբ: Պր. Համբարձում Առաքելեանց 1500 տուն կը նշանակէ, բայց կարծեմ այդ թիւն սխալ է: Ընդարձակ արտեր ու արօտատեղիներ ունի: Զբերն առատ են և լաւ: Օդը բարեխառն է:

Պտուղների մէջ յոյժ ընտիր են՝ սեխը, «չաֆթալու» անով ստորին տեսակի դեղձը և ծիրանը: Ընտիր են և առատ նաև պանիրը, սերն ու կաթը:

Այժմ ամենևին հայ բնակչութիւն չկայ, միայն ըստ ոմանց ասութեան՝ աւերած եկեղեցւոյ մնացորդներն տակաւին թաղի մը մէջ կը տեսնւին:

Մարանդի արևելեան կողմերն, 3—4 ֆարսախ հեռաւորութեամբ, կիյնայ հայկական աւանդութեանց մէջ յիշուած Բակուրակնքս բերդն, ուր մեռաւ մեր Արտաշէս թագաւորը, Պարսկաստանէ Հայաստան իր վերադարձին:

## Օ Ջ Ո Ւ Ա Շ

Այս գաւառը Մարանդի հիւսիսային կողմը կիյնայ և կը բաժանւի վերջինէս ցածր լեռների անկանոն շարքով մը, որ այժմ Քուհ Նիւեան կը կոչւի:

Օջուաշի մէջ կը գտնւին Ս. Ստեփաննոս Նախավկայի վանքը և վերին ու ստորին Գարաշամբ գիւղերն: Նախապէս այս գաւառին մէջ գտնւեր են ուրիշ բաղամթիւ հայաբնակ գիւղեր ու աւաններ, որոնց հետքն անգամ այժմ չկայ:

Օջուաշ այժմ Խոյի խանութեան մէջ կը գտնւի, առանց մասնաւոր բաժանում մը ներկայացնելու:



Ս. ՍՏԵՓԱՆՆՈՍ ՆԱԽԱՎԿԱՅԻ ՎԱՆՔԸ

Թէև քանի անգամ Ջուլֆայէն անցեր էի, սակայն ժամանակի պակասութեան պատճառով չէի կրցեր այցելել սոյն բազմադարեան ուխտատեղին:

Այս ինձ յաջողեցաւ 1897 թ. սկիզբն, երբ Եւրոպայէ դարձած ատեն հասայ պարսկաց Ջուլֆայ, որ նախկին հռչակաւոր Ջուղայի արևելեան կողմն և Արաքս գետի աջ կողմը կիյնայ: Փոստի կայանապետ Երեմիա խան Մէղէմեան առաջարկեց վանքն այցելել, և ես հաւանութիւն տալով, կէսօրէ մէկ ու կէս ժամ առաջ «չափարի» ձիեր հեծնելով, ճամբայ ինկանք դէպի վանք, ընկերակցութեամբ «չափար դարբիթէի», որ իբր ուղեցոյց մեզ կառաջնորդէր: Կէս ժամ արագ քշելէ ետքը փոքրիկ պտոյտով մը հասանք Արաքսի վերայ եղող աւերակ կամուրջի մը: Այս կամուրջն առաջներն չին Ջուղայէ Պարսկաստան անցնելու ճամբան էր, սակայն օսմանցիների անցքն արգիլելու նպատակով Շահ Աբբաս քանդել տւած էր և այն ատենէ ի վեր աւերակ մնացեր է: Այս կամուրջի քովէն անցնող հային միտքը կը ձգէ իւր համազգիների դաղթականութեան տխուր յիշատակը:

Այս տեղէ մի քիչ անդին մօտեցանք Արաքսի աջ ափին, որի գրեթէ անմիջական քովէն կը ձգւէր մեր ճամբան, խիստ խորտ ու բորտ և առապար տեղերէ: Մեր ձախ կողմը կը բարձրանային անջրդի ժայռակազմ մերկ լեռներ, իսկ աջ կողմը Արաքսը՝ լռիկ մնջիկ կը հոսէր դէպի իւր աներևոյթատեղին:

Նախընթաց իրիկւան յորդառատ անձրևի պատճառով միշտ պղտոր Արաքս այժմ յոյժ աւելի պղտոր էր: Հայոց սիրելի այս գետը, որի համար 16 դար առաջ Ազաթանդեղոս կրտսեր. «Զի գետն երանի յարուցեալ դայր դարիւ և դարիւ, սառնահալ, շրջակուտակ, ձեռնասոյգ ձեռնախաղաղ բազմու-

թեամբն յաւուր իւր պղտորութեամբն», գրեթէ երբեք ոչինչ չէ եղեր և կարծես համակիր նմանութիւն մը կը բերէ մեզ՝ հայոցս ճակատագրին, որ միշտ լռիկ-մնջիկ ողբալով մեր տարախտ վիճակը, կը հոսենք, կերթանք թափւիլ յաւիտենականութեան անհուն ովկիանոսին մէջ:

Միջօրէն անցնելու վերայ էր: Այս տեղեր, որ ընդհանրապէս տաք է, արեգակի ճառագայթներն զարնւելով ժայռային լեռներին, անդրէն կը ցուրանային մեր ճամբի և մեզ վերայ: Մեր ձիերն նախընթաց գիշերէն յոգնած լինելով ու ճամբի գէշութեան պատճառով չէին կրնար արագ քայլել, և սաստիկ տաքէն թուլանալով, հետզհետէ կը յամբացնէին իրենց քայլափոխութիւններն, որով արևի ջերմութիւնն աւելի սաստկապէս կը ներգործէր մեզ վերայ: Թէև ես տաքի դէմ մասնաւոր տոկունութիւն չունիմ, սակայն ընկերս իւր խիստ գէրութեան պատճառով ինձնէ աւելի կը նեղւէր և մինչ անգամ ուղեցոյցնիս, հակառակ իւր ամէն օրւան բացօթեայ վարժութեանը, թուլացեր էր, կը նեղւէր և բարձրաձայն կը խորհէր արքայութեան ճամբի մասին, որը նոյնչափ դժւար ըլլալու է:

Կէսօրը կէս ժամ անցած, հասանք տեղ մը, ուր լեռը քիչ մը դէպի ներս քաշւելով կամ ուսկական բացատրութեամբ՝ փորն իրեն քաշելով, եռանկիւն մը կը ձևացնէր, և աստ ուղղաձիգ ու ստորոտը դէպի ներս փորւածի պէս լինելով, փոքրիկ տեղ մը արևէն գերծ ու շուքի մէջ էր: Զիէն իջնելով, այս փոսերի մէջ երկնցանք, քանի մը վայրկեան հանդչելով շունչ առինք և քիչ-շատ կազդուրւեցինք:

Հեծանք ձիերն և շարունակեցինք մեր ճամբան դանդաղ ընթացքով: Սակայն, երթալով մեր ոյժերն կը պակսէին, մենք աւելի կը թուլանայինք: Հեղնական մի պատկեր էր: Մեծ գետը մեզ մօտիկ կանցնէր, սակայն մեր ծարաւն չէինք կրնար շիջեցնել, քանզի շատ տեղ գետեզրն զահավէժ լինելով, կարելի չէր մերձենալ, իսկ դիւրամատչելի տեղերն ևս խիստ

աղի ջրեր ափի մօտէն ելնելով, Արաքսին կը խառնուէին: Պապակեալ շուրթերով, թոյլ ու խոնջ անդամներով կը շարունակէինք մեր երթը, աչքերնիս յառած ճամբի ամէն դարձող պատոյտին, անհամբեր անձկութեամբ կը ցանկայինք անցնել այն միջոցն և տեսնել մեր ամենացանկալի վանքը: Հուսկ յետոյ հասանք տեղ մը, ուր Արաքսի ափն թողնելով, ուղղանկիւնով մը դարձանք դէպի ձախ, և քիչ մը ետքը վանքի դմբէթի ու ծառերի ծայրերն երևեցան: Քանի վայրկեան ևս հասանք ծառատունկ ձորը:

Ասիական ու եւրոպական շատ սքանչելի վայրեր ու պարտէզներ տեսեր էի, սակայն ոչ մէկի տեսքն իմ վերայ այն հաճելի և յիրաւի երջանիկ տպաւորութիւնը չէր բերէր, որչափ այս խառնիխուռն ամառ ծառերինը:

Հասանք վանքի դրան դիմացն, ուր բարձրէն գով ջուր մը առատօրէն հոսելով և քարէ խողովակէ մը վար իջնելով, կերթար քիչ մը հեռու լցւիլ աւազանի մը մէջ: Պապակեալ շուրթներնիս, այրած կոկորդնիս այն գով ջրով քանի անգամ թրջեցինք:

Քիչ մը ետքը վանքի երկաթապատ դուռը բացեցաւ և սպասաւոր մը իջնելով, մեզ ներս հրաւիրեց:

Այն ժամանակի վանահայրը՝ Պօղոս վարդապետ Նաթանեանն էր, որ իւր գաղափարների պատճառով հալածւելով տաճկաց կառավարութենէն, Ռուսիա փախեր էր և էջմիածինն ալ գինքը այս հռչակաւոր վանքին վանահայր կարգած էր:

Ըստ աւանդութեան, որ մինչ օրս մեզ հասեր է, բայց որի համար գրաւոր հաստատութիւն մը չեմ գիտեր, սոյն մենաստանի տեղն առաջներն մեհեան մը եղեր է, ուր շրջակայ հայերն բազմութեամբ ուխտի կերթային: Քրիստոնէութիւնն Հայաստան մտնելով ու հաստատուելով, մեհեանը՝ վանքի և ատրուշանը տաճարի փոխարինելով, բարեպաշտ ժողովուրդն ըստ նախնի սովորութեան շարունակեց է անդ ուխտի երթալ:

Արէլ արքեպիսկոպոս, 1860-ի սկիզբները, երբ իբր Ա-

տրրպատականի առաջնորդ Թաւրիզ կերթայ, այս մենաստանն այցելելով, իր ճամբորդութեան պատմութեան մէջ («Կոունկ հայոց Աշխարհի», Բ. տարի, Օդոստոս, 1861, Տփլիս), կը յիշէ Աշոտ թագաւորէն տրւած երկու հրովարտակներ, զոր վանքին մէջ տեսած է եղեր:

Կերէի, որ այս հրովարտակներն էջմիածին տարւեր էին, քանզի ես այսպիսի գրւածքներ չտեսայ:

Այս հրովարտակներէ այնպէս կերէի, որ Աշոտէն առաջ եկեղեցի և դուցէ վանք ալ կային Մազարդի վանք կամ Ս. Ստեփաննոս Նախավկայ անուանով. ետքէն Աշոտ թագաւոր վանքը հիմէն նորոգել կամ շինել տւեր է և կալւածներ ևս գնելով, մենաստանին նւիրեր է:

Հաւանականութենէ հեռու չէ կարծել, որ արդի Գարաշամբ գիւղը նոյն թագաւորի նւիրածներէն է, որ մինչ այսօր իբր վանքապատական պահւեր է, մինչ ուրիշ կալւածները խլուեր են: Այս եկեղեցին ու վանքը կերէի որ տակեր են մինչ 17-րդ դարի կէսն, երբ Յակոբ վարդապետ զանոնք անշուք ու խարխուլ վիճակի մէջ գտնելով, քանդեր և նորէն շիներ է, որի համար այսպէս կը պատմէ Հայր Զամչեան.

«Բնակէր յայնժամ ի նոյն վանս Նախավկային Յակոբ Զուղայեցի, որ էր ի ժամանակին յայն մէկ երևելի ի մէջ վարդապետացն Հայոց, որոյ էին ստացուածք բազում ի ժառանգութենէ հայրենեաց. և զի այն վանք Նախավկային չէր շինեալ ըստ պատշաճի, և չունէր պարիսպ, նոյնպէս և եկեղեցի նորուն էր անշուք, սա ինքն Յակոբ վարդապետ կամեցեալ նորոգել, զնոյն քակեաց զամենայն կերտուածս վանիցն, նաև զեկեղեցւոյն, և շինեաց զամենայն ի հիմանց կոփածոյ վիմօք (1654)\*» զեկեղեցին կառոյց խաչաձև դմբէթայարկ վայելուչ

\* Այս քականք եկեղեցւոյ շինութեան աւարտումը կը ներկայացնէ, իսկ սկզբնաւորութիւնը ինչպէս պիտի տեսնուի, 1646-ին նդեր է:

գրիւք) և զվանսն յօրինեաց զեղեցիկ և յարմար ձևով. ծախեալ ի նոսին դրամս բազումս, և աշխատեալ ամս տասն, կրելով միանգամայն զանհնարին տառապանս ի պատրաստել զնիւթ շինւածոյն զի գքարինսն և զկղմինտրն ետ բերել յԱստապատայ ընդ Երասխ գետ, և մասն ինչ ձիովք զեղջէ. նոյնպէս և կիրս և զփայտս հեռաւոր վայրաց տայր բերել. նաև զցորեանն, իսկ վասն կերակրելոց զաշխատաւորսն, զի բազում էին նոքա, և ոչ բաւեր նոցա, որ ինչ գտաներ ի գիւղն Գարաշամբ:

Յաւարտիլ այսր շինուածոյ մեծի յօրինեաց Շմաւոն եպիսկոպոս վասն նշխարաց Ս. Կարապետին՝ արծաթի տապանակ ոսկեզօծ աղիւսաձև ընդելուզեալ պատուական ակամբք, և եղ ի նմա զնշխարսն, և զրեաց ի վերայ պահարանին՝ որ ինչ անցք անցեալ էին ընդ այն և զետեղեաց զայն ի զանձա նըշխարաց և սպասուց այնր եկեղեցւոյ. և այս եղաւ ի թուականութեան հայոց Ռ Ճ Գ (1654), ի վերջին ամի կաթողիկոսութեան Փիլիպպոսի, իսկ գիւտն եղաւ փոքր մի առաջ»:

Վանքն ինկած է լեռի մը լանջքին վերայ գտնւած փոքրիկ տափարակ տեղ մը, որ կիսաձոր մը կը ներկայացնէ և շրջապատւած է 3/2-է մինչ 6 մետր թաւածութեամբ քարաշար պատնիշէ, որն ևս ամբարցւած է կիսաշտարակներին: Ամբողջ պարսպապատի տարածութիւնը մերձ 100 մետր երկայնութիւն և յիսուն մետր լայնութիւն ունի:

Գլխաւոր գուռն, որ մերձ երեք ու մէկ քառորդ մետր թաւածութիւն և երկուք ու կէս մետր լայնք ունի, պատած է երկաթէ հաստ թերթերէ, որք մեծ զամբրով պնդացուած են հաստ տախտակներ ի ու բազուկներ ի վերայ: Գրան աջ ու ձախ կողմը կիսաբոլոր աշտարակներ կան:

Այս կերպով վանքը պաշտպանողական դրութիւն ունի, և կրնայ աւագակներ ի և ուրիշ անակնկալ յարձակումներ զէմ գնել:

Գռնէն ներս կը մտնէք նախասենեակի պէս տեղ մը, որի աջ կողմը քանի մը սանդուխ բարձր դռնակ մը կայ, ուր-

կէ կանցնէք հիւրանոցն, ուր և կը բնակի վանահայրն: Այս մի մեծ բակ է պարտէզով, որի երեք կողմը շարւած են զանազան մեծութեամբ սենեակներ, որք ուխտաւորաց համար շինւած են իբր իջևան, բայց քիչ բացառութեամբ այս ամէն սենեակները խախուտ ու անբնակելի վիճակի մէջ կը գտնուին:

Եկեղեցւոյ բակին կից կայ ուրիշ փոքրիկ բակ մը և ուր չորս նորոգ շինւած սենեակներ կան, որք յատկացւած են պատաւոր հիւրերի համար իբր իջևան:

Եկեղեցին 24 քայլ երկայնութեամբ և 16 քայլ լայնութեամբ սրբատաշ քարերով միակամար զեղեցիկ շէնք է: Ինչպէս յիշեցաւ և գտնւած յիշատակներէն կը տեսնուի, 17-րդ դարին մէջ կառուցւեր է նախկին հիմանց վերայ: Գմբէթն որ բաւականին բարձր է, աւելի գլանաձև է քան թէ բարձր: Այս գլանի դրսի վերի կողմի չորս բոլորքը կայ քառակուսի քարերի շարք մը, որի վերայ քանդակւած են տասներկու առաքելոց և Ս. Գրիգոր Լուսաւորչի պատկերներն: Ասոնք քարերին վերայ ցցւած կամ բարձրաքանդակ դուրս բերւած են և արւեստէ ու ճարտարութենէ զուրկ չ'են:

Եկեղեցին մտած ատեն գմբէթի ներքինն մօտ և սեղանի աջ կողմը, փոքրիկ խորանի մը մէջ, խիստ հաստ և ընտիր մարմարինէ տապանաքար մը կայ, որ հետևեալ յիշատակարանը կը կրէ. «Թւին ՌՂԵ արկի հիմնարկութիւն այս տաճարիս Ս. հազարաց նշխարքս յայտնի ձեռամբ Յակոբ վարդապետի, որ յետ իննեակ եռակամի կաթողիկոս Հայոց լինի դարձեալ ի տեղուջս նա ամփոփի թւին ՌՃԷ ամի»:

Եկեղեցին շատ զարդ ու սպաս չունէր. քանի մը տասնեակ զրքեր կային, որոնցմէ ոմանք ձեռագիր և մագաղաթի վերայ էին: Որ ինչ կրցայ տեսնել, ամէնքն ալ կը բաղկանային աւետարաններէ, մաշտոցներէ և եկեղեցական ուրիշ զրքերէ: Ըստ վանահօր ասութեան՝ քանի մը տարի առաջ կաթողիկոսի հրամանով արժէք ու յարգ ունեցող բոլոր իրերն էջմիածին փոխադրւեր էին, վանքին անապահովութիւնը պատ-

ճառ բերւելով:

Սեղանի ետի կողմը, մատուռի մը մէջ, միապաղաղ քարէ մեծ սեղան մը կայ: Աստ տարին անգամ մը պատարագ կը մատուցւի ի յիշատակ այս սեղանը տւողին: որ աստապատցի մի երէցփոխ է եղեր և ՌՃԷ Թւականին նւիրեր է այն:

Եկեղեցւոյ հարաւային կողմն է զանգակատունն: Այս կը բաղկանայ երեք զատ մասերէ: Առաջինը սրբատաշ քարերով կամարակապ մի սրահիկ է. ասոր վերայ շինւած է չորս քառակուսի սիւներով ուրիշ կամարակապ ծածկոց մը, որն առաջնի պէս սրբատաշ քարերով է. սոյն երկրորդի վերայ կանգնեցւած են վեց քարէ կլոր սիւներ, որք իրարու հետ կապւեր են նոյնպէս կամարներով: Այս կամարների վերայ բարձրացած է բրդաձև զմբէթը: Ասոնց ամբողջութիւնը մեծ ճարտարաբւեւստ ու հոյակապ շէնք մը կազմէ:

Վանքին մէջ քանի մը ոտք երկայնութեամբ մաղաղաթէ տոմար մը տեսայ, որի թէ գրւածն և թէ շարադրութիւնն հետաքրքրական լինելով, մէկ մասն աստ կօրինակեմ, առանց փոփոխութեան:

«Շահ Սէֆու երկրորդ առաջի ամի, և ի հայրապետութեան Տեառն Յակոբայ Սրբազան կաթողիկոսի յերեքտասան ամի և յեպիսկոպոսութեան ամսոյ Ս. Նախավկայիս, Միքայէլ Ասուածաբան վարդապետի յերկրորդ ամի: Առ որով զուժարեալ հաւաքեցան ամենայն հին կոնդակաց եղծեալ և խառնեալ յիշատակարան և գրեցան աստ առանձին-առանձին իւրաքանչիւր բարեյօժար կամօք տւողք և երանելի տեարք յիշատակաց և անօթաց յատուկ անւամբ, թէ ընծայողքն և թէ ընծայք թէ ով ոք իցեն կամ գինչ ընծայեցին սուրբ ուխտիս յիշատակ յաւիտենական յետ իւրեանց»:

ՏՈՒՄԱՐ

Ռ Ճ Մ 2 ՀՈԳՈՍՏՈՍ

Շնորհօք Տն Այ և ողորմութեամբ ամենասուրբ երրորդութեան հօր և որդւոյ և հոգոյն սրբոյ: Որոնց կամօք և աջողմամբ եղև սկիզբն զծագրութեան մեծի յիշատակարանիս և կոնդակիս սբյ եկեղեցւոյն Նախավկային յամի մարդեղութեան Քի հազարերորդի վեց հարիւրորդի վաթսուէն երկրորդի և եօթներորդի և ի հայկական թւականի հազարերորդի հարիւրերորդի վեցասաներորդի և ի թագաւորութեան պարսից Շահսէֆու:

Ած անէ (orհնէ °) պարոն Թահմազն որ պատճառ եղաւ այսմ կոնդակիս և շնորհեց սա ի դուռն Ս. Նախավկային ընդ ամին և շինեաց այվանն յորդանան ու բազում ծախիւք և քսան շիրլու (ջնարակաձ) թապախ (պնակ) ետ, որ և շինեաց դանանու շարտագեն (°) իւր յիշատակ:

Ած անէ շամբայ վաճառականքը, որք բնակեալ կան ի Թօղաթ\*) քաղաքի, ետուն Ս. Նախավկային յիշատակ և վախմն (հրիսակ) մէկ դեղին զառ շուռջառ բ. ջահ և մէկ եփիփորան և շապիք մէկ ժամարարի լաքան իբրաղ (կոնք) և մէկ կապուտ խալիշայ (վոքր գորգ):

Ասկէ ետքը շատ յիշատակներ ևս կան, որք աստապատցի, շամբեցի, թաւրիզեցի, տաշրեցի, ջուղայեցի, սալմաստեցի, ի մասնաւորի նոյն այդ գաւառի հաֆթվանցի, խոյեցի, տփխսեցի և ազուլեցի նւիրատուների անունները և անոնց նւէրները կը յիշատակէ:

\*) Շամբ գիւղի վաճառականների Թողաթ (Սիդոկիա) նրալ բնակիլը աս հնախրական մի սնդնկուրիսն է. աւելի օգտակար կը լինէր իմանալ, քէ ասոնք ն՞րք գաղթնր են Սիդոկիա:

## ՍՏՈՐԻՆ ԴԱՐԱՇԱՄԲ

Վանքէն մերձ կէս ֆարսախ հեռու և Երասխի աջ կողմը հայ գիւղ է, 25 տուն բնակչով. այս կալւածն Ս. Նախավըկայի վանքի սեփականութիւնն է:

## ՎԵՐԻՆ ԴԱՐԱՇԱՄԲ

Վանքի հարաւային արեւմտեան կողմը, մերձ 3 ֆարսախ հեռու, Կըզըլ չայ գետի ձախ կողմը, կը գտնուի: Այս գիւղն առաջ հայաբնակ էր և վանքին սեփականութիւնը: Բայց հայերի հետզհետէ ցրւելովը և թուրք բնակչաց յաջորդելովը վանքը չկրցաւ գայն պահել:

Այս գիւղերն իրենց անուններն հաւանաբար ստացեր են եղեգնուտ վայրերէն, որք Շամբէ կամ Շամբից Զոր կը կոչւէին:

2. — Խ Ո Յ

Այս գաւառն, որ անունն ստացեր է իւր գլխաւոր քաղաքէն, շատ անկանոն տարածութիւն մը ունի, որով և սահմաններն ճշտիւ որոշել դժւար է:

Արեւմուտքէն նրա սահմաններն են՝ Մուր, Էրլան, Ղոթուր և Փասլանքուհ լեռներն. հիւսիսէն՝ Փոքր Մասիս և գիծ մը որ մինչ Բորոլան կոչւած ժայռերն կը ձգւի: Արեւելքէն՝ Արաքս գետը, Քումքի և Զուենուզ լեռներն, Մարանդ գաւառակն և Ուրմիոյ լճի հիւսիսային արեւմտեան մասն. հարաւէն՝ Բայդաղ և ուրիշ լեռներ: Արդի Սոյ գաւառին մէջ կիյնան Հեր, Արտազ, Ակէ, Թոռնաւան, Ճուաշ պատմական վայրերն:

Սոյ քաղաքը կը գտնուի Թաւրիզէն 22 ֆարսախ հեռու և Մարանդի արեւմտեան կողմը և անորմէ մերձ 13 ֆարսախ հեռաւորութեամբ բնդարձակ գաշտի մը մէջ և Ղոթուր գետի կամ մեր նախնեաց Կարմիր գետի մէկ ճիւղին վերայ, պատած խոր խրամով՝ ամուր ու լայն պարիսպով և քանի մը աշտարակներով, որոնց մէջ աչքի կը գարնեն «Շամսը Թաբրիզի» (Թաւրիզի արեգակը) երկու աշտարակներն:

Թաւրիզէն Սոյ կերթան երկու որոշ ճանապարհներով. մէկը Մարանդի վրայով, որ փոստի ճամբան է, և միւսը Դիզա-Սալիլ գիւղաքաղաքի մէջէն, Ուրմիոյ լճի եզրի մօտէն և Թասուշ գիւղի վրայով, որ կարաւանի սովորական ճանապարհն է:

Սոյ քաղաքը 35,000-ի չափ բնակիչ ունի. փողոցները բաւականին կանոնաւոր և ծառերով հովանաւորուած են: Շի-

նութիւններն առհասարակ գեղեցիկ և սենեակների առաստաղներն սովորաբար ճաշակաւոր նկարներով զարդարուած են:

Սոյ քաղաքն գտնւելով Տրապիզոն—Թաւրիզ—Կարին ճանապարհին վերայ, փոխադրական վաճառականութիւն մը ունի, բաւականին ընդարձակ: Արտածւող բերքերի մէջ գլխաւոր տեղը կը բռնեն շոր ծիրանն և թութն, որք Կովկաս և Թուրքիա կը ղրկուին: Անւանի է նաև սեխն, որ ուրիշ քաղաքներ կը փոխադրուի:

Այս քաղաքին մէջ, հին ատեններն, խիստ շատ հայեր եղեր են: Սուլթան Սուլէյման Թաւրիզի վերայ գնացած ատեն, Սոյի հայերն իւր կողմը շահելու համար, շատ խոստումներ է ըրած անոնց և մասամբ իւրիք հայերի բարեկամութեան վերայ վստահանալով, խիստ քիչ պահպան զօրք է թողած Սոյի մէջ:

1805-ին կամ 1809-ին բազմաթիւ ընտանիքներ այս տեղէ Գանձակ և շրջակաները գաղթեցին. իսկ վերջին մեծ գաղթը տեղի ունեցաւ 1828 թւին, երբ այս տեղէն, ինչպէս և շրջակայ գիւղերէն հայերը խմբովին ելան և ճամբան շատ նեղութիւններ կրելէն ետքը յաջողեցան միւս գաղթականաց միանալ և Արաքսն անցնիլ: Այժմ քաղաքին մէջ, այսինքն քաղաքի ներսը ամենևին հայ բնակութիւն չկայ, սակայն կանգուն մնացած եկեղեցիէն զատելով պէտք է ըսել, որ Սոյի հայերն ճոխ գրութիւն մը ունեցեր են և ինչպէս վերը յիշեցաւ, խիստ բազմաթիւ եղեր են\*):

\*) Սոյ քաղաքը եւ գաւառը մեր մասնագրութեան մէջ յիշուած են Հեր անունով: Այս օրջանը հայոց պատմութեան մէջ ունեցել է շատ նշանակալից դեր եւ այդ մասին բազմաթիւ յիշուած կուրիւզներ կան:

Ունեցել է սուր բռնի հայ բնակչութիւն, մինչեւ 1827—28 թ. ռուս-պարսկական պատերազմը եւ 1828-ի ներգաղթը: Սոյն աշխարհային մէջ յիշուած հայ բնակչութիւնը իր համրակեր կարողացաւ պահել մինչեւ Համախարհային առաջին պատերազ-

Սոյ քաղաքի եկեղեցին կը կոչուի Ս. Սարգիս, որ կը գտնուի պարսկապետներէն դուրս: Այս հոյակապ եկեղեցին, որ մերձ 30 մեթր երկայնութիւն և 14 մեթր լայնութիւն և 11 մեթր բարձրութիւն ունի, կը թւի կառուցուած է հայոց ՊԶԹ կամ փրկչական 1430 թ.: Պատերը մինչ կէսը մութ կապոյտ քարով, կէսէն վեր, ներսի կողմը, թրծուն աղիւսով, իսկ դուռը դարձեալ քարով են:

Վեց սրբատաշ քարէ սիւների վերայ կը բարձրանան կամարներն, որք եթէ չեմ սխալեր, նոյնպէս տաշած քարով են: Թէև մեր այցելած ժամանակ, 1862-ին, եկեղեցին գրեթէ զուրկ էր զարդերէ, սակայն և այնպէս այցելողները վերայ վեհութեան տպաւորութիւն մը ըրաւ: Ատրպատականի մէջ գտնուած եկեղեցիներէն ամէնէն գեղեցիկն, ինչպէս և մեծն է: Տարին մի անգամ, Ս. Սարգսի տօնին, ժամասացութիւն կը լինի և պատարագ կը մատուցուի:

Քաղաքէն դուրս, մանաւանդ հիւսիսային արևմտեան կողմը, կան գեղեցիկ ծառուղիներ, ընդարձակ այգիներ, պարտէզներ ու բանջարանոցներ: Ասոնց գրաւած գետինը տեսակ մը ամփիթատրոնի ձև ունի և մէջէն կը կը հոսին բազմաթիւ առուներ, անհամար ջրվէժներով: Այս ամէնքը սքանչելի տեսարան մը կը ներկայացնեն: Քաղաքէն կէս ժամի չափ հեռու և արևմտեան կողմը եղող արուարձանի՝ Քուչաբաղ, Փոս և Աղայի թաղերի մէջ կը բնակին հայերն, որք 100 տան չափ են (249 արական և 220 իգական):

Քուչաբաղ թաղին մէջ մատուռ մը կայ՝ Ս. Ասուածա-

մը՝ 1918 թ. զարմանք, երբ քանակական բանակները ներխուժեցին Ասրպատական, Սոյի հայ բնակիչներն ներքուքուտ անաւոր կոտորածի՝ Աղեթից փրկուցին աննշան բռնի հայեր, մեծ մասամբ կանայք եւ անչափահաս որբեր, որոնք փոխադրուցին Թաւրիզ, նշանակալից շահակ ներսէս Արեւալ, Մելիք-Քանգեանի անխոնջ ջանքերի շնորհիւ:

Ծ. Խ.

ծին անուանով, ուր ամէն օր ժամասացութիւն կը լինի: Մատուռին կից է խեղճ շէնք մը, ուր 30-ի շափ աշակերտք քահանայէն կարդալ ու գրել կը սորվէին մեր տեսած ժամանակ: Ժողովուրդը աղքատիկ դրութիւն ունէր մեր տեսած ժամանակ. մեծագոյն մասը հիւսնութեամբ և պայտառութեամբ և փոքրագոյնը զանազան գործերով կը պարապէին:

1867 թ. կազմուած շնչագրական տոմարէ, 1872-ին արտագրուած տետրակի մը մէջ, որ Թաւրիզի Առաջնորդարանին կը պատկանի, Սոյի հայ տների թիւը նշանակուած է 74, հետեւեալ երեք բաժանմամբ. — Փոս թաղ 31 տուն, Ազալի թաղ 28, Էյվաշի թաղ՝ 15 և ամէն տանուտէրներին անուններն ևս առանձին-առանձին նշանակուած են: Հաւանաբար Առաջնորդարանին պտղի դրամ տալու անկարողներին անուններն այդ շրջագրութեան ատեն չեն նշանակուած, որով բնակիչներին թիւը ներկայացուած է 74 տուն:

Սոյի մօտերն և հաւանաբար քաղաքի արեւմտեան հիւսիսային կողմը պիտի լինի հռչակաւոր Հոգևոց վանքը կամ Հոգեվանքը, զորն ըստ աւանդութեան Բարդուղիմէոս առաքեալ կառուցեց 50 թւականին (Ք. ծ. յ.) և ուր ժողովեց շատ մը կոյսեր, կանայք, որոնց գլխաւոր կարգեց Մարիամը, որ Յուսիկ իշխանին քոյրն էր: Այս վանքը մինչ Արծրունեաց տիրապետութեան վերջը կանգուն էր, բայց Վասպուրականը թուրքերէ գրաւուելէ ետքը այդ անունը կը դադրէ յիշուելէ:

Շատերը կը հաստատեն, որ այս քաղաքի մօտերը, Սալմաստ տանող ճամբին, բարձր բլրի մը վերայ կայ գերեզման մը, զոր ոմանք կը համարեն Վարդան Զօրավարի գերեզմանը:

### Գ Ի Զ Ա

Սոյի հարաւային կողմը, մերձ մէկ Ֆարսախ հեռաւորութեամբ կը գտնուի այս գիւղը, 63 արական և 48 իգական բը-

նակչով: Աստ կար մի քարաշէն եկեղեցի՝ Ս. Աստուածածին անուանով:

### Վ Ա Ռ

Սոյի արեւմտեան կողմը և անորմէ մերձ 2 Ֆարսախ հեռու կը գտնուի Վառ գիւղը, 103 արական և 86 իգական հայ բնակչով: Գիւղի մէջ կայ քարէ կամարակապ եկեղեցի մը՝ Ս. Գէորգ Զօրավարի անուանով: 1897-ին քիւրդերը յարձակուելով այս գիւղի վերայ, բնակիչներէն մէկ մասը կոտորեցին և գիւղն սուրի տւին ու աւերեցին:

### Փ Ե Ր Ա

Վառ գիւղի հիւսիսային արեւմտեան կողմը և անորմէ 2½ Ֆարսախ հեռու կը գտնուի այս գիւղը՝ 61 արական և 48 իգական բնակչով: Փայտածածկ եկեղեցի մը ունի՝ Ս. Սարգիս Զօրավարի անուանով, բայց քահանայ չունի:

Գիւղին մէջ կապրին նաև թուրք բնակիչներ:

### Ս Է Յ Գ Ա Վ Ա Ր

Այս գիւղն ունի մի փայտածածկ եկեղեցի, Ս. Յակովբ Մծբնայ հայրապետի անուանով: Ունի մի քահանայ: Հայ բնակչաց թիւն է 187 արական և 189 իգական: Նոյն գիւղի մէջ կապրին նաև թուրք բնակիչներ:

### Մ Ա Հ Ա Ս Ա Ն

Սոյէ 2 Ֆարսախ հեռու գիւղ է, ուր կայ քարաշէն գմբէթաւոր եկեղեցի մը, Ս. Կենսատու Սաչ Քրիստոսի անուանով: Ունի 24 տուն՝ 65 արական և 66 իգական բնակչով:

Այս գիւղի բնակչաց մէկ մասն Վենետիկի Միսիթարեան

վարդապետների թելադրութեամբ ու դրամական նպաստների խոստումներով կաթողիկոսեան յարեցաւ, սակայն քիչ ետքը ոմանք իրենց նախնի դաւանութեան դարձան: Այս պատճառով կաթողիկոսների և լուսաւորչականաց միջկեկեղեցւոյ և գերեզմանատան ժառանգութեան առթիւ ծագեցաւ մեծ վէճ մը, որն ևս ծնունդ տւաւ ուրիշ շատ մը անհամ ու անտեղի զրժտութեանց:

### ԿՈՒՅՈՒՐ

Սոյի խանութեան մէջ կը գտնուի Կոթուր գաւառակը, որի հայ բնակչաց մասին Ատրպատականի Առաջնորդաւորանին շնչագրութեան մէջ յիշատակութիւն չկայ: Ասոր պատճառն այն է, որ Կոթուրի մէկ մասն օսմանցիք առեր էին, և միայն 1876-էն ետքը դարձուցին պարսկաց:

Ըստ գնդապետ Սթուարթի, Կոթուրի մէջ 120 տուն հայ կայ:

Մակու գաւառը արդի Ատրպատականի հիւսիսային արեւմտեան և Փոքր Մասսի հարաւային կողմը կիյնայ: Արեւելքէն սահման ունի Երասխ գետը, որ գայն Կովկասեան Հայաստանէն կը բաժանէ: Հիւսիսէն կը ձգւի սահմանագիծ մը, որ կը հասնի Փոքր Մասսի գագաթէն մինչ Բորոլան կոչւած ժայռերն և կամ մինչ Երասխ գետը: Արեւմուտքէն Թուրքիայէ կը բաժանուի Փոքր Մասսիով, «Սէզմէ» գագաթով և Բաթլանքուհ լեռանց ճիւղերովն, իսկ հարաւէն շատ որոշ սահման չունի: Այս գաւառը մերձաւորապէս կը ներկայացնէ մեր մատենագիրների յիշատակած Շաւարշան գաւառն, որն Ա. դարում Արտաշէս Բ. ի ժամանակ Արտազ անունն ստացաւ:

Այս գաւառին մէջ էր նաև Շաւարշան քաղաքը, Հայկազանց Շաւարշ նահապետէն շինւած: Այս գաւառի գլխաւոր գետերն են՝ Սարի-սու և Մակու-չայ, որք գլխաւորապէս գէպի արեւելք կընթանան, միանալէ ետքը կը հոսին Երասխի մէջ: Առաջնի նախաւտակը Ղաչ կամ Ղաչլու գետն է, որ նախնեաց Շամինէ գետը լինելու է, իսկ երկրորդն՝ Մակու-չայը, ամենայն հաւանականութեամբ մեր Տղմուտ գետն է, որի ափին էր Աւարայր գիւղն, որմէ և կառաջանայ Աւարայրեան դաշտը, վարդանանց նահատակութեան սրբավայրն:

Գաւառի միակ քաղաքն է Մակուն, որ Մակու-չայի հիւսիսային կամ ձախ կողմը, լեռան ստորոտին մօտ, մի խեղճ տեղ է: Ըստ ոմանց, 700 տուն, ըստ այլոց՝ 1000 տուն բնակիչներ



ունի) որոնցմէ 35 տունը հայեր են:

Աստ Ս. Վարդան անունով քարաշէն եկեղեցի մը կայ: Քաղաքէն դուրս, թաղի մը մէջ ևս կան 45 տան չափ հայեր (206 արական և 164 իգական): Ասոնց մի փոքր մասը առուտուրով, իսկ մեծագոյնը արհեստով կը պարապեն: Աղքատիկ և ոչ զարգացեալ վիճակ մը ունին: Միայն 1890 թւականին սկսան վարժարան մը ունենալ:

Մակու գաւառին մէջ կը գտնուի Թադէոս առաքեալի վանքն, իւր հրաշակերտ եկեղեցիովն, ուր ամփոփուած են Հայաստանի առաջին առաքեալ քարոզչի նշխարներն:

Ի հնուսն Ատրպատական այս վանքի թեմն էր և ասոր առաջնորդը Հայաստանի գլխաւոր չորս արքեպիսկոպոսներէն մէկը կը համարէր, որի ներկայութիւնն ու հաւանութիւնն անհրաժեշտ էր կաթողիկոսի ընտրութեան համար: Բայց այժմ անդ միայն մի վանահայր և մի քահանայ կան: Վանքին մօտ է և անոր կը պատկանի փոքրիկ գիւղ մը՝ 84 արական և 58 իգական հայ բնակչով, որք իրենց յատուկ մատուռ չունին և վանքի եկեղեցին կերթան աղօթելու համար:

Կայ նաև Քիշմիշ Թափա հայ գիւղն՝ 148 արական և 116 իգական բնակչով, և ուր կայ մի եկեղեցի:

Արտազի հայոց այս թիւերն ներկայացուցի 1875-ին եղած առաջնորդական շնչագրութեան համեմատ, որն թերի կը թւի, քանզի ըստ գնդապետ Սթուարտի՝ Մակուի գաւառի մէջ մերձ 300 տուն կամ 1500 հոգի հայ կայ:

Մակու քաղաքի արևմտեան հիւսիսային կողմը կը գտնուի Աւաջուղ գիւղն, որ գրեթէ Պոյ—Կարինի ճամբուն վերայ է և պարսկաց վերջին գիւղն է: Այս տեղէ հայերն դարիս սկզբներն Վրաստան գաղթեցին և էյրանլու կոչուած թուրք ցեղն եկաւ անոնց տեղը գրաւեց և այնտեղ բնակութիւն հաստատեց: Հոն կը մնան երկու կիսաւեր եկեղեցիներ:

Պոյէն Մակու տանող ճամբուն վերայ, Մակու գետի մօտ, կը գտնուի Ղարէին գիւղը: 1862-ին, երբ Մալթա ու-

սանելու կերթայի, գիշեր մը աստ անցուցի: Թուրքերն կը պատմէին, որ ժամանակին այդ գիւղին մէջ 200 տուն հայ բնակիչ բնակւեր է, բայց մերձ մէկ դար առաջ հետզհետէ ցըրւելով, գիւղը մնաց թուրքերին: Քիչ մը հեռու գերեզմանատուն մը ցոյց տւին, որ հայոցն եղած էր: Այս գիւղէն Մասիս պարզ աչքով կերեւէր:

Այս գաւառն այժմ Խոյի խանութեան մէկ բաժանումն է և անոր իրաւասութեան ներքոյ կը գտնուի: Ուրմիոյ լճի հիւսիսային արեւմտեան կողմը կիյնայ: Հիւսիսային կողմն են Իւլան լեռները մէկ մասն, որով Սալմաստ գաւառն կը բաժանուի Խոյ գաւառէն և աննշան բլուրների շարք մը, որով և կանջատուի արդի Գիւնէյ գաւառակէն, որ Ուրմիոյ լճի հիւսիսային դին կիյնայ: Արեւմտեան կողմը կը բարձրանան լեռներն, իսկ հարաւային կողմը կայ լեռների շարք մը, որ դէպի արեւելք երթալով, կը միանայ Բէյ լեռան: Այս վերջիններով Սալմաստ կը բաժանուի Ուրմիոյ գաւառէն: Արեւելեան կողմը կը գտնուին Ուրմիոյ լիճը և ասոր հիւսիսային կողմը գտնուող դաշտ մը, որի հիւսիսային կողմն ևս և մասամբ իւրիք արեւելեան կողմը կան բլրակներ, որք կը գատեն Սալմաստը Ալմասարա գիւղի արտերէն, որք Գիւնէյ գաւառակի մասն կը կազմեն:

Այս բլրակներին կից կայ մի ռահդարխանէ կամ բաժատուն, ուր Գիւնէյէ Սալմաստ և վերջինէս Գիւնէյ փոխազրբւած ապրանքներէն փոքրիկ հարկ մը կառնուի:

Սալմաստ մերձաւորապէս կը ներկայացնէ հայոց Զարեանդ գաւառն, որ պատմական կարեւորութիւն մը ունի մեզ համար: Աստ և Հեր եկան սասանեան զօրքերն և բանակեցին Վարդանանց հետ պատերազմելէ առաջ: Այս գաւառին մէջ Վահան Մամիկոնեան փառաւոր յաղթութիւն մը տարաւ Ատրբանդիսի իշխանին վերայ:

Ի հնումն Սալմաստ մի առանձին թեմ էր: Այստեղէն Յակովբ եպիսկոպոս, Օշին թագաւորի հրամանով, 1316-ին, Ադանա քաղաքի ժողովին ներկայ գտնւեցաւ:

Հայ մատենագիրներ Հեր և Զարեանդ գաւառներն ընդհանրապէս միասին կը յիշատակեն:

Ազաթանդեղոս հայոց 16 գլխաւոր իշխանների մէջ, որք գումարւեցան Մեծն Տրդատի հրաւերով, Ս. Գրիգոր Լուսաւորիչն Կեսարիա դրկելու և անդ եպիսկոպոս ձեռնադրել տալու համար, 14-րդ կարգը կը տայ Զարեանդ և Հեր գաւառների Շահապն իշխանին և գայն ուրիշ տեղ Շահապն Շահապիւլանի կը կոչէ, նոյնպէս և Տրդատին ընկերացող երեւելի նախարարների մէջ էր Շահապիւլանի Շահապն:

Սալմաստ 200 գիւղ ունի, որոնց բնակչաց մեծագոյն մասը թուրքերն են, ետքը հայերը և ապա ասորիներն:

Ըստ Ֆրէյզրի և այլոց, Սալմաստի ասորիներէն շատերն Ռուսիոյ և Եւրոպայի երկիրներն կերթան և ինքզինքնին կրօնական ձեւացնելով, դրամ կը հաւաքեն: Երկրագնդիս վերայ գուցէ տեղ մը չկայ, որի բնիկներն այնչափ տարբեր տարագրներով զգեստներ հագնեն, որչափ այս գաւառի ասորիներն: Միևնոյն գիւղի մէջ կը տեսնուի մէկը պարսկական, մէկը քրդական, միւսը վրացական, ուրիշ մը ռուսական, մէկ ուրիշը՝ թրքական և մէկ ուրիշն ալ եւրոպական զգեստով: Ոչ միայն այս, այլ և կը նշմարուի, որ մէկը հագեր է ընտիր ու վերջին տարւան ձևով (մոզայով) անգլիական ազնւականի ժաքեթի ու բաճկոնի հետ մալթեզական շիովաննիի անդրավարտիքը, զըլուխն ունի ամերիկեան եանքիի գլխարկը, ոտքերը ռուսական երկայն կօշիկներ: Մէկ ուրիշը ռուսական լայն շինելի հետ վրացական արխալուղ, բարձր ու անձայր օձիքով շապիկ, խիստ նեղ ֆրանսական անդրավարտիք և պարսկական կօշիկներ:

Սալմաստ գաւառն Ատրպատականի բերրի ու լաւ մշակեալ շրջաններէն մէկն է:

Արդի Սալմաստի վարչական կենտրոնը Գիւման քա-

դաքն է, որ 4000 թուրք բնակիչ ունի: Աստ միայն քանի մը գրսեկ հայեր կան, որք մը գի առուտուրով կը զբաղին:

Այժմ կը ներկայացնենք Սալմաստի հայաբնակ գիւղերն:

### ՀԱՖԹՎԱՆ

Գիւմանէն արեւմուտք, մերձ երեք քիւմեթը հեռու, կը գտնուի Հաֆթվան հայաբնակ գիւղը: Տներն ամրաշէն են և շինութեան ձևերն աւելի քաղաքի, քան թէ գիւղի կը նմանին: Բնակիչներն ընդհանրապէս բաւականին լաւ վիճակ ունին:

1872-ին գրեթէ տետրակը տների թիւը 184-ի կը հասցընէ, տանուտէրներն անուներն առանձին նշանակելով: Սակայն, մեր առած զանազան տեղեկութեանց համեմատ 300—350 տուն կայ: Հաֆթվան Սալմաստի գուտ հայաբնակ ամէնէն մեծ գիւղն է: Թէև 1890-ին այս գիւղի մէջէն անցայ, սակայն ժամանակի սղութեան պատճառաւ չկրցայ բնակչաց թիւը ստուգել<sup>1)</sup>: Ունին տաշած քարէ և կամարակապ մի եկեղեցի՝ Ս. Գէորգ անուանով, 3 քահանայ և մի դպրոց, որ վերջերս հաստատուեր է:<sup>2)</sup>

### ԳՐԻՇԿ

Հաֆթվանի արևելեան կողմը և անորմէ մերձ մէկ ֆար-

1) Ասրպատականի գաւառների հայ բնակչութեան քաղաքային սիւնակները, սոյն աշխատութեան մէջ, մեծ մասամբ առնուած են Առաջնորդարանին ուղարկուած ընչազրական ցուցակներից, որոնք կազմուած են եղել Առաջնորդարանին պաշտօնի վնարելու համար, ուստի եւ սնների կամ «ծուխներ»ի հաշիւը պակաս է ներկայացուած: Ըստ երևոյթի ընչազրութեան ժամանակ հաւելի չեն առնել տուրք վնարելու կարողութիւնից զուրկ ընտանիքները, ինչպէս մասնաւորապէս և հնդիկակը մի քանի էջ առաջ, այլ առիթով: Ծ. Խ.

2) Հաֆթվանի դպրոցը հիմնուել է 1890 թ. առաջ, Սկզբում պատշտակաւորել են ազգաներ երկու գործիչներ՝ Գոլուեանն ու Ազ-

սախ հեռու, ընդարձակ դաշտի մը մէջ ծառաւէտ մի մեծ գիւղ է, 100—150 տուն թուրք բնակչով: Աստ բաւականին մեծ տարածութեամբ արօտավայր մը կայ, ուր արքունի թնդանօթաքար ձիերն դարնան կը բերւին արածելու համար: Միայն տասն տուն հայ կայ. կիր ու քարէ 4 սիւնի վերայ հաստատուած կամարներով մի եկեղեցի կայ, Ս. Սարգիս Զօրավարի անուանով:

### ԽՈՍՐԱԽ

Գիւմանի հարաւային արեւմտեան կողմը կը գտնուի Խոսրաւա կամ Խոսրովա գիւղը: Այս աւանը ջրառատ ու գեղեցիկ տեղ է, բնակչաց թիւը 2000-է աւելի է, որոնց ամենամեծ մասն կաթոլիկ ասորիներ են, որք գլխաւորապէս այգեգործութիւն կընեն:

Ֆրանսացի Լազարիստներն 1836-է ի վեր աստ հաստատուեր են և Սալմաստի ասորիներէն մէկ մեծ մասը կաթոլիկութեան դարձուցեր: Լազարիստներն ունին կոփածոյ քարէ մի փոքրիկ, բայց գեղեցիկ եկեղեցի. ասոր կից կայ մի գիշերօթիկ վարժարան, ուր կը պատրաստուին քահանայացու կաթոլիկ ասորիներն: Կան և ուրիշ շէնքեր միսիոնարաց և ուսանողաց բնակութեան համար և ընդարձակ ու լաւ խնամուած պարտէզ մը:

Այս շէնքերին մօտ կայ ևս մի կուսանոց, ընդ տեսչութեամբ ֆրանսացի քոյրերի:

Խոսրաւա գիւղի մէջ, հայերը, ըստ առաջնորդական վիճակագրութեան՝ 13 տուն են (34 արական և 26 իգական), բայց 1890-ին, երբ այս գիւղը հանդիպեցայ, ինձ ըսին որ 18 տուն հայ կայ: Մի փայտաշէն մատուռ ունեն Ս. Սարգիս գօ-

րիպատեանը, ապա ազգային եւ կրթական անւանի գործիչ Մկրտիչ Աւետիսեանը, որի օրօք դպրոցը բոլորում է իր գործունէութեան ամենափայլուն օրջանը, Տալով ազգային ընչով տոգորուած մի սերունդ:

րավարի անունով:

### ՍԱԻՐԱ

Խոսրաւայի արեւմտեան, հիւսիսային արեւմտեան կողմը և անորմէն մերձ 1/3 ֆարսախ հեռու կը գտնուի Սաւրա աւանը, որ մօտաւորապէս 300 տուն բնակիչ ունի. 200-ի չափ թուրք են, մնացեալն հայ: Հայերն ունին յանուն Ս. Գէորգ գօրավարի կաթուղիէնով մի կամարակապ եկեղեցի, շինւած կիրով ու տաշած քարով: Ունին երկու քահանայ: Հայերն, ինչպէս և թուրքերն աւելի շատ այգեգործութիւն կընեն քան թէ երկրագործութիւն:

Յրանսացի Լազարիստները տեսնելով որ իբր օտարական դիւրաւ չեն կրնար մուտք գործել հայերի մէջ, իրենց գլխաւորի՝ Գիւլիզար եպիսկոպոսի միջոցով կը դիմեն Հոովմ, խնդրելով որ հայ կղերականներ զրկեն Ատրպատականի հայերի մէջ գործելու համար: Հ. Սրապիոն Պարոնեան (Կ. Պոլսեցի) և Հ. Կիւրեղ, վենետիկի Մխիթարեան ուխտէն, 1882-ին Ատրպատական կը զրկուին: Ասոնք Սաւրա գիւղին մէջ կը հաստատեն իրենց բնակութիւնն: 1890-ին, երբ Սաւրա այցելեցի, ասոնք յաջողեր էին բաւականին մեծ կալւած մը գնել, գեղեցիկ եկեղեցի մը, քանի մը սենեակ, և իր ննջարանով ու երեք դասարանով վարժարան մը շինել, ուր հաւաքեր էին 27 աշակերտք, որոնց ընթերցանութիւն և այլն կը սովորեցնէին: Հ. Սրապիոն Թաւրիզ գնացած էր, տեղապահ թողնելով Հ. Մովսէսը: Այս կղերականը մուսուլման մի երիտասարդ էր, որ ոչ կաթուղի քրիստոնեաները հաւատացեալ չէր համարեր: Այս կէտերէ առաջանալով, մեծ աններողութիւն ու անհամակրութիւն և մինչ անգամ բուռն ատելութիւն կը տածէր այն ամէն քրիստոնէից դէմ, որ կաթուղի չէին:

Ոչ ոք կրնայ իրաւամբ պախարակել Մխիթարեան հայերն իրենց դաւանութիւնն տարածելու համար, բայց աւելի

լաւ կը լինի Սալմաստի պէս հեռուոր անկիւններ չղրկել այսպիսի անփորձ ու կամապաշտ երիտասարդներ, որք բացի գժտութեան, վէճերի և անշահ ծախքերի պատճառ լինելէ, ուրիշ որևէ արդիւնք չեն կրնար տալ այն միաբանութեան, որ աւելի կուզէ գործել ազատամտաբար, քան թէ աններողամտաբար\*):

### ՔԷՕՆՆԱՇՂՆԱՐ

Այս աւանը, որ այժմ Քէօննաշղհար (Հին քաղաք) անունը կը կրէ, կը գտնուի Սաւրայի արեւմտեան, հիւսիսային արեւմտեան կողմը և անորմէ մերձ մէկ և կէս ֆարսախ հեռու է: Նախապէս եղած է Սալմաստ դաւառի կենտրոնական քաղաքը: Թուրք բնակչաց թիւը, ըստ իմ առած տեղեկութեանց, մերձ 2600 է, իսկ հայերն 48 տուն են: Երկու եկեղեցի ունին. մէկը Ս. Յակովբ և միւսը Ս. Սարգիս անունով, երկու քահանայով:

Հին ժամանակները Քէօննաշղհարը կոչւեր է Սալմաս, և լինելով դաւառի կենտրոնական քաղաքը, ըստ երևոյթին ամբողջ դաւառն եւս կոչւեր է նոյն անունով:

Քէօննաշղհարի մօտերէն կսկսի «Գիւղման դարա»ի երկայն, նեղ ու անանցանելի ճամբան, որ կը տանի դէպի արև-

\*) Լազարիս միաբանների և լուսաւորչականների միջև Սալմասում սկսւած պայքար իր ծայրագոյն կէտին հասաւ Ասրպատականի Հայոց Առաջնորդ Սեփաննոս եպ. Մխիթարեանի օրօք, խլելով երկու կողմից զոհեր:

Այդ պայքարի հետեւանով, իբրև փոխվրէժ, Սալմասի Հաճրվան գիւղում, դաւադրութեամբ սպանւեցին Մեսրոպ վարդպ. Փափազեանը (1891 թ. Մայիսի 2-ին) և Հաճրվանցի Տեր Կիրակոս աւագ քահանայ Աղայեանը, նոյն քի աւանը:

Մեսրոպ վրդպ. Փափազեանը հայրն էր յայնի վիպագիր Վրթանէս Փափազեանի և ազգային ականաւոր գործիչ Կոմսի (Վա-

մուտք՝ թուրքիոյ Աղբակ գաւառն:

Այս ճամբայի հարաւային կողմը, բարձրաւանդակների վերայ, կը գտնուին հետեւեալ 4 գիւղերն:

**ՀԱԽՎԵՐԱՆ**

Այս գիւղն ունի 15 տուն հայ բնակիչ և Ս. Սարգիս անւամբ մի փայտածածկ եկեղեցի:

**ԱՍԼԱՆԻԿ**

Այս գիւղն ունի 8 տուն հայ բնակիչ և Ս. Յակովբ անունով փայտածածկ եկեղեցի մը: Հայերն քիւրդերի հետ խառն կը բնակին:\*)

հան Փափագեան), նա 1880-ական քաղաքներին հաստատուած էր թաւրիզում, իբրև քահանայ եւ ուսուցիչ: հետագային ձեռնադրեց վարդապետ եւ 1891 թին, նախկին հանգամանով, գտնուի էր Ասրպատականի առաջնորդական փոխանորդանիս Հաքովան գիւղում: Մեր քաղաք տեղեկութեանց համաձայն՝ Մեսրոպ վարդապետ որեւէ մասնակցութիւն չի ունեցել վերոյիշեալ պայքարին, Սալմաս է եկած եղել կարհասեւ ժամանակով, երուսաղեմի պատրիարքութեան կողմից, իբրև նախահաւաք:

Լազարիսներէ քաղաքները Սալմասի հայ ժողովրդի մեջ բացարձակապէս որեւէ յաջողութիւն չունեցաւ եւ նրանք իրենց գործունէութիւնը սահմանափակեցին ասորի համայնքի մեջ, արձանագրելով մեծ յաջողութիւններ: Ծ. Խ.

\*) Մինչև 1828 թի ներգաղթը, Սալմասի լեռնային շրջանի՝ Հախվերան, Ասլանիկ, Քաբիկ, Համբանաւա, Նրգարաւա, Դերիկ, Շիդան, Զելվաշուկ, Աջվաշ, Հովադար, Ըռկաւա եւ այլ գիւղերում, ինչպէս եւ ձարա աւանում, բնակելիս են եղել մեծ թրուով հայեր:

Լեռնային շրջանի հայերը, որոնք ապրում էին քիւրդ բնա-

**ՔԱԲԻԿ**

Այս գիւղն ունի 20 տուն հայ բնակիչ:

**ՀԱՄԲԱՆԱԻՍ**

Այս գիւղը 15 տուն հայ բնակիչ ունի:

**ԴԵՐԻԿ**

Քէօհնաշըհարի արևմտեան կողմը, մերձ երկու ֆարսախ հեռու, կը գտնուի Դերիկ լեռնային գիւղը (այժմ քրդաբնակ), որի մերձակայքը, լեռան մը լանջին վերայ, կառուցուած է Ս. Աստուածածին մենաստանը, որ սովորաբար կը կոչուի Դերիկի վանք:

Այս մենաստանը այժմ գրեթէ կիսաւեր է:

Կիչներէ հետ միասին կամ վերջիններս հարեւանութեամբ, 1828-ին զանգուածային կերպով մասնակցեցին ներգաղթին: Փոքրաքի հայեր մնացին այդ շրջաններում, իսկ բազմաքի գիւղեր միանգամայն դատարկեցին հայ բնակիչներից եւ նրանց տեղը զբաղեցին հարեւան գիւղերի քրդերը եւ 1927—28 թ. ռուս-պարսկական պատերազմից յետոյ Անդրկովկասից Պարսկաստան անցած թուրք գաղթականները:

Սուր թուով հայեր բնակելիս են եղել նաեւ Սալմասին մերձակայ Սոմա լեռնային գաւառում, որ ներառուի է պիտի լինի Զարեհաւան գաւառը: Այստեղի հայերն եւս, ամբողջութեամբ, մասնակցում են 1828 թ. ներգաղթին:

Սալմասի վերը յիւստի լեռնային գիւղերում եւ Սոմա գաւառում մինչև այժմ մնում են հայկական եկեղեցիների աւերակները եւ այլ յիշատակարաններ:

Սալմասի լեռնային գիւղերի այն հայ բնակիչները, որոնք չեն մասնակցում ներգաղթին, իջնում են դաւաճալար եւ հաստատում Սալմասի հայաբնակ գիւղերում: Ծ. Խ.

1894 թվին մենաստանի շուրջը պատ մը քաշեցաւ, զայն անակնկալ աւարառութեանց դէմ պահպանելու համար, բայց չար մարդոց կողմէ բանսարկութիւն եղաւ քաշած պատի նկատմամբ և ետքէն քանդեցաւ: Աստ ասոն օրերն միայն ժամասացութիւն կը լինի: Երբեմն վարդապետ մը կը բնակի: 1893-ին Բագրատ վարդապետ Թաւաքալեանն վանահայր էր այս մենաստանի մէջ\*):

### ՈՒՂԱ

Ուլա գիւղը կը գտնուի Խոսրովայի հարաւային, արեւմտեան հարաւային կողմը և անորմէ մերձ մէկ Ֆարսախ հեռաւորութեան վերայ: Աստ միայն 5 տուն հայ կայ, մի փայտածածկ մատուռ ունին, Ս. Սարգիս անուանով: Հայերի հետ նոյն գիւղն հաստատւած են ասորի և թուրք բնակիչներ:

### ՔԵՍԱՎԱՇԱՆ

Կը գտնուի Ուլայի հարաւային արևելեան կողմը և անորմէ մէկ Ֆարսախ հեռու: Աստ 22 տուն հայ կայ, ունին փայտածածկ մի եկեղեցի՝ Ս. Յովհաննէս Կարապետ անուանով: Գիւղն ունի նաև թուրք բնակիչներ:

\*) Դերիկի պատմական վանքը եւ համանուն գիւղը զտնուում են Դուսմանայ ձորի բարձունքներում: Գիւղը նախքան 1828 թ. եղել է հայաբնակ: Այդ քրականի քաղաքական իրադարձութիւնների եւ ներգաղթի հետևանքով հայերի փոխարէն հաստատուել են ֆուրք բնակիչներ:

Դերիկի վանքը, որ Բաճճու հերոսների արձեւոյնն է, խոտոր դեր է ունեցել հայ ազատագրական նորագոյն շրջանի պատմութեան մէջ, մասնաւորապէս 1890-ական քրականների: Առաջին առաւելը եղել է զարաբաղցի Մովսէս Իշխանեանը, որ Աւեսեաց երկիրը սանող այդ ամբողջ վերակենդանացել է 1880-ական քրա-

### ՓՆՅԱԶՈՒԿ

Գիւմանի հիւսիսային կողմը և անորմէ կէս Ֆարսախ հեռու, ծառաշատ, հայաբնակ մի մեծ գիւղ է: Տները թիւն է մերձ 230: Ունին մի դպրոց և կոփածոյ քարէ շինւած մի եկեղեցի՝ Ս. Գէորգ անուանով: Այս գիւղը Բաճճիի ծննդավայրն է:

### ՂԱՎԱՍՐ

Կը գտնուի Փայաջուկի մօտերքը. 30 տուն հայ կայ և ունին յղկւած քարով մի կամարակապ եկեղեցի՝ Ս. Սարգիս անուանով: Զուտ հայաբնակ, շէն ու գեղեցիկ մի գիւղ է:

### ՇԻԴԱՆ

Գիւմանի արևմտեան, հիւսիսային-արևմտեան կողմը մի փոքրիկ գիւղ է, ուր 8 տուն հայ կայ, ոչ եկեղեցի ունին և ոչ քահանայ: Գիւղն առաւելաբար քուրդ բնակիչներ ունի:

Կանների վերջերին, Այնուհետև Դերիկում գործել են Վարդան Մեհրաբեանը (ապագային Խանասորի արեւանքի հրամանատար), Իսխան Յովսէփ Արղուրեանը, Սեփարեցի Սաֆոն եւ այլ ուխտաւորներ:

Վանքի ներհում զտնուում են Մովսէս Իշխանեանի եւ յնդափոխական այլ գործիչների գերեզմանները:

Դերիկ գիւղը, Մովսէս Իշխանեանի նախածնունդով, զտնուում է Հաճքովանի հայ համայնքի կողմից, որպէս ազգային կալւածք, եւ իբրև այդպիսին մնաց մինչև 1928 քրականը, երբ Ասրպասականի Առաջնորդարանի կարգադրութեամբ վանուոց մի ֆուրք ցեղապետի:

Վանքի պարիսպները քանդուելու մասին ինչ վերը արւած ակնարկը վերաբերում է քանիկ գործակալներին եւ հիւպատոսին, որոնք բողոք էին բարձրացրել Տանկաստանին սահմանամերձ վանք ամրացնելու մասին: Ծ. Խ.

## ՂԶԼՁԱ

Կը գտնուի Գիւմանի հիւսիսային արևելեան և անորմէ մերձ 3 ֆարսախ հեռու: 22 տուն հայ բնակիչ ունի և կամարակապ ու քար ու կիրէ կառուցւած մի եկեղեցի՝ Ս. Յովհաննէս Մկրտչի անունով: Հայերն թուրքերի հետ խառն կը բնակին:

## ՁԷՅՎԱՁՈՒԿ

Ներկայիս քրդաբնակ մի գիւղ է, ուր միայն 6 տուն հայ կայ. ոչ քահանայ ունին և ոչ եկեղեցի\*): Կը գտնուի Մահլաժ և Սառնա գիւղերի միջև:

## ՄԱՀԼԱՄ

80 տուն հայ բնակիչ ունի և քար ու կիրէ մի եկեղեցի՝ Ս. Զօրավար անունով: Գիւղն ունի 4 քահանայ:

## ՍԱՌՆԱ

40 տուն հայ բնակիչ ունի և մի քար ու կիրէ եկեղեցի՝ Ս. Աստածածին անունով: Գիւղն ունի նաև մի ուխտավայր՝ Մար Իւխաննա անունով:

## ՍԱՐԱՄԵՐԻԿ

41 տուն հայ կայ. ունի Ս. Սարգիս անունով փայտածածկ մի եկեղեցի: Թուրքաց հետ խառն կը բնակին:

\*) Գիւղն ունի հնադարեան մի մասուն-ուխտավայր, որ ժողովուրդը կոչում է Փրիւաս: Համբարձման տօնին մեծահանդես ուխտագնացութիւն է կատարում: Ծ. Խ.

## ՀՈՎԱԳՒՍԻ

7 տուն հայ կայ. ունին Ս. Սարգիս անունով փայտածածկ մի եկեղեցի: Քիւրդերի հետ խառն կը բնակին:

## ԸՌԿԱԻԱ

6 տուն հայ կայ. ոչ եկեղեցի ունին և ոչ քահանայ: Քիւրդերի հետ խառն կը բնակին:

## ՃԱՐԱ

Քրդաբնակ մի գիւղաքաղաք է, ուր միայն 12 տուն հայ կայ և մի եկեղեցի՝ Ս. Գէորգ անունով:

## ՂԱՐԱՐԱՂ

16 տուն հայ կայ. քար ու կիրէ մի եկեղեցի ունին: Ս. Սարգիս անունով: Հայերն խառն կը բնակին թուրքերի հետ: Այս աւանը կը գտնուի Սալմաստէն Ուրմիա ձգող ճամբի վերայ, Ուրմիոյ լճի մերձակայքը:

## ՇԷՅԹԱՆԱԻԱ

Տասն և հինգ տուն հայ կայ և ունին մի փայտածածկ եկեղեցի: Հայերն թուրքերի հետ խառն կը բնակին:

## ԱՅԱՆ

Գիւմանի արևմտեան կողմը և անորմէ մէկ ֆարսախ հեռու է: Աստ միայն 5 տուն հայ կայ. ունին փայտածածկ մի

մատուռ: Հայերն քիւրդերի հետ խառն կը բնակին:

### ՎԱՐԳԱՆ

Այս գիւղը կը կոչւի Վարդան կամ Վէրդան: Կը գտնուի Գիւմանի արեւմտեան, հիւսիսային արեւմտեան կողմը և անորմէ մէկ և կէս ֆարսախ հեռու: Ներկայիս թրքաբնակ գիւղ է, ուր կապրին նաև 20 տուն հայեր: Ունին փայտածածկ մի մատուռ՝ Ս. Գէորգ անուանով. գիւղն ունի մի քահանայ:

### 5. — ՈՒՐՄԻԱ

Այս գաւառը նոյն անունը կրող լճի արեւմտեան կողմը կիյնայ: Հիւսիսային կողմէն լեռներով կը գատուի Սալմաստ գաւառէն, արեւմտեան կողմը կը բարձրանայ լեբանց շարք մը, որով կը բաժանուի Թուրքիայէն: Իսկ հարաւային կողմը կան փոքրիկ բլուրներ, որոնցմով կանջատուի Սովուջբուլաղ գաւառէն և Սուլզուզ գաւառակէն:

Ուրմիոյ գաւառը, որ մերձ 70 գիւղ կը պարունակէ իւր մէջ, Ատրպատականի, ինչպէս և ամբողջ Պարսկաստանի մէջ շատ բերրի ու լաւագոյնս մշակած մի երկրամաս է և ունի զանազան բերքեր, որոնց մէջ գլխաւորներն են՝ խաղող, ծխախոտ, բամբակ, բրինձ, ծիրան, նուշ, ցորեն, գարի, ընկոյզ, աղ, բուրդ, մեղրամոմ, կաշեղէն և այլն:

Խաղողէ պատրաստելով սաքա և չամիչ, մեծ քանակութեամբ կարտածեն Ռուսիա և Թուրքիա. իսկ բամբակն, որմէ փոքր քանակութեամբ մը կարտածեն Վան, մանած կընեն ամենանախնական ճախարակով: Այս մանածի փոքրագոյն մասն ևս Թուրքիա կը փոխադրեն, իսկ մեծագոյն մասը կտաւ կը գործեն:

Հայերն կտաւը Սալմաստ տանելով, անդ կարմիր ու ծիրանագոյն կը ներկեն, կտանան գունաւոր կտաւ, որ տեղական բառով շիլա կը կոչուի: Շիլան Կովկաս տանելով, անդ կը վաճառեն. զայն իւր տոկունութեան համար աւելի կը գնահատեն, քան թէ եւրոպական կտաւն:

Առաջներն Սալմաստի հայերն թէ այս կտաւը ներկե-



լու գործէն և թէ կտաւի առուտուրէն բաւականին մեծ օգուտ  
կը քաղէին, սակայն վերջին տարիներս շահն ու առուտուրն  
զգալի կերպով նւազեր են:

Ուրմիոյ գաւառի բնակչաց ամենամեծ մասը թուրքեր  
են: Քրիստոնեաները բաղկացած են քաղզէ-ասորիներէ և հա-  
յերէ: Ըստ գնդապետ Սթուարթի, որ ամերիկացի միսիոնար-  
ների 1889-ի շնչագրութեան վերայ կը հիմնէ իւր տեղեկագր-  
ութիւնը, Ուրմիոյ, Սալմաստի և Ատրպատականի ուրիշ տե-  
ղերի քաղզէ-ասորիների թիւն կը հաշւէ 46,400: Ասոնց ամենամեծ  
մասը նեստորական են, փոքրագոյնը կաթոլիկ, ամենափոքր  
մասը՝ բողոքական:

### ՈՒՐՄԻԱ ՔԱՂԱՔԸ

Այս քաղաքն Ստրաբոնէ յիշւած է Թեբաոնա անունով:  
Կը գտնուի գաւառի գրեթէ կենտրոնին մօտերն: Լճի արևմտեան  
եզրէն միայն երկու ֆարսախ հեռու է: Շատերն Ուրմիան կը  
համարեն Զրաղաշտի ծննդավայրն: Սա Ատրպատականի ամե-  
նահին քաղաքներէն մէկն է, և ըստ Զորջ Ռոյինսընի՝ իւր ա-  
նունն ստացեր է զայն տիրող հայ ցեղերէն մէկի անունէն:

Մեր նախնի հեղինակաց մէջ ասոր վերայ որևէ տեղե-  
կութիւն չկայ: Միայն Յայսմաւուրքի մէջ կը յիշուի «Նկն ի  
Հայս և Յուդա առաքեալ, այն է Թաղէոս մին յերկոտասանից  
և կատարեցաւ յՈրմի քաղաք և թաղեցաւ անդ»:

Կարևոր է Գանձակեցւոյ տեղեկութիւնն, որով կըսէ.  
«Որմի քաղաք, որոյ բնակիչք ընդ կիսոյն և առաւել ևս հայք  
էին, առեալ նորա գքաղաք, կոտորեաց 700 հոգիս ի թուրքաց,  
այլ ի հայոց ապրեցոյց միայն զմանկունս և զաղջկունս և  
զմնացեալսն առհասարակ ի սուր եհան և ոչ եթող անդ և ոչ  
հայ մի»: Այսպիսով կերևի, որ մինչ 15-րդ դարի սկիզբը բը-  
նակիչները մեծագոյն մասը հայեր էին:

Արդի քաղաքը խրամով և կիսաւեր պատնէշով շրջա-

պատուած մի տեղ է: Ըստ ոմանց 50,000, ըստ այլոց՝ աւելի  
քիչ բնակիչ ունի: Քաղաքի մէջ պարտէզներ շատ կան և իւ-  
րաքանչիւր տուն իւր մեծութեան համեմատ պարտէզ մը ու-  
նի: Քաղաքի մէջ 500 տան շափ քաղզէա-ասորի կայ, բաժանւած  
երեք դաւանութեանց՝ նեստորական, կաթոլիկ և բողոքական:  
Աստ երեք առաքելութիւն կայ՝ ամերիկեան բողոքականք, որք  
1834 թւականէ ի վեր հաստատուեր են. ֆրանսացի կաթոլիկ  
լազարիստներ, որք առաջիններէ երկու տարի ետքը եկեր են  
և անգլիքաններ, որք 1886-էն ի վեր եկեր են: Իւրաքանչիւր  
առաքելութիւն ամէն ջանք ի գործ կը դնէ նեստորականներն  
իւր դաւանութեան դարձնել: Ինչո՞ւ էջմիածին ևս մինչ այսօր  
առաքելութիւն մը չըրկեց, գէթ փորձ մը չըբաւ նեստորական-  
ներն ու եաղուբիներն, որք մեզ աւելի դիւրաւ կը յարեն  
քան թէ եւրոպացւոց, լուսաւորչականութեան դարձնելու:

Անգլիքաններն կը բնակին Նանա Մարիամ թաղը, ուր  
գետին մը գնելով, մեծ տուն մը և վարժարան մը շիներ են:  
Ասոնք աւելի թուրքիոյ նեստորականներն և մանաւանդ Գիա-  
րի նահանգի զաւակներն կը թելու մտադիր են: Նորոգ տպա-  
րան մը բերել տւեր են և հրատարակութիւններ ու գրքեր  
տպելու վրայ են:

Լազարիստները կը բնակին Ֆաթալիխան կոչւած թաղը:  
Ընդարձակ պարտիզով տուն մը ունին, որի բակին մէջ կը  
գտնուին ևս բաւականին զարդարուն եկեղեցի մը և քանի մը  
սրահներ՝ աշակերտաց համար:

Ասոնք ունին մի տպարան, ուր ասորերէն լեզուով կըրօ-  
նական գրքեր կը տպեն: Առանձին տան մէջ կը բնակին ֆը-  
րանսացի վեց քոյրեր (կոյսեր): Ասոնք մի որբանոց ունին,  
ուր 40-ի շափ տեղացի և 30-ի շափ զրտէն բերւած աշակեր-  
տուհիներ ասորերէն ու կար կը սովորին:

Ամերիկացիք ևս Նանա Մարիամ թաղը կը բնակին. ու-  
նին ընդարձակ շէնքեր՝ բնակութեան, վարժարանի և տպա-  
րանի համար: Բացի կրօնական գրքերէ, ասորերէն լեզուով կը-

բօնական մի թերթ ևս կը հրատարակեն: Ասոնց աւելի մեծ հաստատութիւնն այժմ կը գտնուի Ղալա կոչւած արուարձանին մէջ, որ քաղաքի արեւելեան կողմը և անորմէ մերձ 3 քիլօմետր հեռու է:

Ղալան ընդարձակ պարտէզներով մի գետին է, շրջապատւած հաստ պարիսպով: Աստ կառուցւած են զանազան շէնքեր: Քառակուսի տուն մը գլխաւոր բնակութեան համար, ուրիշ մը ևս բժշկի համար և երկու մեծ, քառակուսի շէնք, որք կը ծառայեն իբր հիւանդանոց:

Իմ տեսած ատեն (1890 Հոկտեմբեր) այս վերջին երկուքը դեռ բոլորովին լրացած չէին: Բացի ասոնցմէ, կան տարբեր մեծութեամբ վեց սրահներ: Ասոնցմէ առաջինի մէջ քսանի չափ փոքր երեսայք ասորերէն ընթերցանութիւն կը սովորէին, երկրորդին մէջ, որ պատրաստական պիտի լինէր, 40-ի չափ աշակերտք կային, երրորդի մէջ 60-ի չափ աւելի՛ յառաջադէմ ուսանողք կը պարապէին, իսկ չորրորդին մէջ 9 աշակերտք աստուածաբանութիւն և 6 ուսանողք բժշկական գիտութիւն կը սովորէին: Այս սրահներին մերձ կային ևս երկու մեծ սրահք, որոնց վարինը ճաշարան էր և վերինը ննջարան. կար ևս մի գրադարան, ուր բացի անգլիերէն ու նորատիպ ասորերէն գրքերէ, կար հին ասորերէն գրչագրերի փոքրիկ հաւաքածոյ մը ևս: Վերջերս սկսեց էին թանգարան մը կազմել, ուր կը հաւաքէին Դիզալա կոչւած գիւղի մը մօտ գտնուող թումբէ մը ելած խեցեղէններ, աղիւսներ և այլն, որք պատմական շրջանին կը պատկանին:

Աշակերտներին բացի ասորերէնէ, կուսուցանէին ևս անգլիերէն ու պարսկերէն: Ըստ գլխաւորի աստութեան, այս հաստատութեան ծախքերն ընդամենը 10,000 դրարի կը բարձրանան տարին: Ուրմիոյ ամերիկեան հաստատութեանց գլխաւորն և գոքտոր Շէդ (վարժարանների տեսուչն), որոնց առաջինը 20 տարիէ և երկրորդը 32 տարիէ ի վեր այս երկիրը կը բնակին, կը գտնէին, որ ամենամեծ տարբերութիւնը հա-

յոց և ասորիների միջև այն է, որ հայերը փոքրիկ դրամադրութիւ մը ձեռք բերելէ ետքը դործի մը սկիզբ կը դնեն և ընդհանրապէս հետզհետէ վիճակնին կը բորւոքեն, իսկ ասորիներն աշխատութեամբ կամ բախտի բերմամբ մեծ կամ փոքր դրամազլխի տէր դառնալէ ետքը ինքզինքնին զւարճութեան և կերուխումի կը տան և դրամազլուխն սպառելով, նորէն բանու բրիչ ձեռք կառնեն և մշակութեան կը դիմեն:

Ուրմիա քաղաքին մէջ ընդամենը 22 տուն հայ կայ, որք Յաթալիխան թաղը կը բնակին ասորիների և թուրքերի հետ խառն: Հայերն քաղաքի մէջ եկեղեցի չունենալով, մօտակայ Չարբաշ գիւղի (քաղաքէն կէս ժամ հեռու) եկեղեցին կերթան աղօթելու:

1889-ին, Ուրմիա քաղաքի մէջ բնակութիւն ունեցող սալմաստեցի ու թաւրիգեցի հայ վաճառականների նախաձեռնութեամբ սկսեց էին եկեղեցւոյ մը հիմնարկութիւնն ընել: Սոյն ժամանակներն Ատրպատականի առաջնորդ Ստեփաննոս եպիսկ. Մխիթարեանն իւր թեմին այցելութեան դացած լինելով, Ուրմիա կերթայ: Ժողովուրդն իրեն կը դիմէ թէ նպաստ խնդրելու եկեղեցւոյ շինութիւնն առաջ տանելու համար և թէ իւր աջակցութիւնն՝ Թաւրիգ և այլուր հանգանակութիւն բանալու համար: Մխիթարեան եպիսկոպոս այդ խնդիրն անուշադիր կը թողու և կը մեկնի: Տեղացի հայերն ընդհանրապէս արհեստներով կը պարապին: Գարոց չունենալով, իրենց զաւակները բողոքականաց դպրոցը կը զրկէին: Վերջերս դպրոց մը բացեր են:

Ստորև կը ներկայացնենք Ուրմիոյ գաւառին հայաբնակ գիւղերը:

### ՋԱՄԱԼԱԻԱ

Մի մեծ գիւղ\*) է, ուր թուրքերն, հայերն, նեստորա-

\*) Հնդկակը Ջամալաւա գիւղը նուազանչ Է Սալմաս գա-

կան ու բողոքական ասորիներն խառն կը բնակին: Հայերը միայն 5 տուն են և Ս. Նշան անունով փայտածածկ մի եկեղեցի ունին:

### ՉԱՐԲԱՇ

Քաղաքի արևմտեան կողմը և անորմէ մէկ և կէս քիլոմետր հեռու, ասորաբնակ մի գիւղ է: Աստ 16 տուն հայ կը բնակին և մի եկեղեցի ունին Ս. Աստուածածին անունով: Գիւղին մօտերն կայ մի մեծ գերեզմանատուն, ուր հայերն ու նեստորական, կաթոլիկ և բողոքական ասորիներն կը թաղւին:

### ՌԱՀԻԱ

Այս գիւղը 85 տուն բնակիչք ունի, որոնցմէ 55 տուն հայ, իսկ մնացեալն նեստորական ու բողոքական ասորիներ: Հայերն ունին թրծուն աղիւսէ շինւած մի եկեղեցի, մի քահանայով: Ըստ «Արմենիա» լրագրի տւած տեղեկութեան՝ այս գիւղն ունի հարիւր տուն հայ, որոնք ունեն մէկ դպրոց նաև:

### ԻՔԻ ԱՂԱՁ

Աստ կան 40 տուն հայեր, որք նեստորական ու բողոքական ասորիների հետ խառն կը բնակին: Հայերն ունին Ս. Սարգիս անունով մի եկեղեցի:

Լառի գիւղերի շարքում՝ ձիւս է, զսնում է Սալմասին մօտիկ, Ուրմի սանող խնուղու վրայ, սակայն վարչական բաժանումով միւս պատկանել է Ուրմիոյ գաւառին: Մեցն յարմար գտնւի այս սնդափոխութիւնը կատարել, Ուրմիոյ գաւառի հայաբնակ գիւղերի ցանկն ամբողջացնելու նկատմամբ: Ծ. Խ.

### ՇԻՐԱԲԱԴ

Աստ 17 տուն հայ կայ, ոչ քահանայ ունին և ոչ եկեղեցի: Համաբնակ են նեստորական, բողոքական ու կաթոլիկ ասորիների հետ:

### ՂԱՐԱՋԱՂՈՒ

Աստ 9 տուն հայ կայ, որք Ս. Սարգիս անունով փայտածածկ մի եկեղեցի ունին: Կը բնակին նեստորական, բողոքական ու կաթոլիկ ասորիների հետ խառն:

### ՍՈՒՓՈՒՐՂԱՆ

Աստ 9 տուն հայ կայ, որք Ս. Սարգիս անունով փայտածածկ մի եկեղեցի ունին. նեստորական, բողոքական և կաթոլիկ ասորիների հետ խառն կը բնակին:

### ԱԴԱ

Աստ 19 տուն հայ կայ, փայտածածկ մի եկեղեցի ունին և համաբնակ են կաթոլիկ, բողոքական ու նեստորական ասորիների հետ:

### ՆԱԽՉԻԱՆ ԹԱՓԱ

Աստ 44 տուն հայ կայ և կամարակապ մի եկեղեցի ունին. ըստ «Արմենիա» լրագրի՝ աստ 160 տուն հայ կայ, որք մի եկեղեցի և 4 քահանայ ունին: Այս տեղեկութիւնն աւելի հաւանական կը կարծենք:

### ԻՍՍԱՆՈՒ

Աստ 20 տուն հայ կայ. փայտածածկ մի եկեղեցի ունին. ըստ «Արմենիա» լրագրի՝ 40 տուն կայ:

### ԽԱՆԲԱԲԱԽԱՆ

Աստ 15 տուն հայ կայ. ոչ եկեղեցի ունին և ոչ քահանայ. համաբնակ են թուրքերի ու ասորիների հետ:

### ԳԵԱՐԴԱԲԱԴ

Ուրմիոյ հիւսիսային կողմը և անորմէ մերձ մէկ ֆարսախ հեռու մի մեծ գիւղ է: Աստ 150 տուն հայ կայ և մի եկեղեցի ունին: Ըստ ոմանց 100 տուն, ըստ «Արմենիա» լրագրի՝ 150 տուն հայ կայ, մի եկեղեցի ունին, 4 քահանայ և մի դպրոց:

### ՂԸԶԸՂԱՇՈՒՂ

Կը գտնուի Ուրմիոյ հիւսիսային կողմը և անորմէ  $3/4$  ֆարսախ հեռու. ծառաւէտ մեծ գիւղ է: Աստ միայն 9 տուն հայ կայ. ոչ եկեղեցի ունին և ոչ քահանայ. խառն կը բնակին նեստորական ու կաթոլիկ ասորիների հետ:

### ԲԱՂԲԱՅԼՈՒ

Աստ 11 տուն հայ կայ. մի փայտածածկ եկեղեցի ունին. համաբնակ են ասորի նեստորականների հետ:

### ԳԻԳԵԱՂԱ

Աստ 7 տուն հայ կայ. մի եկեղեցի ունին և համաբնակ են բողոքական, նեստորական ու կաթոլիկ ասորիների հետ: Ինչպէս

յիշեցաւ, այս գիւղին մօտ բլրակ մը կայ, ուր պեղումներ ընելով, աղիւսներ ու խեցեղէն ամաններ կը գտնեն:

### ԱՂՁԱՂԱՂԱ

Աստ 9 տուն հայ կայ. մի փայտածածկ եկեղեցի ունին. համաբնակ են թուրքերի հետ:

\*  
\* \*

Ուրմիոյ գաւառի հայոց վիճակագրութիւնը լրացնելու համար յիշատակենք, որ Առաջնորդարանի շնչագրական տետրակին մէջ գրւած է, թէ նոյն գաւառին մէջ կապրին որոշ թւով հայեր, որոնք ցրւած են հետեւեալ թրքաբնակ և ասորաբնակ գիւղերի մէջ: Ոչ եկեղեցի ունին և ոչ քահանայ:

Ղարաղըզ 4 տուն, Ենգիշա 3 տուն, Սանիշան 4 տուն, Ղարազեոզ 2 տուն, Զէյնալու 4 տուն, Չամաքի 1 տուն, Իսալու 1 տուն, Զիշաքլու 2 տուն, Ղարաղաջ 4 տուն, Սանդեառ 1 տուն, Ալղիան 3 տուն և այլն:

## 6. — ԲԱՐԱՆԴՈՒՋ

Այս դաւառակն կը գտնուի Ուրմիա քաղաքի հարաւային արեւմտեան կողմը և անորմէ 1 օրուան կարաւանի ճամբայ հեռու է. իւր մէջ կը գտնուին հետեւեալ հայաբնակ գիւղերն. —

### ԴԻՉԱԹԱՔԱ

Աստ 22 տուն հայ կայ. ունին փայտածածկ մի եկեղեցի: Համաբնակ են թուրքերի ու բողոքական ասորիների հետ. ըստ «Մշակ» թերթի, աստ 40 տուն հայ կայ:

### ՍԱՀԱԹՂՈՒ

Աստ 9 տուն հայ կայ: Եկեղեցի չունին և թուրքերի ու ասորիների հետ խառն կը բնակին: Ըստ «Մշակ»-ի՝ 15 տուն հայ կայ:

### ԲԱՂԱՆԻՇ

Աստ 18 տուն հայ կայ. ոչ եկեղեցի ունին, ոչ քահանայ. համաբնակ են թուրքերի, քիւրդերի ու ասորիների հետ:

## ԹՈՒՄԱԹԱՐ

Աստ 23 տուն հայ կայ: Ս. Յովհաննէս Կարապետ անունով փայտածածկ մի եկեղեցի ունին և համաբնակ են քիւրդերի ու թուրքերի հետ:

### ՔԻԻՔԻԱ

Եօթը տուն հայ կայ: Ս. Սարգիս Զօրավար անունով ստորերկրեայ մի եկեղեցի ունին: Այս եկեղեցին ի ներքուստ շինուած է թրծեալ աղիւսէ և խաչաձև ու կամարակտպ շատ հին շինութիւն մը կերևի: Քահանայ չունին: Համաբնակ են թուրքերի և քիւրդերի հետ:

### ԲԱԲԱՌՈՒ

Աստ 38 տուն հայ կայ: Ս. Աստուածածին անունով փայտածածկ մի եկեղեցի ունին, առանց քահանայի: Համաբնակ են ասորիների հետ: Ըստ «Արմենիա» լրագրի՝ այս հայաբնակ գիւղն 150 տուն ժողովուրդ ունի. հայերէն չեն գիտեր և քիւրդերէն ու թուրքերէն կը խօսին:

### ԳԱՐԲԱՌՈՒ

Աստ 24 տուն հայ կայ ոչ եկեղեցի ունին և ոչ քահանայ: Համաբնակ են ասորիների և թուրքերի հետ: Ըստ «Մշակ»-ի՝ հայոց թիւն է 32 տուն:

### ՍԱՐԳԱՐՈՒԳ

Աստ 18 տուն հայ կայ. եկեղեցի չունին և համաբնակ

են ասորիները հետ:

\* \* \*

Ըստ «Մշակ» լրագրի, Բարանդուզ գաւառակի մէջ հայեր կը բնակին այլ ազգաց հետ նաև հետևեալ գիւղերի մէջ. — Ղասըմլու 10 տուն, Թաղադիւղ 25 տուն, Թոռմալու 10 տուն: Ասոնք հայերէն չգիտեն. թրքախօս են:

## 7. — ՍՈՒԼԴՈՒԶ

Այս գաւառակը կը գտնուի Ուրմիոյ լճի հարաւային, արևմտեան հարաւային կողմը: Շատ բարեբեր հող ունի: Այս գաւառակի մէջ կը գտնուին հետևեալ հայաբնակ գիւղերն. —

### ՆԱՂԱԴԻՅ

Այս գիւղաքաղաքին մէջ 36 տուն հայ կայ, ունին Ս. Սարգիս անունով փայտածածկ մի եկեղեցի: Միւս բնակիչներն են Ղարափափախ կոչւած թուրքեր, քիւրդեր և հրեաներ:

### ԳԵՕՐՆԱԻԱ

Աստ 7 տուն հայ կայ, ունին մի եկեղեցի, առանց քահանայի, համաբնակ են քիւրդերը և ասորիները հետ:

### ՔԱՐԻԱՆՍԱՐԱ

Աստ 8 տուն հայ կայ և քիւրդերը ու ասորիները հետ խառն կը բնակին:

### ՌԱՀԴԱՆԱ

Աստ 8 տուն հայ կայ և Ղարափափախների, քիւրդերը ու ասորիները հետ խառն կը բնակին:

## ԱՂԲԷԳՆՈՒ

Աստ 5 տուն հայ կայ. մի մատուռ ունին, առանց քահանայի: Ղարափափախների, քիւրդերի ու ասորիների հետ խառն կը բնակին:

## ԲՈՐԱՆԻ

Աստ 7 տուն հայ կայ. կը բնակին քիւրդերի ու զարափափախների հետ խառն:

## ՄԱՄԱԳԵԱՐ

Աստ 21 տուն հայ կայ. ունին մի եկեղեցի. քիւրդերի ու ասորիների հետ խառն կը բնակին:

## ՍՈՎՈՒՋԲՈՒԼԱՂ

## 8. — ՍՈՎՈՒՋԲՈՒԼԱՂ

Այս գաւառը Սուլղուզի հարաւային, արեւելեան հարաւային, իսկ Ուրմիոյ լճի հարաւային կողմը կը գտնուի: Ունի բազմազան բերքեր, որոնց մէջ գլխաւորներն են՝ ցորեն, որ շատ առատութեամբ կայ, գարի, բրինձ, ծխախոտ, բուրդ, քեթիբա, գխտոր, արջառ, ոչխար, այծ, ջրշունի, գայլի և աղւէսի մորթի, գորգ և կարպետ:

Այս գաւառի բոլոր բնակիչներն, ամենաչնչին բացառութեամբ, կը կազմեն քիւրդերը:

Գլխաւոր քաղաքը, որի անունով գաւառը կոչւեր է, Ուրմիոյ լճի եզրէն մերձ ութ ֆարսախ հեռու է: Այս քաղաքը ձորակերպ գետնի վերայ է և մասամբ իւրիք լեռներով պատած է:

Ամռանը խիստ տաք է. կլիման կարելի է ըսել անառողջ է. քաղաքի մէջէն կանցնի գետակ մը, որի մէջ շատ ձկներ կան: Բնակչաց թիւն կը հասնէ 9000-ի: Ասոնց ամենամեծ մասը քիւրդ է, իսկ փոքրագոյնը՝ թուրք և հրեայ: Աստ կը բնակին տասն տուն հայեր, որք գլխաւորապէս Թաւրիզէն գացեր և այնտեղ հաստատուեր են. ասոնք վաճառականներ ու արհեստաւորներ են, որոնց թիւը յար փոփոխման մէջ է: Ունին Ս. Յովհաննէս Կարապետ անունով փայտածածկ մի եկեղեցի, մերթ քահանայով և մերթ առանց քահանայի:

Այս գաւառին մէջ հայեր կապրին նաև հետեւեալ գիւղերն. —

## ԳԱՐԱՇԷՔ

Աստ 20—25 տուն հայ կայ. ունին Ս. Սարգիս Զօրա-

վար անունով մի եկեղեցի և համաբնակ են քիւրդերի և բն-  
ղոքական ու նեստորական ասորիները հետ:

### ՂԸԶԸԼՂՕՔԻ

Աստ 10 տուն հայ կայ. ունին փայտածածկ եկեղեցի մը:  
Քիւրդերը հետ խառն կը բնակին:

### ԿԱՖԻՍ

Աստ 10 տուն հայ կայ:

Վերի 3 գիւղերն իրարմէ միայն  $\frac{1}{2}$  ժամ հեռու են,  
բացի երկրագործութենէ, կգբաղին նաև ջուլհակութեամբ: Ա-  
մէնքն ալ քրդական տարագով զգեստ կը հագնին:

0409 140700

### 9— ՄԻԱՆԴԱՌ

Միանգաբ կամ Միանդուար (երկու ջրի միջև), փոքր  
քաղաք է, որ Ուրմիոյ լճի արևելեան հարաւային կողմը և  
Զղաթա գետի ձախ կողմը կը գտնւի և Սովուջբուլաղէն մերձ  
7 ֆարսախ հեռու է: 1880 թւին, քիւրդերի ասպտամբութեան  
ժամանակ, այս քաղաքը գրաւեց Շէյխ Աբդոլլայի որդին՝ Աբ-  
գիւլ Ղադրը. ընդհանուր կոտորածի ատեն, բազմաթիւ տեղա-  
ցի թուրքերի հետ, հայեր ևս սպանւեցան:

Միանգաբ քաղաքի բնակչաց թիւը այժմ մերձ 3000 է,  
որոնցմէ մօտ 400-ը հրեայ և 120-ը հայ, իսկ մնացեալը քեր-  
մանցի զաղթական պարսիկներ են:

Հայերն արհեստով ու երկրագործութեամբ կը պարա-  
պին: Ունին Ս. Աստուածածին անունով փայտածածկ մի մատուռ:

Աստ խաղողի շատ ընդարձակ այգիներ կան:

Այս քաղաքէն մերձ 3 ֆարսախ դէպի Ուրմիոյ լիճը կը  
գտնւին հին Միանգաբի աւերակներն: Ըստ Ռոլինսընի՝ աստ  
բեկեղիւր արձանագրութիւն մը կայ, որ փորագրւած կը հա-  
մարւի 6—8-րդ դարին (Ք. ճ. ա.) Վանի միապետներէ, ի  
յիշատակ մարաց վրայ իրենց տարած յաղթութեան: Վերջերս  
տեղեկացայ, որ գերմանացի հնախոյզ Լեման և Բէլք այս-  
տեղ այցելելով, արձանագրութեան ամենամեծ մասը կտրե-  
լով՝ տարեր են: Խաչիկ Ծ. Վարդպ. Տատեան, 1899-ին, ասոր  
միայն մի փոքրիկ մասը տեսեր էր, որ աւերւած է բոլորո-  
վին: Վերջինս աստ գտեր է մի քահանայի կնոջ տապանաքա-  
բը, որ ՌՃԱ թւականը (1652) կը կրէ:



## ՍՈՆՐՈՒՂ ԹՎՓԱ

Աստ 10 տուն հայ կայ. ոչ եկեղեցի ունին և ոչ քահանայ. կը բնակին թուրքերի ու քիւրդերի հետ խառն:

## ՂԱՐԱՎԵՐԱՆ

Ջղաթա գետի աջ կողմը և Միանդաբէ  $\frac{1}{4}$  Փարսախի վերայ է:

Աստ 40 տուն հայ կայ. ունին փայտածածկ մի եկեղեցի. կը բնակին թուրքերի հետ խառն:

## ԹՈՎՂԱ

Այս գիւղն վերջերս հիմնւեր է: Վերը յիշատակւած մերձակայ երեք տեղերէն հայերն սկսեր են աստ բնակիլ, այնպէս որ այժմ մերձ 40 տուն հայեր կապրին այս գիւղն:

## 10. — ՄԱՐԱՂԱ.

Այս գաւառն Ուրմիոյ լճի արևելեան, հարաւային արևելեան և Թաւրիզի հարաւային կողմը կը գտնւի: Գլխաւոր քաղաքը, որ նոյնպէս Մարաղա կը կոչուի, Թաւրիզէն 18 Փարսախ հեռու է: Քաղաքը կը գտնուի Սօֆի գետի ափին:

Մարաղան Ատրպատականի ամենահին քաղաքներէն մէկն է: 14-րդ դարին մէջ, մոնղոլեան տիրապետութեան ժամանակ, շատ բարգաւաճ ու ծաղկեալ վիճակի մէջ էր, և թաթարաց միապետներէն Հուլաղու խան իւր մայրաքաղաքը ըրաւ: Տակաւին կանգուն մնացեր է այն հոյակապ դիտարանը, որն Հուլաղու խանի հրամանով շինւեցաւ և ուրկէ նասրէդդինը աստղերը կը դիտէր և իր նկատողութիւններն կարձանադրէր: Այս դիտարանը մի կլոր աշտարակ է, թրծուն աղիւսով շինւած: Ներսի կողմը քուֆի գրերով արաբերէն գրւած քներ կան: Որքան կը յիշեմ, մէջէն 11—13 մեթր բարձրութիւն և 6—8 մեթր լայնութիւն ունի:

1828 թւի սկիզբներն այստեղէ ևս շատ հայ բնտանիքներ, իրենց տուն-տեղը թողնելով, ուրիշ հայերի հետ կովկասեան Հայաստան գաղթեցին:

Քաղաքի արդի բնակչաց թիւը մերձ 30,000 է: Ճշտիւ չեն գիտեր, թէ հայերն երբ սկսեր են այստեղ բնակութիւն հաստատել: Արդեօք մարաց շրջանի ժամանակ, թէ՞ ետքերը: Սակայն, այս ստոյգ է, որ 14-րդ դարի սկիզբներն բազմաթիւ հայեր կային և հաւանաբար ալ աւելի շատցան, երբ Մարաղա մոնղոլեան տէրութեան մայրաքաղաքն եղաւ:

Առաջին անգամ աստ հաստատուեցաւ, նոյն դարին մէջ, Յովհաննէս ԻԲ պապէն ղրկեաձ Դոմինիկեան կարգէն Բարդուղիմէոս լատին վարդապետն, որի յաջորդներն և մանաւանդ աշակերտողներէն ոմանք, որք յայտնի են Միաբանասեր անլամբ, այնչափ կրօնական վէճեր յարուցին և գժտութիւններ ձգեցին հայ ազգի մէջ:

Քաղաքի օգն բարեխառն է, շատ ընդարձակ այգիներ ու մրգաստաններ ունի. պտուղներն առատ են ու հանազան, որոնց մէջ յիշելու է խաղողն, որմէ կը շինեն սաքզա ու շամիչ, զորս մեծ քանակութեամբ Ռուսիա կը տանին: Աստ 1878-ին 63 տուն հայեր կային: Տեղիս հայերն, զրեթէ ամէնքն ալ անհետով, գլխաւորապէս հիւսնութեամբ կը պարապին: Թրքախառն, տղեղ ու աղքատ մի բարբառ ունին:

Մինչ այս թլականը, իմ այնտեղէ անցած ատեն, վարժարան չունէին: Այնուհետև բողոքական միսիոնարներն վարժարան մը բացին, որմէ հայերն ևս զրդւելով՝ առանձին զըպրոց մը հաստատեցին. յուսալի է, որ այս հաստատութիւնը մեծապէս օգտաւէտ լինի ժողովրդեան: Ըստ առածս վերջին տեղեկութեանց, Մարաղայի հայ տների թիւը այժմ 120-էն աւելի է և օրէ օր աւելնալու վերայ է: Բացի բնիկներէ, շուրջ 30 զրսեկներ կան, մեծ մասամբ թաւրիզեցի հայեր, որք մրգեղէնի առուտուրով կը պարապեն:

#### ՓԵՆՏՐԱՒԱ

Մարաղայէ 1/2 ֆարսախ հեռու մի մեծ գիւղ է, ուր 30 տուն հայ կար, բայց հետզհետէ Մարաղա գաղթելով, այժմ միայն 6 տուն մնացեր է: Այս տեղի հայերն արհեստով մեծ մասամբ հիւսնութեամբ կը պարապեն: Մի եկեղեցի ունին: Թուրքերի հետ խառն կը բնակին:

#### ԱՂԱՋԱՐԻ

Այս գիւղը 2 տուն հայ կայ: Ս. Սարգիս անունով մի եկեղեցի ունին և թուրքերի հետ խառն կը բնակին:

#### ԽՈՋԱՄԻՐ

Այս գիւղը 3 տուն հայ կայ. ոչ եկեղեցի ունին և ոչ քահանայ:

#### ՂԱՍՋՈՒՂ

Այս գիւղը 10 տուն հայ կայ: Փայտածածկ մի եկեղեցի ունին: Համաբնակ են թուրքերի հետ:

Սոյն անունով գաւառի գլխաւոր քաղաքն է, Թաւրիզի արեւմտեան կողմը և անորմէ մերձ 32 ֆարսախ հեռու:

Այս քաղաքը հաւանաբար Փայտակարան նահանգին մէջ պարունակւած էր: Գեռևս Գ. դարի մէջ այստեղ հայեր կային, քանզի ըստ Չամչեանի՝ Ս. Գր. Լուսաւորիչն այս քաղաքի վերայ ձեռնադրած էր Աբրահամ անունով մի եպիսկոպոս, որն սպանւեց այլ քրիստոնեաների հետ, Շապուհի հրամանով:

Ըստ Հ. Ալիշանի՝ Արդաբիլ Զ. դարի մէջ յիշւած է Պըրոկոպիոսէ իբր գլխաւոր վաճառականատեղիներէ մէկն, ուրկէ վաճառք անցնելով կը տարւէին Վարդանակերտ, Փայտակարան և Կասպից ծով:

Մեր հեղինակաց մօտ մասնաւոր տեղեկութիւնք չենք գտներ. միայն Կիրակոս Գանձակեցի կը պատմէ, թէ՛ «Չաքարէ և Իւանէ չոզան (ժԳ դար) զօրօք բազմօք ի քաղաքն Մարանդ, և առին զնա և աւերեցին զգաւառն, որ շուրջ զնոքօք, և ապա զնացին յԱրտաւիլ քաղաք, նմանապէս առին զնա» և այլն\*):...

Արդաբիլի մէջ է Սաֆաֆեան թագաւորաց նախահօր՝ Շէյխ Սէֆիի գերեզմանը:

Ռուսներ 1827-ին առին այս քաղաքը: Գրաւած ուրիշ իրերին մէջ պէտք է յիշել հռչակաւոր զբառունն, որի հազա-

\*) Կիրակոս Գանձակեցի, էջ 107, սպեալ Մոսկուա, 1858 թ.

ղիւտ ձեռագիրներն փոխադրւեցան Պետերբուրգի կայսերական զբառունն:

Դարիս սկիզբներն Արդաբիլ թէև Տփլիսէ, Դերբենդէ և Բաքուէ զէպի Թեհրան և Սպահան տանող տեղ մը չէր, սակայն Կասպից ծովին վերայ նաւերի և մանաւանդ շոգենաւերի երթիւկութիւն հաստատուելէ ետքը սկսաւ ծաղկիլ և վաճառականական կենտրոն մը դառնալ: Ատրպատականէ Ռուսիա (Բաքու, Աստրախան) և Ռուսիայէ Ատրպատական փոխադրելիք ապրանաց համար:

Արդի հայ բնակիչք, որք մերձ քսան տուն են, ամենքն ալ նորեկ են. գլխաւորապէս Թաւրիզէն եկած և առհասարակ վաճառականութեամբ կը պարապին: Մի փայտածածկ մատուռ և մի փոքրիկ դպրոց ունին\*):

\*) Ըստ Զաֆարէ սարգաւազի պատմութեան, Շահ Աբբաս Հայաստանէ հանած երեսասարդներէ մի շատ փոքր թիւ Արդաբիլ բնակեցուց, Ասոնք փոքրիկ, փայտակերտ եկեղեցի մը շինեցին, Հնգհնէ բազմանալով՝ եկեղեցին անբաւական դարձաւ ժողովուրդին համար. երբ ուղեցին անոր մէկ կողմը քանդել, մեծցնել, ամբոխն գրոհ տալով, զայն ի հիմանց տապալեց, Հայոց գանգաւի վերայ, Շահի հրամանով, զգոռոցները պարտաւորեցան իրենց ծախսովը նոր եկեղեցի շինել տալ հայոց համար:

Այս շրջանն կը մտնէ հին Փայտակարան նահանգին մէջ: Ամէն հաւանականութեամբ, Փայտակարանն իւր անունն ստացեր է անտառների և ընդարձակ ծառաստանների շատութենէն: Ըստ հայ մատենագիրների, պատմական 15 նահանգներէն մէկը կը գտնւէր Հայաստանի արևելեան հիւսիսային կողմն, ունենալով արևելեան կողմէ Կասպից ծովը, հիւսիսային կողմէ Աղւանից երկիրը, արևմտեան կողմէ Ուտիացւոց, Սիւնեաց ու Վասպուրական նահանգներն և հարաւային կողմէ՝ պարսկական Ատրպատականը և կը կոչւէր Փայտակարան:\*)

Սակայն, որո՞նք էին այն դժերն, որք Փայտակարանը կը բաժնէին պարսկական Ատրպատականէն, խիստ որոշ չէին հաւանաբար այս կողմի սահմաններն, ըստ հանդամանաց բերման, փոփոխութիւն կստանային:

Փայտակարան պատմական նահանգի մասին մանրամասն տեղեկութիւններ կը տայ Հ. Ալիշանը:

Հայոց այս նահանգն այժմ բաժանւած է ուսաց և պարսկաց մէջ: Պարսկաց ձեռքը մնացած Փայտակարանին մէջ կը գտնւին Ղարաղաղ գաւառն՝ իւր Ահար քաղաքով և Մուղանի կամ Դարանդաշտի մէկ մասն, որք Արաքսի հարաւային

\*) 1963 թ. Երևանում լոյս տեսած Հայաստանը բոս «Մշխարհացոյցի» աւիստութեան համաձայն՝ Ղարաղաղ գաւառը չի գտնուի Փայտակարան նահանգի մէջ, այլ նոյն է Վասպուրական նահանգի 26-րդ գաւառը եւ կոչուի է Պարսպասունի: Ծ. Խ.

կողմը կիյնան: Մուղանի դաշտն ընդարձակ մի տափաստան է, որ տարւայ մէկ մասն առատ խոտով ծածկւած է: Այս դաշտագետինն թափառական ցեղերի, գլխաւորապէս Շահսովան կոչւած ցեղի արօտատեղին է, ուր կերթան ձմերելու:

Ղարաղաղ, ինչպէս իւր թուրքերէն անունն ևս կը ցուցնէ, խիստ լեռնային մի երկիր է, շատ խոր ձորերով, բազմաթիւ վտակներով ու գետակներով, սակայն բաղդատմամբ այնքան ցուրտ չէ, այլ յաւէտ խոնաւ ու միղապատ: Լեռանց դաղաթներն ու բարձրութիւններն կը գտնւին աւելի երկրի արևմտեան և հարաւային կողմը, և քանի հիւսիս ու արևելք կը յառաջանան, այնչափ կը ցածրանան և Երասխի հարաւային ափերի մօտերն փոքրիկ դաշտեր ու հարթութիւններ կը դառնան, իսկ որչափ արևելք կը յառաջանան, աւելի ընդարձակութիւն կստանան, թէև այս ընդարձակ հարթադաշտերը տեղ-տեղ փոքրիկ լեռներով ու բլուրներով կընդհատուին: Այս երկրի մէջ կան անտառներ և ընդարձակ ծառաստաններ ու թփաստաններ, որոնց մէջ կը բուսնին վայրի կաղնի, բոխի, հացենի, թթենի, կեռասենի, տանձենի, ընկուզենի, նոնենի, խնձորենի, ալոճ, շլոր, զկեռ կամ զղեար, մոշ, մորի, և այլն: Կը բուսնին նաև բազմատեսակ թուփեր, բանջարեղէններ ու ծաղիկներ, որոնց յատկութեանց քննութիւնը, տեսակների դասաւորութիւնը և տեղական անունների ուսումնասիրութիւնը շատ հետաքրքրական նիւթ կընան մատակարարել:

Այս գաւառին մէջ առաջները շատ մեծ թիւով հայեր կային:

Ղարաղաղն Զանգեզուրէն և Ղարաբաղէն (Սիւնիքից և Արցախից) միայն Երասխ գետով բաժանւած լինելով, զարաղաղցիք ներկայ դարի երկրորդ քառորդէն սկսել են հետզհետէ անցնիլ Ղարաբաղ, Շուշի, և այդ տեղերէն՝ Տիֆլիս, Բաղու և Կովկասի ուրիշ կողմերն՝ գործ, բախտ որոնելու կամ արհեստով, մշակութեամբ ու մանրավաճառութեամբ պարապելու համար: Ասոնցմէ շատերը կը հաստատուին գնացած տեղերնին:

Մէկ մեծ մաս ալ խաների կամայականութիւններէն խոյս տալու կամ գործ գտնելու նպատակաւ կերթան Թաւրիզ, և այնտեղ կը բնակին: Այնպէս որ Թաւրիզի ժողովուրդի մեծագոյն մասը այժմ զարագազգիներէ կը բաղկանայ:

Ղարաղաղի հայերն ընդհանրապէս պնդակազմ, տոկուն, աշխատասէր ու խիստ խնայող են. գլխաւորապէս կը պարապեն երկրագործութեամբ, սակայն կան նաև արհեստաւորներ՝ դարբին, պայտառ, ոսկերիչ, գինազործ: Ամէն ոք, քիչ բացառութեամբ, քիչ-շատ հիւսնութիւն գիտէ:

Կանայք ընդհանրապէս աշխատասէր են ու շարքաշարացի տնական ու դաշտային ծանր աշխատութիւններէ կզբաղւին նաև կտաւագործութեամբ ու ասեղագործութեամբ. գիտեն հիւսել կարպետ և ոմանք՝ նաև գորգ:

Ղարաղաղաց բարբառը չի կրեր ոչ գրական և ոչ օտար լեզուների ազդեցութիւններ, ինչպէս ուրիշ հայ գաւառներինը: Ուստի դարերէ ի վեր մնացեր է կոշտ, անտաշ, բայց բնական վիճակի մէջ:

Ինձ մինչ այժմ յաջողած չլինելով այս գաւառն այցելել, հնարաւոր չեղաւ տեղին վերայ բնիկներէ տեղեկանալ իրենց բարբառի առանձին յատկութիւններին:

Հայերն այժմ կը բնակին Ղարաղաղի միայն Դրզմար, Մեծափարա, Մընջուան ու Քէյվան գաւառամասերի կամ «մըհալ»ների մէջ:

### ԴՐԶՄԱՐ ԳԱՒԱՌԱՄԱՍ

Դրզմար կը գտնուի Երասխի անմիջական հարաւային կողմը: Այս գաւառամասի մէջ կը գտնուին հայաբնակ հետեւեալ գիւղերն.

### ԱՂԱՂԱՆ

Լեռան մը ստորոտին վերայ հաստատուած և Արաքսէ մերձաւորապէս 2 ֆարսախ հեռաւորութեամբ մի գիւղ է: Ունի

40 տուն հայ բնակիչ, մի եկեղեցի՝ մի քահանայով, վերջին տարիներս մի դպրոց ևս շինւեցաւ:

### ՈՒՐԳԻԻԹԻՆ

Առաջինէն  $\frac{1}{2}$  ֆարսախի չափ հեռու է. աստ կը բնակին 45 տուն հայեր. ունին մէկ եկեղեցի և մի քահանայ:

### ՂՇՂԱՂ

Ուրգիւթինէն մերձ  $1\frac{1}{2}$  ֆարսախ հեռու է. ունի 30 տուն, մի եկեղեցի և մի քահանայ:

### ՍԱՐԳՈՒ

Ղշղաղէն մերձ  $2\frac{1}{2}$  ֆարսախ դէպի արևելք, քարքարոտ լեռան մը լանջին վերայ ինկած մի գիւղ է. ունի 40 տուն հայ բնակիչք, խիստ հին մի եկեղեցի և մի քահանայ:

### ԽԱՆԱԳԱՆ

Սարգուէն մերձ 3 ֆարսախ հեռու, դժարամատչելի գիրքով լեռնաձորի մը մէջ ինկած մի գիւղ է: Ասոր մեկիջները նախապէս եղեր են խիստ նշանաւոր, որոնց երբեմն կը պատկանէր Դրզմարի իշխանութիւնը: Ունի մերձ 100 տուն բնակիչք, մի քահանայ, և գեղեցիկ, քարաշէն եկեղեցի մը: Մօտը շինւած է փոքրիկ դպրոց մը, ուր աշակերտք կը սովորին ընթերցանութիւն, վայելչագրութիւն և մասամբ թւարանութիւն:

### ՂՈՒՂՈՒԴԻ

Պանագահէ մերձ 2 ֆարսախ հեռու, փոքրիկ ձորակի մը

մէջ ինկած է. ունի 20 տուն բնակիչք և փայտածածկ մատուռ մը:

### ՇԱԽԻ

Ղուլուղիէ 1½ ֆարսախ հեռու, Արաքսի ափի մօտակայքը, խիստ խոր ձորի մը մէջ կը գտնուի: Ունի 15 տուն բնակիչք և մի փոքրիկ եկեղեցի:

### ՆՈՐԱՇԷՆ

Շաւիիէ մերձ 1 ֆարսախ հեռու, բարձր լեռան մը լանջին վերայ կը գտնուի. ունի 35 տուն բնակիչք և նորաշէն եկեղեցի մը: Այս գիւղն այժմ Թաւրիզի Արամեան դպրոցի սեփականութիւնն է:

### Օ Ղ Ա

Չորակի մը մէջ ինկած, 35 տունով ու փայտածածկ եկեղեցիով մի գիւղ է. այս ևս Արամեան դպրոցի սեփականութիւնն է:

Օղա գիւղէն 3 ժամի չափ հեռու է Ս. Գէորգ եկեղեցին\*), որ ընդհանրապէս կոչւած է Յոյժի գօրաւոր և հոչակաւոր մի ուխտատեղի է: Եկեղեցւոյ մէջ եղած քարերէն մէկը

\*) Ղարաղաղի սեղագրութեանը լաւածանօր, ուսուցիչ պր. Վահան Միրզայեանից տեղեկացանք, որ Ս. Գէորգ եկեղեցին գտնուում է Ներքին Յոյժ գիւղում, որը հետագային կոչւել է Նորաեկն գիւղ: Միաժամանակ, այդ քաղաքներին գոյութիւն են ունեցել Յոյժ անունով երկու գիւղեր՝ Ներքին Յոյժ և Վերին Յոյժ, որոնց մասին այս աւիստութեան մէջ յիշատակութիւն չկայ:

Այս գաւառամասի մէջ են գտնուում նաեւ Ռաւլու, Զիագու և Լիւմա գիւղերը, որոնք նոյնպէս յիշատակւած չեն սոյն աւիստութեան մէջ, Ծ. Խ.

Ռ Ճ Թւականը կը կրէ: Նոյնպիսի մի ուխտատեղի կը գտնուի գիւղին ներքեւը: Ասոնց շրջակայ կալւածները նոյնպէս կը պատկանին Արամեան դպրոցին:

### ՄԵՇԱՓԱՐԱ ԳԱԽԱՌԱՄԱՍ

Այս գաւառամասը կը գտնուի նոյնպէս Երասխի անմիջական հարաւային կողմը և Գրղմարի արևելեան կողմը, որմէ կը բաժանուի Սալ դժւարամատչելի լեռնով, որը Արաքսի ափի մօտերէն սկսելով և ուղղակի դէպի հարաւ յառաջանալով, կը միանայ Ուսքուհ կոչւած լեռնաշղթային, որի մէկ ճիւղը կը բնայ համարելի:

Այս գաւառամասին մէջ կը գտնուին հայաբնակ հետեւեալ գիւղերն.

### ՄԶԿԻԹ

Երբեմն երևելի այս գիւղի բնակիչներն հետզհետէ ցըրւելով, վերջերս անբնակ դարձեր էր, բայց քանի տարի առաջ Թուժանեան եղբարք զնելով այս գիւղը, մերձ 24 տուն հայ բնակեցուցած են այնտեղ:

### ՈՂԱՆ

Մզկիթէ երկու ֆարսախ հեռու, 50 տնով անտառապատ մի գիւղ է: Ունի քարաշէն եկեղեցի մը, զոր մի քանի տարի առաջ Թուժանեան եղբարք կառուցեցին:

### ՔԼԱԼԱ

Ողանէ մերձ մէկ ֆարսախ հեռու է. ունի 20 տուն բնակիչք, եկեղեցի մը և քահանայ մը:

### ԳԵՐՄԱՆԱԻ

Քարքարոտ ձորի մը մէջ ինկած է Գերմանաւ կամ Գարմանաբ գիւղը: Ունի 25 տուն բնակիչք, եկեղեցի մը և քահանայ մը:

### ՄԻՔԻԴԻ

Գերմանաւէ 2½ ֆարսախ հեռու է. ունի 4 տուն բնակիչք և եկեղեցի մը:

### ՆԵՓԵՇՏ

Միքիդի գիւղէն մերձ 4 ֆարսախ հեռու է. ունի 20 տուն բնակիչք և եկեղեցի մը:\*)

### ՄՆՋԻԱՆԻ ԳԱՒԱՌԱՄԱՍ

Այս գաւառամասում գտնուում են հայաբնակ հետեւեալ գիւղերը.

### ՎԻՆԱՆ

Նեփեշտէ 2½ ֆարսախ հեռու է. ունի 24 տուն բնակիչք և քարաշէն եկեղեցի մը:

Սոյն գիւղէն ½ ֆարսախ հեռու, լեռան մը լանջին, կայ ուրիշ եկեղեցի մը՝ Ս. Յովհաննէս անուանով, որ Ղարաղաղի յայտնի ուխտատեղիներէն մէկն է:

\*) Պր. Վահան Միրզայեանի բացատրութեան համաձայն՝ սոյն գաւառամասում գտնուել են նաեւ Զարու, Շիրվան եւ Մինիդարուն հայաբնակ գիւղեր: Իսկ Ողանի մօտ, անսառում, գտնուում է մի եկեղեցի, որը նորոգուած է 1896 թին: Թումանեան եղբայրների ծախսով: Ծ. Խ.

### ՍԵՒԱՆՈՂ

Վինանէ 3 ֆարսախի չափ հեռու է. ունի 30 տուն բնակիչք և եկեղեցի մը:

### ՔԱՐԱԳՂՈՒԽ\*)

Ունի 20 տուն բնակիչք, եկեղեցի մը և քահանայ մը:

### ԱՄՐԱԴՈՒԼ

Ունի 20 տուն բնակիչք և փոքրիկ եկեղեցի մը:

### ՔԷՅՎԱՆԻ ԳԱՒԱՌԱՄԱՍ

Այս գաւառամասն ունի հայաբնակ հետեւեալ գիւղերը.

### ՍՈՒՐՈՒՆ

Այս գիւղը կը կոչուի Սուրուն կամ Սիրուն: Ունի 20 տուն և փայտածածկ փոքրիկ եկեղեցի մը:

### ԲԵՐԳԻՆՏՔ

Այս գիւղն, որ կոչուում է նաև Բերդ, ունի 26 տուն բնակիչք:

### ԱՍՐԱՆ

Գեղեցիկ դիրքով, ընդարձակ արտերով և առատ ջրերով մի գիւղ է. ունի 20 տուն բնակիչք:

\*) Այս գաւառամասում, հետագային, Քարագլուխի մերձակայում, հիմնուել է մէկ նոր գիւղ՝ Վարդանաւեան անունով, որը սեղացիք կոչուում են նաեւ Գեանդումնա: Ծ. Խ.

### ՄԱՆԳԱՌՈՒ

Այս գիւղն ունի 14 տուն բնակիչք:

### ՆՈՐԱՇԻՆՔ

Աստ կը բնակին 14 տուն հայք:

### ԱՇՐԱՅ

Աստ կը բնակին 17 տուն հայք:

### ԳՈՒԳԷԳՄԱՐԱՆ

Այս գիւղն ունի 20 տուն բնակիչք:

### ՂԱՍՈՒՄԱՇԷՆ

Այս գիւղն: որ կը կոչւի նաև Մեղիք Ղասում, ունի 25 տուն բնակիչք և եկեղեցի մը:

### ՍՂԸՆ

Քէյվան գաւառամասի գլխաւոր գիւղն է. ունի 120 տուն բնակչութիւն:

Աւելորդ չեմ գտներ սոյն գիւղի վերաբերմամբ յիշատակելի դէպք մը: որ տեղի ունեցաւ 1884 թւականին:

Չէլէբիան Ահմադ խան, որ Ղարաղաղի մէջ ընդարձակ կալւածներ ունի, որոնց մէջ կը գտնւին նաև քանի մը հայաբնակ գիւղեր: ուզելով մի պատրւակով դրամ կորզել հայերէն, ուրիշ տեղ սպանւած իր մարդոցմէ մէկը Սղըն գիւղի ար-

տերէն մէկին մէջ ձգել կը տայ գիշերով, և հետեւալ առտուն ձիաւորներ զրկելով, գիւղացիներն կամբաստանէ իբր այս սպանութեան հեղինակ և անոնցմէ սպանւածի արեան գինը կամ մարդասպանը կը պահանջէ:

Գիւղացիք վստահ իրենց անմեղութեան վերայ, կը մերձեն ձիաւորների պահանջը, որով կռիւ մը կը ծագի և ուրիշ ձիաւորներ առաջիններին օգնութեան հասնելով, կռիւը կը մեծնայ, և երկուստեք քանի մը անձինք կը վիրաւորւին: Հայոց կողմէն մի աղջիկ ևս կսպանւի և 4—5 տներ կը կողոպտւին Ահմադ խանի մարդերէն:

Այս տխուր լուրը Թաւրիզ կը հասնէ: Քանի մը զարազաղցի հայեր կը խնդրեն Բարդուղիմէոս վարդապետին, որ այն ժամանակ Ատրպատականի առաջնորդութեան փոխանորդն էր, զիմէ կառավարութեան և ոճրագործներն պատմել տայ:

Առաջնորդական փոխանորդը կը զիմէ արտաքին դործոց պաշտօնատան Թաւրիզի փոխանորդին, որին յանձնւած էր Ղարաղաղի հայոց կառավարելու պաշտօնը: Սա չուզելով այդ լուրը տարածել, Բարդուղիմէոս վարդապետին կը հաւաստիացնէ, որ անմիջապէս ոստիկաններ զրկելով, յանցաւորները պատմել կը տայ:

Բարդուղիմէոս վարդապետ այս խոստումէն ապահովւած, ուրիշ քայլեր չառնէր: Ամէն հաւանականութեամբ այդ խոստումը գործադրութեան սահմանին մէջ չպիտի մտնէր: Սակայն, Քէյվանի հայերէն ոմանք, որ այն ժամանակ Շուշի կը գտնւէին, այնտեղէն ուղղակի, առանց միջնորդի, հեռագիր մը կը զրկեն Վեհափառ Շահին, խնդրելով որ գործը արդարուկը վերաբերուի Շահին, յանցաւորներն պատմելին: Վեհափառ Շահն թեամբ քննել և յանցաւորներն պատմելին: Վեհափառ Շահն անմիջապէս հեռագրով իւր դժգոհութիւնը յայտնելով Ատրպատականի կառավարութեանը տեղի ունեցած անկարգութեանց համար, կը հրամայէ որ անաչառ քննութենէ ետքը յանցաւորներին ծանր պատիժ տրուի:

Թէև շատերն աշխատեցին իրողութիւնը փոփոխելով



խնդրին ուրիշ կերպարանք տալ, սակայն անոնց ջանքերն զուր անցան: Ի վերջոյ Ահմադ խան շղթայակապ Թաւրիզ բեր-  
ւեցաւ և բանտը ձգւեցաւ: Ժամանակ մը անդ մնալէ ետքը  
Ահմադ խան Թէհրան տարւեցաւ:

Քէյվանի հայերէն մի քանի անձինք իրենց գլուխ ու-  
նենալով Սարգիս Ջհանեանը, զնային մայրաքաղաք: Մանրա-  
մասն քննութենէ ետքը, թագաւորի հրամանով, կարգադրե-  
ցաւ, որ Ահմադ խանն այնուհետև որևէ կերպով Քէյվանի հա-  
յոց վերայ իշխանութիւն: չունենայ, անոնց զործերին չմիջա-  
մըտէ և իրեն պատկանեալ որոշեալ տասանորդը մեղիքի մի-  
ջոցով ստանայ:

Սարգիս Ջհանեան մի հրովարտակով մեղիք կարգւեցաւ,  
որին յանձնւեցաւ Քէյվանի հայերի կառավարութիւնն: Այս-  
պիսով այդ գաւառամասի հայերն ընդմիշտ ազատւեցան խա-  
ների կամայականութիւններէն և ապահով վիճակ մը ունե-  
ցան:

Սակայն, ժամանակէ մը ի վեր այս անդորրութիւնն  
սկսեց ի վրդովւել: Քէյվանցիք նախանձէ դրդւած, երկու կու-  
սակցութեան բաժնւեր են: Այժմ մէկը հաւատարիմ մնալով  
Մեղիք Սարգսին, կուզեն միշտ անոր մեղիքական կառավարու-  
թեան տակ մնալ, միւս կուսակցութիւնն իրենց գլուխ ունե-  
նալով Մեղիքի եղբորորդի Ջհանգիրը, կը ջանայ վերջինիս մե-  
ղիքութիւնը յաջողեցնել:

Երկուստեք ևս պաշտօնակատար անձանց դռներն դեղե-  
րելով, կը վատնեն թէ իրենց ժամանակը և թէ դրամները: Նիւ-  
թապաշտ պաշտօնեաներն ևս անոնց անխոհեմութենէն օգուտ  
քաղելով, կը կթեն այս անփորձ ու յամառ կողմերը, մերթ  
մէկը, մերթ միւսը մեղիք անւանելով:

Բ.

ՍՊԱՀԱՆԻ (ՊԱՐՍԿԱ-ՅՆԴԿԱՍՏԱՆԻ) ԹԵՄ

1. — ՍՊԱՀԱՆ

Սպահան կամ Էսֆահան՝ պարսից ամենահին քաղաքնե-  
րէն մէկն է:

Մեր հին հեղինակներէն ոմանք Սպահանը Շօտ կոչեր են,  
որ սխալ է, քանզի պարսիկները այս քաղաքը երբեք Շօշ չեն  
կոչած:

Սպահանը կը գտնւի արդի Պարսկաստանի մօտաւորա-  
պէս կեդրոնը, Ջայանդերուդ գետին հիւսիսային կողմն:

Ըստ պարսիկ աշխարհագրաց՝ ի սկզբան Թէյմուրաս  
«Դիւակապ» մականւանեալն, աստ 4 գիւղ հիմնեց. ետքէն Քէյ-  
ղորադ, Քիեանեան հարստութեան առաջին թագաւորը, այդ  
գիւղերը միացնելով, իւր բնակատեղին ըրաւ: Սրա յաջորդնե-  
րի ինչպէս և Պարթև ու Սասանեան թագաւորների ժամա-  
նակները միայն երկրորդական քաղաքի դիրք ունեցաւ: Սպա-  
հանի մասին յիշատակութիւն ունի մեր պատմիչներէն Սե-  
բէոսը:

Բաղդադի խալիֆաների իշխանութեան տակ Սպահան  
շատ ծաղկեցաւ: Անկթէյմուրը այն գրաւեց 1387 թւին, բնա-  
կիչները անխնայ ջարդել հրամայեց և քաղաքին մէջ 70,000  
գլուխներից բուրգ մը կանգնել տւաւ:

Սաֆաֆեան տէրութեան օրով սկսաւ դարձեալ նորոգելի ու ծաղկիլ: Մեծն Շահ Աբբաս Ղազարինէն Սպահան փոխադրեց իւր գահն և ամէն կողմերէ արւեստագէտներ, վաճառականներ, արհեստաւորներ և գործաւորներ անդ հաստատեց: Սպահան տարաւ նաև Հայաստանէն հանած հայերը: Շատ հոյակապ շինութիւններով զարդարեց, և այսպէս, Սպահան ամբողջ Պարսկաստանի մայրաքաղաքն և Ասիոյ վաճառականութեան առաջին կեդրոններէն ու շտեմարաններէն մէկը դարձաւ:

17-րդ դարի մէջերն Սպահան իւր ծաղկման ու փառքի գէնիթը հասաւ:

Շարդեն, որ 1663 թւականին այս քաղաքը եկաւ և երկար տտեն անդ բնակեցաւ, խիստ մանրամասնօրէն զայն կը նկարագրէ:

Նա կըսէ. «Թէև շատերը մինչ 1,100,000-ի կը բարձրացնեն Սպահանի բնակիչների թիւը, սակայն հաւաստեալ 600,000 կը լինի: 38,200 շէնք կայ, որոնց 29,400-ը քաղաքի շրջապատին մէջ, իսկ 8,800-ը՝ դուրսը\*):

«Սպահան այնչափ բազմամարդ է, որչափ Լոնդոն, որ Եւրոպայի ամէնէն բազմամարդ քաղաքն է: Քաղաքի պատերի շուրջըրը 20,000 քայլ է: Այն թւականէն ի վեր սկսաւ իյնալ, ինչպէս որ պիտի տեսնուի պատմութեանս ընթացքին մէջ: Այժմեան բնակչաց թիւը հազիւ 70,000-ի կը հասնէ:

«Օդն ու ջուրը բաւականին աղէկ են, պտուղներն առատ ու զանազան, որոնց մէջ անւանի են սեխը, ձմերուկը, դեղձը, տանձն և խաղողը և «գետազ» կոչւած քաղցրաւե-

\*) Ուրիշ տեղ կաւելցնէ. «Իմ յիշատակարանիս մէջ գրւած է, որ Բաղաֆի տրչապասին մէջ 162 մզկիթ, 48 վարժարան, 1802 ֆարւանստա, 273 բաղնիք և 12 գերեզմանատուն կը գտնուին: Քաղաֆին մէջ օրական 2000, իսկ արուարձանի մէջ 1500 ոչխար կը մորթնն»:

նին, որ տեսակ մը մանանայէ կը շինուի:

«Տակաւին մետաքսի, բամբակի և դալամբար կոչւած տպածոյի գործարաններ կան: Արոյր, պղինձ, երկաթ ու պողպատ կը գործեն բաւական զեղեցիկ ու ճարտար քանդակագործութեամբ, անկեալ ու վատթարացեալ ժառանգք և հետեւողք երբեմն ծաղկեալ և սքանչելի ձեռագործութեանց:

«Կանգուն մնացած նախկին շինութեանց մէջ երևելին «Չէհէլ Սըթուն» պալատի մնացորդն է, որի զեղեցիկ ճակատին կան 18 բարձր սիւներ, որք իրենց վերայ կը կրեն շքեղ ու զարդարեալ առաստաղ մը: Յայտնի է «Չհար բազ» պողոտան՝ իւր հնադարեան շինարի ծառերով... Այս պողոտան, որի իւրաքանչիւր կողմը չորս մեծ պարտէզներ կան, «Հաշթ բեհէշթ» (ութ դրախտ) անունով, հազար մեթրէ աւելի երկայնութիւն մը ունի և կը կցէ քաղաքը Ջուղա արուարձանին հետ՝ Ալլահ-վերդի զեղեցիկ կամուրջի միջոցով, որ 33 կամարներէ բաղկացած է:

«Մասչէղ Շահ» մզկիթն, որ արտակարգ մեծութեամբ գմբէթով մը ծածկւած է: «Մադրասէյը Մաղէր Շահ» (արքայամօր վարժարանը), «Մէյդանը Շահ» (արքայական հրապարակ), մերձ 200 մեթր երկայնութեամբ և 80 մեթր լայնութեամբ, և հինգ կամուրջները, որոնցմէ մէկը շինուեր է հայէ մը:

«Քաղաքի արևմտեան կողմը կը գտնուի հոչակաւոր «Մինարէյը ջոմ-ջոմ» (շարժուն մինարէ) կոչւած շէնքը: Այս քառակուսի, փոքրիկ մի մզկիթ է, մօտ 16 մեթր երկայնութեամբ, տասնհերկու մեթր լայնութեամբ և 7 մեթր բարձրութեամբ: Շէնքի առջևի աջ ու ձախ կողմերին կցւած են երկու մինարէթներ, զետնէն 22, իսկ շէնքի տանիքն 7 մեթր բարձրութեամբ: Երբ մինարէի մէկի միջի սանդուխէն վեր ելլելով, զայն կը շարժեն, միւս մինարէն և ամբողջ շէնքն ևս կը շարժուին: Սակայն, ամէն կէտերն միևնոյն հաւասարութեամբ շէն շարժւեր, հեռու տեղերն աւելի նւազ կերերան քան մօ-

տիկ եղողները, այն նմանութեամբ, որ երբ լճացեալ ջրի մէջ քար մը ձգես, շրջանակ մը կը կազմուի, և որչափ շրջանակն մեք ձենալով քարի ինկած տեղէն կը հեռանայ, այնչափ նւազ զգալի կը լինի, մինչև որ անհետանայ: Այսպէս ալ, որչափ առաջին շարժող միւսներէն կը հեռացուի, այնչափ այնտեղի երեքումը աւելի կը նւազի: Պարսիկները կը կարծեն, որ այս շարժումը մի հրաշք է, որ կը կատարուի մզկիթի մէջ եղած դամբարանի տիրոջ կողմէն: Բայց օտարականներէն շատերը այս շարժումը պատահական դիպածի մը կը վերագրեն:

### ՍՊԱՀԱՆԻ ԹԵՄԸ

Սպահանի (կամ Պարսկա-Հնդկաստանի) առաջնորդութիւնը կսկսուի 17-րդ դարի սկիզբէն, երբ Շահ Աբբաս Ա. Ատրրպատականէ ու Հայաստանէ հանած հայերն չւեցնելով, այս քաղաքին և անոր շրջակայ գաւառներին մէջ բնակեցնել տրւաւ: Սոյն վեհապետի և իւր յաջորդների ատեն, Սպահանի առաջնորդութիւնն Ատրպատականէն նախամեծար էր: Ատրրպատականի առաջնորդութեան ներքոյ կը գտնուէին միայն Ատրրպատականի հայերը, ինչպէս է և այժմ, իսկ Պարսկաստանի մնացեալ բոլոր վայրերն եղած հայերն Սպահանի առաջնորդի իրաւասութեան ներքոյ էին, ինչպէս և այժմ: Այսպիսով, այս թեմը էջմիածնի առաջնորդութեանց մէջ ամենակարեւորն էր և կաթողիկոսներէն շատերն իրենց ժամանակի մէկ մասն աստ կանցնէին: Երբ որոշ թիւով հայեր Պարսկաստանէն Հնդկաստան հաստատուեցան և իրենց ըրած յառաջադիմութեան ու ձեռք բերած հարստութեան շնորհիւ կարեւորութիւն ստացան, այն ժամանակ այս թեմը իւր վերայ աւելցուց Հնդկաստանն ևս, որով կոչուեցաւ Առաջնորդութիւն Սպահանի և Հնդկաստանի, կամ Պարսկա-Հնդկաստանի թեմ: Սպահանի հայոց հետգհետէ ցրւելովն ու աղքատանալովն և Հնդկաստանի հայոց նւազելովն ու տկարանալովն այս թեմի կարեւորութիւնը շատ պակսեցաւ:

Այժմ եթէ Ատրպատականէն նւազ կարեւոր չէ, անորմէ ալ աւելին չէ:

### ՀԱՅՈՅ ԱՌԱՋԻՆ ԳԱՂԹՆ ՍՊԱՀԱՆ

16-րդ դարի վերջերն, երբ Ջալալիներն Օսմանեան տէրութեան դէմ ապստամբելով տեսակ մը աւազակապետութիւն կազմեցին, գրեթէ ամբողջ ասիական Թուրքիան կը վրդովէին և ամենուրեք, մանաւանդ Հայաստան սարսափելի խժովութիւններ կը գործէին: Հայերէն ոմանք ստոնց բարբարոսութիւններէն և այս պատճառով առաջ եկած սովէն ազատուելու համար սկսան այլ և այլ երկիրներ դադթել:

Արցախի (Ղարաբաղ) Ուտէացուց երկրէն, Շամախիի և Գանձակի կողմերէն փոքրաթիւ հայեր, գլխաւորութեամբ Սարուխան բէկ, Նազար բէկ, Ջալալ բէկ, Մելիք Սուջում, Մելիք Հայկազն և այլ մելիքների, չւեցին Պարսկաստան: Ասոնց միացան Դիզակ և Դաշտ գաւառների չորս գիւղի բոլոր բնակիչները: Շահ Աբբաս զանոնք ընդունելով, Սպահան քաղաքին մէջ և անոր շրջակաները բնակեցուց:

Ասոնց հետեցան նաև ուրիշ հայեր: Քիչ ատեն ետքը Դաւիթ և Մելիքսէթ կաթողիկոսները խորհուրդ ըրին դիմել պարսից թագաւորին, որ հայերն այս նեղ վիճակէն ազատէ:

Մելիքսէթ իւր հետ առնելով Մանուէլ և Ասուածատուր եպիսկոպոսները, գնաց Սպահան, ուր մեծ պատուով ընդունուեցաւ տեղի հայերէն: Կաթողիկոսը մի քանի օր ետքը Շահին ներկայանալով, իւր խնդիրը մատոյց անոր: Թագաւորը հաճութեամբ ունկնդրեց կաթողիկոսին և մեծամեծ խոստումներ ըրաւ: Ամէն հաւանականութեամբ Շահն այս ատենները յղացաւ Հայաստանի հայերը Պարսկաստան փոխադրելու խորհուրդը: Շահ Աբբաս, որ այդ դարի առաջին աշխարհակալներէն մէկն էր, մէկէն ըմբռնեց այսպիսի փոխադրութենէն ա-

առջ զայիք բոլոր օգուտները: Նա կը յուսար, որ հայերը Պարսկաստան զաղթեցնելով, Հայաստան աւերակ պիտի դառնար, որով օսմանցւոց եթէ ոչ անկարելի, գէթ խիստ դժւար պիտի լինէր մեծ բանակներ պահել այն երկրին մէջ և բազմաթիւ զօրքով ամէն տարի Պարսկաստան արշաւել:

Այսպիսով իւր տէրութիւնը պիտի ազատէր անոնց տարեկան արշաւանքներէն: Երկրորդ, հայերն յաջողակ վաճառական ու հմուտ արւեստագէտ լինելով, կրնային Պարսկաստանի վաճառականութիւնն ու արւեստները ծաղկեցնել:

Շահ Աբբասի սոյն երկու յոյսերն, ինչպէս պիտի տեսնուի, մեծաւ մասամբ իրագործւեցան: Նա իւր գահն Սպահան հաստատելէն և տէրութիւնը կարելի եղածին չափ բարեկարգ ու ապահով վիճակի մէջ դնելէ ետքը, բազմաթիւ զօրքով Ատրրպատականէն օսմանցւոց վերայ յարձակեցաւ, կուսակալ Ալի փաշային յաղթեց և Թաւրիզը գրաւեց 1603-ին:

Ամէնէն առաջ հրամայեց, որ այս քաղաքը և շրջականերն եղող պանդուխտներն, այսինքն վերջին ատեններն այն տեղերը բնակած հայերն և ուրիշ ժողովուրդներ հանեն, չւեցնեն Սպահան: Այս հրամանի գործադրութեան համար նշանակեց պաշտօնեաներ, որք ամէն տեղ զբւրելով, նորեկ հայերն իրենց բնակած տեղերէն ստիպողութեամբ հանեցին և Շահի հրամանին համեմատ՝ կէսն Սպահան և կէսն Փարահաբադ տարան. քաղաքացիները՝ քաղաքների, և շինականները՝ գիւղերի մէջ բնակեցուցին: Այս եղաւ հայոց առաջին ստիպումով զաղթումն: Շահ Աբբաս Թաւրիզէն մեկնելով, սկսաւ դէպի Երասխ յառաջանալ:

Հին Ջուղայի հայոց ի Պարսկաստան զաղթման հանգամանքները պատմելէն առաջ, տեսնենք ի՞նչ կը ներկայացնէին այդ քաղաքն ու անոր բնակիչներն:

## ՀԻՆ ՋՈՒՂԱ

Պէտք է նախ ըսել, որ այժմ հինգ տեղեր կան, որ Ջուղա կամ ըստ պարսկաց ու օտարագոյաց՝ Ջուլֆա անունը կը կրեն:

Առաջին՝ Հին Ջուղա, որ ներկայիս աւերակ է:

Երկրորդ՝ Ջուղա գիւղ, որ վերջերս հաստատուեր է, հինի հիւսիսային կողմը և անորմէ քիչ հեռու է:

Երրորդ՝ Ռուսաց Ջուղա կամ Ջուլֆա, որ Ռուսիայէ Պարսկաստան անցնելու մի կէտ է, և որ Երասխի ձախ կողմը կիյնայ, ուր կան միայն փոստի, հեռագրատան, քարանձիհայի կայաններ և մաքսատուն մը:

Չորրորդ՝ Պարսկաց Ջուղա կամ Ջուլֆա, որ վերջինի դիմաց, գետի աջ կողմն է և ուր կը գտնուին պարսկաց հեռագրատունն, փոստի կայանը, անցագրատունն և պանդոկ մը, քանի մը քարվանսարանների հետ:

Հինգերորդ՝ Նոր Ջուղա, որ Սպահանի կից հայերի բնակած արուարձանն է:

Արդ, Հին Ջուղա՝ Գողթն գաւառի մէջ և Երասխի անմիջական ձախ ափին վերայ, արդի Նախիջևանի գաւառին մէջ կիյնայ:

Հին Ջուղան ի հնումն մեծաճոխ քաղաք էր, որի միայն աւերակներն ու բազմաթիւ գերեզմաններն ու տապանաքարերն\*) մնացեր են այժմ: Հարաւային կողմը շրջապատուած է Արաքս գետով. հիւսիսային կողմն անմիջապէս կը բարձրանան գրեթէ ուղղաձիգ, բարձրաբերձ լեռներ, արևելեան կողմէ քարէ պատ մը, որ մասամբ իւրիք կանգուն է, սկսելով լեռան կուրծքէն, կիջնէ և կը յառաջանայ քանի մը մեթր ևս գետի մէջ, իսկ արևմտեան կողմէ թէև ի սկզբան պաշտպանուած չի թւեր, սակայն քիչ մը հեռուն՝ քարքարոտ բլրակներ շղթայուած հիւսիսային դին եղող լեռներին, կը մօտենան մինչ գետն

\*) Գտնուած ամենահին տապանաքարն կը կրէ 1113 քուականը:

և այսպէս կը գոցեն այն կողմի մուտքը:

Այս սահմաններէ մէջ պարունակուած գետինը ժայռուտ ու քարալից մի վայր է, և բացի Արաքսէն, որ քաղաքատեղւոյն մակերևոյթէն քանի մը մեթր ցածր է, ուրիշ ջրի կամ աղբիւրի հետք չերևիր. ուստի կը կարծուի, որ այն գետինը միշտ անբերրի և բուսականութենէ զուրկ եղած է: Ամառն ընդհանրապէս այս կողմերը խիստ տաք է: Սակայն, Հին Ջուղա տաքն աւելի սաստիկ պէտք է եղած լինի, ի նկատի առնելով, որ օրւան մեծ մասն արեգակի ճառագայթներն զարնըւելով անոր հիւսիսային կողմը եղող մերկ ու ժայռուտ լեռան, կանդրացուանան քարէ շինուածոց վերայ, որք անձեփ լինելով, բնական տաքութիւնն չափազանց կը բարձրացնեն: Միևնոյն ատեն նոյն լեռները կարգիլեն հիւսիսի պաղ քամին քաղաքը զովացնելու: Ասոր անմիջական մերձակներն, որչափ որ այժմեան վիճակէն կարելի է դատել, այնպիսի վայրեր չեն տեսնուիր, որ պարտէզների, այգիների և կամ ամառանոցների շինութեան յարմարութիւն ունենան. մինչև անգամ անջրգի վարելահողերն այնչափ մեծ տարածութիւն չեն կազմեր:

Բնականաբար, ամէն ոք կը մտածէ, թէ ի՞նչ էր պատճառն, որ Հին Ջուղա ամէն թերութիւններով հանդերձ, այնպիսի հարուստ մարդերէ բնակութեան վայր ընտրուեր էր և կամ անոնց այն մեծ հարստութիւններն ուրկէ՞ առաջ կը դային:

Յիրաւի, Հին Ջուղա բնական ամրութիւններէ զերծ լինելով, կրնար ենթակայ լինել ասպտամբ անիշխանականների և կամ աւագակութեամբ ապրող ցեղախմբերի յարձակումներին:

Այս քաղաքը մէկ կողմէ գտնուելով թուրքիոյ իշխանութեան տակ, թէև պետութեան հետու մի ծայրն, անոր բնակիչների համար խիստ զժւար չէր երկրի այլ և այլ քաղաքների, ինչպէս և Ռուսիայի ու Ներսիայի հետ յարաբերու-

թիւն հաստատել: Միւս կողմէ լինելով սահմանակից Պարսկաստանի, ջուղայեցիք դիւրաւ կրնային գնալ այդ երկիրն և անոր վրայով Հնդկաստան, և մինչև անգամ Ջինաստան յառաջանալով իրենց վաճառքներն այն տեղերը փոխադրել և փոխարէնը այդ երկրների ապրանքները բերել:

Այսպէս, Հին Ջուղան իւր ապահովութեան և ապա վաճառականութեան յարմարութեան պատճառով առ ինքն կը ձգէր հայոց հարուստ, կամ ոչ հարուստ, բայց ձեռնարկող ու ճարպիկ վաճառականներն, որք անդ հաստատելով իրենց գործունէութեան կենտրոնն, այնտեղէն կսկսէին գործել և առևտուր ընել աշխարհի բոլոր մեծ կեդրոնների հետ:

Արդարև, եթէ Հին Ջուղայի հայոց վաճառականութիւնը հետու որ երկիրների հետ այդքան շատ տարածուած չլինէր, ինչպէ՞ս հնարաւոր պիտի դառնար կեանքը անոնց համար, նրկատի առնելով որ իրենց քաղաքն մասնաւոր բերք, հանք և կամ ուրիշ արդիւնքների աղբիւրներ չունէր: Կամ ի՞նչպէս կրնային դիզել անբաւ հարստութիւններ, որ մինչև անգամ Շահ Աբբասի պէս վեհապետի մը հրապուրէին և անոր ցանկութեան սաստիկ գրգիռ մը տային՝ հայերը մշտապէս իրեն հպատակ ունենալու համար: Շահի ոտքին տակ փուած կերպասներն անտարակոյս Հնդկաստանի դիպակներ եղած պիտի լինէին, քանզի այդ թւականին դեռևս Պարսկաստան ծաղկած չէր, և միայն այս վեհապետի օրով արևեստները մուտք դտան և սկան զարգանալ Հնդկաստանի ու Ջինաստանի արևեստների նմանողութեամբ:

ՀԱՅՈՅ ԵՐԿՐՈՐԴ ՄԵԾ ԳԱՂԹԸ  
ԵՒ ԱՅՂ ԳԱՂԹԵՐԸ

Շահ Աբբաս, 1603 թւին, երբ Հին Ջուղային մօտեցաւ, բնակիչներն զարգարւած ու մեծ պատրաստութեամբ անոր

առջևն ելան և հին սովորութեան համեմատ Երասխի ափէն մինչև Սոջա Սաշիկի ապարանքն, ուր թագաւորը պիտի իջևանէր, անցնելիք ճամբային վերայ ընտիր կերպասներ փոքր էին, որոնց վրայէն Շահը քայլելով գնաց իւր հիւրընկալի բնակարանը: Հոն հասածին պէս Սոջա Սաշիկն ոսկիով լի ոսկիէ սկուտեղ մը իւր որդու ձեռքով մատուցանեց Շահին: Զուգայի ուրիշ երեւելիներն ու հարուստներն, որոնց մէջ յատկապէս կը յիշուին Շաֆրագ կամ Սաֆրագ ու Նազար իշխաններն, Յովհաննէս անունով երէց մը՝ «Աղա տէրտէր» կոչւած, իւրաքանչիւրն ըստ իւր կարեաց, թանկագին և արքայավայել ընծաներով պատուեցին Շահն:

Ժամանակակից գրիչներն ըսեր են, թէ Շահ Աբբաս որքան կը տեսնէր հայոց հարստութիւններն, այնքան անոր մէջ կը գորեղանար անոնց իւր երկիրը գաղթեցնելու գաղափարն, զի հայոց այս հարստութիւններն անոր նախանձը կը շարժէին:

Ըստ իս, սա սխալ մի գաղափար է, քանզի հակառակ կը դառնայ անոր հետագայ արարքներին. և ի՞նչ աւելի դիւրին գործ անոր համար, եթէ ուզենար ջուղայեցիներն զրկել իրենց բոլոր գոյքերէն և անոնց դարձնել դառն աղքատ: Շահ Աբբաս չէր նախանձեր հայոց ճոխութեանն, այլ կը նախանձեր անոնց այն յատկութեանց վերայ, որ անտէրունչ, անօգնական և հարստահարեալ լինելով հանդերձ, լոկ իրենց վաճառականական հմտութեամբ կարող կը լինէին մեծամեծ հարստութիւններ զիգել ու իրենց ապառաժուտ և անբերրի քաղաքը շքեղութիւններ լեցնել, մինչդեռ տիրող ու իշխող ազգն ամէն առաւելութիւն ու պաշտպանութիւն վայելելով հանդերձ, չունէր ոչ այն վաճառականութիւնն և ոչ ալ այն հարստութիւնը:

Որպէսզի հայերը ապահովապէս տեղերնին մնային և որպէսզի իւր կանխամտածութիւնը կարենար առանց դժւարութեան կատարելապէս յաջողցնել, Շահ Աբբասն սկսաւ արտաքոյ կարգի քաղցրութեամբ ու սիրով լինել ջուղայեցւոց հետ:

Նա ոչ միայն չէր խորշեր քրիստոնեաներէ, այլ յաճախ ջուղայեցի երեւելիների տները կերթար և կը հիւրասիրուէր:

Շահ Աբբաս Հին Զուղայէն ելլելով, գնաց Նախիջևանը գրաւեց: Անկէ անցաւ Երևանը պաշարեց, ուրկէ ամէն կողմ ասպատակներ զրկեց: Ալլանովերդի խան, — պարսկաց զօրապետներէն մէկը, — Վանի վերայ գնաց, քաղաքը չկրցաւ առնել, բայց շըրջակաները ասպատակեց: Բզնուեաց, Առբերանուոյ, Քաջբերունուոյ և Տոսպայ գաւառներն ոտնակոխ ընելով՝ ամէն տեղ քանդեց, այրեց, կոտորած ըրաւ ու աւերակ դարձուց, և ուրիշ ազգերէ, միայն հայերէն 23,000 հոգի, իրենց գրաստներովը, կենդանիներովը ու փոխադրելի գոյքերովը բերաւ Շահին: Շահ Աբբաս հրամայեց անոնց մէկ մասը այն կողմերը բնակեցնել, իսկ մէկ մասն տանել Պարսկաստան: Ասոնցմէ շատերը տարան Քաշան ու Սպահան բնակեցուցին: Այս կը համարուի երկրորդ գաղթականութիւնը, որով Շահ Աբբաս կուզէր ամայի ու անմարդաբնակ դարձնել թուրքաց տիրապետութեան ներքոյ գտնուող երկիրները, որպէսզի անկարող լինեն այդ վայրերը զօրք պահել:

Շահ Աբբաս տեսնելով որ Երևանի պաշարումը կերկարի, այդ քաղաքը թողուց, գնաց Ղարսի վերայ և օսմանցւոց իշխանութեան տակ եղող Հայաստանի գաւառներն ասպատակներ զրկեց, որք շատ աւեր ըրին և ժողովուրդը տեղահան ըրին: Բայց երբ տեղեկացաւ որ Սինան փաշան օսմանցւոց զօրքով իւր դէմ կը գայ (1604 թ.), դարձաւ Երևանդակերտ (Աղջաղալա), ուր սկսաւ երկար ժամանակէ ի վեր յղացած խորհուրդը գործադրել, այն է, հայ ժողովուրդը Պարսկաստան չւեցնել:

Նախ ժողովեց հայոց գլխաւորներն և ըսաւ, թէ օսմանցիներն ահա կը գան, և դուք դիտէք, որ պատերազմ սկսած ատենը ձեզ վնաս կը հասնէ. ուստի բարւոք կը համարեմ մի քանի օրւան ճամբայ երթաք և պատերազմէն ետքը նորէն ձեր տե-

դը վերադառնաք: Շահը երբ տեսաւ աւագանին չի ընդառնալեր, հրամայեց իր գօրականներին՝ ամէն կողմ գնալ և բոլոր քաղաքներէ, գիւղերէ ու շէնքերէ բնակիչները իրենց բնակութիւններէն հանելով, ծայրայեղ շտապողականութեամբ, Պարսկաստան տանել:

Շահ Աբբաս լսելով որ օսմանցիք կը մօտենան, փութով հայերը գէպի Երասխի ափը բերել տւաւ: Երբ անոնք Արաքսի ափին մօտեցան, օսմանցիք հասան Նախիջևան, որ Երասխէն միայն 47 քիլօմետր հեռու է: Շահը կասկածելով, որ մի գուցէ թշնամին հասնելով՝ իր ծրագիրը կը խանգարէ, հրամայեց որ Հին Ջուղայի բնակիչներն ևս իրենց բնակավայրէն հանելով, ամէնքն Երասխէն անցունեն, միայն իւր գօրականներին պատելից, որ մասնաւոր խնամք տանեն ջուղայեցուց և ուղտերն ու լաստերը նախ անոնց փոխադրման համար գործածեն:

Այս միջոցները բոլորովին անբաւական էին այնչափ բազմութիւն երեք-չորս օրէն Արաքս գետէն փոխադրելու համար:

Շահի հրամանը գործադրելու համար զինւորները ամէն միջոց ի գործ դրին և ժողովուրդն անպատմելի զարհուրանքով գետն անցուցին\*):

Ամենայն հաւանականութեամբ գետէն անցնող և Պարսկաստան տարւողներէ թիւը հարիւր հազարէն աւելի էր, ի բաց առեալ Հայաստանի մէջ, ճամբու վրայ և Երասխի ափին եղած գոհերն, գետին մէջ խեղդողները և Արաքսն անցնելէն ետքը յափշտակողները, որոնց թիւն ևս առ սակաւ հարիւր

\*) Այստեղ հեղինակը մանրամասնօրէն նկարագրում է այն զարհուրելի միջոցառումները, որոնք ծանօթ են բնութագրողներին հայոց պատմութեան բազմաթիւ աղբիւրների շնորհիւ: Այս նկատմամբ այդ եջերը յապաստանի: Ծ. Խ.

հազար հաշուելու է\*):

Գետէն անցնելէ ետքը երեք մասի բաժնեցին դադարեցան: Մէկ մասն նախ գետեզրի մօտէն և ապա լեռնային դժւարին ճամբաներով տարագրեցին Ահար, Մեշկին, Սալխալ և Թարուս գաւառներն, ուր ձմեռը, մերձ չորս ամիս բնակեցուցին, իսկ միւս մասն, որ գլխաւորապէս ջուղայեցիներէ ու քաղաքացիներէ կը բաղկանար, տարւեցաւ Թաւրիզ, ուր մնացին ձմեռը: Գարունը բացւելուն պէս ամէնքը Սպահան ու Համազան շէնքուցին (1605 թ.):

Ժամանակակից գրիչներ ճշտիւ չեն յիշեր ոչ գաղթականաց ճամբորդութեան մանրամասնութիւններն և ոչ ալ անոնց ընտրած ճամբաները: Սակայն, հայոց այն ժամանակ բռնակած քաղաքների ու գիւղերի դիրքերէն կարելի է հետեցնել, որ Թաւրիզ բերւողները Չանջանի ու Ղազինի վրայով տարւեցան Սպահան քաղաքն և անոր կից գաւառներն: Իսկ Ահար, Մեշկին, Սալխալ ու Թարուս ձմեռողները Չանջանի վրայով ճամբորդել տալով, բնակեցուցին Համազան ու շրջականերն, ևս այս քաղաքի արևելեան հարաւային գաւառները, մինչև Սպահան:

Ասոնցմէ 500 տուն ևս, Ալլահվերդի խանի խնդրանքով Շիրազի շրջանն զրկւեցան:

Գաղթականները մինչդեռ Թաւրիզ էին, Թահմազ Ղուլի բէկ անունով վերակացուներէն մէկը, լսելով որ Հին Ջուղայի բնակիչներէն ոմանք փախչելով իրենց տեղը դարձեր էին, անոնց ետէն գօրք զրկեց, փախչողները հաւաքեց, և մերձակայ տեղերն եղողները ևս, որոնց մէջ էր Գաւրիթ կաթողիկոսն, շէնքուց տարաւ Ղազին և միացուց մեծ խումբին:

Երեք տարի ետքը, 1608-ին, դարձեալ գօրք զրկւեց

\*) Անբուսն դը Կուլօ միայն յափճակողների քիւր հարիւր հազար կը համարէ, որով բոլոր գաղթականաց գումարն կը բարձրանայ երեք հարիւր հազարի:

Հայաստան, և մօտ հազար տուն աղքատ հայերէն ժողովելով, Սպահան ղրկւեց: Շահ Աբբաս այս գաղթականներն երկու դասի բաժանելով, հատատեց քաղաքն, երկու քարւանսարաների մէջ բնակեցուց և ասոնց վերայ պետական երկու վերակացուների իշխանութեան տակ, երկու հայեր՝ Յովսէփ Ղարաբաշ և Մուրադ Ղըրխեալան մականուանով անձերն, որք մելիք կը կոչւէին, խնամատար կարգեց:

Քանի տարի ետքը, երբ Սուլթան Ահմադի հրամանով Խալիլ փաշան Պարսկաստան արշաւեց և Թաւրիզն առաւ, ժողովրդի մէկ մասը գերելէն ետքը դարձաւ: Շահ Աբբաս 1617-ին, անոր ետէն Հայաստան մտաւ: Տեսնելով որ այլ և այլ կողմերէ, նաև Սպահանէ վերադարձողներ այս տեղ կը բնակին, հըրամայեց որ բոլոր նոր եկողները չւեցնեն Սպահան: Այս նոյն ժամանակն Հայաստանի զանազան կողմերն և Ատրպատականի գաւառները զօրք ղրկեց, որք ամէն կողմ ցրւելով, ժողովուղն իր բնակավայրերէն հանեցին ու դէպի Պարսկաստանի խորքերը քշեցին: Ասոնց մէջէն քարահատներն և ուրիշ արհեստաւորներն, թագաւորի հրամանի համաձայն, Սպահանի հարաւային կողմը, Չայնդերուղի ափին գտնուող Գաւրաբադ կամ Գաբրաբադ արուարձանի մէջ տեղացիների հետ խառն բնակեցուցին, իսկ միւս մասն տարան Մազանդարան, Փարահաբադ քաղաքն և անոր մերձակայ գիւղերի մէջ տեղաւորեցին:

Այս անգամ տարագրւածների թիւն Առաքել Գաւրիժեցի պատմագիրն տասն հազար տուն կը հաշւէ: Սոյն պատմագրի գրածին համաձայն, բացի վերը յիշւած գաղթականութիւններէն, երեք-չորս անգամ ևս, գատ-գատ, Հայաստանէն հայերը հանելով, Սպահան և անոր հարաւային գաւառները տարւեցան:

Շահ Աբբաս հայերը Սպահան տանել տալէ ետքը, ուղեւորով որ անոնք վերջնապէս հաստատուին ու իրենց երկիրը չվերադառնան, սկսաւ ի սկզբան անոնց մեծ խնամք տանել, բընակավայր յատկացնել, հայերն ամէն տեսակ տարապարհակ ծա-

նայութիւններէ ու աշխատանքներէ ազատ կացուցել: Սակայն, Շահ Աբբասն ջուղայեցիների կամ Նոր Ջուղա բնակողների հետ աւելի քան լաւ կը վարւէր: Անոնց վերայ արտաքոյ կարգի շնորհ ունէր և ամէն կերպով մեծ խնամք կը տանէր անոնց հանգստութեան ու բարօրութեան համար: Շատ անգամ անոնց գլխաւորների (Խոջա Սաֆար, եղբայրը՝ Խոջա Նազար և իրենց որդիները, Մելիք Աղա Սուլթանում և Սաֆրազ), տունը կերթար, առանց խտրութեան, անոնց հետ կուտէր, կը խմէր, յաճախ անգամ զանոնք իւր պալատը հրաւիրելով, ամէն կերպով կը պատւէր: Խոջա Նազարն, Խոջա Սաֆրազն և ուրիշ երկելիները կը համարւէին համախոհ ու խորհրդակից թագաւորի, քանզի անոնք պարսկաց նախարարների հետ Շահի խորհուրդներին կը մասնակցէին, անոր քով կը գտնւէին և թագաւորն ուրիշ նահանգ կամ քաղաք գնացածատեն անոր հետ միասին կերթային:

Շահ Աբբաս Նոր Ջուղայի հայոց իրաւունք տւեց իրենց մէջէն ընտրել քալանթար կամ քաղաքապետ մը, զիրենք կառավարելու համար: Նոր Ջուղայեցիք, որ հակառակ ամէն տեսակ անյաշող ու աննպաստ պարագաների, միայն իրենց բնական ձերքերով Հին-Ջուղան վաճառականական մեծ կենտրոն դարձուցած էին, Շահ Աբբասի այս մասնաւոր հոգածութեան ու պաշտպանութեան տակ աւելի մեծ յաջողութիւն ունեցան: Իրենց առևտրական ոգին աւելի ազատ ու անարգել թռիչքներ ունեցաւ, վաճառականութիւնն այնքան ընդարձակեցին և անբաւ հարստութիւններ գիղեցին, որ ոչ միայն Նոր-Ջուղան, որ առաջ մի չոր դաշտ էր, շքեղ շինութիւններով, գեղեցիկ պարտէզներով ծածկեցին և հոյակապ եկեղեցիներով ճոխացուցին, այլ և Սպահան քաղաքը մէկ կողմէ Հնդկաստանի, միւս կողմէ Թուրքիոյ, Թուսիոյ և Եւրոպայի միջև եզող գլխաւոր կայանն և վաճառանոցն ըրին: Սպահան, որ Շահ Աբբասի ջանքերովն Պարսկաստանի և գրեթէ Ասիոյ ամենագեղեցիկ ու բազմամարդ քաղաքներէն մէկն եղեր էր, հայոց վա-



ճառականական գործունէութեան շնորհիւ ամենավաճառաշահ քաղաքը դարձաւ և այնքան սլայծառութեան ու ծաղկման հասաւ, որ տեղացիներին ըսել տւաւ. «Էսֆահան նեսֆը ջրհան»<sup>\*)</sup> այսինքն՝ «Սպահան աշխարհիս կէսը»:

Սակայն, հայերի մէկ մեծ մասն ալ ունեցաւ շատ դժուարութիւններ և ենթարկւեցաւ աղքատ կեանքի: Ունեցաւ զրկանքներ և տառապեցաւ աստ ու անդ, թէ Սպահանի և թէ Սպահանին մօտակայ գաւառների մէջ:

Շահ Աբբաս մեռաւ 1629 թ. Յունւար 7-ին (հիշրեթի 1038-ին) Ֆահրաբադ քաղաքի մէջ<sup>\*)</sup>:

Շահ Աբբասի պատմութիւնը գրողները շատ են՝ պարսիկ, եւրոպացի և հայ: Ասոնք, մինչ անոր կատարած գործերի նկատմամբ մեծաւ մասամբ կը համաձայնին, իսկ անոր վերայ ըրած դատողութեանց մէջ մեծապէս կը զանազանին: Ոմանք տրամադծօրէն հակառակ գաղափար կը յայտնեն, դատաստան կընեն ու վճիռ կը տան, այլոց տւածի ու յայտնածի դէմ: Մինչ ոմանք անոր գործերը յիշելով, զայն անշափ կը գովեն, միւսներն անոր թերութիւնները թւելով՝ զայն վար կը զարնեն: Երկու կողմերի համար ևս փաստեր ու ապացոյցներ պակաս չեն: Ըստ իս, այս հակասութիւնն առաջ կը զայ գրողների հայեցողութեան տարբերութենէն: Շահ Աբբասի պատմութիւնն ուշադրութեամբ կարդացած ատեն նա ընթերցողին կը ներկայանայ իրար հակառակ յատկութիւններով, երկու որոշ անձնաւորութիւններէ բաղկացեալ մէկը: Ուստի անաչառութեամբ դատելու համար իրար խառնելու չէ այս երկու տարբեր անձնաւորութիւններն:

Սա իբր թագաւոր, ունէր շատ մը բարեմասնութիւններ: Իւր քաջ ռազմագիտութեան ու արի ընթացքով նա յա-

\*) Մալիոլմը Շահ Աբբասի մահը 1627 քաղաքին նստակայքէն է:

ջողեցաւ ո՛չ միայն ամբողջ Պարսկաստանն իւր իշխանութեան տակ բերել և զայն ժամանակի ներածին չափ բարւոք վիճակի մէջ պահել, այլ և օսմանեան հզօր տէրութեան ձեռքէն ետ առնել Ատրպատական, իւր նախահարց նահանգն: Իւր մեծ տաղանդով նա մէկէն ըմբռնեց այն ամէն օգուտներն, որ Պարսկաստան կրնար քաղել հայոց վաճառականական ու արւեստագիտական ձեռքերէն ու հմտութիւններէն և այս օգուտներն իւր հայրենեաց տալու համար նա քաջութիւնն ունեցաւ ամէն բան յանձն առնելու: Զխնայեց ոչ ջանք, ոչ աշխատանք, ոչ ծախք, արհամարհեց ամէն նախապաշարում, ամէն արտաքին ձեւ, ծէս ու պատէր:

### ՇԱՀ ԱԲԲԱՍԻ ՅԱՋՈՐԳՆԵՐԸ

Շահ Աբբասին յաջորդեց իւր թոռ՝ Շահ Սէֆի, որ 13½ տարի թագաւորութիւն ըրաւ: Ամէն բան ի հաշիւ առնելով, հայերն ասոր թագաւորութեան ժամանակ հանդիստ կեանք ունեցան: Շահ Սէֆիէն ետքը՝ իւր որդի Շահ Աբբաս Բ. 1641-ին Պարսկաստանի զահը նստաւ: Ասոր թագաւորութեան ժամանակ ջուղայեցւոց աստղն աղօտանալ և ամէն հայերի համար դժուարութեան ու նեղութեան սերմեր ցանկեցան:

Եթէ միտթարական բան մը եղաւ ասոր թագաւորութեան ատեն, այն է, որ Սպահանի վանքի առաջնորդ Սաչատուր վարդապետի ջանքովը հայ տպագրական գրերի յօրինումն և անոնցմով քանի մը գրքերի տպագրութիւնն եղաւ:

Շահ Աբբաս Բ. 1665-ին մեռնելով, անոր յաջորդեց իւր որդին՝ Շահ Սուլէյման, որ թագաւորեց մերձ 26 տարի: Ասոր ժամանակ Պարսկաստան գրեթէ միշտ խաղաղութիւն վայելեց: Զուգայեցիք թէ և սոյն երկու վերջին թագաւորներէն այնպէս չինամւեցան ու չպաշտպանւեցան ինչպէս Շահ Աբբաս Ա. էն, և շատ անգամ դժուարութեանց ու հարստահարութեանց ենթակայ եղան, սակայն իրենց վաճառականական շահերն այնչափ դիւրին ու առատ էին, որ կը փոխարինէին այս կորուստներն, և ընդհանուր կերպով եթէ չյառաջադիմեցին, զգալի յե-

տաղիմութիւն ալ չունեցան: Այս ատենները նոր Զուղա ըստ  
ոմանց 6,000, ըստ այլոց՝ 12,000 տուն<sup>1)</sup> հայ բնակիչ ունէր և  
զաւառի բնակիչներն ևս թւով այսչափ էին:

Շարդէն, որ առաջին անգամ Շահ Աբբաս Բ.-ի վերջին  
շրջանին և երկրորդ անգամ Շահ Սուլէյմանի ատենը Պարս-  
կաստան այցելեց, և երկար ժամանակ այդ երկրին մէջ ան-  
ցուց, թողեր է զանազան տեղեկութիւններ և նկարագրութիւն-  
ներ ջուղայեցւոց մասին: Ասոնցմէ քանի մը հատուածներ թարգ-  
մանելով, աստ կը դնեմ, այն ժամանակի հայոց վիճակին ու  
կենցաղավարութեան վերայ զազափար տալու համար:

Ան կըսէ. «Զուղա աւանը գուցէ աշխարհիս ամենամեծ  
աւանն է: Այն կը տարածւի գետի երկարութեամբ մերձ մէկ  
մղոն և մէկ մղոնէ աւելի լայնութիւն ունի: Զուղա կը բա-  
ժանւի հին ու նոր գաղթականութեանց: Հին գաղթականու-  
թիւնը հաստատուեր է Շահ Աբբաս Մեծի օրօք, 120 տարիէ  
ի վեր, իսկ նորն Շահ Աբբաս Բ.-ի օրօք, 60 տարի չկայ<sup>2)</sup>:  
Նոր գաղթականութեան բնակավայրին փողոցներն աւելի լայն  
և ուղղաձիգ են և ամէնքը ծառերով զարդարւած, բայց բնա-  
կարաններն այնչափ գեղեցիկ չեն, ինչպէս հին գաղթականե-  
րինը: Սրա պատճառն այն է, որ նոր գաղթականները ոչ այն-  
չափ հարուստ են և ոչ այնչափ շոյւած ու յարգւած կառավա-  
րութենէն, ինչպէս հիները: Այս աւանի փողոցներէն ձմեռը  
գիշեր ցերեկ ջուր կանցնէ, բայց ամառը շաբաթն մի քանի  
օր միայն: Զուղայի այս ամբողջ մեծ աւանը, թէ հինն և թէ  
նորը, կը բաղկանայ 5 մեծ զուգահեռական փողոցներէ, որք  
գետէն դէպի լեռն, արևելք ու արևմուտք կը ձգւին և ուրիշ

1) Շարդէն 3000—3500 միայն կը հաւուսէ սննդի բիւր, եւ  
կըսէ ամենագեղեցիկները ջրի եզրին վրայ են:

2) Այս կամ սպարական սխալ է, կամ Շարդէնը քաղաքի  
մէջ կը սխալի, քանզի առաջինը նոյն քաան եւ վերջինը մէկ քաան  
պէտք է լինի:

շատ մը միջափողոցներէ: Ասոնց մէջ կան շուկաներ, հրապա-  
րակներ, բաղնիքներ, երկու փոքրիկ իջևանատուն, 11 եկեղե-  
ցի, մէկ վանք և ուրիշ փոքր և ոչ աղէկ շինւած տուն մը, որ  
կուսանաց վանք կը կոչուի:

«Ինչ կը վերաբերի Զուղայի նոր գաղթականութեանը,  
այն ունի չորս թաղ. ասոնցմէ ամենէն հեռու կը գտնուի այն  
թաղը, ուր արևապաշտ պարսիկներ կը բնակւին. միւս 3 թա-  
ղերն՝ Շէյխ Սաբանա, Շամսաբաղ, Էրևանլու, բնակւած են  
քրիստոնեաներէ: Եւրոպացիք երևանցւոց թաղին մէջ կը բնա-  
կին և ջեզլիթների հիւրանոցն ևս այնտեղ է: Ասոնք որչափ  
ջանք որ ըրեր էին, չէին կրցեր հռովմէական ուրիշ միսիո-  
նարների պէս քաղաքին մէջ տուն ունենալ: Զեզլիթներն  
Պարսկաստան եկած են 1645 թւականին: Հայր Ռիկարդին ա-  
նոնց գլխաւորն էր: Սա ունէր յանձնարարական նամակներ  
Պապէն, Ֆրանսիոյ թագաւորէն և քրիստոնեայ շատ մը իշ-  
խաններէ, բայց նամակների հետ չէր բերած որևէ ընծայ,  
առանց որի մէկն երբեք լաւ ընդունելութիւն չի գտներ Ա-  
րևելքի մէջ:

«Հայր Ռիկարդի, թուրք կայսրութեան վնասելու նպա-  
տակաւ, առաջարկեց մեծ ու անորոժաղբելի մի զաշնակցու-  
թիւն Ֆրանսիոյ ու Պարսկաստանի միջև: Այս զաշնակցու-  
թեան գլխաւոր պայմաններն էին. — Պարսից թագաւորին  
կնութեան պիտի տային օրիորդ Մոնփանէին,\* ) որին Քոնթէ  
իշխանը նաւատորմիղով մը, որի վերայ 20,000 մարդ պիտի  
լինէր, պիտի տանէր Հորմոզ: Նոյն միջոցին Ֆրանսական ու-  
րիշ զօրք մը ևս պիտի յարձակէր թուրքի վերայ Սուրբոյ  
կողմէն և ուրիշ այսպիսի խօլ ու այլանդակ առաջարկներ, ո-

\* ) Հ. Ռիկարդիի կրօնական խանդը յոյժ գովելի է... Իբխա-  
նագուն օրիորդ մը կուզէր հարսնութեան բերել Պարսկաստան, առա-  
նելութիւն մը հաստատելու չնչին արժանութիւն ստանալու համար:

րոնց ամէնի փոխարէն բարի հայրն շատ բան չէր ուզեր, եթէ ոչ մի քանի աննշան արտօնութիւններ»:

Բռնութեանց մասին խօսած ատեն, Շարդէն հետեւեալը կը պատմէ. «Հոկտեմբեր 12 (ն. տ.) 1673 թ. տառապանաց օր մը եղաւ Սպահանի բոլոր քրիստոնէից, մանաւանդ հայոց համար, իրենց գլխաւորի կամ կառավարչի ապստամբութեամբ, որ Աղափերի կը կոչւէր: Նա Սպահանի մեծ արուարձանին (Ջուղա) քալանթարն էր\*): Նա կէս ուսուսնական էր. մահմեդական դարձաւ: Յայն ժամ թագաւորը հրաւիրեց հայերը կրօնափոխ լինել: Ասոնք պաղատեցին Շահն, որ զիրենք իրենց կրօնին մէջ թողու: Ուրիշ պատճառների վերայ աւելցուցին, որ եթէ կրօնափոխ լինեն, այն ատեն իրենց գործակատարներն, որք Ներոպա էին, ալ չէին վերադառնար, որով անսահման հարստութեան կորուստ պիտի պատճառէին տէրութեանը: Նաև քրիստոնեայ իշխաններն չպիտի թողնէին որ ջուղայեցիք իրենց երկրին մէջ առևտուր ընէին: Այս պատճառները տրւելէ ետքը, ալ հայերը շատիպեցան կրօնափոխ լինելու»:

«Գեկտեմբեր 6-ին, 1674 թ. պարոնայք Սարհաղեաններ, որք Պարսկաստանի ամենահարուստ վաճառականներն էին, զիս մեծ խնջոյքի մը հրաւիրեցին: Անոնց ընտանիքը իրենց ազգին մէջ ամենահինը կը համարէի: Անոնք հինգ եղբայրներ են. ամէնքն ալ հարուստ և յաջողակ վաճառականներ:

«Արևելցի քրիստոնէից ընտանիքները խիստ բազմանդամ են: Սպահանի մէջ հայեր կան, որ 500 անձէ աւելի կը հաշուեն իրենց ազգականաց թիւը: Սրա պատճառն այն է, որ

\*) Քալանթարը Շահ Աբբաս առաջինի կարգադրութեամբ հայ դասաւոր էր, որի առջև կը բնակէին ջուղայեցոց ամէն դասերը: Նա այս դասաւորութիւնը կարգեր էր, որպէսզի հայերը նկուսէ ու զրկանէ ազատ մնան:

ամէնքը կամուսնանան և ամուրի մնալու ու անգաւակ լինելու համար մեծ սարսափ կզգան: Քիչ ծախք պէտք է սնուցանելու համար երեխաները, որք շուտով օգտաւէտ կը դառնան: Աղջիկները պսակած ատեն, փոխանակ դրամական օժիտի, անոնց միայն զգեստներ կը տան: Բացի այդիներէ, որք սովորաբար երկրորդ անգամ չեն ամուսնանար, ամէն ոք ամուսնացեալ է. և այսպէս, անոնց սերունդներն ամբողջ դարեր կը տեսնեն: Տեականութիւնը ազնւականութիւն կը տայ անոնց, սակայն և այնպէս, ոչ ոք չի արհամարհեր պարապել հողագործութեամբ կամ վաճառականութեամբ:

«Անգլիական գործակատարն իւր բոլոր ընտանիքով հոն հրաւիրւած էր խնջոյքին: Հրաւէրն անոր համար էր, որ կուզէին գործակատարին հաճելի ըլլալ և ապահովել անոր աջակցութիւնը մի գործի համար, որի մէջ հայերը կը յուսային շատ շահել:

«Միւս հրաւիրեալները, թւով 20 կամ 24 էին, որոնցմէ տասը տանտիրոջ յարգելի ազգականներն էին:

«Ես ժամը 11-ին հասայ խնջոյքին և տեսայ, որ արդէն սեղան նստեր էին: Հրաւիրեալները նստած էին մի մեծ, վեցկողմեան սրահի մէջ, որ կը նայէր պարտիզի մը, որի մէջ շինուած էր սրահն:

«Սրահը ծածկուած էր դմբէթով մը, որ կը կենար չորս կամարների վերայ: Այս կամարներն ևս կը բարձրանային կլոր գագաթի մը վերայ, որն զրւած էր չորս նման պատերի վերայ, ամբողջը նկարուած, ոսկեզօծուած և կապոյտ գոյնով ներկուած՝ ըստ մաւրիտանական ոճի, խիստ պայծառ մի գործ էր, ինչպէս զիտեն շատ լաւ ընել այս երկրին մէջ: Սրահը վերէն ի վար, զարդարուած էր փոքր խորշերով, փորուած պատի հաստութեան մէջ և կահաւորուած արծաթեայ ու յախճապակեայ ամաններով, որոնց մէջ զրւած էին ծաղիկներ: Յատակը ծածկուած էր ազնիւ գորգերով, չորս կողմն ունենալով ոսկեգործ դիպակներէ բարձեր:

«Սրահին ետևը կար մի մեծ նախագաւիթ, նոյնպէս զարդարւած ու կահաւորւած: Սա երեք կողմէ կը բացւէր պարտէզների վերայ և մէջտեղն ունէր մարմարիօնէ երկու գեղեցիկ աւազան՝ ջրբուխներով, որք գիշեր ցերեկ կը հոսէին: Ինձ համար տեղ մը պահեր էին տանուտէրի ձախ կողմն, որ նստեր էր վերի ծայրը, պատուոյ տեղը, իւր աջ կողմն ունենալով անդլիական գործակատարն:

«Արևելքի քրիստոնէից սովորութիւնն է, որ խնջոյքի տէրն երբ հասակաւոր ու մեծարոյ մի մարդ է, կը նստի բարձր ծայրը և իւր որդիներն ու եղբայրներն սպասաւորութիւն կընեն: Սեղանի սպասները դըւեր էին երկու մեծ ծածկոցի վերայ, որք ոսկէ, դիպակէ էին, կարմիր ու կապոյտ տեղով և կանաչ սնդուսէ աստառով: Սպասասեղանը սրահի վարի կողմն էր՝ ոսկեգօծ կաշիէ ծածկոցի վերայ: Սա կը բաղկանար երեք կամ չորս դուզին շիշերէ, որոց ապակին նուրբ ու վանակնի պէս պայծառ էր: Այս շիշերը գանազան տեսակ դինիով լի էին և ամէն մէկը փոխանակ խցանի, ծաղկի մի փունջ ունէր բերանին: Պարսկաստան օդն այնչափ զով և մաքուր է, դինիներն այնչափ լաւ շինւեր են, որ չի վախցւիր թէ կաւըրւին խցան շուենալու պատճառով: Այդ բազմաթիւ ու բազմատեսակ շիշերի շարքին մէջ կը տեսնուէին ծաղկամաններ՝ խառնւած վանակնեայ, պարզ արծաթեայ, ոսկեգօծ արծաթեայ, ապակեայ ու յախճապակեայ բաժակների: Ասոնց առջևը կար երկու մեծ կոնք, լի սառոյցի կտորներով, որք պարզ ու ջինջ էին՝ իբրև ջրի կաթիլներ: Սառոյցի գործածութիւնը Պարսկաստանի մէջ այսպէս է. նախ կտոր մը կը դնեն բաժակին մէջ, ապա կը հրամցնեն և ետքը գինին կը լեցնեն անոր վերայ: Այս սպասասեղանին նայիլը հաճոյք կը պատճառէր: Անբաղդատելի ու պայծառ գոյնով ընտիր գինիների տեսքը մի վայելք է, զոր արևելցիները մեզմէ աւելի ունին իրենց խնջոյքների մէջ:

«Նս ըսի, որ երբ հասայ, արդէն առաջին կերակուրը դը-

րեր էին: Կերակուրը լեցւած էր ոսկեգօծեայ, ջնարակեայ ու նկարազարդ փայտէ կլոր ու քառակուսի մեծ ափսէների մէջ: Ասոնցմէ ամէն մէկն իւր մէջ կը պարուռակէր տասնևվեցէ տասնևութն յախճապակեայ փոքր ամաններ, չոր ու հեղուկ բանդակներով, մեծ մասամբ ախորժակը սրելու համար, վասրնզի այս բանդակները պատրաստուեր էին կոճապղպեղէ, հասարակ ու մշկահոտ ընկոյզէ, քարսամոմէ (հիլ), գանազան տեսակ սալորէ, նարնջի ու կիտրոնի կեղևներէ և ուրիշ պրտուղներէ:

«Ասոնց հետ կային ևս նշաշաքար, պաքսիմատ ու համեմներ: Հրաւիրեալներէ ամէն մէկն իւր առջևն ունէր սկուտեղ մը: Երկու մատաղահաս և գեղադէմ պատանի, վայելչապէս հագնւած, շուրջանակի կը հրամցնէին ռուսական ու ֆրանսական օղի և իտալական վարդօղի: Ժամ մը այս սեղանին վերայ մնացին, որպէսզի ախորժակնին բացւի, քիչ կը խօսէին և իւրաքանչիւր ոք պատշաճութիւն կը պահէր: Նւագողների և երզողների խումբ մը, նախասենեակի մէջ նստած, կը դըւարճացնէր հիւրերը: Պարսիկների նւագածութիւններն այնչափ ներդաշնակ շեն որքան Եւրոպիոյ մէջ, բայց ուրախ, դըւարթ ու ազատաթոխ են:

«Կէսօրին բանդակներն և դիպակէ ծածկոցները հաւաքեցին և վերջինների փոխարէն շատ ազնիւ դաջած (զալամքար) աստառով ու խիստ լայն ծածկոցներ փոփոխին: Ասոնց վերայ շարեցին հրաւիրեալների ամէն մէկի առջև մի անձեռոց, երկու արծաթէ պնակ՝ իրար վերայ դրած, մի դզալ, մի գանակ, պատառաքաղ, մի աղաման և մի պղպեղաման: Այս սպասներն յատկապէս մեզ եւրոպացւոցս համար կը դնէին, քանզի ոչ հայերն, ոչ պարսիկներն և ոչ ալ ամէն արևելցիք այս բաները կը գործածեն սեղանի վերայ: Կերակուրները միշտ արևելցոց կը թւին աղէկ համեմւած. անոնք արագ և առանց խօսելու կուտեն և այնպիսի շնորհքով, որ ճաշի ատեն առանց երբեք ձեռքերնին սրբելու, ինչպէս մենք կընենք, սեղանէն վեր

կելնեն այնչափ մաքուր, որչափ նստած ժամանակին: Այս ըսածս մահմեդականների համար է և ոչ քրիստոնեաների, որք շատախում և շատակեր են, քան առաջիններն:

«Յիրաւի» պարսիկների սեղանին վերայ դալ կը դրւի, բայց միայն այն ատեն, երբ արդանակ կը տան, և այս դալներն, որ խոր ամանների մէջ կը դրւին, մէկ ոտք երկայնութեամբ կոթ ունեն, որպէսզի հեռէն հասնել կարենան: Նախ մեզ բերին աղցաններն արծաթեայ պնակներով: Ասոնց մէջտեղը դրեր էին փոքրիկ յախճապակեայ աման մը, որ կը պարունակէր շաքարի ու քացախի մէջ եփած սխտոր, խաղող, խնձոր և ուրիշ պտուղներ, իսկ ամանի շուրջը շարեր էին կարմիր բոզկ, մանր կիտրոն, դալար սոխիկ, անանուխ և ուրիշ բարկ կանաչներ՝ ախորժակ գրգռելու համար: Ամէն մէկ հրաւիրեալի առջև այս պնակներէն մէկը դրին, այնուհետև հաց, որ ունէր շատ տեսակներ՝ թուղթի պէս բարակ, մատի չափ հաստ և ուրիշն՝ աւելի հաստ: Հացէն ետքը բերին երկու արծաթեայ սկուտեղներ, մէկը լի կարծր եփւած ձուով, միւսը մանր խորովածով:

«Այս խորովածը դառան մսի, լեարդի ու երիկամների կտորներ էին, զորս սոխի ջրի ու քացախի մէջ պահելէ և բուրովին համեմելէ ու ախորժահամ ընելէ ետքը կը խորովեն փոքրիկ փայտէ շամփուրիկներով, այնպէս ինչպէս դուզին մը արտոյտներ: Այս սկուտեղները մէկ մէկի ետևէ կարգաւ կը ներկայացեն հիւրերին. ամէն ոք ինչ որ կուզէ՝ կառնէ: Արևելցի քրիստոնէից սովորութիւնն է, խնջոյքը սկսել կարծր եփած հաւկիթով: Ասոր պատճառն այն է, որ երկարատև ու յաճախակի պահք պահելով, ձուն անոնց համար նորութիւն է: Ոմանք ինձ ըսեր են, թէ այն պատճառով է, որ կարծրեփ հաւկիթը կարգիլէ գինին շուտով գլխուն երթալու:

Այս սկուտեղները հրամցնելէ քիչ մը ետքը բերին ուրիշ երկու աւելի մեծերն, որոնցմէ մէկին մէջ կային երեք դուզին խորոված շատ մեծ աղաւնիներ, միւսին մէջ տապ-

նութն խորոված ուսիկներ ոչխարի, իւրաքանչիւր հիւրի համար մէկը: Այս սկուտեղները կը բերւէին ճաշատունը, ծածկըւած թերթանման հացով, որի վերայ դրւած էր ևս քառածայ ծածկոյթ մը, դրեթէ այնպէս, ինչպէս որ թարմ հաւկիթն ու շաղանակը կը բերեն մեր երկրին մէջ: Սկուտեղները կը մատուցանէին նախ տանուտէրին, որ բանալով՝ կտոր մը կառնէր, ապա կը հրամցնէին անգլիական գործակատարին և ապա ինձ և ետքէն ուրիշ հիւրերին, կարգով, ինչպէս նստեր էին: Անոնց մէջ երբեք անքաղաքավարութիւն չէ մեծ պնակի մէջէն ընտրել այն կտորն, որ կուզեն առնել, ոչ ևս եթէ աղաւնիի մը պոչիկ մը կամ ուրիշ կտոր մը որ առեր են, բայց ախորժեղի չէ, մեծ պնակն վերադարձնել, ուրիշ մը առնելու համար: Քառորդ ժամ մը ետքը բերին մեծ սկուտեղների մէջ խորոված ու թարմ ձուկ և ամենքը նոյն կերպով, ինչպէս առաջիններն և նոյնքան ժամանակ ետքը՝ խաշած միս: Վերջինս կը բերէին կճուճաճև յախճապակեայ ամանների մէջ, որք սաների չափ մեծ են: Այս ամանները դրւեր էին մեծ ու տափակ սկուտեղների վերայ, ոմանք ծածկւած արծաթեայ կամ պղնձեայ կափարիչով: Այս կճուճներէն մէկը լեցւած էր թթւաշ, համեղ արդանակով, միւսը արդանակով ու ոչխարի մսի կտորներով, ուրիշ մը ապուրով, ուրիշ մը հաւի մսով, ուրիշ մը եզի թարմ ու տաք և աղի ու պաղ մսով, ուրիշ մը յօշուած մսով՝ խառնւած սէրով, մաշով ու կանաչով, ուրիշ մը որթի տերեւի խճողակներով, ուրիշ մը տապակած վարունգի խճողակներով և ուրիշ շատերն համադամ կերակուրներով, զորս երկու ժամի չափ բերին ու տարան: Մէկ սկաւառակը միւսին կը յաջորդէր և ամէն մէկ կերակուրի ետևէն կը բերէին գեղեցիկ ու ջնարկեալ փայտեայ սկուտեղի մը մէջ երկու դուզին յախճապակեայ պնակներ իրար վերայ դիզած:

«Ասոնք կը դրւէին ճաշարանի մէջ, սփռոցին վերայ, տանուտէրին դէմ առ դէմ, երկու սպասաւորների առջև, որք ծոնկ չոքած՝ իւրաքանչիւրն ունէր ի ձեռին մեծ դանակ և

իրեն մօտ մի արծաթէ խոր և մի երկար կոթով տափակ դգալ: Այս սպասաւորներն աչքներնին միշտ տանուտէրին վերայ պահած, անորմէ կստանային կերակուր բաժնելու նշանն և անմիջապէս յախճապակեայ պնակների մէջ կը դնէին և մատաղահաս պատանիներ կը տանէին հրաւիրեալներին: Գժւարաւ կընայ մէկը հաւատալ, թէ որչա՛փ կարգով և ինչ սքանչելի լուսթեամբ այս գործողութիւնները կը կատարուէին. բառ մը չէր լսւեր և ոչ ամենեին պնակների ձայն, և քանի որ ճաշարանն առանց կօշիկի կը մտնէին, գորղերով ծածկւած լինելու շնորհիւ քայլելու ձայնն անգամ չէր լսւեր: Տանուտէրը միշտ աչքը սոյն դանակաւոր սպասաւորների վերայ կը պահէր, որպէսզի հսկէր, որ մեծագոյն կտորներն աւելի նշանաւոր անձերի տանեն:

«Այս մտեղէն կերակուրներէն ետքը իւրաքանչիւր հրաւիրեալի առաջ դրին յախճապակեայ ամաններով երկու տեսակ օշարակ՝ քաղցր և թթու համով և տարբեր ճաշակով. ասոր մէջ կար փայտէ դգալ մը, որի կոթը մէկուկէս ոտք երկայն էր և գլուխն խոր ու այնչափ մեծ, որ տասն հասարակ դգալի չափ կընար պարունակել: Այս օշարակներն արևելցւոց ըմպելիքներն են իրենց ճաշկերոյթի ատեն, երբ ոգելիցներ շեն ուզեր խմել: Ըսածս մահմեդականաց համար է, քանզի քրիստոնեայք Եւրոպայի հետ ունեցած յարաբերութեան և դինու համար զգացած յօժարութեան պատճառով կը սովորին կերած ատենը մեզ պէս ոգելիցներ խմել:

«Հուսկ յետոյ բերին փլաւներն տասն խիստ մեծ սկաւառակներով, որոնցմէ մէկը հազիւ մարդ մը կընար տանել: Փլաւը բոլոր Ասիոյ մէջ, մինչ Հնդկաստան, աշխարհիս մահմեդականների սովորական ու անուշահամ կերակուրն է:

«Այս մի կերակուր է, որի գլխաւոր կազմանիւթը բերինձն է: Ես անոր նկարագրութիւնը բերեմ եմ պարսից կերակուրների մասին խօսած ատեն և ըսեր եմ ի միջի այլոց, որ այս միշտ վերջին կերակուրն է, որով ճաշը կը վերջանայ:

Ան դինթափ կընէ, կը կշտացնէ և սքանչելապէս կը սնուցանէ: Ասորմէ այնչափ կուտեն, որ կը կարծէք պիտի խեղդուին, բայց կէս ժամէ ետքը չի գիտցուի թէ ան ինչ է եղեր: Գուք երբեք չէք դգար ստամոքսը ծանրաբեռնւած: Այս խընջոյթի փլաւները ամէն գոյնով ու ճաշակով էին, պարզ, ճերմակ, դարձիով սնուցած փոքրիկ վառեակներով, ճերմակ խառնըւած սամիթով ու գառի մսով, ուրիշ մը դեղին՝ շաքարով ու քրքումով, ուրիշ մը՝ կարմիր նուռի ջրով, ուրիշ մը մանիշակագոյն՝ սև թութի ջրով, ուրիշ մը ծածկւած աղի ձուկով և մանրած մսով: Շատ մը սկաւառակների մէջ երեք-չորս տեսակ փլաւներ կային, և այս ամէնի մեծագոյն մասը պատրաստուեր էին Հնդկաստանի այն ազնիւ բրինձէն, որ անուշահոտ բրինձ կը կոչեն, քանզի ան քաղցրաբոյր հոտ ունի, որ անուշահոտութեամբ կը լեցնէ օդն, և որն լաւ պատրաստուած ատենն աշխարհիս ամէն համադամներն արժէ: Այնչափ տեսակ միս բերին, որ ի վերջոյ իմ առջևս մօտ երեսուսն փոքր պնակ ու խոր պնակ կային: Ասոր վանական ոճով օբապարէն կամ մի աւուր կերակրի բաժին կը կոչեն, և յիշաւի, ո՛չ միայն վանականների կանոններն, այլև կենցաղավարութիւնն այնչափ կը նմանին արևելցիների սովորութեանն, որ դժւար չէ գտնել թէ այն կանոններն իրենց սկիզբն անոնցմէ առեր են:

«Այսպէս, արևելցիներն սեղան կը նստին ամէնքը միևնոյն կողմը, մէկը միւսէ ետք, ընդ երկար շարւելով, առանց դէմ յանդիման անձ մը ունենալու: Կերակուրը պնակների մէջ հետզհետէ կը բերեն: Իւրաքանչիւր ոք ունի իւր սպասը դատ ու առանձին: Սեղանին վերայ ամենեին շեն խօսեր, բայց կերած ատենը կը գոհանան պարզ կամ երաժշտական ընթերցմամբ մը, եթէ հնարաւոր է այսպէս կոչել այն վէպերն, որոնք կերգւին արևելցւոց խնջոյթների մէջ, գրեթէ ինչպէս կընեն օպերայի մէջ: Սպասարկութիւնը կը լինի առանց ձայնի և ձեզ պատեհութիւն շեն թողուր ոչինչ ուզելու: Այս համանմանութիւնն Եւրոպիոյ վանականների և արևելեան

ժողովուրդների միջև այն պատճառով է, որ Եւրոպիոյ վանականները հետևեր են արևելցիներին, որք առաջին միաբանակիցներն եղեր են:

«Պառնայով մեր խնջոյքին, սեղանի սպասը մեծաշուք էր, վասնզի բոլորն արծաթեայ էին կամ յախճապակեայ. վերջինն աւելի թանկագին է քան արծաթն: Կային կանաչ յախճապակիներ, որոնցմէ մեծ սկաւառակները չորսէ հինգ հարիւր սկուտ արժեն: Բան մը չկայ այնչափ յարմար լինի կերակուր ուտելու համար, որչափ յախճապակին. ամանները միշտ նորի պէս են: Բայց մենք չենք կրնար դիւրաւ այս խնջոյքն Եւրոպայի մէջ ունենալ, քանզի մեր օդն շատ ցուրտ լինելով՝ միւր յախճապակեայ ամանների մէջ խիստ շուտ կը սառի. բացի ասկէ, մեզ ամաններ պէտք են, որոնց մէջ կարենանք միւր կտրել, քանի որ արևելցիներն կը բերեն միւր կտրատուած, բոլորովին պատրաստ, բերան տանելու համար, և այնչափ լաւ եփուած, որ երբեք դանակի պէտք չունին և միայն մատերով կտոր-կտոր կընեն:

«Ժամը երեքին տանուտէրը վստահ լինելով որ հիւրերն լաւ կերած ու խմած էին, մեզ նախասենեակը տարաւ: Գինին ամէնքի զւարթութիւնը գրգռեր էր և խօսակցութիւնն այնչափ լաւ տաքցեր էր, որ ալ նւագին ուշք չէին դարձներ, ուստի զայն դադրեցնել տւին: Մենք նախասենեակի մէջ գրտանք աղանդերն պատրաստ դրւած մետաքսէ ու ոսկեթել դիպակէ սփռոցների վերայ, շարւած երկու հարիւր յիսունէ աւելի պնակների մէջ. կը բաղկանար չոր ու թարմ պտուղներէ, բանդակներէ, խաւիարէ, Կասպից ծովի և Պարսկաց ծոցի աղւած ձուկերէ, կարագէ, կաթնեղէններէ, փուռի մէջ եփած կարկանդակներէ և ուրիշ խմորեղէններէ: Անդ կային ևս շատ տեսակ խնձոր ու տանձ, ճերմակ, դեղին, հինգ վեց տեսակ խաղող, կարմիր ու կանաչ սեխ, բոլորն ալ խիստ ընտիր: Պարսկաստան պտուղները ստորերկրեայ շտեմարանների մէջ կը պահեն, ուր տեղի մեծութեան համեմատ երկու կամ երեք

փոքրիկ ճրագ կը վառեն, որն պտուղների սառելն կարգիլէ: Թագաւորների, վաճառականական ընկերութեանց և մեր մեծագոյն բարեկամների կենացն այնքան դինու բաժակներ պարպեցին, որքան որ ոյժ ունէին բերան բանալու, որմէ ետքը ամէն մէկը կը ցածին պէս կծիկը դրաւ: Ես փախայ ժամը եօթին և դնացի ննջել իմ բարեկամներէս մէկի տունն, որ սոյն թաղի մէջ կը բնակէր, որովհետև տանուտէրը զմեզ աւելի երկար պահելու համար մեր ձիերն ախոռի մը մէջ դնել տւեր էր և մեր ծառաներն ալ սրահի մը մէջ առատապէս կերակրել տւած էր:

«Սրահի ու նախասենեակի նկարագրութիւնը բրած ատեն մոռցայ պատմելու, թէ ինչպէս զանոնք տաքցուցեր էին, մեծ հրակայներ դնելով: Պարսիկները սովորապէս կրակարան չեն գործածեր և ուր որ անոնցմէ կայ, շատ փոքրիկ ու վառարանի ձևով են, բայց մեծ ժողովների ատեն հրակայ կը գործածեն:

«Ամսի 20-ին լուր հասաւ, որ Զմիւռնիայէ Թաւրիզ եկող կարաւան մը Հոկտեմբեր ամսի մէջ Կարինի մօտերը կողոպտուեր է, և հայոց անորմէ կրած վնասն երկու հարիւր հազար սկուտ էր\*»:

### ՍՍՖԱՒԵԱՆ ՀԱՐՍՏՈՒԹԵԱՆ ԱՆԿՈՒՄՆ

### ԵՒ ՊԱՐՍԿԱՍՏԱՆԻ ԽՈՒՎՈՒԹԻՒՆՆԵՐԸ

Շահ Սուլթան Հիւսէյին իւր հօր՝ շահ Սիւլէյմանի մահէն ետքը, 1694-ին, Սաֆաւեան գահը բարձրացաւ: Շահ Աբբաս Ա.-ի մահովն Սաֆաւեան տէրութեան աճումն ու զարգացումն դադրեր էր և մասամբ իւրիք նւագումն սկսեր էր, Շահ Հիւսէյ-

\* Շարդեհի յիշած սկուտը հաւանականաբար այժմեան 4 Ժրանգ 80 սանթիմի չափ արժողութիւն ունէր:

նի օրօք տկարութեան նշաններն մէկէն երևան ելան և դահավէժ անկում ունեցաւ: Այս թագաւորն թուլասիրտ էր, տէրութեան կարևոր գործերը թողնելով, ժամանցներով իր օրը կանցնէր: Միաժամանակ, միտքը դրաւ իւր տէրութեան բոլոր այլակրօն հպատակները կրօնափոխ ընել:

Հայերի ստոր դասակարգէն քանի մը վատեր, ոմանք սպառնալիքներէ անաբեկւած, ոմանք մեծամեծ խոստումներէ հրապուրւած և ուրիշներն իրենց ազգականներէն ժառանգութիւն առնելու յոյսով, կրօնափոխութիւն կեղծեցին: Հաստատւած մի քանի անարդար որոշումների պատճառով հայերը մեծ տառապանաց ենթարկւեցան: «Թովղէ թիլ Սաֆաի» հեղինակը փոխանակ պետութեան դահավէժ անկման բուն պատճառներն որոնելու, կը ճգնի այդ տարրերի կրօնափոխութեանը վերագրել այն, հետևեալ խօսքերով. «Այն ամէն վրացիներն ու հայերն, որք առանց ապացոյցի կրօնափոխութիւն կը կեղծէին, ճշմարիտ ու վկայեալ հաւատացեալների վերայ իշխան կարգւեցան և այս եղաւ անկման պատճառներէն գլխաւորը»:

Երկրի խառնակութիւնն սկսաւ Ղանդահարէն: Շահ Հիւսէյն այս քաղաքին ու նահանգին կուսակալ կարգեր էր Գորդին խան Շահնաւազ մականունով վրացի մը: Այս մարդը խիստ անիրաւ մէկն էր և անտանելի բռնութիւններ ի գործ կը դնէր: Ղանդահարցիք անոր ձեռքէն բողոքելու համար՝ Ղըլիշայի ցեղէն Միրվէյս աֆղան պետ մը Սպահան պատգամաւոր զրկեցին, իրենց ցաւերը թագաւորին յայտնելու և անորմէ ամօքում մը գտնելու յոյսով: Միրվէյս հասաւ մայրաքաղաք և չկրնալով Շահ Հիւսէյնը տեսնել, դիմեց մեծամեծաց ու նախարարաց: Ասոնք ալ ոչ միայն անոր խնդիրն ուշադրութեան չառին, այլ և շատ անգամ կծու ու հեզնական խօսքերով զինքը յանդիմանեցին:

Աֆղան պատգամաւորն ամէն կողմէ յուսահատ, շատ կաշառքով հրովարտակ մը ձեռք բերաւ, որ իւր Մեքքէ ուխտագնացութեանն արգելք չգրէր: Մեքէէ ուղղակի Ղանդահար

դարձաւ և Շահի հրովարտակն իւր գլխարկին վերայ բաց դարնելով, իրեն ընդ առաջ եկող երևելիներին ու ժողովուրդին այնպէս իմացուց, թէ Շահն այն նահանգի կուսակալութիւնն իրեն շնորհէր էր: Այս հնարքով նա իւր շուրջը շատ կուսակիցներ հաւաքեց և առանց ժամանակ կորսնցնելու, յանկարծ յարձակւեցաւ նահանգապետ Գորդին խանի վերայ, որ պարտեղի մը մէջ անհող կը գւարճանար, և զայն բռնելով՝ շարաշար սպանեց և ինքզինքը կուսակալ յայտարարեց:

Շահը մեծ զօրքով Քէյխոսրով խանը զրկեց ապստամբութիւնն զսպելու: Այս հրամանատարը գնաց Ղանդահար քաղաքը պաշարեց և երկար ատեն չկրցաւ առնել, ինքն ևս ի վերջոյ ապստամբներէ սպանւեցաւ: Շահ Հիւսէյն կրկին անգամ զօրք զրկեց, բայց չկրնալով քաղաքն առնել, զօրքը դարձաւ ու ցրւեցաւ: Ասկէ ետքը Պարսկաստանի ամէն կողմերը կարող ու հզօր իշխաններն սկսան կեդրոնական կառավարութեանը չհնազանդել և իբր կէս ապստամբ տիրել իրենց նահանգին:

Միրվէյս ութ տարի տիրապետելէ ետքը մեռաւ: Ասոր յաջորդեց իւր եղբայր Աբդիւլ Ազիզ, որն մէկ տարիէ ետքը իւր եղբօրորդի Մահմուդէն սպանւեցաւ:

Մահմուդ իւր իշխանութիւնն Ղանդահարի մէջ հաստատելէ ետքը՝ զօրք ժողովեց և Քերման քաղաքն առնելէ ետքը դէպի Սպահան յառաջացաւ: Շահ Հիւսէյնը Մահմուդի մերձենալը լսելով՝ սպահանցիներէ հապճեպով գինւորութեան յարմար կարծւածներն ընտրեց և սպառազինելով՝ աֆղանների դէմ զրկեց: Ասոնց մէջ կային ևս 600 հայեր: Երկու կողմի զօրքերը Գեյլունաբադի դաշտին մէջ, որ Սպահանէ չորս ֆարսախ հեռու է, իրար հասան: Զօրքն աֆղանների քիչւորութիւնն ու գէշ կերպով սպառազինւած լինելը տեսնելով՝ շատ ուրախացաւ, սակայն առաջին բաղխումէն մեծ կորուստ կրելով, ամէն բան թողաւ և մինչ մայրաքաղաք փախաւ: Փախուստն այնչափ արագ էր, որ Փարահաբադ պալատի առջև եղող թնթա-



նօթներն անգամ հետերնին չառին) այլ տեղն ու տեղը թողուցին:

Մահմուդ այսչափ դիւրութեամբ յաղթելուն վերայ զարմացաւ և երեք օր ճակատամարտի դաշտը կեցաւ, որպէսզի իւր հետևորդները զօրքի թողած աւարները հաւաքեն, և այնուհետև անարգել հասաւ Ֆարահաբադի արքունի մեծ պալատն, որ Ջուղայէ երեք քիլօմետր հեռու էր:

Շահ Հիւսէյն և իւր նախարարները զօրքի պարտութեան լուրն առածին պէս թահմասեր Միրզա արքայորդին թագաժառանգ անւանելով՝ Ղազվին ղրկած էին, որ զօրք հաւաքէ և մայրաքաղաքին օգնութեան բերէ և իրենք ալ քաղաքը պաշտպանութեան վիճակի մէջ էին դրած: Ջուղայեցի հայերը կառավարութենէն խնդրեցին, որ իրենք ևս մայրաքաղաքին մէջ առնւին, բայց անոնց խնդիրքը մերժեցաւ: Միայն քանի մը հայեր շատ թախանձելով ու ընծաներ տալով, ընդունեցան քաղաքին մէջ:

Ասկէ ետքը հայոց նկատմամբ տեղի ունեցած դէպքերն տարբեր կերպով պատմւեր են զանազան գրիչներէ, բայց ես կը նախընտրեմ թարգմանել Մալքոմի պատմութենէն, զորս ժամանակակից ու գրեթէ ականատես երկու եւրոպացիների (Հանովէյ և Քրուզինսքի) օրագրութիւններէն քաղելով, կը գրէ:

«Հայ գաղթականութիւնն աւելի մեծ յաջողութեամբ հասաւ Շահ Աբբաս Ա.-ի անմիջական յաջորդների իշխանութեան տակ, բայց Շահ Հիւսէյնի թագաւորութեան նոյն իսկ սկիզբն մեծ փոփոխութիւն մը տեղի ունեցաւ անոնց վիճակին մէջ: Այդ բարեբարոյ, բայց թուլակամ միապետը չէր կրնար պաշտպանել իւր ժողովրդի և ոչ մէկ դասը, և հայերն հարւածման առարկայ դարձան... Հետևապէս պէտք չէ մենք զարմանանք, որ տկար արքունիքը վախցաւ վստահանալ հասարակութեան մը, զորն այնչափ խորապէս վիրաւորեր էր, և այս կասկածի անիրաւութիւնն այնպիսի վայրկեանի մէջ իր

անրանյայտման եղանակովն աւելի ծանրացաւ: Թագաւորն իւր մերձաւորների թելադրութեամբ հայերը կը հրաւիրեն հայ դունդ մը կազմել արքայական անձի պաշտպանութեան համար: Ջուղայի հայերը շողոքորթեա՞ծ համարման մի այսպիսի գերագանց նշանով, այն ամէնքն որք կրնային սպառազինւել, հետևեալ օրն ի հանդէս շարւեցան պալատին առջև, բայց կառավարութիւնը փոխանակ զանոնք պաշտօնի անցնելու, զէնքերնին առաւ, իմացնելով որ անոնց վերայ վստահութիւն չունէր և թէ պետութեան պահապան զինւորների խումբ մը պիտի ղրկէ թէ Ջուղան թշնամեաց դէմ պաշտպանելու և թէ արգիլելու այն վտանգներն, որք կրնային առաջ գալ:

Սակայն ոչ նախատինք և ոչ անիրաւութիւնք կրնային մղել հայերը դէպի այն մատնութիւնն, որի համար կը կասկածւէին: Վասնզի թէև անոնք դժգոհ էին մինչ այդ եղած հալածանքներէն, սակայն կը սարսափէին մինչև անգամ խորհել աֆղանների յաջողութիւններէն առաջ գալիք հետևանքների վերայ: Ուստի իրենք առաջարկեցին պահել և կերակրել այն գունդերն, որք պիտի ղրկւէին իրենց քաղաքի պաշտպանութեան համար, և երբ տեսան որ զօրաց թիւը անհամեմատ քիչ էր, իրենք պատրաստեցան իրենց միջոցներով պակասը լեցնել:

Մահմուդ Կոլունաբադի յաղթութենէն ետքը եկաւ Ֆարահաբադը գրաւեց, և մինչև Ջուղա յառաջանալով, անմիջապէս յարձակեցաւ այս արուարձանին վերայ: Երկու ժաման բաղխումէ ետքը յաջողեցաւ միայն փոքրիկ արտաքին պատւար մը ձեռք բերել:

Ջուղայի հայերն, որք մեծ արիւթիւն ցոյց տւին այս դիմադրութեան մէջ, դիմեցին Շահ Հիւսէյնի զօրաց հրամանատարին և խնդրեցին իրենց հրազէն տալ՝ կուելու համար: Անոնք առաջարկեցին յարձակիլ աֆղանների վերայ և զանոնք յետ մղել իրենց գրաւած դիրքէն: Սակայն հրամանատարը չուզեց օգնել և նոյնիսկ արգիլեց Սուֆի Միրզա արքայագ-

նին, որն կուզէր ի նպաստ հայոց շփոթութիւն մը պատճառելու համար, խումբ մը ձիաւորներով երթալ թշնամւոյ կողմերէն մէկը գարնելու:

Հայերը զինաթափ ընելու այս ընթացքը, յառաջագոյն հնարքին հետ, շատերին կարծել տւաւ, որ հրամանատարութիւնը մտադիր է Ջուղան մայրաքաղաքի ապահովութեանը զոհել, այն մտածումով, որ աֆղաններն Ջուղայի բնակչաց հարստութեանց վայելումով իրենց վայրենի եռանդէն շատը պիտի կորսնցնէին:

Նախապարհապէս տիրելու հետեւեալ իրիկունը թշնամին փոքրիկ անցք մը ևս բացեր էր Ջուղան շրջապատող բարձր բայց ցեխաշէն պատին մէջ: Փիղ մը մղւելով այդ անցքէն, շուտով գայն լայնացուց և անցանելի ճեղքւածք մը գարձուց, որով և աֆղանները արշալոյսին քաղաքը մտնելու որոշումը տւին: Սակայն հայերն կանխատեսելով անոնց մտադրութիւնն, առաջարկեցին պայմանադրութեամբ անձնատուր լինել: Պայմանները շուտով որոշուեցան: Ջուղայեցիք համաձայնեցան կողոպտելէ ազատ մնալու համար եօթանասուն հազար թուման տուրք վճարել: Այս ծանր հարկադրութեան վերայ՝ ուրիշ մը բնութեամբ աւելի նախատալից ու անագորոյն աւելացաւ Մահմուդէն: Նա պահանջեց Ջուղայի ամենազեղանի և ծնունդով ամենազնիւ կոյսերէն յիսունը անմիջապէս իրեն յանձնել:

Չոհերն ընտրուեցան ու զրկուեցան իրենց ամենաճոխ զգեստներով Ծարահաբադ պալատն, ուր աֆղան իշխանը կը բնակէր: Նա անոնցմէ մի քանին ընտրեց իւր կանանոցի համար և մնացորդը բաժանեց իւր զլխաւոր հրամանատարներին:

Հայերն սովորեցր էին ամենամեծ նախանձայոյզ ոգով նայել իրենց ընտանեաց պատւին վերայ և ոչինչ չէր կրնար զերազանցել այն սարսափն ու գարհուրանքն, որ այս հրապարակային բռնաբարութեան արարքն առաջ բերաւ: Էրիկ

մարդիկ կերենային խորասուզած լուկ թախծութեան մէջ, մայրերը կը ճշային խելացնոր վայրագութեամբ իրենց անպատւած աղջիկների վերայ և տխրալի զոհերն իրենք տեղի տւին յուսահատութեան մը, որ անոնցմէ շատերն ճողոպրեցին իրենց ճակատագրէն, իրենց կեանքին վերջ տալով: Աֆղաններն որչափ ալ վայրագ էին, չկրցան առանց յուզումի այսպիսի տեսարանի մը հանդիսատես լինել. շատերն ազնւաբար վերադարձրին վշտալի կոյսերն, ուրիշներն ալ փոքրիկ փրկանք մը առին, այնպէս որ նախկին թիւէն միայն մէկ քանիսն պահեցին, որոնք ևս ժամանակէ մը ետքը իրենց ցնորեալ ծնողաց վերադարձուեցան:

Պետական զօրքը որևէ ջանք չըրաւ անհանդիստ անելու աֆղաններն այս գործունէութեանց ատեն, և Մահմուդ քաջալեբւած զօրքի անգործութենէն, իւր զինւորները հրաւիրեց աւելի կարևոր աշխարհակալութեան մը:

Մահմուդ Ջուղան առնելէ անմիջապէս ետքը պաշարեց Սպահանը 1722 թ. Մարտ 20-ին (ն. տ.): Աֆղան պետն ըստ ոմանց ընդամենը 8,000 և ըստ այլոց 12,000 զինւոր ունէր: Նկատի ունենալով Պարսկաստանի մայրաքաղաքի դիրքն ու տարածութիւնն և այն ժամանակի բազմամարդութիւնն, որ 6—700,000ը կանցնէր, դժւարաւ կրնանք ըմբռնել, թէ այսչափ սակաւաթիւ զօրքով ինչպէս կարելի է այնպիսի քաղաք մը պաշարել և սովամահ ընելով առնել: Այսու ամենայնիւ իրականութիւնն այս է:

Այս տարօրինակ դէպքն ուրիշ կերպով հնարաւոր չէ բացատրել, եթէ ոչ այն ժամանակի զօրքի ամենամեծ վեհերոտութեամբը: Քաղաքացիք ու զօրքը աւելի կը նախընտրէին օրէօր անօթութեամբ դառն ու սոսկալի տանջանքներ կրել և յամբաբար սովամահ լինել, քան թէ այրաբար քաղաքէն ելնելով մարտնչել, ազատելու կամ մեռնելու համար: Թէև յընթացս երկարատեւ պաշարման, կառավարութիւնն անգամ մը մտադրութիւն ունեցաւ աֆղանների բոլոր կէտերի վերայ

մէկէն յարձակում ընելու, թագաւորն ևս քաջալերւած հայոց ըրած առաջարկութենէն, որք կը խոստանային Ջուղայի պահապանների վերայ յարձակիլ, երբ ընդհանուր յարձակումն սկսէր, սակայն այս ամէն յոյսերը յօդս ցնդեցան նահանգապետի մատնութեան վախէն:

Չնայելով հայոց այսչափ հաւատարմութեանը ու անձնագործութեանը, Շահ Հիւսէյն ուղեց մայրաքաղաքն ապաստանած հայերը կորսնցնել, պատճառաբանելով որ ջուղայեցիներն աֆղանների հետ միացեր էին: Սակայն նախարարներէն մէկն այս անարդար խորհրդի գործադրութիւնն արգիլեց, հաստատելով որ ջուղայեցիներն անճարութենէ ստիպւած, աֆղաններին անձնատուր եղեր էին:

Սպահան 7 ամսի չափ ուտելեաց պակասութեան և անտանելի քաղցին դիմանալէ ետքը\*) Մոհարրամ ամսի 12-ին, 1135-ի հիջրէթի (1722 թ. Հոկտեմբ. 12-ին) անձնատուր եղաւ: Շահ Հիւսէյն անձամբ, իւր նախարարների հետ, Մահմուդի բանակը գնաց և քաղաքի ու արքունեաց բանալիներն յաղթողին յանձնեց: Մահմուդ իւր զինւորներէն նախ 1000 հոգի զրկեց, որ երթան քաղաքն, արքունի դանձին և զէնքերին տիրեն և ինքն ալ երկու օրէ յետոյ մեծ փառքով Սպահան մտաւ:

Մահմուդ նախարարներն իրենց պաշտօնին մէջ վերակարգեց և ստիպեց, որ Շահ Հիւսէյնն իւր ձեռքով յաղթողի գլուխը թագ դնէ և զայն ճանաչէ թագաւոր Պարսկաստանի: Այնուհետև ամէն մեծամեծների անունները գրի առնել տաւ, իբր թէ անոնց նոր պաշտօններ պիտի տայ, բայց անմիջապէս անոնցմէ 114-ին սպանեց, որմէ ետքը ևս 31 հոգի բռն-

\*) Անգլիական գործակալի գրած նամակէն կը տեսնուի, թէ սովն այնչափ սասկացաւ, որ մարդիկ սկսան մեռնելների միսն ուտել, եւ եղան այնպիսի ծնողներ, որք իրենց զաւակներն խողխողեցին ու կերան:

նելով, Սաֆաւեան ցեղը սրէ անցուց: Պատմագիրների խօսքին նայելով, աֆղանները 15 օր անդադար կողոպտեցին քաղաքը, և ձեռքերն ինկած մարդերն ղերեցին, ամբողջ թաղեր գետնին հաւասար ըրին, նոյնպէս ևս Յարահաբազ մեծ պալատը կործանեցին: Սպահանն այս հարւածէն չվերականգնեցաւ: Տակաւին աւերակ մնացած ամբողջ թաղեր ու շուկաներ կենդանի վկաներ են աֆղանների աւերածութեանց:

Քաղաքը ապաստանած հայերը, Մահմուդի հրամանով, Ջուղա զրկեցան զինւորներով, որ տուգանքի մնացորդը պատրաստեն ու վճարեն: Այս անագորոյն զինւորներն ահռելի չարչարանքներ տւին հայերին և որպէսզի սոքա գումարը շուտով լրացնէին, չորս երեւելի հայի, այն է Քալանթար Խաչիկի, Խալիլարենց Գրիգորի որդի Սայեադի, Սամբուրի Մանուկի և Կապախենց Ակոբջանի որդի Սայեադի գլուխները կտրեցին: Հայերն աննկարագրելի դժւարութիւններով մնացորդ 53,000 թումանը լրացնելով, վճարեցին: Բայց դարձեալ չարչարեցան, քանզի պարտաւորեցան բացի դրամէն տալ ևս կերպասեղէնի 50000 հազար կապոց: Ջուղայեցիք ստացան ևս աֆղաններէ 7,000 հատ չկարւած կապայի և ուրիշ զգեստների կերպասներ՝ կարելու համար և բազմաթիւ վերմակի, անկողնի ու բարձի համար մետաքսէ ու ոսկեթելի դիպակներէ կտորներ, որ կարել պատրաստելէ ետքը յանձնեն յաղթողի պաշտօնատարաց ու սպաներին: Բացի ասոնցմէ, ջուղայեցիները Մահմուդին տւին 600 հայ հրացանակիրներ, զորս նա միացրեց իւր զօրքի հետ: Յաղթական բռնաւորն հայերէն ընտրեց ևս 60 երիտասարդներ և իւր մեծագումար դանձի համար պահապան կարգելով, զանոնք զրկեց Ղանդահար, անդ նրանց կրօնափոխ անելու վերջնական նպատակով: Այսու ամենայնիւ, կերէի, որ մինչ մէկ կողմէ աֆղաններն կը չարչարէին ջուղայեցիներն, իրենց վերայ գրւած տուրքը փութով ստանալու համար, այլապէս հայ երեւելիները աֆղան մեծամեծաց մօտ բաւական ազ-

դեցութիւն կը բանեցնէին\*):

Մահմուդ երկուս և կէս տարի մոլեզնաբար թագաւորելէ ետքը կատարելապէս խենթացաւ և սպանւեցաւ Աշրաֆի ձեռքով, որն ըստ ոմանց իւր եղբօր որդին էր, ըստ այլոց՝ հօրեղբօր որդին: Աշրաֆ թագաւորական գահը նստաւ և Պարսկաստանի մի քանի նահանգներին ևս տիրեց:

Այս ատեններս աֆշար ցեղէն Նաղեր անունով մէկն, որ յետոյ Նաղեր Շահ կոչւեցաւ, հետզհետէ զօրացաւ և շատ տեղերի տիրեց: Նախ Սեմնանի մերձակայքը՝ Մեհմանդոստ կոչւած դետակի մը մօտ, ապա Մուրչախորի մօտ Աշրաֆի հետ մարտնչելով, չարաչար պարտութեան մատնեց վերջինիս: Աֆղան բռնաւորն աճապարանօք դարձաւ Սպահան, ուր ամէն տեսակ աւեր, բռնութիւն դործելէ ետքը անցաւ Շիրազ, և այն տեղէ ալ փախաւ Ղանդահար, և անդ Մահմուդի որդու ձեռքով սպանւեցաւ: Նաղերն Աշրաֆի ետէն Սպահան մտաւ 1142 թ. Ջեմադի-օլ-աւալ 8-ին (1729 թ.) և քաղաքի մէջ գտած աֆղաններն ու անոնց կուսակիցներն ամէնքն ալ ջարդեց, ջուղայեցիներէ 6,000 թուաման տուրք առաւ և մի քանի օր ետքը Շահ թահմասպը քաղաք բերելով՝ թագաւոր պսակեց:

\*) 1722 թ. Հոկտեմբեր 22-ին, Սպահանի Անգլիական ընկերութեան գործակալն իւր նամակին մէջ կը գրէ. «Մենք աճղան զինուորների առաջին անգամ քաղաք մտած ատեն ամէն բռնութենէ ու զրկանքէ պահպանելուն համար բոլորովին պարսկական ենք խօսք Մարգարի մեսական միջնորդութեան, որ այնչափ ազդու կերպով հոգ կը տանէ այն ամէն խնդիրներին, որք կը վերաբերին ընկերութեան գործերին եւ նա այնչափ մեծ ազդեցութիւն ունի անոնց (աճղանաց) վերայ»:

Ուրիշ անգամ եւս, մինչ աճղան կառավարութեան քրտմանակնակալ պահանջին համար սոյն գործակալը զինուորներէ քշապատելով՝ խիստ վստահաւոր դրութեան մէջ կը գտնուէր, դարձեալ խօսք Մարգար վերայ հասնելով, զայն զինուորների ձեռքէն կազատէ, քանի որ ժամանակ առնելով:

Այս թագաւորութեան ծախքի առթիւ նորէն ջուղայեցւոց վերայ 2500 թուաման հարկ դրաւ: Ատեն մը ետքը Նաղեր Սորասան գնաց և վերադարձին տեղեկացաւ, որ Շահ թահմասպ օսմանցւոց հետ պատերազմելով յաղթւեր է և մի քանի նահանգ տալով՝ հաշտութիւն ըրեր է: Նաղերը թագաւորին յանդիմանեց, ըսելով որ Պարսկաստանի իրաւունքն ոտնակոխ ըրեր է, զայն գահէն վար առաւ և անոր մի քանի ամսական տղայի գլուխը թագ դնելով՝ Պարսկաստանի թագաւոր հրատարակեց: Քիչ ետքը Նաղերը Մեշէզ դրկելով Շահ թահմասպը, ճամբան սպանել տուաւ, և անմիջապէս թուրքիոյ դէմ պատերազմ յայտարարեց: Նաղերը օսմանցւոց վերայ յարձակեցաւ և պաշարեց Ղարսը: Պաշարման միջոցին նախ Բայազետի և Կաղզւանի կողմերն, և ապա մինչև Կարին ասպատակներ զրկեց, որք գնացին այս երկիրները աւերեցին և բազմաթիւ գերիներ բերին, մեծ մասամբ հայեր, զորս Սորասան քշեց: Բացի ասոնցմէ, Նաղերն Արարատեան երկրէն ևս մերձ 300 տուն հայեր Սորասան գաղթեցնել տուաւ\*): Օսմանցիք Երևանի նահանգն և ուրիշ գաւառներ տալով, հաշտութիւն ըրին Նաղերի հետ:

Այնուհետև Նաղերը զօրքն հետն առած, գնաց Մուղանի ընդարձակ գաշտը և անդ բանակ դրաւ: Նաղեր մինչ Մուղան կերթար, մանուկ թագաւորը սպանւեց Սպահանի մէջ, որով Սաֆաւեան թագաւորութեանը վերջ դրւեցաւ: Յայնմամ Մուղան ժողովեց Պարսկաստանի երևելիներէն շատերը և 1736 թ. Մարտ 9-ին յայտնելով մանուկ թագաւորի մահը, հրամայեց որ Պարսկաստանի գահին արժանաւոր թագաւոր մը ընտրեն: Ժողովն ամէնէն արժանաւորը Նաղերը գտաւ և այս-

\*) Թէեւ այս գաղթականութեանց ու գերեվարութեանց յիշատակն Ջուղայի հայոց ողբերգական ներքին մէջ պահուած է, սակայն ոչ մէկ զրիչ որեւէ տեղեկութիւն չէ բողբ. գեթ ես որեւէ բան չեմ գիտեր այս բազմաթիւ հայոց նակատագրի մասին:

պիսով Նաղերը թագաւոր պսակեցաւ:

Ասկէ ետքը Նաղերը մեծ գօրութեամբ Հնդկաստան արշաւեց և Գեհլի ու շատ ուրիշ քաղաքներ առնելով, անբաւաւարով Պարսկաստան վերադարձաւ: Այս հարստութեամբ ևս աշխարհակալի ազանութիւնը շյաղեցաւ: Ջուղայեցիք, ինչպէս և երկրի զանազան կողմեր բնակւող հայերը Նաղերի տիրապետութեան ծանր տուրքերէն զերծ չմնացին: Նաղեր, ամէն տարի, Ջուղայեցիներէ բացի սովորական հարկէն, 20,000 — 40,000 թուման արտակարգ տուրք կառնէր իւր գօրաց վրձարելու համար: 1745-ին, մի մեծ գումար տուգանք ևս ձգեց Ջուղայեցւոց վերայ: Այս անընդհատ հարկերի շատութենէն դիւրին է երևակայել որչափ մեծ են եղեր Ջուղայեցւոց հարստութեան և եկամուտների աղբիւրներն, որ այսպիսի տուրքերէն բացի կրցեր են այդքան մեծ տուգանք մը ևս տալ:

1747-ին, Նաղեր սպանւեց և Պարսկաստան նորէն մեծ խռովութեանց մէջ ինկաւ: Ամէն իշխան, ամէն կուսակալ, ամէն պետ, որ քիչ-շատ թիւով կուսակից կրնար իւր շուրջը հաւաքել, զէնք առնելով՝ իւր դրացւոյն վերայ կը յարձակէր: Ամբողջ Պարսկաստան կուրի, կոտորածի և աւարառութեան ընդարձակ դաշտ դարձաւ: Հետզհետէ ասպարէզ ելան Աղել շահ, Իբրահիմ խան Միր Հասան, Աբուլֆաթի խան, Ալի Մարդան խան և Ազադ խան: Ասոնցմէ ամէն մէկը փոքրիկ յաջողութեան պարագային ինքզինքը կը յայտարարէր թագաւոր կամ իշխան Պարսկաստանի, վաղանցուկ տիրապետութիւն կամ կուսակալութիւն մը կը վայելէր և փոքրիկ ձախորդութեամբ կաներևութանար:

Այս ընդհանուր խռովութեանց և յարձակումների ժամանակ Պարսկաստանի հայոց և ի մասնաւորի Ջուղայեցւոց կրած ձախորդութիւններն անկարելի է ճշտիւ գրի առնել: Անգամ մը որ Ջուղայեցւոց անուընդ հարուստ էր ելեր, ամէն նոր իշխանաւոր կամ յաղթող նոր գօրավար, նոր տուրք կը

սպաննջէր, և քանի որ անոնք աֆղանների յարձակումէն սկսեալ մինչ Նաղեր Շահի սպանումն անդադար հարստահարութեանց և տարապայման հարկատուութեան ենթակայ եղեր էին, առանց նոր շահաբեր միջոց ունենալու, ալ անոնց մօտ կարող ու անկարող չէին մնացեր: Ուստի իւրաքանչիւր նոր տուրքի պատճառով այր, կին, ծեր, երեխայ, սոսկալի ու անտանելի տանջանքների կը մատնւէին: Անագորոյն հարկահաւաքներն իրենց ձեռք մատնւած գոհերէն մէկ քանին այնչափ կը դանահարէին, որ ուշաթափ կը լինէին. ժամանակ մը կը թողնէին, որ ուշքի գան և շունչ առնեն և ետքը նորէն կը ծեծէին, մէկ քանիսն գլխովայր կը կախէին, ուրիշները տոպրակի մէջ դնելով՝ հերիւններով կը ծակէին: Շատերը տանջանքի տակ կը մեռնէին. ապրողները մինչև պահանջած տուրքը տային կամ իսկապէս շունեցած ատենը շուտով փոխառութիւն գտնելու խոստում չընէին, չէին ազատուեր:

Այս վիճակը տևեց մինչ Քարիմ խան Չանդի միայնակ տիրապետութիւնը, 1757-ին: Ասոր կառավարութեան տակ Պարսկաստանի ժողովուրդը քիչ մը շունչ առաւ, բայց ի մասնաւորի հայերն անոր խնամատարութեան ու բարերարութեան շնորհիւ հանգստութիւն վայելեցին:

Այս մարդասէր վեհապետի մահւամբն (ըստ ոմանց 1778-ին, ըստ այլոց՝ 1779-ին) Պարսկաստան նորէն շփոթութեանց մէջ ինկաւ, և հետզհետէ արքայական տիրոջ ատին կամ միապետութեան թեկնածու եղան, որք էին՝ Չաքի խան, Ալի Մուրադ խան, Աբուլֆաթի խան, Սադրդ խան, Ջաֆար խան: Այնպէս որ կռիւններն ու թշուառութիւններն անպակաս եղան, մինչև որ Ազա Մահմադ խան տիրացաւ բոլոր Պարսկաստանի իշխանութեան:

Ջուղայեցիք, որք սկիզբները միայն վաճառականութեան համար օտար երկիրներ կը դնային և կրկին իրենց օթևանը կը դառնային, Շահ Սուլթան Հիւսէյնի թագաւորութեան ըսկիզբէն սկսան քիչ-քիչ, ընտանիքով, այլ և այլ երկիրներ դադ-

թել, այնպէս որ 1705 թւականին արդէն մերձ 160 տուն դատարկ և անբնակ դարձեր էր: Այս իրական մի ապացոյց է, թէ Ջուղայի ժողովրդի թիւը նւագման վերայ էր, քանզի գաղթողների տներն անբնակ կը մնային:

Այս պանդխտութիւնը հետզհետէ աւելի շատցաւ և Մահմուդի ու հետագայ խառնակութիւնների և ներքին կռիւների ժամանակ փախուստի կերպարանք առաւ: Սկիզբները Փերիա գաւառի Շուրիշկան գիւղի Աւետարանին և ուրիշ ուխտավայրերը այցելելու պատրւակով Ջուղայէն կը մեկնէին, տունտեղ նոյնութեամբ թողնելով, և միայն թանգակին և թեթևակշիռ իրերը իրենց հետ տանելով: Բայց երբ այս կերպը անբաւական ու անընդունելի դարձաւ, յայնժամ գաղթողներէն հարուստները թէ Ջուղայի քալանթարը և թէ քաղաքի վերակացուն կամ քաղաքապետն և ճանապարհի պահապանները կաշառելով, կը մեկնէին, իսկ ոչ հարուստները քառապատիկ վարձ վճարելով կարաւանապետներին և ամէն վտանգ աչքի առաջ առնելով, գիշերով կը փախչէին և արագութեամբ կը ճամբորդէին, որպէսզի իմացելով չբռնէին, վասն զի գաղթողներէն բռնւածները ծանր տուգանքների կենթարկէին: Գաղթողները մեծաւ մասամբ Փերիա կամ Շուշտար, ուրկէ ալ Բասրա կամ Բաղդադ կերթային, մասամբ ալ Շիրազի և Բուշերի վրայով Հնդկաստան և այլուր. փոքրագոյն մասն ալ Փերիայէն կանցնէին Համադան և կը գաղթէին Ռուսիա:

### ԱՂԱ ՄԱՀՄԱԴ ՇԱՀ ՂԱՋԱՐ ԵՒ ՅԱՋՈՐԳՆԵՐՆ

Աղա Մահմադ Շահ, որմէ կսկսի Ղաջար հարստութիւնը, թրքական Ղաջար ցեղի գլխաւորներէն մէկն էր: Մանկութեան ժամանակ Աղբլ շահի հրամանով ներքինացեր էր և ետքէն Քարիմ խան Չանգի մօտ իբր պատանդ կը պահէր Շիրազի մէջ: Վերջինի մահէն ետքը Շիրազէն փախաւ Մադանգարան, ուր իւր ցեղէն կուսակիցներ հաւաքելով, սկսաւ

աշխարհակալութեան, փոփոխական յաջողութիւններէ ու անյաջողութիւններէ ետքը կրցաւ հետզհետէ զօրանալ, իւր ամէն հակառակորդաց յաղթել և ի վերջոյ, 1796-ին, Թեհրանի մէջ թագադրուել: Տարի մը ետքը Շուշի բերդի մէջ սպանւելով իւր երկու ծառաների ձեռքով, իրեն յաջորդեց Ֆաթհալի շահը:

Ֆաթհալի շահը թէև հայոց աւելի հաշտ աչքով կը նայէր, սակայն իւր կառավարութեան թուլութեան պատճառով Ջուղայի և գաւառների հայոց վիճակը չբարելաւեց: 1815—1818 և ինչպէս 1831—1834-ի վերջը երեքական տարիների սաստիկ սովի ժամանակ հայերը շատ նեղւեցան. բարեկեցիկ գասակարգը բոլորովին աղքատացաւ, իսկ աղքատների մէջ մինչև անգամ սովամահ եղողներ գտնւեցան: Շատ մարդիկ Ջուղայէն, մանաւանդ գաւառներէն, օտար երկիրներ և ի մասնաւորի Ռուսիա գաղթեցին: 1823—24-ի տեսները Հաջի Հաշէմ խան անունով մէկը զօրանալով և իւր շուրջը յետուակներ հաւաքելով՝ մերձ երկու տարի Ջուղայի բնակչաց և շրջակայ ապրող հայոց շատ շարիքներ հասցուց:

1825-ին, Ֆաթհալի շահ անձամբ Սպահան գնաց, անհող ու ապիկար կուսակալին պաշտօնանկ ըրաւ և բարբարոս Հաջի Հաշէմ խանին կուրացրեց, որով հայերի վիճակը թեթևացաւ: Սակայն, թագաւորն Թեհրան դառնալէն յետոյ, նորէն Սպահանի մէջ անկարգութիւնները քիչ-քիչ սկսան և երթալով մեծցան ու շատացան:

Աւագակախմբեր կազմւելով՝ ամէն տեսակ բռնութիւններ կը գործէին և քաղաքացւոց կը կողոպտէին: Վրանաբնակներն աներկիւղ կողոպուտ կրնէին, կը յարձակէին կարաւանների վերայ և սպանութիւններ կրնէին: Ասոնց համարձակութիւնն հասաւ այն աստիճանի, որ նոյնիսկ արքունի հարկն, որ Սպահանէն Թեհրան կը զրկէր, ճամբի վերայ խլեցին ու տարան: Այս անկարգութիւններն և արքայորդի կուսակալի անհողութիւնը պատճառ եղան, որ Ֆաթհալի շահ երկրորդ ան-

դամ Սպահան գնաց և անիշխանութեանց վերջ տուաւ: Սակայն, թագաւորի մահովը խառնակութիւնները նորէն սկսեցան: Աւագակախմբերի և դատարկաշրջիկների խումբերն ոչ միայն քաղաքացիներն օր ցերեկով սկսան կողոպտել, այլ և նոյնիսկ արքունի բանակի վերայ յարձակելով, ամէն բան աւարի տալ:

Ասոնք քանիցս փորձեցին Ջուղան ևս կողոպտել, բայց ջուղայեցիք իրենց առաջնորդ Յովհաննէս արքեպիսկոպոսէ քաջալերելով, քաղաքի դարպասներն և ուրիշ մուտքերն փակեցին, զինուելով քաջաբար դիմադրեցին և յարձակողներէն շատերը վիրաւորելով՝ յետ մղեցին: Սպահան գտնուող յելուգակների խմբերը տեսնելով ջուղայեցիների դիմադրութիւնը, մտադրեցան աւելի մեծ բազմութեամբ յարձակիլ, սակայն Յովհաննէս արքեպիսկոպոսի հնարագիտութիւնը, Սագինեան Գաւիթ խանի 3,000 հետեակ զօրքի մերձակայութիւնը և Իմամ Ջուժա կրօնապետի բարի ու մարդասիրական խորհուրդները շարագործների դիտաւորութիւններին արգելք եղան:

Այս անկարգութիւնները մեղմացան, երբ Մահմադ Միբգան նստեց թագաւորական գահի վերայ և Սոսրով խան Սամուէլեանը 1836-ին կարգեց Սպահանի կուսակալ: Բայց տարի մը ետքը Իմամ Ջուժայի և Սոսրով խանի միջև գժտութիւն ծագելով, ամբօրը յարձակեցաւ կուսակալի պալատի վերայ: Ձինւորները կուսակալին լքեցին, պատճառաբանելով, թէ չէին կրնար իրենց կրօնապետին դէմ պատերազմ մղել: Սոսրով խան իւր մնացորդ 100-ի չափ հաւատարիմ զինւորներով և Սագինեան Գաւիթ խանի հրամանատարութեան տակ եղող 150 հայ զինւորներով նախ ամբօրին դէմ դրեց, ապա Սպահանէն դուրս ելնելով, Սէֆղաբադ պարսպաւոր պալատն ամրացաւ, իւր հետ տանելով 4 թնդանօթ ևս: Ամբօրը 4 օր պալատը պաշարելէ և անընդհատ հրացան արձակելէ ետքը նահանջեց, հարիւրաւոր մեռեալ թողնելով:

Յաղթուող ամբօրը իմանալով որ պաշարեալներն իրենց պաշարն զաղտնի կերպով կստանային ջուղայեցիներէն, որո-

շեցին յարձակիլ Ջուղայի վերայ, սակայն Իմամ Ջուժան հեռատեսութեամբ և խոհեմութեամբ այս որոշման գործադրութեանն արգելք եղաւ: Սոսրով խան\*) զիշերով թեհրան մեկնեց և կռիւը դադարեցաւ: 1840-ին Մահմադ շահ անձամբ Սպահան այցելեց և ապստամբներն ու շարագործները խստիւ պատժելէ և խաղաղութիւն վերահաստատելէ ետքը, կուսակալութիւնը յանձնեց Մանուշար խանին և ինքը թեհրան վերադարձաւ: Ասոր կուսակալութեան ժամանակ Ջուղայի ու գաւառների հայերը կատարեալ անդորրութիւն վայելեցին և հարւածներէն սկսան սակաւ ինչ շունչ առնել:

\*) Սոսրով խան վրասացի հայ էր, ազնական ընտանիքէ: Պատանի տարիքի մէջ ռուսաց զինուորական ծառայութեան մէջ էր, իբր կրսներ ազնական, երբ գերի բռնուելով՝ բերեցաւ Պարսկաստան, Շահն իւր անձնական ծառայութեան մէջ առաւ և զայն հանձնարեց ու հաւատարիմ գտնելով, հետզհետէ յառաջացուց և մինչև կուսակալութեան ասիւնանի հասցուց:

ՀԱՄԱՌՈՑ ԱԿՆԱՐԿ ԶՈՒՂԱՅԻ ԱՆՑԵԱԼԻ ՎԵՐԱՅ

Նոր Զուղայի, Ինչպէս և Սպահանի կամ Պարսկա-Հրնդ-կաստանի թեմի հայերն եօթն տարբեր շրջան ունեցեր են:

Առաջին շրջանը կսկսի Իրենց Նոր Զուղա գաղթելէն մինչև Շահ Աբբաս Բ.-ի թագաւորութիւնը: Այս ժամանակամիջոցը հսկայաքայլ յառաջադիմութեան մի շրջան է, քանզի 30—35 տարւան պաշտպանութիւնն ու քաջալերութիւնն, որ ջուղայեցիներն վայելեցին Շահ Աբբաս Ա-էն և իւր յաջորդ Շահ Սէֆիէն, անոնց համար բաւական եղաւ Զուղայի չոր ու անշէն գետինը բազմամարդ քաղաքի մը վերածելու. քաղաք մը՝ շինութեանց գեղեցկութեամբ, ապարանից հոյակապութեամբ, որ ոմանց համար Շարդէն պալատ կը կոչէ: Նոր Զուղան յայտնի դարձաւ նաև իւր բնակչաց յառաջադիմութեամբ, հարստութեամբ ու գործառնութեանց մեծութեամբ, որ կը գերազանցէր Պարսկաստանի ուրիշ քաղաքներն:

Զուղայեցիք ոչ միայն իրենց բնակութեան համար մեծածախս տներ շինեցին, այլ և անհոգ ու անտարբեր չեղան կրօնական պաշտման համար ևս հոյակապ տաճարներ կանգնեցնելու, և ասոր մէջ հարուստներն աւելի իրար հետ կը մրցէին, քան թէ առանձին շինութեանց մէջ: Հայկական քաղաք մը չկայ, որ եկեղեցիների թւով կամ շէնքի հոյակապութեամբ կարենայ մրցիլ Նոր Զուղայի հետ:

Զուղայեցիները իրենց շինարարութիւնը շահամանափակեցին միայն եկեղեցիներով, այլ եղան այնպիսիներն, որ

հանրօգուտ շինութեանց ևս ձեռնարկեցին, ինչպէս է Զայան-դերուզ գետի վերայ շինուած կամուրջն, որ կը կապէ Սպահանը Զուղային: Մինչ մէկը մեծածախս կամուրջ կը պատրաստէր, միւսը կը հպարտանար կամուրջի աչքերէն մէկը արծաթով լեցնել և այսպէս արդիւել ջրի անցքն: Եթէ ի նկատի առնենք հայերի Նոր Զուղա հասնելու սկիզբը և մերձ կէս դար կեանքը, անվարան կարելի է ըսել, որ այս ժամանակամիջոցն արտակարգ յառաջադիմութեան շրջան մը եղեր է, և նմանը քիչ անգամ տեսնւեր է ազգաց պատմութեան մէջ:

Երկրորդ շրջանն, որ կէս դարի չափ տևողութիւն ունի, միջին շրջանն է: Շահ Աբբաս Բ.-ի գահակալութեամբ ջուղայեցւոց յառաջադիմութիւնն կսկսի յամբանայ ու ջլատիլ. մերթ ընդ մերթ հալածանքներ ի գործ կը դրւին: Այսուհանդերձ, ջուղայեցւոց գործառնութիւններն այնչափ ընդարձակ էին և շահերն այնչափ մեծ, որ կորուստների բացը կը ծածկէին: Սակայն, բռնութիւններն ու հարստահարութիւններն հետզհետէ կը բազմանան և կը սաստկանան, տուրքերն կանեն և կը բազմապատկեն<sup>1)</sup>, որով յառաջադիմութիւնը դադարման կը մօտենայ և յետադիմութիւնն կը սկսի:

Շարդէն իւր առաջին այցելութեան ժամանակ հայոց մէջ 10-ի չափ անձինք գտաւ, որ 500,000 լիւր դրամ ունէին<sup>2)</sup>, իսկ միջակ հարուստներն բազմաթիւ էին: Երկրորդ անգամին պարզապէս կըսէ, որ երկրի հարստութիւնը կիսով չափ պակսեր էր, անշուշտ հայոց մէջ գտած տարբերութիւնն աւելի մեծ պիտի եղած լինէր: Շահ Հիւսէյնի թագաւորու-

1) Շահ Աբբաս Ա.-ի ժամանակ ջուղայեցիք միայն 9000 ծրանք տուրք կը վճարէին, իսկ Աբբաս Բ.-ի մահէն ետք՝ 50,000 սկուանդ:

2) Ուրիշ սպագրութեան մէջ «երկու կամ երեք միլիոն» է, իսկ երկրորդ այցելութեան ատեն միայն «մէկ միլիոնէ աւելի», որով երեք մէկի իջած կը գտնուէ:



Թեան սկիզբէն մինչ աֆղանաց յարձակումն, մերձ 30 տարւայ ընթացքին, երբորդ շրջանը կը կազմէ, յետադիմութեան շրջանն է:

Չորրորդ շրջանը գահավէժ անկման շրջանն է: Այս կը սկսի աֆղանաց յարձակումով, 1722-էն և կը տևի մինչև Քարիմ խան Չանդի միահեծան տիրապետութիւնը 1757-ին: Այս միջոցին Ջուղա գահավիժաբար յետին աղքատութեան, սակաւամարդութեան և մեռեալ վիճակի կը մատնւի:

Հինգերորդ շրջանը Քարիմ խան Չանդի տիրապետութեան կը գուղադիպէ, երբ հայոց թշուառութիւնը կը թեթեւանայ, ամօքում մը կունենայ և ժողովուրդը կը սկսի շունչ առնել: Նոր Ջուղա, ըստ Քէմֆրբի, վերջինիս այցելութեան ատեն (17-րդ դարի վերջերը), 6,000 տուն կամ 30—50,000 հարուստ ու յառաջադէմ բնակիչ ունէր:

Սպահանի թեմին պատկանող ուրիշ տեղերն, ի բաց առեալ արտասահմանեան երկիրները, թէև ստոյգ տեղեկութիւն չկայ թէ որչափ հայեր կային, բայց ամէն հաւանականութեամբ ջուղայեցիներէ աւելի պէտք է լինէին, շուրջ 40—60,000, որով Սպահանի թեմի Պարսկաստանի մէջ ապրող ամբողջ ժողովուրդի թիւը 100 հազարէն պիտի լինէր: 19-րդ դարի սկիզբներն, երբ Սըր Ջոն Մալքոլմը Նոր Ջուղա այցելեց, կըսէ թէ Նոր Ջուղան միայն 300 տուն բնակիչ ունէր, իսկ ամբողջ թեմը, ի բաց առեալ Հնդկաստանի, 12,383 հոգի: Այս թիւն ևս մեծապէս պիտի նւագէր, եթէ գիւղացիք կարենային ընտանիքով գաղթել: Թէև տղամարդիկ ազատ էին երթալ ուր կուզէին, սակայն կանանց ու աղջկանց իրենց բնակատեղէն մեկնել չէին թոյլատրեր, եթէ ոչ զժւարութեամբ ու մեծ ծախքով:

Վեցերորդ շրջանն կսկսի Աղա Մահմադ շահի գահակալութեամբ և կը տևէ մինչև Նասրէդդին շահի գահակալութիւնը, այսինքն կէս դարէ մի քիչ աւելի: Քանի որ այս ժամանակամիջոցին մէջ հարստահարութիւններն բոլորովին չէին

վերջացած, այլ մերթ ընդ մերթ երևան գալով, նոր վերքեր կը բանային, հայերը վերջին դարի վերջերը յետին թշուառութեան ու աղքատութեան հասեր էին, վաճառականութիւն, արհեստ, վստահութիւն աներևութանալու վերայ էին, ուստի անոնք չէին կրնար որևէ յառաջադիմական քայլ ընել և հազիւ հնդկահայոց առատածեռն օգնութեամբ կրնային իրենց անկեալ վիճակը շարունակել:

Եօթներորդ շրջանը բարւոքման մի շրջան է: 1848-ին Պարսկաստանի գահը բարձրացաւ Նասրէդդին շահն և այն ատենէ ի վեր սկսաւ ամբողջ երկրի բարւոքումն: Սոյն իմաստուն վեհապետն արդարութիւնն ու անաշուտութիւնն իրեն առաջնորդ ունենալով, այնչափ հոգ ու խնամք ունեցաւ իւր ոչ մահմեդական հպատակների նկատմամբ, որչափ իւր կրօնակիցների համար: Համայն Պարսկաստանի ժողովուրդի այս հայրախնամ կառավարութենէն ջուղայեցիք ևս օգտւեցան: Սպահանի թեմի ժողովուրդը մի ուրիշ բարեբախտութիւն ալ ունեցաւ Թաղէոս եպիսկոպոս Բէզնագարեանի պէս առաջնորդ ապահովելով: Առանց մանրամասնութիւններ պատմելու, այս անգուղական առաջնորդի գործունէութիւնն անգնահատելի կը դտնեմ և պարտք կը համարեմ ըսել, որ ջուղայեցիք պէտք է միշտ մեծ երախտագիտութեամբ անմոռանալի պահեն անոր յիշատակն: Ազգ մը, ժողովուրդ մը, անհատ մը, որչափ վար ինկած լինի, այնչափ աւելի դժւար կը լինի անոր վերականգնումն: Այսպէս եղաւ նաև ջուղայեցւոց և Սպահանի թեմի համար: Անոնք այնչափ չքաւորութեան ու տղիտութեան յետին կարգը հասեր էին, որ այդ առաւելութիւններով հանդերձ, յամբար կըրցան միայն իրենց տխուր վիճակէն ելլել: Ջուղայեցիք այժմ թէև բաւականին յառաջադիմեր ու իրենց վիճակը բարւոքեր են, սակայն ճոխ ու նախանձելի դրութիւն ունենալէ խիստ հեռու են\*):

\*) Գոհութեամբ կուզեմ աւելցնել, որ ինչպէս կիմանամ, այժմ (1899) ջուղայեցիք շարունակեցին 1874-էն ի վեր աւելի ա-

Հին Ջուղայի վերայ խօսած ատեն տեսանք, որ անոր քնակիչներն իրենց վաճառականութեան համար ունեցած արտակարգ ձեռքով յաջողեր էին այն արեակէզ, անբերրի և ժայռուտ վայրը հոյակապ շինութիւններով լեցնել և քաղաքը թանկագին ապրանաց մթերանոց ու կեդրոն դարձնել: Անոնց վաճառականութիւնն անմիջական կամ սահմանակից նահանգների ու տեղերի հետ չէր, այլ շատ հեռուոր երկրների: Նոր Ջուղայի պատմութեան հեղինակը կը յիշէ հայոց գերեզմանատան մէջ տապանաքար մը տեսած լինել, որ հայոց Ռ (Փրկչական 1551) թւականը կը կրէ:

Հայոց Սպահան գաղթելէ 11 տարի առաջ, Շահ Աբբաս Ա.-ի կողմէ խոջա Նազարին շնորհւած մէկ հրովարտակէ կը տեսնուի, որ արդէն Հին Ջուղայեցիք ընդարձակ վաճառականութիւն ունէին Պարսկաստանի մէջ, քանդի, ինչպէս այժմ, նոյնպէս և այն ատենները, հրովարտակ մը ձեռք բերելը բաւական ծախքի կարօտ էր: Յարութիւն Տէր Յովհաննիսեան իւր նոր Ջուղայի պատմութեան մէջ ևս, նամակէ մը (որ հայոց 1058 Յուլիս 27-ին գրւեր է), առնելով, հետեւեալ քաղաքը մէջ կը բերէ. «Այս ութ տարի է, իմ եղբայր Սքեանդարն ի վաճառականութեան է գնացեր, գնշանն ի Լահոռայ երկիրն կուտան»:

Այս գրւածքէն պարզ կերևի, որ Հին Ջուղայեցիք Սպահան գաղթելէն առաջ Հնդկաստան կերթային: Եթէ այդ երկրին մէջ ուրիշ հայեր չգտնուէին և Հին Ջուղայի հետ յարաբերութեան մէջ չլինէին, ինչպէ՞ս կարելի էր Յովսէփ վարդա-

րագաբար յառաջադիմել. անոնք բարելաւել են իրենց նիւթական վիճակն և կրթական հաստատութիւններն:

պետի եղբոր ձայնը Լահոռի երկրէն առնել:

Սակայն, հայերը նոր Ջուղա հաստատելով և թագաւորի ընծայած պաշտպանութեան ու քաջալերութեան շնորհիւ հսկայաքայլ յառաջադիմութիւն ըրին և մեծ զարդացում տրւին վաճառականութեան, այնպէս որ թէ իրենք արագօրէն անշափ հարստացան և թէ նոր Ջուղան, որ առաջ ամայի մի վայր էր, Հին Ջուղայի փոխարէն ամէն տեսակ թանկագին ապրանքների մթերանոց դարձուցին, նպաստելով Պարսկաստանի յառաջադիմութեանն ու հարստութեանն:

Ջուղայեցւոց վաճառականութիւնը մէկ կողմէ Հնդկաստանի բոլոր գլխաւոր քաղաքներն և Չինաստանի քանի մը նաւահանգիստներն<sup>1)</sup> և կեդրոնական Ասիան<sup>2)</sup> ձգւելու, միւս կողմէ Թուրքիոյ, Ռուսիոյ և Եւրոպիոյ բոլոր վաճառաշահ քաղաքները<sup>3)</sup> տարածւեցաւ: Այսպիսով անոնք այն ատեն աշխարհիս ամենամեծ և ամենատառաջին վաճառականներն էին<sup>4)</sup>

1) Ես հանդիպել եմ գրւածքի մը մէջ, որի աղբիւրը այժմ չեմ յիշեր, որ 17-րդ դարի մէջ հայերն եկեղեցի ունէին Քանթոն քաղաքի մէջ: Այս առաջին քրիստոնէայ եկեղեցին է եղեր Չինաստանի մէջ, բայց նսֆէն անտրուկ մնալով՝ ուրիշներ գրաւել են:

2) Շարդէն կրտ. «Բալխի մեծ դեսպանը զիս շահ կը բախաններ, որ իւր հետ Քարսասան ներսմ, ինձ խոստանալով որ Բալխի իշխանն ինձ շահ պատի պիտի տար և ինձմէ շահ ապրանք պիտի գներ: Սակայն, ինձ պատմեցին, որ քիչ տարիներ առաջ հայ վաճառականներ իշխանի սւած անցագրի վստահութեամբ Բալխ գնացած լինելով, սպանել էին և սակաւին անոնց գոյներն ետ չէին տրւած:

3) Ըստ Յարութիւն Տէր Յովհաննիսեանի, Կոստանդ վարժապետ վաճառականութեան վերաբերեալ գիտելիքներն իւր աշակերտաց սովորեցուցած ասէն, երկրագնդիս վերայ տարածուած բազմաթիւ քաղաքների անունները կը յիշեր իբրև հայոց վաճառականութեան տեղեր:

4) Ասոնց մէջ ականաւորներն էին՝ Սաճրագեանք, Աղազարեանք կամ Ղազարեանք, Շահրիմաններ, Վիլիջաններ, Խալիզարեանք, Քամալեանք, Աղաբաբեանք, Փարսղաններ, Սարհաղեանք, Քարխանեանք, Քաւաբալեանք, Քոփլեանք, Ղալանդարեանք, Աղամալեանք, Ղարամեանք, և այլն:

և Սպահան կամ Նոր Ջուղա երկրագնդի սամենամեծ վաճառա-  
շահ կեդրոններէն մէկն էր: Ջուղայեցիք այս յառաջադիմու-  
թեան համար ոչ դիպւածի և ոչ ալ բախտի դարձւածքին պար-  
տական էին: այլ իրենց ունեցած հմտութեանն, հաւատարմու-  
թեանն ու խնայողութեանը: Հմտութիւնը կտանային շատ տա-  
րիների համբերատար աշակերտութեամբ: Վաճառական մը  
որչափ ինքը հարուստ ու փորձառու լինէր, անհրաժեշտ պէտք  
ու պայման կը համարէր իւր որդին յատուկ ուսուցիչներ  
ձեռքի տակ կը թելէ ու վարժեցնէլէ ետքը ուրիշ վաճառականի  
մը քով աշակերտութեան դնել: անոր կատարեալ իրաւունք  
տալով որ իւր զաւակին հետ վարւի ինչպէս սոսկ ծառայի կամ  
աշակերտի մը հետ, որևէ անհոգութեան աչք չզոցէ և ըն-  
թացքին ու գործերին համար խիստ լինէ:

Այսպէս, երիտասարդը կը սովորէր ոչ միայն վաճառա-  
կանութեան վերաբերեալ գիտելիքներն, այլ որ ինչ կարևո-  
րագոյնն է կը վարժէր շափաւորութեան և կուսանէր գնահա-  
տել գրամի ու գրամագլխի իրական արէքը:\*)

\*) Միթէ զարմանալի չէ\*, որ 3-4 դար անոց ջուղայեցիք  
մասնաւոր ուսման առարկայ կրնէին վաճառականութեան արեսը,  
քանի որ այսչափ լուսաւորեալ ու յառաջադեմ ժամանակի մէջ  
Պարսկաստանի հայերն անոնց որեւէ նախնական ուսման, պարսա-  
սութեան ու աւակերտութեան, վաճառականութեան կը մտնէին:

Դժբախտաբար Պարսկաստանի եւ զլիսաւորաբար Ասրպասակա-  
նի հայոց մէջ ոմանք թէն շատ արհեստներ մեծ աւելանումը, համ-  
բերութեամբ եւ վերին աստիճանի խնայողութեամբ կը յաջողեն գը-  
րամագլուխ մը կազմել կամ կարողութիւն մը ձեռք բերել, բայց  
անխոհեմաբար կը յանձնեն վարժարանէ նոր ելած եւ վաճառակա-  
նութեան անսեղեակ իրենց զաւակաց՝ վաճառականական մեծամեծ  
գործողութիւններ, նրբեմն ոչ միայն իրենց ամբողջ կարողութիւնն,  
այլ եւ ուրիշներինն եւս:

Այս պատճառներ պարզ երկրէ մը փոխադրելով աւելի քա-  
ղաքակրթեալ եւ ամէն տեսակ հրապոյրներով ու շուքներով  
լի երկիրներ, զերծ լինելով անմիջական հսկողութենէ ու համարա-

Ջուղայեցի վաճառականներն ընդհանրապէս շափաւոր  
ու խնայող էին, թէև խիստ հարուստներն մերթ ընդ մերթ  
շուայութեան ցոյցեր կընէին: Ջոն Ֆրայզըր, որ 1680-ական  
թւերին Սպահան այցելեց, հայոց վերայ խօսած ատեն վաճա-  
ռականաց սակաւապետութիւնն ու ճարտարութիւնը հետեւեալ  
կերպով կը գովէ.

«Ասոր համար է, որ հայերն առտնին տուր և առի ա-  
մէն կնճիւղների ու նրբութիւնների մէջ հմտացած լինելով,  
կրնան ճամբորդել մինչև ամենահեռու թաղաւորութիւններն,  
անդ իրենց ազգականների գործակատարները լինելով, իրենց  
ճարտարութեամբ կը դառնան մեծահարուստ մարդ: Սակար-  
կութեանց տեղեակ լինելով, կը խնայեն միջնորդաց վճարելի  
վարձը: Տնտեսութեան ամէն արւեստներն ուսանելով, անոնք  
կը ճամբորդեն 50 շիլինով, մինչ մենք չենք կրնար նոյնը  
ընել 50 թումանով: Շամբայ կիյնան կարծրեփ հաւկիթներով  
ու տիկ մը գինիով, իբր պաշար, որն կը տեւէ Սպահանէ մինչ  
նաւահանդիստը: Աժանագին գրաստ մը կը հեծնեն, զորն կամ  
կը վաճառեն ծովեզրն հասած ժամանակ, կամ նաև կը գնեն՝ առաջ  
երթալու համար, գրաստի կերն լինելով միակ ծախքն: Առանց  
սպասաւորի կը ճամբորդեն և իրենց ծածկոյթը միաժամանակ  
իբր անկողին կը ծառայէ իրենց: Վաճառականութեան ասպա-  
րէզը կը մտնեն բարերարի մը օգնութեամբ, որի գրամով հե-  
ռաւոր երկիրներ կերթան բախտ որոնելու, վերադարձին շա-  
հի 1/4-ը իրենց պահելով, Այսպիսի կէտէ սկսելով, երբեմն մեծ  
հարստութիւն կը գիզեն թէ իրենց և թէ բարերար տէրերի  
համար:

կալութենէ, մանաւանդ չիմանալով իրենց հօր սենք առ սենք կամ  
ըստ ասրպասականցոց բացարձակութեան՝ «բիսի—բիսի» շահած  
դրամի արժէն եւ չկրնալով չիմանալ այդ երկիրների շուքներով,  
հրապուրանաց, կենթարկին անոնց հոսանքին եւ ոմանք գահավէժ  
անկման մը կառաջնորդին:

«Աստ (ի Ջուղա) հայ քրիստոնեաները 6,000 ընտանիք է աւելի են (բացի դիւղերն ցրւած երկրագործներէ). բոլորն իրենց պատրիարքին կը հետևին, քանզի այսպէս կարգադրած էր Շահ Աբբաս թագաւորն, որ գանոնք գրկեց իրենց իշխաններէն և ազատեց թուրքական զերութենէն: Հանելով գանոնք Երևանէն, Գավրէժէն և Ասորիքէն (°), իրենց բնիկ երկրէն, նա հայոց փոխադրեց ի Ջուլֆա և հովանաւորեց թագուհի մօր պաշտպանութեան տակ, հաստատելով անոնց համար ևս իրենց իրաւունքներն ու արտօնութիւններն՝ գրադաշտականների ունեցածէն աւելի բարձր կերպով մը, ի բաց առեալ փոքրիկ պարագաներն, որով անոնք դարձան ոչ միայն թշնամիներէ զերծ, այլ և բարձրացուցին Սպահանի փառքն իրենց անձանձիր աշխատասիրութեամբն: Անդ այս ատեններն անոնցմէ շատերը վարկաւոր վաճառականներ էին, հարիւր հազար թումանի տէր (իւրաքանչիւր թումանը  $3^{1/3}$  անգլիական լիրա է): Այս տէրութեան (Սաֆաւեան) հովանաւորութեան տակ անոնք այնչափ հզօրապէս կաճին հարստութեամբ և ազատութեամբ, որ մինչ իրենք հանդիստ իրենց երկրին մէջ կը նստին, իրենց գործակատարները դուրսերէն, երկրիս ամէն կողմերէն, կը վերադառնան իրենց մեղանոցները՝ մեղրով բեռնաւորւած:

«Այս գործառնութեանց իրենք վարժուելէ ետքը, կը կրթեն նաև իրենց զաւակները, փորձառու խնամակալների և վստահելի առաջնորդների խնամքի տակ, որք կը սովորեցնեն իրենց սաներին նախ ապրուստ շահել և ապա կը թոյլատրեն ծախք ընել... Անոնք աւելի հաստատուն են իրենց կրօնքին մէջ, քան թէ ազգային սովորութեանց մէջ... Անոնց կիները քիչ շփում ունին մարդերի հետ, այնպէս որ աստ աւելի քան ուրիշ որեւէ տեղ կիները ճշմարտապէս կիներ են և ոչ այլ ինչ»:

Ջուղայեցւոց գործունեայ և ձեռնարկող ոգին լրիւ զընահատելու համար պէտք է ի մտի ունենալ այն ժամանակաւ հազարաւորութեան միջոցները: Ճամբաներն ընդհանրա-

պէս անապահով էին և շունէին արդի դիւրութիւններն ու արագութիւնը: Ճամբորդութիւնը տարին մի անգամ և յատուկ կարգադրութեամբ կը լինէր: Ճամբորդներն իրենց վաճառքներն իրենց հետ առնելով, որոշեալ տեղ մը կը հաւաքէին, և ամէնքը միանալով՝ մեծ կարաւան մը կը կազմէին: Բեռնատար գրաստների թիւը 2000-ը կանցնէր, իսկ ճամբորդների, ձիապանների և ուղեկից հրացանակիրների թիւն ևս այդ թիւին կը մօտենար: Այս կարաւանի ղեկավարութիւնը կը յանձնէր փորձառու անձի մը, որ կը կոչէր կարաւանապետ: Այս պետը կը տնօրինէր ամէն բան և կարաւանին մէջ ամէն ոք պարտաւոր էր ասոր հրամանին հնազանդիլ: Կարաւանն ունէր նաև 2—3 շաւուշ, որք թէ ուղեցոյցի պաշտօն կը կատարէին և թէ կարաւանի մեկնելու և իջևանելու ժամն ու տեղը կորոշէին: Կարաւանն իւր պահպանութեան համար կուրենար հրացանակիրներ, որք կարաւանի առջևէն, յետևէն ու կողերէն երթալով, զայն կը պաշտպանէին աւազակաց յարձակման դէմ, և շատ անգամ մի ճամբորդութիւն առանց քանի մը արիւնահեղ մարտի չէր կատարւեր\*):

Այս կարաւանն Սպահանէ մեկնելով՝ կանցնէր հետզհետէ Մեշեղ, Հերաթ, Ղանդահար, և կը մտնէր Հնդկաստան, որ

\* Շարդէն կը պատկէ, քէ իւր Սպահան եղած ասկեր լուր հասաւ, որ Սպահանի կարաւանը Հնդկաստանի սահմանազլխին 3 օր մնացած, աֆղանների յարձակման ենթարկուեալ էր: Աւազակներն, որք թիւով 500 էին, ամէնքն ալ հեծեալ ու զինւած էին: Կարաւանն 200 ուղեկից պահապաններ ունէր: Ամբողջ կարաւանն 2000 անձէ կը բաղկանար, մասամբ մը հայերէ, բայց մեծագոյն մասամբ հրեղիկներէ, որոնց զաւազան մը երկիւղ կը ներշնչէ: Կուրի մէջ 11 հոգի սպանուեալ էին: Գողօնը մի քանի միլիոն կը հաւելին, թագաւորին ներկայացուած հաշիւը, զոր 60-է աւելի անձինք ստորագրեալ էին, 13,500,000 լիվրի կը բարձրանար. անոնք կը հաւաստէին, որ այս միայն կեսն էր: Տգէտ աւազակներն ոսկին ու արծաթը միասին խառնած, կեղծով իրենց մէջ բաժանած էին:

ճիւղերի կը բաժանուէր: Այսպէս, ջուղայեցի վաճառականները տանելով ամէն աշխատութիւն ու խոնջութիւն, յանձն առնելով ամէն վտանգ, շատ տարիների մեծ համբերութեամբ, յարատեութեամբ ու խոհեմութեամբ իրենց գործառնութիւններն առաջ տանելով՝ կապահովէին իրենց յառաջադիմութիւնը, որ թէ ասիացւոց և թէ եւրոպացւոց բարի նախանձը և զարմանքը կը շարժէր:

Ջուղայեցի վաճառականաց Պարսկաստանին տւած օգուտն և ըրած ծառայութիւններն ուրիշ կառավարութեանց ուշադրութիւնն ևս գրաւեցին: Այսպէս, 1688-ին, հռչակաւոր Արևելեան Հնդկաստանի Ընկերութեան տնօրէնն ուզելով որ հայերը փոխարէն Պարսկաստանի և Ռուսաստանի կամ թուրքիոյ վրայով իրենց վաճառքներն Եւրոպա փոխադրելու, անգլիական նաւերով փոխադրեն, մասնաւոր պայմանագրութիւն մը կնքեց քալանթար Սոջա Փանոսի հետ: Այս պայմանագրութեամբ հայերը կը վայելէին անգլիացւոց հաւասար արտօնութիւններ և ազատ էին ինչ աւան, քաղաք կամ գօրքի պահականոց բնակելու, կալւածներ գնելու և վաճառելու, Ընկերութեան նաւով Հնդկաստանէ ուրիշ երկիրներ և այդ երկիրներէն Հնդկաստան երթեկելու, Հնդկաստանի բոլոր նաւահանգիստները, հարաւային ծովերը, Չինաստան, Մանիլլա և ամէն տեղ մուտք գործելու և առուտուր ընելու, անգլիացւոց տւած հաւասար վարձով ու մաքսով, առանց արգելքի, իրենց հաւատը պաշտելու և քաղաքական պաշտօն ու աստիճան ընդունելու. տնօրէնը յանձն կառնէր պաշտօնի մէջ չպահելու այն կուսակալն, որ այս պայմանը չուզէր գործադրել: Այս արտօնութիւնների փոխարէն հայերն ալ յանձն կառնէին իրենց վաճառքներն անգլիական նաւով Եւրոպա փոխադրել:

Այս արտօնութիւնները և ազատութիւնները գնահատելու համար պէտք է իմանալ, որ այս ժամանակ ո՛չ միայն ուրիշ ազգեր չէին կրնար մուտք գործել և առուտուրով զբաղ-

ւիլ ընկերութեան իրաւասութեան տակ եղած երկիրներէ մէջ, այլ մինչև անգամ բացի Ընկերութեան վերաբերեալ անդամներէ ու գործակատարներէ, ուրիշ անգլիացիք ևս չէին թոյլատրւեր ազատօրէն վաճառականութեամբ զբաղել: Այս պայմանագրութեանէն և ուրիշ գտնուած հատ ու կտոր պայմանաթղթերէ դիւրին է իմանալ, որ հայերի Հնդկաստանի մէջ ունեցած վաճառականութիւնն որչափ ընդարձակ է եղեր, որպէսզի Արևելեան Հնդկաստանի Ընկերութիւնը, որ մեծ տէրութեան չափ հարստութիւն ու գօրութիւն ունէր, և որն քիչ ատենէ ետքն իրօք մեծ ու բազմամարդ Հնդկաստանի տէրը դարձաւ, ինքն առաջարկէր և ջանք ընէր հայոց հետ պայմանագրութիւն կրնալ և այնչափ արտօնութիւններ և առանձնաշնորհումներ տալ:

Ոչ միայն Հնդկաստանի այլ և Ռուսիոյ մէջ, ջուղայեցւոց գործունէութիւնն այնչափ տարածւեցաւ, որ այս երկրի իշխանների յատուկ ուշադրութիւնը գրաւեց, և 17-րդ դարի առաջին կէսէն սկսեալ այդ երկրի կայսրերը քաջալերելու համար հայերն, սկսան մասնաւոր հրովարտակներով առանձնաշնորհումներ տալ և զանոնք յարգելով, տօն օրերն իրենց ներկայութեանն ընդունել:

Կայսերաց կողմէ այս յատուկ ուշադրութիւնն ու արտօնութիւններն շարունակեցան, և Մեծն Պետրոս ուզելով միանգամայն ջուղայեցիներն առ ինքն գրաւել, յատուկ հրովարտակով անոնց իրաւունք շնորհեց Ռուսիոյ հպատակ գըրւելու: Ջուղայեցւոց վաճառականութիւնը ծաղկեցաւ ու աճեցաւ մինչև Շահ Հիւսէյնի թագաւորութեան սկիզբն, երբ ջուղայեցիք շատ հարւածներ ստացան և հարստահարութիւններ կրեցին: Այսուամենայնիւ անոնց վաճառականութիւնն անմիջական անկում չունեցաւ: Հայ վաճառականաց բախտը միայն Պարսկաստանի մէջ ետ չգնաց, այլ Հնդկաստանի մէջ ևս անարդարութեան ու նախանձի առարկայ դարձաւ անգլիացիների կողմէն: Այս լսենք բուն անգլիացւոյ մը բերնէն: Ուի-

լիամ Բոլտ իւր «Պորհրդածութիւնք հնդկական գործոց վերայ» գրքին մէջ կրսէ. «Անոնք (հայերն) ամենամեծ կերպով օգտակար էին Արևելեան Հնդկաստանի Ընկերութեան գործակատարներին ու գործիչներին թէ արտածելի և թէ ներածելի ապրանսաց գնման ու վաճառման համար: Ընկերութիւնը յատկապէս հայի մը պարտական էր 1717-ին Բենդալի, Մադրասի և Սուրաթի վերաբերմամբ հրովարտակներ ձեռք բերելու համար»:

Այս պարզապէս կը տեսնուի թէ նոյն հրովարտակներէն թէ մեծ վեզիրի հրամաններէն և թէ հայ վաճառական Պոջա Սահրադի Գելիի եղող գործակալներէն մէկի նամակներէն, որք ուղղւեր էին Ընկերութեան նախագահին ու ժողովին: Ընթերցողին պէտք չէ ծանօթացնել, որ այդ հրովարտակներով շէնորհւած արտօնութիւնները միայն հիմ գրին Ընկերութեան իբր վաճառականական մարմնի մը ապագայ յաջողութեան ու մեծութեան: Հայերը, որ մեծապէս օգտակար եղած էին այդ Ընկերութեան, ամէնէն շատ ձախորդ վիճակի ենթարկւեցան նոյն Ընկերութեան կողմէ: Բայց այն գրկողութիւններն, որոնց ենթարկւեցան հայերը, միայն առևտուրին չէին վերաբերեր: Արդարութեան ամէն դուռ անոնց առջև փակւեցաւ Բենդալի մէջ»:

Այսու ամենայնիւ ջուղայեցիք շարունակեցին և մնացին ժամանակ մը ևս աշխարհի վաճառականաց առաջին կարգի մէջ:

Սաֆաւեան տէրութեան կործանումն և հետագայ դէպքերը անոնց անկման, նւազման, և այլ երկիրներ, գլխաւորաբար Ռուսիա ցրւելուն և Ջուղայի վաճառականութեան կորստեան պատճառ եղան:

Ջուղայեցւոց վաճառականութեան այս համառօտ յիշատակութիւնը կը վերջացնեմ Քէր Փորթրի մէկ ճարտար նկարագրութեամբ, մնացեալը թողնելով Նոր Ջուղայի պատմութեան, ուրկէ ցանկացողները կրնան աւելի ընդարձակ տեղեկութիւն առնել: Քէր Փորթր 1818 թւականին կաթողիկոսէն

առած յանձնարարական նամակն Սպահանի եպիսկոպոսին յանձնելու առիթով կրնէ հետևեալ խորհրդածութիւնները, որոնցմէ մէջ կը բերենք քանի մը հատւած.

«Մտանք Ջուլֆա. ոչինչ կարելի է ըսել աւելի բացատրիչ այս երբեմնի բազմամարդ վաճառատեղւոյն նկատմամբ, քան այն, որ անոր ճակատագիրն Սպահանի մէջ տեսածիս համառօտ բովանդակութիւնն է: Անոր 10,000 բնակիչներն նւագելով՝ 300 թշւառ ընտանիքներ մնացեր են: Պէտք չէ տարակուսիլ, որ այս աշխատասէր, հարուստ և ազատական հայերին պարտական եղաւ Սպահան իւր վաճառականական յաջողութիւնը և հետևապէս իւր ճոխութիւնը, շքեղութիւնը և զօրութիւնը: Յայտնի է, որ ուր առևտուրն շատ կը ծաղկի, այնտեղ երկիրն աւելի բազմամարդ, հարուստ ու երջանիկ է և ունի ամենամեծ իշխողութիւն ուրիշ ազգերի վերայ. բայց ուր որ վաճառականի, արհեստաւորի շահերը չեն ապահովւած, այնտեղ առևտուրն չի կրնար ծաղկիլ: Ուստի ոչ մէկ կառավարութիւն կրնայ իսկապէս հարուստ լինել և հետևապէս զօրաւոր, եթէ հպատակների ստացւածքը պաշտպանելու համար օրէնքներ հաստատուած չեն մինչև անգամ ի՛ւր դէմ:

«Մեծն Շահ Աբբաս այս ըրաւ այն առանձնաշնորհումներով, որ ընծայեց հայոց և բարեբախտ արդիւնքը յայտնի եղաւ: Այդ ժամանակէն մինչև Շահ Հիւսէյն, որն աֆղան արշաւանքի ատեն թէ զանոնք և թէ զինքն լքանել տւաւ, այս վաճառականներն առաջին կարգի առաւելութիւնները կապահովէին տէրութեան համար: Յիրաւի, աֆղանների առաջնորդ Մահմուդի կողմէ Սպահանի և իւր արուարձանների երկարաձրգեալ և անոելի պաշարման բոլոր ժամանակն այս դաղթականների ընթացքը պատշաճ էր քաջասիրտ ու ազնիւ ժողովրդի մը և մեզ խորհել կը տայ, որ եթէ դժբախտ միապետը ժամանակ մը իւր մայրաքաղաքին պաշտպանութիւնը այս երախտագէտ ու անվեհեր մարդոց վստահացած լինէր, հաւանական է որ Սպահան ազատուած լինէր և ոչ մի աֆղան չպի-

տի վերադառնալ իւր երկիրն, եղած պարտութիւնը պատմելու համար: Բայց թագաւորի խորհրդականները բռնւեր էին տկարութեամբ և նա անյաջողութեան կը մատնէր իւր ամէն ձեռնարկներին մէջ: Քաղաքի ժողովուրդը մատնւած էր հովին կամ սուրին, և Ջուլֆայի արուարձանը այդ խորհրդատուների շար գիտումով զրկւած էր իւր զէնքերէն, որպէսզի իւր բնակիչներով առաջին որսը լինէր աֆղանների արիւնալից ու յափշտակող ձեռքերին մէջ: Մահը յայնժամ խողխողեց աջ ու ձախ, և քանի որ ամէնէն ազնիւն ու լաւն միշտ ինքզինքնին առաջ կը նետեն այսպիսի յարձակումների ատեն, յարգի դէմքերէն քիչերն ապրեցան՝ Ջուլֆայի հայ վաճառականի հին բարի անունը պահելու համար:

«Մենք այժմ իզուր կը փնտռենք քաղաքի այս աւերակների և անոր ժողովուրդի մէջ վաճառականութեան ճշմարիտ ոգւոյ պէս բան մը: Ամէն գործառնութեանց մէջ խաբէութեան ու խորամանկութեան թշուառ սկզբունք մը կերևի և քանի որ մարդ մը հազիւ կրնայ մէկ անգամէն աւելի խաբել, բայց միայն յիմար մէկը, իւր պատիւը և իւր խիղճը առևտուր ընող ողորմելին շուտով կը թաղւի սովամահ, կամ եթէ այդ նւաստ եղանակներով դրամ դիզէ, զայն կը վատնէ այնչափ անարժանաբար, որչափ շահեր է: Բայց Սաֆաւեան տան անկումէն կամ դադարումէն ի վեր պարսկական հայոց յարգելիութեան մէջ տեղի ունեցած այս ընդարձակ փոփոխութիւնը պէտք չէ միայն աֆղաններէն կրած տանջանքներին վերագրել: Յաջորդ բնիկ իշխաններէն ոչ մէկը փորձեց իւր տէրութեան մէջ այս պատւաստեալ հպատակներն իրենց նախկին օգտակար աստիճանին վերադարձնել և իշխանութիւն ունեցող անձերը շատ անգամ անհոգութեամբ շարիքի վերայ կաւելցնեն հարստահարութիւններն ևս: Այսպիսի բարեկարգութեան հնարքներն ու միջոցներն և անոր լի ու լի հատուցանող հետևանքներն կարելի է նկատել այն ընթացքէն, որ ունեցաւ Շահ Աբբասը, երբ այս ժրաջան ժողովուրդը փոխա-

ղըրեց իւր թագաւորութեան մէջ:

«Այն ատեն անոնք, որ խոհական անձնատուութեամբ ինքզինքնին կողոպուտէ ազատեր էին, իրենց դանազան արհեստներն և առևտուրն շարունակելու համար բաւականին ըստացւածք բերին իրենց հետ, իսկ անոնք, որք իրենց դրամազուխը կորսնցուցեր էին, կամ անոնք, որք դրամազուխի յաւելման պէտք ունէին, աւելի ընդարձակ «սպեքիւլասիոններ» ընելու, այսպիսիներին առատաձեռն և քաղաքագէտ միապետը բացաւ իւր յատուկ գանձատունը և ազատօրէն շափաւոր տոկոսով անոնց փոխ տւաւ այնքան գումարներ, որք հարկաւոր էին անոնց գործի յաջողութեան համար:

«Այսպէս, իրենց շահածի անդորր վայելումի համար ապահովւած, իրենց գործառնութեանց պատիւը զուգընթաց եղաւ իրենց արժանաւորութեան հետ, և հայ վաճառականը Մեծն Շահ Աբբասի ատեն նկատուած էր ամենաարդիւնաւէտ գործակալը Ասիոյ և Եւրոպայի մէջ, հազադիւտ ապրանքների և անոնց ոսկիով արժէքի փոխադարձ փոխադրութեան համար. կարճ ըսած՝ նա կրնար իրաւապէս առնել այն տիտղոսն, որ քաղաքակիրթ երկիրների մէջ յարգւած է իբր ամէնէն պատւաւոր պաշտօնը հասարակութեան մէջ: Նա էր այն, ինչ էին վենետիկի և Ջենովայի վաճառականներն, կամ Անգլիոյ վաճառականներն, — ամէն նկատումով ջէնթլմէն: Բայց հարիւր տարու անցումը Ջուլֆայի կործանման և անոր հաւատարիմ պաշտպանների գերեզմանների վրայէն, այնպէս անհետ ըրեր է այս իշողութիւններն, որ Շահ Աբբասի հզօր գործակալների արհամարհւած սերունդները չեն համարձակեր իրենց աչքերն բարձրացնել դէպի անոր վեհափառ յաջորդներն: Անոնք ոչ մէկ գաղափար ունին հանքի մը մնացորդ արժէքին վերայ, որ թէև ծածկւած աւերակով ու փլատակով, կը կարօտի միայն առաջւան պէս ազատական ձեռքով և վստահացող ոգիով բացւելու, որպէսզի ցուցնէ այն ոսկու վտակներն, որ տակաւին իւր երակների մէջ են»...

Այնուհետև Ք. Փորթը կը նկարագրէ հայոց աղքատութեան և սրա հետևանքով անոնց նկարագրի մէջ յառաջ եկած բացասական դիժերու մասին՝ խաբեբայութիւն, արբեցողութիւն, անբարոյութիւն, 12—13 մատաղ տարիքի աղջկանց մարդոց տալու սովորութիւն՝ գրամական հատուցումի փոխարէն, և այլն:

Ապա Ք. Փորթը ուրիշ մանրամասնութիւններ պատմելէ ետքը, զորս թարգմանելն աւելորդ կը համարեմ, բարոյականութեան անկման պատճառը մասամբ իւրիք հայ կղերին կը վերագրէ, ըսելով որ հակառակ իւր պարտաւորութեանց, այս անկումին առաջին առնելու համար ոչինչ չի ընեք և անտարբեր աչքով կը նայի անբարոյական կապերի հաստատման վերայ:

Արդարութիւնը մեզմէ կը պահանջէ դիտել, որ Պարսկաստան բնակող ընդհանուր հայերի բարոյականութեան անկման համար չենք կրնար համաձայնիլ սոյն երևելի ճամբորդին հետ: Հաստատելով հանդերձ, որ իրօք առաջները մէկ երկու քաղաքների քանի մը աղքատ մայրեր կորսնցնելով իրենց նախնեաց անարատ բարոյական գգացումներն, երբեմն կը համապատասխանէին օտարական հեղինակի նկարագրութեան, սակայն ինչ կը վերաբերի ընդհանուրին, անոր դիտողութիւններն ճշմարիտ լինելէ անհունապէս հեռու են իրականութենէն: Մատների վերայ համարուող աղքատ ընտանիքների բարոյականութեան անկման մէկ գլխաւոր պատճառն նոյնիսկ Եւրոպայի կարգ մը վատաբարոյ անհատները համարելու է, որք շուայլ լինելով, իրենց ճոխութեամբ կամ դիւրաշահ արծաթներով, մերթ կը յաջողէին աղքատ և գոյապրուստ հայթայթել չկրցող ծնողներ շլացնել և մոլորեցնել մայրական սուրբ վարմունքէ և ուղիղ ճամբայէ:

Գալով կղերական դասի անտարբերութեան, այս միայն ճիշտ կրնայ լինել մի քանիսի և ոչ ընդհանուրի նկատմամբ: Անոնցմէ շատերն մերթ ընդ մերթ ջանացեր են արգելք դը-

նել ապաբարոյ կապերի դէմ, սակայն պարտելով բարձրագոյն ու զօրաւորագոյն ազդեցութիւններէ, պարտաւորեք են ետ կենալ իրենց բարի ջանքերէն:

Այս առթիւ կարելի է իրական դէպք մը նկարագրել: Ատրպատականի առաջնորդ Սահակ եպիսկոպոս Սաթուրեան, 1854-ին, ուղեւով սանձել անբարոյական կապերի տարածումն, ըստ ասիական նախկին սովորութեան, հոմանիս կիներէն\*) մէկն առաջնորդարան բերել տալով, մազերն ածիլել տւաւ: Անյաջողաբար այս կնոջ տարփածուն եւրոպացի մի բարձր պաշտօնեայ էր, որ անմիջապէս դիմելով Ատրպատականի կուսակալ Համգա Միրզա արքայագնին, գայն համոզեց, որ Առաջնորդի արարքն ոչ միայն քրիստոնեաների սովորութեան հակառակ է, այլ նաև առաջնորդի իրաւասութենէն դուրս է, որով և նոյն իսկ կառավարութեան իրաւասութեանը կը վնասէ: Կուսակալն առանց ուրիշ քննութեան, Առաջնորդի փոխարէն հայերի քահանաներէն երկուքը և սպիտակամօրուք երևելիներէն երեքը ձերբակալել տալով, բանտարկեց:

Ասոնք մի քանի օր բանտը մնալէ ետքը, արձակման ուրիշ հնար չգտան, եթէ ոչ դարձեալ նոյն եւրոպացի պաշտօնեային դիմել և աղերսել, որ իրենց ազատման համար միջնորդէ:

Ես վստահ եմ, որ եթէ հոչակաւոր ճամբորդ հեղինակը ասոր նման շատ մը պարագաների ծանօթ լինէր, իւր պարսաւների մէկ մեծ մասն ևս պիտի ուղղէր եւրոպացի այն ցո-

\*) Այսպիսի կիներ «պահճու» կը կոչուին: Այն սարբերութեամբ սովորական պահճուներէ, որ Պարսկաստանի մէջ պահճուն իւր սարփածուի տունը կը բնակէր եւ նրբմն այս ապօրինի կապը շատ սարբեր սնելէ նսքը կը փակէր եւ նրբմն օրինաւոր ամուսնութեամբ վերջ կը գտնէր:



փակեաց դասակարգին, որ պատճառ կը դառնայ խեղճ ու անփափախ մայրերի մոլորութեան և անմեղ կոյսերի սայթաքումին\*):

\* ) Ուրախ ենք անելցնելու, որ Ք. Փոքրի նշած ժամանակէն ի վեր այս ապօրինի կապերն հնչեցնէ: Անպատեհ, այժմ այսպիսի դէպքեր խիստ են խիստ հազուագիտ են:

## ՆՈՐ ԶՈՒՂԱՅԻ ՎԱՐԺԱՐԱՆՆԵՐԸ

Ջուղայեցիք որչափ որ եկեղեցիներ շինելու մեծ փափագ ունեցած են, կրթական հաստատութիւններ կառուցանելու համար նոյնչափ հետաքրքրութիւն ցոյց տւած չեն: Գուցէ ասոնց իրական կարևորութիւնն ևս չէին զգացեր: Սկիզբներ վանքի բակին մէջ հասարակ դպրոց մը միայն ունեցեր են և ետքէն մէկ երկուքն ևս աւելցուցեր են: Մանկանց կրթութիւնն առհասարակ քահանայից թողւած էր, որք իրենց տների մէջ աշակերտաց կարգաւ-գրել կը սովորեցնէին: Սակայն, Սաֆաւեան տէրութեան անկումէն ետքը այս դպրոցները գոցւեր, կամ բոլորովին լքւեր էին:

Կանոնաւոր դպրոցի հիմնադրութիւնն կսկսի 19-րդ դարի երկրորդ քառորդի սկիզբներէն:

Մաղբտսի հայ երեւելի վաճառականներէն պր. Գրիգոր Սամեան 1833-ին քսան հազար ուլի (մերձ 2,000 անգլիական լիրա) կը կտակէ այն պայմանով, որ այս գումարը իւր առևտրական տան մէջ մնայ և անոր տոկոսով Նոր Ջուղայի մէջ իւր անունով դպրոց մը հաստատուի: Տարի մը ետքը վարժարանը կը հիմնեն և քիչ ետքը Մեսրոպ Գաւիթ Թաղիադեանց գլխաւոր ուսուցիչ կը կարգուի: Մերձ երկու տարի լաւ ընթացքով շարունակելով՝ բաւականին արդիւնք կը տայ և ապագայի համար մեծ յոյսեր: Սակայն, Թաղիադեանցի մեկնելէն ատեն մը ետքը, 1839-ին, դպրոցը կը փակուի: 1840-ին նորէն կը բացուի Յովհ. Զօրաբեանի գլխաւոր ուսուցչութեամբ:

այս անգամ Ս. Ստեփաննոս եկեղեցւոյ բակին մէջ: Այս կը տեւէ մինչև 1853, երբ Սամեանք սնանկանալով՝ դրամագլուխը կը կորսուի, որով և դպրոցն ընդմիջտ կը փակուի:

Առաջնորդ Յովհ. Սարէնեան 1844-ին հոգևոր մի դըպրոց հիմնեց ազգասէրների նպաստով և վանքի եկամուտն աւելցնելու վերայ վստահանալով: Սակայն, 3 տարի ետքը մուտքի պակասութեան պատճառով կը փակուի:

1843-ին Կալկաթայի Աբգարեանց տան և ուրիշ հայրենասէր հայի մը մասնակցութեամբ, որք տարեկան 130 թուման նպաստ նշանակեցին, դպրոց մը բացուեցաւ Ս. Աստուածածին եկեղեցւոյ բակին մէջ, ուր 60—80 մանուկներ ըսկրտան յաճախել:

1853-ին Թաղէոս արքեպիսկոպոսի ջանքով ու յորդորանքով երկու գատ դպրոցներ ևս բացուեցան: Ասոնցմէ մէկը Ս. Ստեփաննոս եկեղեցւոյ բակին մէջ, Բաթաւիա բնակող տիկին Մարիամ Յ. Յարութիւնեանի և իւր քոյր օրիորդ Թագուհի Մանուկեանի բարերարութեամբ, որով տարեկան 400 ոսկի իբր նպաստ սկսան տալ. երկրորդն հիմնուեցաւ Ս. Մինաս եկեղեցւոյ բակին մէջ, որի հիմնադիրն եղաւ Չաւայաբնակ պ. Մարգար Սուքիասեանն, տարեկան 300 ոսկի նպաստով: Սոյն երկու դպրոցների մէջ մերձ 100 մանուկներ կը սովորէին ընթերցանութիւն, վայելչագրութիւն, քերականութիւն և թւաբանութիւն:

Գրիգորիս եպիսկոպոս 1873-ին բոլոր դպրոցների մուտքերն միացնելով, հեռաւոր թաղերի մէջ երկու դպրոցներ նախակրթարանների վերածել էր և յառաջագէմ աշակերտներն Ս. Ամենափրկիչ վանքի դպրոցին մէջ ժողովելով՝ ասոր աւելի բարձր դիրք տւել էր:

Այս դպրոցին մէջ, նոր Զուղա իմ այցելութեան ատեն (1874 թ.), կը սովորեցնէին հայերէն ընթերցանութիւն, վայելչագրութիւն, քերականութիւն, աշխարհագրութիւն, թւաբանութիւն, պարսկերէն ու անգլիերէն: Աշակերտներն վերջին

լեզուի ուսման մէջ աւելի յառաջագէմ էին, քան թէ միւս առարկաների մէջ:

Այս թւականէն քանի մը տարի ետքը ջուղայեցիք շատ մեծ ծախքով հոյակապ ու ընդարձակ շէնք մը կառուցին, որին Կեղբոնական Դպրոց անուընը կարելի է տալ:

## ԱՐՆԵՍՏՆԵՐ

Թէպէտ եւրոպացի ճամբորդներն ջուղայեցւոց վաճառականութեան վերայ միայն լսօսեր են և անոնց ձեռագործ արհեստների վերայ զրեթէ ոչինչ չեն հաղորդած, բայց տարակոյս չկայ, որ հայերը դէթ մի քանի արհեստների մէջ յառաջագէմ եղեր են: Քաջ դիտենք, որ Սպահան գաղթող հայերի մէջ բազմաթիւ քարակոփներ կային, գորս Շահ Աբբաս Ֆարահաբադ զրկեց իւր պալատին համար քար տաշելու: Ասոնց ճարտարութեան օրինակներն դեռ կարելի է տեսնել Հին Զուղայի գերեզմանոցների մէջ, ուր կերտւած են շատ մը գեղեցիկ տապանաքարեր, բաւականին ճարտարութեամբ:

Զուղայի Ս. Փրկիչ եկեղեցւոյ կրօնական նկարները հայ արհեստաւորների գործ են և նոյնիսկ եկեղեցիների շինութեան ձևէն մակաբերելով, անհաւանական չէ կարծել, որ ճարտարապետաց մէջ հայեր ևս եղեր են: 17-րդ դարի մէջ, երբ ուսաները նոր կը ջանային արհեստները ծաղկեցնել իրենց երկրին մէջ, հայերէն շատերը կը հրաւիրւէին և հրովարտակներով առանձնաշնորհումներ կը տրւէին անոնց, որ գործարաններ հաստատեն և ուսաներին արհեստներ սովորեցնեն: Յատկապէս յիշատակութեան արժանի է մետաքս ներկելու արհեստը: Լոնդոն, Սուլթի Քենսինկթընի թանգարանին մէջ պղընձէ ձուածն սկուտեղ մը կայ, որ խիստ գեղեցիկ է մայլով պատած է. տեղը ճերմակ է և կեղբոնը ծաղկեփուընջերով դարդարւած. շրջապատը բոլորշի կերպով հետեւալ արձանագրու-

թիւնը կայ. «Շինեցաւ ի վայելումն Մելիք Յովսէփ իշխանին հայոց, ի թւին Փրկչին 1776»:

Այս գրւածքին շուրջը ևս ծագիկներով զարդարւած է: Էմայլի նրբութիւնը, ծագիկների իրարու շղթայումն և գրերի պարզութիւնը յայտնապէս կը ցուցնեն հայերի այն ազմկալից ու անկեալ ժամանակի մէջ անգամ այս արւեստին մէջ ունեցած մեծ հմտութիւնը:

Սոյն սկզբագի նման մէկ ուրիշն ալ տեսած եմ Փարիզ, պր. Մարթինօ Թօթքանիանիի քով, սակայն մոռացմամբ վերայի արձանագրութիւնն չեմ օրինակած: Բացի ասոնցմէ, քանի մը արոյրէ գաւաթների հանդիպեր եմ, որք բաւականին զեղեցիկ կերպով քանդակագործւած էին: Ասոնցմէ մէկին վերայ գրւած էր. «Ի վայելումն Սօջա Յովսէփի... ի թւին 17...»:

### ՀԱՅ ԶԻՆՒՈՐՈՒԹԻՒՆԸ

Շահ Աբբաս Ա. ուզելով «ղզլբաւ» կոչւած զինւորների ազդեցութիւնը պակսեցնել և կտրել, որք դարձեր էին խիստ անկարգապահ և աւելի ժողովուրդին ան ու սարսափ կը պատճառէին, քան թէ թշնամեաց, անոնց թիւը 60,000 է 30,000-ի իջեցուց: Անոնց պակասը լեցնելու նպատակով նոր զօրաբաժին մը կազմեց 10,000 ձիաւորէ և 12,000 հետեակէ: Ասոնք իրենց թոշակն առանձնաբար արքունիքէն կստանային և կը գտնւէին այն սպաների հրամանի տակ, զորս թագաւորը պատշաճ կը համարէր կարգել:

Այս զօրաբաժինն պատկանող ձիաւորները «Ղօլլար» կը կոչւէին, թէև այս, ըստ բառական մեկնութեան կը նշանակէ usruկներ, բայց ըստ էութեան մի պատուաւոր կոչում էր, քանզի զօլլարները կը ճանաչւէին իբր արքայի անձնական

\*) Կէսանիւ սնդնն աւրւած լինելով, գրնն անընթեան լի էին:

պահապանները: Հետեակները «թոճանֆչի» (հրացանակիր) անունը կը կրէին և առաջինն եղան, որք Պարսկաստանի մէջ կանոնաւոր կազմակերպութիւն ստացան: Կը կարծւի, որ Շահ Աբբասի գլխաւոր նպատակն եղած է անոնցմով դիմադրել թուրքիոյ Ենիշերիներին, բայց անոնք ուրիշ կերպով ալ օգտակար եղան, քանի որ անոնք կազմեցին միապետին համար պաշտպանութիւն իւր ազնւականների կամայականութեանց դէմ: Այս զօրաբաժինը գլխաւորաբար կազմւած էր վրաստանի և Հայաստանի գերիներէն, որք ի սրտէ կամ առերես կրօնափոխ եղեր էին, մեծ ատելութիւն կը տածէին թուրք գնդերի դէմ:

Սաֆաւեան տէրութեան շրջանին մէջ այս զօրաբաժինը կար: Անոր անկումէն ետքը, Նադեր Շահ ուրիշ գունդ մը կազմեց քրիստոնեաներէն և գլխաւորաբար հայերէն: Գրութեանս թւականէն մինչև կէս դար առաջ հայոց խումբ մը կար, բաղկացած 200 հետեակներէ և 40-ի չափ թնդանօթաձիգներէ, որոնց սպաներն ու հրամանատարներն ևս հայեր էին: Ասոնցմէ շատերն ըստ պահանջման, պետական զօրաց ևս կը հրամայէին:

1850 թ. Միքղա Թաղիխան Ամիր Նեզամն, որ այն ատեն նախարարապետ էր, ուզեց հայ զինւորների թիւը շատցընելով 800 հոգինոց «Ֆովլջ» (վաշտ) մը կազմել: Ընդառաջողներ չեղան, որով նախարարապետը զայրացաւ և եղածներն ևս զինւորութենէ հրաժարեցուց:

Այն թւականէն ի վեր թէև հայ զինւորներ չկան, սակայն հայ սպաներ և զօրապետներ պակաս չեն եղած պարսիկ զօրաց մէջ:

### ԱԶԳԱՅԻՆ ԵՒ ԿՐԾՆԱԿԱՆ ՇԷՆՔՆԵՐ

Ըստ Յարութիւն Տէր Յովհանեանի՝ նոր Զուղա ունեցեր է 24 եկեղեցի: Ասոնցմէ 6-ը բոլորովին անհետացեր են, 6-ի ալ աւերակ հետքերը միայն կան, իսկ երկուքն աւերակ

դառնալու վերայ են և միայն 10-ն հաստատուն են, որոնց մէջ ժամասացութիւն կը կատարէի: Կանգուն եկեղեցիների մէջ առաջինն և ամենագեղեցիկն է Ս. Ամենափրկիչ եկեղեցին, որ շինւեր է Ջուղայի հասարակութեան նպաստով և Սոջա Սաֆրազի մասնաւոր աջակցութեամբ: Հիմնադրութիւնն սկսեր է ՌՃԳ (1655) թւին և կառուցումն աւարտել ՌՃԺԳ (1664) թւին:

Կը կարծենք, ճարտարապետը ջանացեր է շեմքի և մանաւանդ կաթողիկէի ձևը նմանեցնել էջմիածնին: Չորս մեծ և հաստախարխախ սիւներ կը կրեն բարձրաբերձ, լայն կամարներ, որոնք իրար կցուելով, իրենց ծայրերովը կը կազմեն տեսակ մը տափարակ կիսագմբէթ մը, որի վերայ կը բարձրանայ գլանաձև կամ լաւ հս ձևաձև գմբէթ մը: Գմբէթի շուրջը ծածկւած է ութ բացւածքով, որոնցմէ գլխաւորապէս լոյսը կը թափանցէ շէնքի մնացեալ կողմերը: Գմբէթի ներսի կողմն, ինչպէս և շէնքի ուրիշ կողմերը զարդարւած են զանազան պատկերներով\*): Նկարներէն շատերը բաւականին գեղեցիկ են և իրենց ներկայացուցած նիւթերի մանրամասնութեանց ճշտութենէն դատելով՝ պէտք է որ հայ նկարիչների գործ լինեն: Եկեղեցին ամբողջը մէկէն առնելով, թէև վեհութիւն մը չունի, սակայն առանձին գեղեցկութիւն ու պարզութիւն ունի, որ դիտողին մտաց ամփոփումն ու աչնածութեան զգացումներ կը

\*) Այս պատկերների նկատմամբ Շարդեն հետեւեալը կը պատմէ. — Աւետիք անուկով վանառական մը, որ Իսալիա նամբորդեր, անդ զինքը համոզեր էին՝ եկեղեցիներն նկարել, Այս վանառականը Ջուղա դառնալով, սկսաւ քախանձել առաջնորդն եւ վարդապետներն, որպէսզի անոր քոյլասրեն եկեղեցի նկարել տալ, եկեղեցին ի սկզբան մերկ էր համեմատ հայոց սովորութեան, որք չէին ուզեր ունենալ պատկերներ իրենց եկեղեցիների մէջ, բացի մէկէն, որ կը ներկայացնէ Ս. Կոյսն՝ Որդին իւր գիւրկը, եւ այն կը դրի սեղանին վերայ, Շաս դիմադրութենէ ետքը հաւանութիւն տրին վերջիցեալ վանառականի առաջարկին:

ներշնչէ: Ջոն Ֆրայզըր հետեւեալ կերպով կը խօսի սոյն շէնքին մասին.

«Ջուղայի մայր եկեղեցւոյ փառաւորութիւնը չի բարձրանար այն գերազանցութեան, որ իւր շքեղութեամբ աչքեր դայթակղեցնէ կամ իւր ահագին շինութեամբ նախանձ ստեղծէ, ինչպէս աշտարակ մը Բաբելոնի, այլ կը պահէ միջինը այնչափ ճշմարտապէս, որչափ կը վայելէ միայնակ ճշմարիտ Աստուծոյ սպասարկութեան համար որոշւած տեղին:

«Եկեղեցին ունի բարձր ու գեղեցկաշէն զանազակատուն մը, որ շինւած է Ջամալենց Յովհաննանի ծախքով, եկեղեցւոյ կառուցումէն 35 տարի ետքը: Այս շէնքերին մօտն է Ամենափրկիչ վանքն: Այս, որ շինութեան կողմէ շատ երևելի չէ, գլխաւորապէս կը բաղկանայ երկու շէնքերէ, որոնց մէկին մէջ Սպահանի ու Հնդկաստանի թեմակալ առաջնորդն, իսկ միւսի մէջ վարդապետներ ու պանդուխտ քահանաներ կը բնակին, որոնց թիւը երբեմն կանցնէ 40-ը:

«Առաջնորդարանին մէջ նեղ մուտքով և ամուր լուսանցքով ու դռնով գետնայարկ մը կայ, որ զբառուն անունը կը կրէ: Ջուղա դաղթող հայերէ շատերն աւելի բարեկեցիկ լինելով՝ քան թէ Հայաստանի ուրիշ տեղերէն եկողները, անտեղի չէ կարծել, որ դաղթականներն իրենց հետ բերած լինեն բազմաթիւ մատեաններ, և անհաւանական չէ, որ ասոնց մէջ հազւագիւտ ու հետաքրքրական զրքեր լինէին: Սակայն, աֆղանների յարձակումէն ետքը տեղի ունեցած խռովութեանց ժամանակ կողոպտուելով, թանկագին զրքեր իբր չնչին թուղթ վաճառւած են կամ փչանալով անհետացած են:

«Իմ տեսած ժամանակ զբառան մէջ միայն կային քանի մը հարիւր զրքեր՝ թանձր փոշիով ծածկւած: Ասոնց ամենամեծ մասը գրչագրեր էին և շատերը մազադաթի վերայ զրւած: Առհասարակ կազմին վերայ տիտղոս չունէին: Բոլորը մի առ մի քննելը՝ ժամանակի կարօտ էր և ոչ դիւրին: Իմ տեսած զրքերը եկեղեցական մատեաններ էին, որոնց մէջ կա-

յին 10-րդ դարի մէջ գրւած աւետարաններ, և եթէ ասոնց յիշատակարանները մասնաւորապէս քննեն, անհաւանական չէ որ հետաքրքրական դէպքերի յիշատակութիւններ գտնուին: 1)

«Միւս եկեղեցիներն ևս շատ-քիչ հոյակապ ու մեծաշէն են, և ձևի կողմէ, աւելի կամ պակաս կերպով, Ամենափրկչին կը նմանեն, բայց ոչ մէկն եկեղեցական զարդերով ու զգեստներով անոր չափ հարուստ չէ: Այս կանգուն մնացած եկեղեցիների մէջ մասնաւոր ուշադրութեան արժանի է Ամենափրկչէն ոչ շատ հեռու եղող մի եկեղեցի<sup>2)</sup>, որի անունն այժմ չեմ յիշեր: Սա իւր գմբէթի մեծութեամբ և ճարտարապետական արւեստովն բոլոր միւսներն մեծապէս կը գերազանցէ:

«Կիսաւեր եկեղեցիների մէջ երևելի է Ս. Բեթղեհէմ եկեղեցին, որ նոր կառուցւած ժամանակ դուցէ Ջուղայի եկեղեցիների մէջ ամէնէն մեծն, բարձրաշէն ու հոյակապ եկեղեցին եղեր է: Ս. Գէորգ եկեղեցւոյ պարսպին մէջ դեռ ցոյց կը տրւեն Շահ Աբբաս Ա.-ի հրամանով էջմիածնէն բերել տրւած քարերը»:

Մէկ այլ հաստատութիւն, որ Ս. Կատարինէ անունը կը կրէ, կը բաղկանայ միջակ մեծութեամբ, բայց խիստ զեղեցիկ եկեղեցիէ մը և 35—50 խուցերէ: Աստ կը բնակի միաբանութիւն մը կոյսերի, որք ինքզինքնին հողևոր կեանքի նւիրեր

1) Թւականիցս մերձ կէս դար առաջ (1853 թ.) պր. Գալուս Ենմազանեան Սպահանի մէջ քանի մը յարգի գրչագիր մասնանկն ձեռք բերելով՝ Տփլիսի սարաւ: Ասոնցմէ միայն մէկը՝ Մովսէս Կաղնակասացւոյ պատմութիւնը սպագրութեան արժանացաւ: Բայց դժբախտաբար, իւր քաղաքակրթութեան ժամանակ տփլիսնցիք իւր դեմ գրգուռելով, քան վերայ յարձակեցան եւ կահ-կարասեաց հետ ամէն ձեռագիրներն ու գրքերն եւս պատռոտելով փչացուցին:

2) Ըստ երեւոյթին ակնարկը վերաբերում է Ս. Ասուածամին հոյակապ եկեղեցուն: Ծ. Խ.

են: Անշափ խստակրօն են և չափաւոր. օրւան մէկ մասը ժամերգութեամբ ու աղօթքով կը պարապին, մնացորդն առտնին աշխատանքով: Ասոնցմէ ոմանք սարկաւազութեան կարգ ստացած լինելով, եկեղեցւոյ մէջ սպասարկութիւն կընեն:

Հաստատութիւնն ունի եկամուտի զանազան աղբիւրներ, որոնցմով ոչ միայն իւր պէտքերն կը հողացուին, այլ և շատ անգամ անպաշտպան ընտանեաց օգնութիւն կը տրւի:

Թ Ե Գ Բ Ա Ն

## Թ Ե Ն Ր Ա Ն

Սպահանի կամ Պարսկա-Հնդկաստանի թեմին կը պատկանէ Պարսկաստանի արդի մայրաքաղաքը՝ Թեհրան, որ կը գտնուի Շեմրան լեռների հարաւային ստորոտէն 15 քիլոմեթր հեռու, տափարակ գետնի մը վերայ, ծովի մակերևոյթէն 3800 ոտք բարձր և կրնայ համարուիլ Պարսկաստանի կեդրոնական ընդարձակ բարձրաւանդակի սկիզբը: Թաւրիզէն հեռու է 92 և Սպահանէն՝ 68 ֆարսախ: Թէև բաւականին հին, սակայն 18-րդ դարի սկիզբներն ղեռնա շատ աննշան մի քաղաք էր, անառողջ օդով և հորի աղի համ ու գէշ ջրով: Ամարային եղանակը սաստիկ տաք, իսկ ձմեռայինը՝ մեղմ ու բարեխառն է:

Ղաջարական հարստութեան հիմնադիր Մահմադ Շահ զայն իւր տէրութեան մայրաքաղաքն ըրաւ, քանզի այն մօտ էր Մազանդարանին, իւր բնիկ նահանգին, ուր կը բնակին իւր ցեղն ու ազգականներն և ուրկէ կը քաղէր նա իւր գլխաւոր գօրութիւնը:

Այնպէս կերևի, որ Ֆաթհալի շահի թագաւորութեան ժամանակ այս նորոգ մայրաքաղաքը մեծ յառաջադիմութիւն չըրաւ, քանզի Ժոքեռը կը նկարագրէ, թէ 1806-ին, երբ այցելեց այս քաղաքը, տակաւին քիչ ծաղկած, ծուռ ու նեղ փողոցներով փոշելից մի քաղաք էր, միայն 30,000 բնակչով:

Թեհրան իւր իրական աճումն ստացաւ Նասրեդին շա-

հի օրով և տակաւին կը շարունակէ յառաջադիմել: Ջրերի առատանալովն և պարտէզների բազմանալովն՝ կլիման ևս հետըզհետէ կը բարւոքի: 1870-ի մէջ, ամէնէն տաք ամսի (Օգոստոս, նոր տոմարով), ամէն առաւօտ ժամը 9-ին առնւած դիտողութեանց արդիւնքը հետևեալն է.

Ամենաբարձր՝ +47, ամենավար՝ +34, միջին՝ +39, Փետրւար (ն. տ.), ամէնէն ցուրտ ամիս). ամենաբարձր՝ +13<sup>0</sup>, ամենավար՝ -1, միջին՝ + 4,9:

Քաղաքի հիւսիսային կողմը կը գտնուի Արք կոչւած զրդեակը, որ կը պարունակէ Շահի պալատն և արքունի ուրիշ շէնքեր, գեղեցիկ պարտէզներով, աւազաններով և շատրւաններով: Արքի արևելեան հիւսիսային կողմը կուտակւած են նախկին պարսպամիջի տները, նեղ ու ծուռ փողոցներով, որք ամառ ատեն ծածկւած են փոշիով և ձմեռը տիղմով: Վերջերս նախկին պարսպը քանդելով և խրամը լեցնելով, շրջակայ գետինները քաղաքին աւելցուցին, ամէնքը նոր խրամով շրջապատելով: Այժմ Արքն խրամաւոր քաղաքին կեդրոնին մօտերը կիյնայ:

Այս նոր մասերին մէջ եղող փողոցները լայն են և ուղիղ, և տները համեմատաբար աւելի լաւ շինւած: Ամէնն ի միասին առնելով՝ կրնանք ըսել, որ Թեհրան արդի Պարսկաստանի գեղեցկագոյն քաղաքներէն մէկն է:

Թեհրանի արդի բնակչաց թիւը հաւանաբար 150,000-ը կանցնէ: Ժողովրդի ամենամեծ մասը կը բաղկանայ ֆարսերէ, որոնցմէ ետքը կը գան ատրպատականցի թուրքերն, որոնք սուար մաս մը կը կազմեն: Ներկայիս հրեաների թիւը 3250 է, հայերինը՝ 1500:

Չրադաշտական պարսիկներ 300, եւրոպացի՝ 300, արաբ՝ 300, աֆղան՝ 150, հնդիկ՝ 100:

Ըստ Թաղէոս եպիսկոպոսի 1856-ին ընել տւած վիճակագրութեան՝ երկու թաղին մէջ կապրին 75 տուն կամ 310 հոգի հայեր (չհաշւած պանդուխտ օտարաքաղաքացիները):

Գեսպանատներն, ըստ հնութեան կարգի՝ ասոնք են՝ Անգլիոյ, Ռուսիոյ, Թուրքիոյ, Ֆրանսիոյ, Աւստրո-Հունգարիոյ, Միացեալ Նահանգաց, Գերմանիոյ, Իտալիոյ և Հոլանդիոյ:

Վաճառականութիւնը մայրաքաղաքին մէջ շատ յառաջադիմեր է և այժմ Պարսկաստանի երկրորդ վաճառաչան քաղաքը կընայ համարելի:

Թեհրանի հիւսիսային կողմը և Շեմրան լեռանց ստորոտին կից են Շեմրանաթ կոչւած ծառաւէտ ու ջրառատ գիւղերը, ուր կանցնէ բնակչաց բարեկեցիկ մասն ամառ եղանակը:

Հայերի Թեհրան հաստատուելն կսկսի հաւանաբար 18-րդ դարի վերջերէն, երբ Քարիմ խան Չանդը Նոր Ջուղայէն մերձ տասը տուն հայ քարակոփներ բերել տալով, Գուլար կոչւած գիւղին կամ արուարձանին մէջ բնակեցուց: Հայերի անդ ունեցած գերեզմանատունն այն ատենէ մնացեր է:

Այդ ժամանակէն առաջ եթէ Թեհրանի մէջ հայեր գտնուած ալ լինեն, պէտք է ճամբորդներ կամ առժամեայ գործով զբաղողներ եղած լինեն և ոչ հաստատուն բնակութեամբ եղողներ: Աջար հարստութեան հիմնադիր Մահմադ շահը 1795-ին Վրաստանէն ու Հայաստանէն բերած գերիների խիստ փոքր մաս մը Թեհրան զրկեց բնակութեան համար: Արաբադի նահանգէն ևս 5 տուն հայ չւել տալով՝ բերաւ Թեհրան և տեղաւորեց Դարվազա Ազաւին կոչւած թաղին մէջ, ուր արդէն տփիսեցի երկու գերդաստանք կային՝ Յովսէփեան և Ստեփանեան անունով: Սոյն թաղի նախկին մատուռը գլխաւորապէս այս երկու ընտանեաց ծախքովը շինւած էր:

Երբ Ֆաթհալի շահն գահ նստեց, 1798-ին երկրի գանազան կողմերէն ևս հայեր սկսան Թեհրան գալ և հոն բնակիլ: Նոյն թագաւորի հրամանով Նոր Ջուղայէն ու Թաւրիզէն ևս հայ արհեստաւորներ բերւեցան և հաստատուեցան մայրաքաղաքին մէջ: Հայերը մեծաւ մասամբ Դարվազէ Ազաւին թաղը կը բնակին, թէև Շահ Աբդուլ Ազիմ թաղի և քաղաքի գանազան կողմերն ուրիշ ազգերի հետ խառն բնակւող հայեր

ևս կան:

Շահ Աբդուլ Ազիմ թաղին մէջ Ս. Բարդուղիմէոս անունով մի մատուռ ունին, որի գաւթին մէջ թաղած են վերացւոց թագաժառանգ Աղէքսանդրն և ուրիշ ականաւոր օտարազգիք: Գարվազէ Ղազարն թաղին մէջ մի փոքր եկեղեցի ունին, Ս. Գէորգ անունով, որ հինի տեղը կառուցւեցաւ 1884-ին:

Թեհրանի ամենահմուտ սոկերիչները միշտ հայեր են եղեր և այս արհեստին մէջ մրցակից չունենալով, ոսկերչութիւնը բոլորովին իրենց ձեռքն եղած է միշտ: Սակայն, վերջին տարիներն պարսիկներն ևս այս արհեստին մէջ զգալի յառաջադիմութիւն ըրած լինելով, սկսեց են հայոց հետ մրցման մէջ մտնել, թէև գերագանցութիւնը դեռ հայոց կողմն է: Թեհրանի լաւագոյն դերձակներն ևս հայերն են: Հայերը կը պարապին նաև վաճառականութեամբ, գինազործութեամբ և գինեվաճառութեամբ: Վերջինս թէև յարգի զբաղում մը չէ, բայց շահաւէտ գործ է, ուրիշ մրցակիցներ չլինելու համար:

Կառավարութեան թէ քաղաքական և թէ գինւորական ծառայութեանց մէջ անմասն չեն հայերը: Թեհրանի հայոց մէջ, համեմատաբար իրենց թիւի սակաւութեան, աւելի ականաւոր ու բարձրաստիճան պաշտօնեաներ կը գտնուին, քան թէ ուսասիայոց ու տաճկահայոց մէջ:

Թեհրանի հայերը այժմ ոչ միայն գերծ են ամէն տեսակ հարստահարութիւններէ, այլ և կարելի է ըսել, որ արտասահմանի շատ մը տեղերի հայերէն աւելի ազատ են, և կենաց, պատւոյ ու ստացւածոց նկատմամբ աւելի ապահովութիւն կը վայելեն:

Գալով դաստիարակութեանը, 1870-է առաջ դպրոց կոչւելու արժանի հաստատութիւն մը չկար:

Այս թւականին դպրոց մը մը բացւեցաւ Գարվազէ Ղազարին թաղի եկեղեցւոյն կից շինութեան մը մէջ, աւելի օտարական հայերի ջանքով ու աշխատութեամբ:

Վեհափառ շահն ամենայն առատաձեռնութեամբ ու հպատակասիրութեամբ նոյն միջոցին սոյն հաստատութեանը տարեկան 200 թուման թոշակ շնորհեց, որն յետոյ 300-ի բարձրացուց: 1884-ին վտանգի ենթարկւած եկեղեցապատկան գումար մը Թուրքիոյ մեծ դեսպան Ֆահրի բէյի միջամտութեամբ և բարեհաճութեամբ ձեռք բերւելով, հայերը յաջողեցան առանձին տուն մը գնել և անդ փոխադրել դպրոցը:

Երկու տարի ետքը, Հայ Ուսումնասիրաց Ընկերութեան ջանքերով ու աշխատութեամբ գումար մը ևս հանգանակելով, բաւականին լաւ շէնք մը ևս աւելցուցին, որով գնւած տունը դպրոցի կերպարանք ստացաւ:

Դպրոցը, բացի Վեհափառ Շահի շնորհած թոշակէն, ուրիշ հաստատուն եկամուտներ չունենալով, տնտեսական վիճակը խիստ անապահով էր և իր գոյութիւնը կը շարունակէր միայն Ուսումնասիրաց Ընկերութեան ջանքովն ու նւիրաբերութեամբն:

Աշակերտաց թիւն, որ շատ ելեջի ենթակայ էր, 1884 թւին, միջին հաշուով 70 էր և տարեկան ծախքը 500-էն 700 թուման էր: Ուսանելի առարկաներն էին՝ հայերէն, կրօնագիտութիւն, թւաբանութիւն, աշխարհագրութիւն, հայոց պատմութիւն և ընդհանուր պատմութիւն, պարսկերէն և ֆրանսերէն լեզու:

Եթէ նկատի առնենք այն կէտն, ուրկէ դպրոցն առաջին անգամ իւր ուսման ընթացքն սկսաւ, կարելի է ըսել որ Թեհրանի դպրոցը բաւականին յառաջադիմութեան մէջ է ներկայիս:

Սպահանի և Հնդկաստանի առաջնորդ Եսայի եպիսկոպոսն, 1890-ին, Ուսումնասիրաց Ընկերութեան անդամների թիւը 30-է 90-ի բարձրացուց և անւանեց Ազգային Ուսումնասիրաց Ընկերութիւն: Սակայն, այս թւականէն ի վեր, անդամոց մէջ անհամաձայնութիւն ծագեցաւ, որն շուտով երկպառակութեան փոխւեցաւ:



1893-ի վերջերը նախկին անդամները բաժանելով՝ կազմեցին առանձին Ուսումնասիրաց Ընկերութիւն և բացին առանձին դպրոց մը:

Քանի տարի առաջ օրիորդաց դպրոց մը ևս բացւեցաւ, բայց եկամուտի պակասութեան պատճառով երկու տարի շարունակելէ ետքը դոցւեցաւ\*):

Բացի ասոնցմէ, ամերիկեան բողոքական միսիոնարք ունին դպրոց մը, ուր 56 հայ աշակերտներ և 54-ի շափ աշակերտուհիներ կուսանեն:

Փրանսացի լազարիսթների դպրոցին մէջ ևս 40-ի շափ աշակերտներ և 38 աշակերտուհիք կուսանեն:

Թեհրանի հայերն ունին ընթերցարան մը, փոքրաքանակ դրքերով, որ հաստատուեր է 1878-ին, դպրոցն աւարտած աշակերտաց ջանքովը:

\*) Այս քականից յետոյ Թեհրանի հայ համայնքը աղջկանց առանձին դպրոց չի ունեցել մինչև 1954 թ., երբ կառուցուց «Մարիամեան» օրիորդաց միջնակարգ դպրոցի հոյակապ շէնքը, քեհրանաբնակ գործարանատեղ, ազգային բարերար Մարգար Սարգսեանի նախաձեռնութեամբ, ի յիշատակ իր վաղամեծիկ դստեր՝ Մարիամի:

Ազգային բարերար Մարգար Սարգսեանը ծնել է Սալմասի Հաճրվան գիւղում, 1891 թին, իր մահկանացուն կնկնց 1963 թ. Դեկտ. 21-ին, Թարիզում. դին փոխադրուց Թեհրան եւ քաղնց ազգային փառաւոյճ յուղարկաւորութեամբ, բողնելով յաւեհ անմոռաց յիշատակ:

Նրա հանրաներ ճամբով են ընթանում նաեւ իր որդիները՝ ազգային բարերարներ պր. պր. Գուրգէն եւ Վազգէն Սարգսեանները, որոնց առաստճունն նախաձեռնութեամբ կառուցում է Թեհրանի Ս. Մարգրիս հոյակապ եկեղեցին, ի յիշատակ իրենց հանգուցեալ հոր:

Նոյն բարերարները եկեղեցուն կից կառուցելու են նաեւ Առաջնորդարանի շէնքը, ի յիշատակ իրենց հանգուցեալ մօր՝ Նանում Սարգսեանի:

## ՆԱՍՐԵԴԴԻՆ ՇԱԿԻ ՄԱՀԸ

Մինչ բոլոր Պարսկաստան կը պատրասուէր 1896 թ. Ապրիլ 24-ին մեծ բերկրութեամբ տօնել Նասրեդդին շահի թագաւորութեան յօբելեանը և մինչ ամէն նահանգներէ ժողովուրդն յատուկ պատգամաւորներով ու ընծաներով կը փութար իր ջերմ շնորհաւորութիւնները մատուցանել ու անկեղծ երախտագիտութիւնը յայտնել արդարասէր արքային, անա անիշխանական ու եղբրական արկած մը եկաւ բոլորի ուրախութիւնը տխրութեան փոխել և ամբողջ Պարսկաստան սուղի մէջ ընկղմել:

Ապրիլ 19-ին, ուրբաթ օրը, Նասրեդդին շահ իւր աղօթքը կատարելու համար կերթայ Շահ Աբդուլ Ազիմ, որն Թեհրանէ երկու ֆարսախ հեռու, երևելի մի մեծ մզկիթ է, շատ մը աղօթատեղիներով ու սրահներով: Աստ թաղւած է Աբդուլ Ազիմ էմամզադէն, որի անունով կը կոչուի այդ մեծ ուխտատեղին: Շահն էմամզադէի գերեզմանին վերայ աղօթելէ յետոյ ետ դարձած ատեն, նեղ անցքի մէջ իրեն կը մօտենայ Միրզա Ռեզա անունով մէկը, ձեռքը թուղթ մը բռնած, «Ղորբան, աղերսանք մը ունիմ» ըսելով և միևնոյն վայրկեանին արայի (վերարկու) տակէն ատրճանակ մը հանելով կը կրակէ թագաւորին վերայ: Գնդակը Շահի ձախ կողմէն մտնելով, սրտի վարի կողմը կը տեղաւորուի: Շահը կը շօքի, ոտքի կելլէ ու նորէն ուշաթափ վար կիյնայ: Ամին Սուլթան ու հետևորդները գինքը գրկելով, կառքի մէջ կը դնեն և ձիերն արագապէս քշելով՝ պալատ կը հասցնեն, ուր շահը կը փչէ իւր վերջին շունչը:

Պարտք կը համարեմ աւելցնել, որ զաջար հարստութեան միապետներն ընդհանրապէս հաշտ աչքով նայած են հայ հպատակներին: Սակայն, բարեյիշատակ Նասրեղղին շահը իւր նախորդները զերազանցելով, միշտ իբր ճշմարիտ հայր ժողովըրդի և իբր լուսամիտ թագաւոր երկրի, կառավարեր է իւր բազմակրօն ու տարացեղ հպատակներն, և երբեք խտրութիւն չի գրեթէ մահմեդականին և ոչ մահմեդականին մէջ: Թէ իւր նախորդներն և թէ ինքն, ազնիւ գաղափարներով ու միտքերով տողորւած, մինչև անգամ տէրութեան բարձրագոյն պաշտօններն, քաղաքական կամ զինուորական, մատչելի ըրեր են քրիստոնեաներին:

Անշուշտ, ժողովուրդն ընդհանրապէս, երկրի ամէն կողմերն անթերի արդարութիւն չի վայելեր: Գաւառական կառավարիչներն և իրենց ստորադաս պաշտօնեաներն ի սկզբանէ անտի սովորած ու վարժւած լինելով՝ հարստահարել ժողովըրդին առհասարակ, ինչ ցեղէ ու կրօնէ որ լինի, չեն կրնար և դժւար ալ կը թւի մէկէն իրենց սովորական եկամուտների աղբիւրները չորցնել և ամենայն արդարութեամբ կառավարել իրենց հոգատարութեան յանձնւած ժողովուրդը:

Յիրաւի, պատահած է, թէ և խիստ քիչ անգամ, որ մեծ քաղաքների մէջ ևս, հայր զրկանաց ենթարկւել է ընչաքաղց որևէ պաշտօնակալէ: Սակայն, երբ հայր միջոց ու քաջութիւն ունեցեր է կրած զրկանաց ու ապօրինութեանց մասին իր բողոքը վեհապետի զահին հասցնել, որն ընելու համար ամէն դուռ բաց է բողոքարկուին առջև և արդելքները տիրայաղթ, շատ անգամ արդարութիւն եղեր է անոր, և յանցաւոր բռնացողը շուտ-ուշ և մերթ շատ խստիւ պատժւեր է:

Երկրագնդիս վերայ տեղ մը չկայ, որ արդարութիւնն ամենայն կատարելութեամբ թագաւորէ, և այնպէս ամէն անհատ, առանց բացառութեան և դիւրաւ կարենայ միշտ արդարութիւն ձեռք բերել: Ամէնէն քաղաքակիրթ երկիրների մէջ անգամ, ուր ամէնքը միևնոյն օրինաց տակ են և օրէնքների

ճշտիւ ու անաչառ գործադրութեանը կը նախագահեն յաճախակի անկողմնակալ ու արդարասէր դատաւորներ, այդպիսի երկիրների մէջ ևս, այն որ խեղճ է, կըթութիւն չունի, իւր պարտաւորութիւններն ու իրաւունքներն չգիտէ ու չի գնահատեր և անվեհերութեամբ իւր իրաւանց պաշտպան չի կանգներ, նա միշտ արդարութիւն չի ստանար, այլ երբեմն, գուցէ շատ անգամ, կը զրկւի իւր զօրաւոր և օրինաց կնճիռների ու նրբութեանց հմուտ հակառակորդէն, և այս յաճախ անգամ հակառակ օրինաց տրամադրութեան և դատաւորաց արդարասիրութեան: Մենք Պարսկաստանի հայերս, քանի որ ասիական ժողովուրդ ենք և քանի որ բախտն զմեզ սահմանադրական կարգերի արժանի չէ ըրեր, և քանի որ այլ միջոցներն կը պակսին, ուրիշ ճար չի մնար, եթէ ոչ միայն ու միայն կըթութիւնը, որպէսզի լաւապէս ճանաչենք մեր պարտաւորութիւններն ու իրաւունքներն, հմտանանք մեր բնական երկրի լեզուին, օրէնքներին, սովորութեանց և արդարութիւն ձեռք բերելու միջոցներին, ամենայն անվեհերութեամբ և համերաշխութեամբ պաշտպանելով մեր իրաւունքները:

Նասրեղղին արքայի մահւան լուրն երբ հեռագրով թաւրիզ հասաւ, իսկոյն Անգլիոյ ու Ռուսիոյ և ետքէն թուրքիոյ և Յրանսիոյ ընդհանուր հիւպատոսները զահաժառանգին ներկայանալով, իրենց կառավարութեանց կողմանէ նախ խորին ցաւակցութիւն յայտնեցին և ապա թագաւորելը շնորհաւորեցին:

Ապա անմիջապէս մեծամեծները հրաւիրւեցան զալ խորհել, թէ ինչ պիտի ընէին: Երկար խորհրդակցութենէ ետքը հարկ համարւեցաւ որ թագաժառանգն անմիջապէս թագաւոր յայտարարուի և կարելի եղածին չափ շուտով մեկնի թերան: Հետեւեալ առաւօտ (1896 թ. Ապրիլ 20-ին), կէսօրէ մի ժամ առաջ, տեղի ունեցաւ Սալամը խաս (ազնւականաց կամ ընտրանի ընդունելութիւն), որին ներկայ էին արքայազները, կրօնապետներն և բարձրագոյն պաշտօնատարները: Թագաժա-

ոանդն մտաւ ընդունելութեան սրահն, առաջին անգամ հա-  
զած արքայական նշանագրերը՝ պարսկական «սերդարի»-ն,  
որի կուրծքը, օձիքը, թեզանիքն և քղանցքը ոսկեթելով և  
ամենաազնիւ մարգարիտներով ասեղնադործած էին: Նոր դա-  
հակալը կը կրէր նաև պարսկական և այլ տէրութեանց պատ-  
ւանշանները: Նախ կարճ աղօթք մը ըսեցաւ, ետքը շորս գըլ-  
խաւոր կրօնապետներ բռնելով իրենց բոյթ մատով ու ցուցա-  
մատով արքայական խորհրդանշանն, որ ամենազնիւ ակներէ  
կազմուած փետրածև գարդ է, փակցուցին գահաժառանգի մոր-  
թիէ գլխարկին: Ապա նոյն կերպով, առնելով գոհարագարդ  
թուրն, կապեցին մէջքին: Այնուհետև նոր դահակալը բազմե-  
ցաւ ոսկեպատ բազկաթոռի մը վերայ: Յայնժամ կատարեց  
մաղթանք մը, որը վերջացաւ «Ահա՛ մեր արքան» բառերով,  
երիցս կրկնուած: Իւրաքանչիւր անգամին բոլոր ներկայ եղող-  
ները գլուխները կը խոնարհէին ի նշան հպատակութեան և  
հաւատարմութեան:

Այս արարողութենէ ետքը նորընտիր գահակալ Մոզա-  
ֆերեղդին անցաւ ուրիշ սրահ մը, ուր տեղի ունեցաւ «Սա-  
լամը ռասմի» (հասարակաց ընդունելութիւն): Աստ ևս, երբ  
իշխանը ոսկեպատ բազկաթոռի մը վերայ բազմեցաւ, պալա-  
տական բանաստեղծն արտասանեց զովասանական ու շնորհա-  
ւորական ճառ մը, որի մէջ դարձեալ երիցս կրկնուեցաւ «Ահա՛  
մեր Արքան» խօսքը: Նոյն միջոցին շեփորներն և թնդանօթ-  
ների թնդիւնները ժողովրդին աւետեցին, որ Մոզաֆերեղդին  
շահը թագաւորեց:

Մայիս 6-ին Շահը Թաւրիզէ մեկնելով, երրորդ շա-  
բաթը Թեհրան հասաւ և քիչ ատենէն հօր գահը նստաւ:

Մոզաֆերեղդին շահի լաւ յատկանիշներէն մէկն իր  
վերին աստիճանի գթառատութիւնն է: Այս շատ մեծ մի առա-  
քինութիւն է իշխանաց համար: Արդէն առատաձեռնութեան,  
արդարասիրութեան ու հպատակասիրութեան ապացոյցներ տւեր  
է, ամէն յոյս կայ, որ իւր հօր շաւղին հետևելով՝ Պարսկաս-

տանի բարի թագաւորներէն մէկը պիտի լինի: Այսուհանդերձ,  
պէտք է աւելցնել, որ այսօր երկրի մը, տէրութեան մը վե-  
րաբերեալ խնդիրներն այնչափ բազմաթիւ, բազմակողմանի,  
այնչափ բարդ են, որ լոկ վեհապետի բարի կամքէն կամ նա-  
խարարի մը ջանքէն կախում չունին և ասոնցմէ որ մէկն ալ  
որչափ հայրենասէր, յառաջադիմասէր ու անձնագոր լինի, մեծ  
բան մը չի կրնար ընել, եթէ ժողովուրդի մեծ մասը, կամ գէթ  
անոնք, որ ժողովուրդի վերայ ազդեցութիւն ունին կամ ա-  
ռաջնորդ կրնան լինել, հոգով ու սրտով չաջակցեն: Սակայն,  
պէտք է ցաւօք ըսել, որ Պարսկաստանի հասարակ ժողովուրդն՝  
խաշնարած, երկրագործ, արհեստաւոր, վաճառական, գրեթէ  
առանց բացառութեան, յառաջդիմական խնդիրների վերայ  
ամենևին չի մտածեր. ինչպէս կը խորհէր ու կը գործէր դար  
մը, երկու դար առաջ, նոյնպէս այսօր կը խորհէ, կը գործէ:

Կառավարող ու պաշտօնական դասն, աննշան բացառու-  
թեամբ, հետամուտ է ոչ այլ ինչի, բայց եթէ իր անձնական  
շահի ու արծաթասիրութեան: Իրեն համար ուրիշ որևէ նպա-  
տակ չի յառաջադրեր, բայց միայն անձնականն, և այս նիւ-  
թէն դուրս ոչինչ անոր հոգս կը պատճառէ:

Արդ, եթէ Պարսկաստան շսթափի, շարթնայ, որևէ  
կերպով բարեփոխութեանց սկիզբ չդնէ և եթէ շարունակէ ան-  
ցեալի պէս թմրութեան ու անշարժութեան մէջ մնալ, անտա-  
րակոյս, օրէ օր պիտի յետադիմէ, տկարանայ ու խոնարհի, և  
այդ վիճակը ուր կը յանգի, ոչ ոք կրնայ նախատեսել:

## ԹԵՆՐԱՆԻՆ ՄԵՐՁԱԿԱՅ ՇՐՋԱՆՆԵՐ

### ՎԱՆԱԳ

Մայրաքաղաքի մերձակայքը գտնւող հայաբնակ չորս գիւղերի մէջ գլխաւորն է Վանաղը, որ ընկած է Թեհրանի հիւսիսային կողմը և անկէ մերձ 2 ֆարսախ հեռու է: 35 տուն հայ բնակիչ ունի և մի մատուռ՝ մի քահանայով: Վերջերս դպրոց մը բացւեր է, ուր 25 աշակերտք կարդալ ու գրել կը սովորեն:

### ԽՈՐԳՈՒՆ

Վանաղի արևելեան կողմը և անորմէ մերձ մէկ ֆարսախ հեռու է: Աստ 22 տուն հայ կայ, որք պարսկաց հետ խառն կը բնակին:

### ԴԱՐՈՒՍ

Թեհրանի արևելեան հիւսիսային կողմը և քաղաքէն մէկ և կէս ֆարսախ հեռու մի գիւղակ է՝ 12 տուն հայ բնակիչներով:

### ԲՈՒՄԷՅԻՆ

Մայրաքաղաքի արևելեան հիւսիսային կողմը և անորմէ 4 ֆարսախ հեռու մի գիւղ է, ուր 11 տուն հայ կայ:

## ՂԱԶԻՒՆ

Թաւրիզէն ետքը, 1548-ին, Սաֆաւեան տէրութեան մայրաքաղաքը դարձաւ այս քաղաքը, բայց քիչ տարիներէ յետոյ Շահ Աբբաս Ա. զայն թողնելով, Սպահան փոխադրեց իւր արթունիստը:

Այս քաղաքն կը գտնուի Թաւրիզէ Թեհրան ճամբային վերայ և առաջինէն մերձ 70, իսկ երկրորդէն 22 ֆարսախ հեռու է: Ընդարձակ, հարթ դաշտի մը մէջ կը տարածուի, շատ ընդարձակ այգիներով: Սաֆաւեան տէրութեան ժամանակ ծաղկեալ վիճակի մէջ էր, սակայն աֆղաններէ առնուելէն ի վեր սկսաւ յետադիմել: Այժմ անկեալ վիճակի մէջ է և բնակչաց թիւն է 30—40 հազար:

Սպահան զաղթեցուցած հայերէն փոքրիկ մի մասս աստ թողնուեցաւ: Շարդենի ժամանակ 40 հայ ընտանիք կային:

Ըստ Ջէյմս Հըթթընի, Մեծն Բըրիտանիոյ թագաւոր Յակոբոս Ա.-ի կողմէ Շահ Աբբասի մօտ զրկւած դեսպանն՝ Սըր Թոթմոր Քոթընը Ղազինի մէջ մեռնելով (1628-ին), հայոց դերեզմանատան մէջ թաղւեցաւ:

Ռուս-պարսկական պատերազմին (1827—28) Ղազինի գրեթէ բոլոր հայերը Ռուսիա զաղթեցին: Այժմեան հայերը, բոլորն ալ նորեկ են, ընդամենը 12 տուն:

ՄԱԶԱՆԴԱՐԱՆ ԵՒ ԳԻՒԱՆ ՆԱՀԱՆԳՆԵՐԸ

Շահ Աբբաս Ա. Հայաստանէն հանած հայերէն մէկ մեծ խումբ զրկեց այս երկու նահանգները և այնտեղ հաստատեց: Այս գաղթականների թիւը ոմանք 7,000 կը հաշւեն, ոմանք ալ մինչ 18,000-ի կը հասցնեն:

Շարդեն կը գրէ. «Մեծն Շահ Աբբաս Հայաստանէ և Վրաստանէ շատ մեծ թիւով ժողովուրդ փոխադրեց Մագանդարան: Գաղթականութիւնը 3,000 քրիստոնեայ ընտանիքէ կը բաղկանար, միայն երկիրը բազմամարդ դարձնելու համար էր: Այս շատ յարմար երկիր է քրիստոնէից համար, կըսէր Շահ Աբբաս. այս երկիրն այնչափ առատ է գինւով ու խոզով, որչափ որ անոնց պէտք է: Անոնք կը սիրեն ծովով ճամբորդելն և առևտուր կընեն մոսկովների (ռուսերի) հետ Կասպից ծովով»:

Այս գաղթականների մէկ մեծ մասը օգի վատառողջութեանը չդիմանալով՝ խիստ քիչ ատենի մէջ ոչնչացաւ, մէկ մասն ևս այս ու այն կողմ ցրւեցաւ: Թէև այս երկիրներն Շարդենի այցելած ժամանակ (1650—1675) այդ բազմաթիւ հայերէն միայն 400 ընտանիք մնացեր էր, սակայն ասոնք ևս քիչ ատենէ ետքը անհետացան: Պր. Կ. Նզեանցի մի յիշատակութենէն կընանք հետևցնել, որ հեռացողների մեծագոյն մասը ռուսաց իշխանութեան տակ եղող երկիրներն անցնելով, հոն բնակեցան:

1. — ՖԱՐԱՀԱԲԱԴ

Այս որ կը թարգմանւի զւարթութեան տեղ, մի քաղաք էր՝ շինւած Շահ Աբբաս Ա.-ի հրամանով, Գիլան նահանգի մէջ, ծովեզրէն ոչ շատ հեռու, Սֆիդրուդ գետի աջ ափին վերայ: Գիլան և Մագանդարան զրկող հայերէ մէկ մասն ալ այստեղ բերւեցաւ: Շարդեն այս առթիւ կըսէ. «Ֆարահաբադի եպիսկոպոսը բարի, ծեր մի կղերական է, որ բաւականին լաւ կը ճանչնայ այս երկիրը (Գիլան և Մագանդարան). շատ անգամ կը կրկնէր, թէ հողի բերրութիւնը եթէ չլինէր, որ շրջակաների ժողովուրդը կը քաշէ այստեղ, երկիրն անապատ կը դառնար» քանզի օդն անչափ դէշ է: Ապրիլի վերջէն անտանելի տաքութեան պատճառով, որ մինչև անգամ մեծ գետերը կը ցամաքեցնէ, պէտք է ծովեզրն թողուլ և լեռները քաշել, որք 20—25 ֆարսախ հեռու են»:

Յրէյզըր այս կողմերն այցելած ատեն, 1826-ին, այս մեծ քաղաքի փոխարէն մի փոքրիկ գիւղ միայն գտաւ, շատ աւերակներով\*) և բազմաթիւ հայ գաղթականների փոխարէն միայն մի նորեկ գտաւ, որի համար այսպէս կը խօսի. «Ֆարահաբադի աւերակներէ քիչ մը հեռու, ծովի կողմը կայ փոքրիկ կայան մը, շինւած թառափ ձուկ բռնելու ու պատրաստելու ռուսական շուկայի համար: Այս կայանն այն ժամանակ կը պատկանէր Ստեփան անունով հայի մը, որն այն գետի (Սֆիդրուդ) և ուրիշ երկուքի ձկնորսութիւնը վարձու առեր էր տարին անւանական հարիւր թումանով կամ 55 ստերիլնով (անգլիական լիրա), բայց իսկապէս ընծաներով եռապատիկը կը

\*) Այս Ֆարահաբադը Եփոթելու չէ նոյն անունը կրող ուրիշ գիւղի մը հետ, որ կը գտնուի Սարի գետի աջ կողմն եւ Կասպից ծովի եզրին վերայ եւ Սֆիդրուդ գետի վերայ կողով աւերակ քաղաքէն մերձ 60 ֆարսախ հեռու է:

բարձրանար \*):

«Այս մարդն իւր հետ ունի 18 կամ 16 ուսուցիչներ, որք շիներ են քանի մը փայտէ խղիկներ, որք կը ծառայեն իբր շտեմարան բռնելիք ձկանց: Ստեփանն ինձ իմացուց, որ յաջող տարին 5—6 հազար ձուկ կը բռնէին երեք գետի մէջ և Աստրախան տանելով՝ փութը մէկ ուղբի կը վաճառէին»:

## 2.—Ռ Ե Շ Տ

Գիլան նահանգի գլխաւոր քաղաքն է: Կը գտնուի Սֆիրքուղ գետի արևմտեան կողմն եղող ճահճային անտառի մը մէջ և էնդելիէ մերձ 3 ֆարսախ հեռու: Այս քաղաքը միշտ կեդրոն մը եղեր է շերամաբուծութեան և մետաքսի վաճառականութեան: Հայերը շատ հին ժամանակներէ ի վեր հոն կը յաճախեն: 17-րդ դարի մէջ մետաքսի վաճառականութիւնը դրեթէ ամբողջովին հայոց ձեռքն էր, և հաւանաբար անոնք էին այն ատենւան միակ մեծ վաճառականներն, որք այս ապրանքի առևտուրով կը պարասէին և մետաքսը Պարսկաստանէ ուրիշ երկիրներ և գլխաւորապէս Ռուսիա կը ներածէին:

1667 թւականին, ուսաց Ալէքսանդր կայսրն մետաքսի ներածութիւնն ու գործածութիւնն իւր երկրին մէջ քաջալերելու նպատակով, Ստեփան Մ. Թամազուլոցւոյն և Գրիգոր Մ. Կուսիկեանին (Նոր Զուղայի վաճառականներ) յատուկ հրովարտակ մը կը շնորհէր, որով զանոնք ազատ կը կացուցանէր այս ապրանքի համար մաքս վճարելէ: Սոյն կայսրի օրինակին հետևեցան իւր յաջորդներէն ոմանք: Անգլիացի վա-

\*) Ակնոքութիւնն այժմ եւս ուսիացի հայ մը վարձու առնու է, բայց 100 րուսիանի փոխարէն 20,000 րուսիանէ աւելի կը վարէ սարին:

ճառականներէն ոմանք այս ատենները հայերէն արտօնութիւն կը խնդրէին և կստանային, որ մետաքսի առուտուրը հայ ընկերութեանց անունով ընէին, ինքզինքնին հայոց պաշտպանութեան տակ դնելով\*):

Կերևի որ մինչև 19-րդ դարի սկիզբները մետաքսի առուտուրը մնաց գլխաւորապէս հայոց ձեռք, քանզի Փրէյզըր, որ 1826-ին այս քաղաքն այցելեց, կըսէ.

«Հէղայաթ խանի օրով, որ Քարիմ խան Զանդի և Ղաջարական թագաւորութեան հիմնադիր Մահմադ Շահի ժամանակ Գիլանը կը կառավարէր, Ռեշտի մէջ կային՝ հայոց մի մեծ գաղթականութիւն, բազմաթիւ ուսներ, շատ հնդիկներ ու հրեաներ: Ասոնք ամէնքն ալ իրենց առանձին քարվանսարաններն կամ թաղերն ունէին բնակելու համար: Այժմ բացի մի քանի հրեաներէ, միւսներէն որևէ մէկը չի մնացեր:

«Հէղայաթ խան մի լուսաւորեալ տեսութեան գլխաւոր էր: Նա քաջապէս գիտէր հայ ժողովուրդը պաշտպանելու կարևորութիւնը, նկատի առնելով որ անոնք մեծապէս կը նպաստէին վաճառականութեան և երկրի հարստութիւնը կաւելցընէին: Բայց Ռեշտի կարճատես տարրերը, իրենց գլխաւորի ազատական զգացմանց չմասնակցելէ բացի, այնչափ նեղեցին ու անարգեցին ամէն օտարականաց, մինչ նոքա մէկիկ-մէկիկ հեռացան քաղաքէն:

«Սոսրով խանի ժամանակէն առաջ անոնք (քրիստոնեաներն) գրեթէ բոլորովին անհետացեր էին, բայց այդ ազնւականն բաւականին խելացիութիւն ունեցաւ հետևելու իւր նախորդի քայլերին և փորձեց ամէն տեսակ շնորհներ ընելով՝ զանոնք ետ բերել: Այս նպատակին մէջ այնչափ յաջողեցաւ,

\*) Трудящиеся այժմ ево փոխու է... Անգլիացի այժմ առժան չեն համարեր Պարսկաստանի մէջ հայերին բացի ներդրողական պաշտօններէ ուրիշ պաշտօն յանձնելու...

որ հայերէն ոմանք համոզւեցան վերստին գրաւել իրենց թաղն ու քարվանսարաներն: Անոնք կառուցեցին նաև աղօտատեղի մը և բաղնիքներ շինելու վերայ էին, երբ ամբօխը ոտքի կանգնեց և Սոսրով խանի պաշտօնանկութիւնը պահանջեց՝ հայոց ընծայած իր շնորհաբաշխութեան համար... Հայերը հեռացան այս քաղաքէն, ուր այժմ ոչ մի հայ, ոուս կամ հնդիկ չկայ: Տեղացի շատ վաճառականներ, որոնց հետ ես խօսակցեցայ այս մասին, մեծապէս կափսոսէին քրիստոնեաների բացակայութիւնն, և անոնց օգտակարութիւնը խիստ կը գնահատէին»:

Հայերն, որ մի քանի դարէ ի վեր Ռեշտի մէջ մետաքսի առևտուրով զբաղած էին, չկրցան այս առևտուրէն բոլորովին հրաժարիլ: Նասրեղիին Շահի թագաւորութեան սկզբի օրէն սկսան նորէն Ռեշտ երթալ և ոմանք անդ բնակիլ: 1867 թւականէն Ռեշտի մետաքսաբուծութիւնն սկսաւ նւազիլ շերամի ստացած տեսակ մը հիւանդութեան պատճառով: Այս հիւանդութիւնն երթալով՝ աւելացաւ, այնպէս որ այժմ առաջւան ելած մետաքսի մէկ տասներորդն անգամ չի ստացւեր: Կասպից ծովի վերայ շոգենաւերի կանոնաւոր երթևեկութիւնը հաստատուելով, Գիլանի բերքերի արտածութիւնը շատ աճեցաւ և Ռուսիայէ ներածութիւնն ևս շատ աւելցաւ: Այսպիսով Ռեշտ իւր կարևորութիւնն ու վաճառականութիւնը պահեց: Այժմեան բնակչութիւնը ըստ ոմանց 8,000, ըստ այլոց 14,000

\*) Գիլաֆներն նախնեաց «գելին» են, որք Կասպեան ծովի հարաւային եզրին վերայ կը բնակէին. ասոնք «դիւնմիթ» նա կոչւն են: Իրենց անառիկ դիրքի շնորհիւ երբեմն յանկարծօրէն Պարսկաստանի մերձաւոր նահանգներն ասպատակելով՝ մեծ աւարով կը դառնային իրենց ամրութիւնները, ուր պարսիկ զօրք դիրաւ չէր կրնար քափանցել: Եթէ արիական ցեղ մը կայ Պարսկաստանի մէջ, որ իլ-ուս անխառն մնացեր է, հաւաստեալ գիլաֆներն պիտի լինեն:

տուն է: Բնակչաց մեծամասնութիւնը կը բաղկանայ գիլաֆներէ\*), որոնցմէ ետքը կը գան Ֆարսերն և թուրքերն: Հայերն 60 տուն են, մեծագոյն մասն վաճառականութեամբ, իսկ փոքրագոյնը զանազան գործերով կը պարապեն: Ունին մի եկեղեցի, մի դպրոց և մի ընթերցարան:

### 3. — ԷՆՉԵԼԻ

Ռեշտի արևմտեան հիւսիսային և Կասպից ծովի հարաւային արևմտեան կողմը սարաւանդի մը վերայ հաստատուած փոքրիկ քաղաք է և Ռեշտին իբր նաւահանգիստ կը ծառայէ: Աստ 10 տուն հայեր կան, որք գործակատարութեամբ կամ վաճառականութեամբ կը պարապին:

### 4. — ԲԱՐՖՐՈՒՇ

Այս քաղաքն կը գտնուի Կասպից ծովի հարաւային կողմն և ծովեզրէն մերձ չորս ֆարսախ հեռու փոքրիկ գետի մը վերայ, որ ծովը կը թափի: Մեշեղսար ասոր իբր նաւահանգիստ կը ծառայէ: Առաջները Բարֆրուշ հայեր չկային, բայց վերջին տարիներս վաճառականութեան պատճառով քանի մը ընտանիքներ հաստատուեցան այնտեղ: 1880 թւականին մերձ 50 հոգի հայեր կային աստ:

### 5. — ԱՍՏԱՐԱԲԱԳ

Կասպից ծովի հարաւային արևելեան կողմն և ծովեզրէն մերձ 8 ֆարսախի վերայ է: Աստ պարսկաստանցի և ոուսիացի մերձ քսան հայեր կան, որք վաճառականութիւն կընեն:

## ՇԱՀՐՈՒԳ

Վերի քաղաքի հարաւային արեւելեան կողմը և անորմէ մերձ 14 ֆարսախ հեռու կը գտնուի, որ նոյն անունով գաւառի կեդրոնատեղին է: Աստ ևս զանազան երկիրներէ եկած մերձ տասն հայ վաճառականներ կան:

## ՍՊԱՀԱՆԻ ԹԵՄԻՆ ԵՆԹԱԿԱՅ ԱՅԼ ՇՐՋԱՆՆԵՐ

### 1. — ԶԱՆՉԱՆ

Այս քաղաքն 25,000-է աւելի բնակիչ ունի և Թաւրիզէն Թեհրան տանող ճամբային վերայ է. առաջինէն 44, իսկ վերջինէն 50 ֆարսախ հեռաւորութեամբ: Աստ կան մերձ քսան հայեր, որոնք զլիսաւորապէս վաճառականութեամբ կը պարապեն:

### ՍՈՒԼԹԱՆԻԷ

Այս քաղաքն կը գտնուի Զանջանի հարաւային-արեւելեան կողմը և անորմէ վեց ֆարսախ հեռու, ընդարձակ, սիւզաւէտ դաշտի մէջ: Ալ-Ջայթու (12-րդ դարի սկիզբն) այս քաղաքն, որ ըստ ոմանց Բաթինա անունը կը կրէր, նորոգելով՝ իւր մայրաքաղաքն ըրաւ, որին և Սուլթանիէ (արքունի կամ արքայական) անունը տւաւ: Խողաբանդէի յաջորդների ժամանակ այս քաղաքն աւելի ծաղկեցաւ և վաճառականական կեդրոններէն մէկն եղաւ:

Այժմ այս քաղաքէն, բացի կանդուն մնացած երկու մղկիթներէ, ուրիշ հետք չի տեսնուեր: Ասոնց իրարմէ ունեցած հեռաւորութիւնն կէս ֆարսախէ աւելի է, որմէ կարելի է հե-



տեղնել, որ անցեալին մէջ Սուլթանիէ շատ մեծ քաղաք է եղեր: Մզկիթներէ մեծն, որ շինուեր է Ալ Ջայթուի հրամանաւ, արդի Սուլթանիէ կոչուած գիւղին մէջ է և հրաշակերտ կառոյց ունի:

Ըստ ոմանց՝ Սուլթանիէի մէջ 14—15-րդ դարերի ընթացքին բազմաթիւ հայեր կային:

## 2. — ՀԱՄԱԴԱՆ

Եկբատան կամ հարաւային Եկբատան, կը կարծուի լինել այն, զոր մեղացիներն ու պարսիկներն Եկբատանա, Հակմատան կան Հակմադանա կը կոչէին: Բիսուլթունի արձանագրութեանց մէջ գործածուած ձևն Հաքմադանա կամ Հակմատան է:

Ըստ հին աղբիւրների՝ Եկբատան կը գտնուէր Զաղրոսի լեռնաշղթային արևելեան կողմը: Արդի քաղաքը կը գտնուի Որոնդէսի հիւսիսային-արևելեան, հիւսիսային կողմը և ստորոտէն մերձ կէս ֆարսախ հեռու, դաշտի մը վերայ:

Օգն շատ առողջարար է. ձմեռն խիստ ցուրտ է և ամառը բարեխառն: Քաղցրահամ ջրեր Որոնդէսի ստորոտէն ելլելով, քաղաքն և իւր բազմաթիւ մեծատարած այգիներն ու արուարձաններն կոռոզեն: Պարսկաստան քիչ քաղաքներ կան, որոնց անմիջական շրջակայ գետիններն ոռոգման ընդունակ և ըստ պահանջի ջրաւէտ ու բերրի լինեն, ինչպէս Համադան, որով այս քաղաքը շատ աւելի մեծ թիւով ժողովուրդ կրնայ սնուցանել: Ուստի եւրոպացի ճամբորդներն և աշխարհագիր պատմիչներն միաձայն հաւանութեամբ կը կարծեն, որ արդի Համադան նախկին Եկբատանի գիրքը կը գրուէ: Աւելի առաջ երթալով, կարելի է ըսել, որ արդի քաղաքը նախկինի շարունակութիւնն է և Համադան անունը Հակմատանի աղաւաղումն է կամ կրճատումը:

Հերոդոտոս հետևեալ կերպով կը նկարագրէ մեղացւոց այս հռչակաւոր մայրաքաղաքն. «Այս իշխանը (Գիոգէս) ինք-

դինքը գահի վերայ տեսածին պէս, հարկադրեց իւր հպատակներն իրենց համար քաղաք մը շինել, զարդարել և ամրացնել, առանց հոգս ընելու ուրիշ տեղերի համար: Մեղացիք հլու այս հրամանին, շինեցին այն զօրաւոր և անհունաբար մեծ քաղաքը, ճանաչուած այսօր Եկբատան անունի տակ, որի պարիսպները ներփակուած են մէկը միւսի մէջ և այնպէս շինուած, որ իւրաքանչիւր պարիսպ մերձակայ եղողէն կը բարձրանայ միայն ատամների բարձրութեամբ: Տեղի գիրքն, որ բլուրի պէս կը բարձրանայ, անոր շինութեան միջոցները դիւրացուց\*): Նաև բան մը աւելի ըրին. ընդամենը 7 շրջագիծ կար. վերջինին մէջ էին պալատն ու թագաւորի դանձը: Ամենամեծ շրջանը կը հաւասարի գրեթէ Աթէնքի շրջագծին: Առաջին շրջապարսպի ատամները ճերմակ ըրած էին, երկրորդը՝ սև, երրորդը՝ ծիրանագոյն, չորրորդը՝ կապոյտ, հինգերորդը՝ նարնջակարմիր: Այսպէս, բոլոր շրջապարիսպների ատամները դանազան գոյներով զարդարուած են: Գալով վերջին երկուսին, մէկի ատամներն արծաթօգօծած են և միւսինն՝ ոսկեգօծած: Այսպէս էր պալատն, որ Գիոգէս շինել տուաւ իւր համար, և տներն, որոնցմով գայն շրջապատեց. ժողովուրդին մնացորդը հրաման ստացաւ պատնէշների ստորոտին վերայ հաստատուիլ»:

Չ. Ռոլինսը Հերոդոտոսի սոյն պատմութեան վերայ կաւելացնէ հետևեալը.

«Այս ամբողջ նկարագրութիւնն անտարակոյս քիչ մը

\* ) Արդի ֆաղափ կեդրոնին մօտերը մի հողաբլուր կայ կամ լաւ է ըսել փոքրիկ լեռ, որ այժմ Մուսալլա կը կոչուի: Այս բլուրի զագարը հարթ է եւ մերձ մէկ կիլոմետր ֆառակուսի սարածութիւն եւ նրկու կիլոմետր քաղաքս ունի: Քաղափ գետը ստորեւ կանցնի: Բացի այս բլուրէն, կան ուրիշ փոքրիկ բարձրաւանդակներ եւ աւերակի մնացորդներ ֆաղափ հարաւային կողմերն: Սակայն, ասոնցմէ որն որ մէկի տեղը կը գրուէ, միայն կրնայ որուիլ կարող անձերի մանրախոյզ ֆունտիստէն ետքը:

անասպելական երևոյթ ունի և պարխսպների ատամները թանկագին մետաղներով պատելն արդի ընթերցողին կը թւի մասնաւորապէս անհաւանական: Բայց այն ժողովուրդն, որ իւր պալատների տանիքներն արծաթեայ աղիւսով կը կազմէր և ներքին մասի մէջ տախտակէ շինւածքը արծաթէ կամ ոսկիէ տախտակներով կը հանդերձէր, կրնայ բաւականին հարուստ եղած լինել շոայլութեան այսպիսի ցոյց ընելու համար, ինչպէս Հերոդոտոսն կը նկարագրէ»:

Սակայն, Դիոդէսէ կառուցւած կամ աւելի ճիշտ է ըսել մեծցուցած այս քաղաքը հետզհետէ զարգացաւ ու ծաղկեցաւ և Կիւրոսին յաջորդող պարսից հզօր արքայից արքաները զայն իրենց մայրաքաղաքներէն մէկն ընելով, հետզհետէ հոյակապ ու շքեղ շէնքերով զարդարեցին, այնպէս որ իրաւամբ Ասիոյ ամենամեծ և ամենազեղեցիկ քաղաքներէն եղաւ և մնաց այնպէս մինչ Մեծն Աղէքսանդրէն գրաւելն: Այն ժամանակէ ի վեր կերևի որ սկսաւ նւագիլ ու անկում ունենալ:

Այսու ամենայնիւ Պողոսէոս, որ Քրիստոսէ 200 տարի առաջ կապրէր, հետևեալ կերպով կը խօսի այս քաղաքի մինչ այն ժամանակ ունեցած վիճակին վերայ. «Այս քաղաքի շինութիւնները կը գերազանցեն հարստութեամբ և մեծավայելչութեամբ աշխարհի մէջ եղող ամէն ուրիշներն և թագաւորի պալատի շուրջն 700 գրկաչափ է (մերձ 1300 մեթր): Թէև փայտէ շինւած մասերը մայրի ու նոճի ծառերէ էին, սակայն ատաղձի ամենափոքր կտորը չէր երևեր: Կապերն ու գերաններն, առաստաղն ու սիւններն, որք կը կրէին գաւիթներն ու սրահակամարներն, պատած էին արծաթէ կամ ոսկիէ թերթերով: Բոլոր կղմինտրներն արծաթէ էին: Այս թանկագին նիւթերի մեծագոյն մասը յափշտակւած էին Մեծն Աղէքսանդրի հրամանատարութեան տակ եղող մակեդոնացիներէն և մնացորդը կողոպտւած էին Անտիոքոսէսէն և Սիլիկիոսէն: Այսու հանդերձ, երբ Անտիոքոս այս թագաւորութիւնը մտաւ, Ենա տաճարը տակաւին շրջապատւած էր ոսկեզօծ սիւներով, և

զինւորները անոր մէջ գտան բազմաթիւ արծաթեայ կղմինտրներ, քանի մը ոսկիէ և շատ արծաթէ աղիւսներ: Այս ամէնը վերածւեցաւ դրամի՝ Անտիոքոսի պատկերով: Ամբողջի գումարը բարձրացաւ 4,000 տաղանդի կամ մերձ 15,000,000 ֆրանկի (Bollin, VII, page 421):

Այս քաղաքը երբեմն մեր հեղինակներէն Ահմատեան Շահաստան ևս կոչւեր է: Սերէոս կը պատմէ.

«Իսկ Շահեանն երթեալ հանդիպէր զաւրացն Յունաց, ի Կարին գաւառի: Եւ արարեալ պատերազմ հարկանէր զնոսս սրով ու սուսերի և փախստական արարեալ՝ հալածական առնէր յաշխարհէն: Իսկ յամին քսաներորդի առաջներորդի արքայի Խոսրովայ, հրաման ետ նմա՝ փոխել զբնակիչս ի Կարնոյ քաղաքէ և տանել բնակեցուցանել Ահմատեան Շահաստան, ընդ նոսին ըմբռնեալ և երանելի ծերունին կաթողիկոսն Յովհան ի գերութիւն վարեցաւ հանդերձ ամենայն սպասիւք եկեղեցւոյն: Եւ անդէն վախճանեալ բերաւ մարմին նորա ի գիւղն Աւան, յեկեղեցին, զոր ինքն շինեաց: Եւ ի նմին ամի վախճանեցաւ երանելին Աբրահամ կաթողիկոս: Այս Խոսրով՝ որ կոչեցաւ Անուշըրուան» \*):

Սակայն Հ. Չամչեանը Յովհաննէս կաթողիկոսէն և Ստեփան-

\* Սերէոս, կերեսի որ անունները (աւելի մականուններ) Եփոքեր է: Յիւալի, Խոսրով Ա. Անուշըրուան մականունաւոր կամ Սերէոսի Անուշըրուան կոչւածը քեւ 576 թականին (Ք. յ.) Թեոդուպոլիսը (Կարին) պաշարեց, բայց չկրցաւ առնել: Սակայն, Խոսրով Բ.-ի (Փարվիզ կամ Էփերվիզ) ժամանակ երբ սկիզբները պարսիկները սիրնցին գրեթէ ամբողջ Փոքր Ասիային եւ մինչեւ արդի Սկիւսար յառաջացան, Շահեան, որ Խոսրովի հրամանատարներէն մէկը կը թի ըլլալ, Թեոդոսուպոլիսն առաւ եւ ժողովուրդը գերելով՝ արեւի հրամանին համեմատ Ահմատեան զրկեց: Այս դեպքը հաւանաբար 615-ին կամ 616-ին տեղի ունեցաւ, որ ըսելէ Թեոդուպոլիս առաջին պաշարումէն մերձ 40 տարի յետոյ: Այս որոշ է, որ Շահեան Խոսրով Բ.-ի հրամանատարներէն էր եւ ոչ քե Խոսրով Ա.-ի:

նոս Ասողիկէն առնելով՝ նախ Կարինի գրաւումն հայագն Աշո-  
տին կը տայ, որ հայ գօրքով Խոսրովին կաջակցէր:

Այս հայերն ի՞նչ եզան. արդեօք Հերակլի Պարսկաստան  
յարձակած ատեն անոր հետ միանալով՝ հայրենիք դարձա՞ն,  
թէ ետքէն մի առ մի փախչելով՝ ազատեցան: Արդեօք արա-  
բացւոց Պարսկաստանին տիրած ժամանակը կրօնափոխ լինե-  
լով՝ ձուլեցա՞ն, թէ՞ շարունակեցին իրենց ազգութիւնը պահ-  
պանել մինչև Շահ Աբբաս Ա.-ի ժամանակներն, ստոյգ տեղե-  
կութիւն մը չկայ, գէթ ես չեմ կրցեր գտնել:

Ըստ պարսիկ պատմագրաց՝ Աբբասեանների խալիֆայու-  
թեան ժամանակ այս քաղաքը շատ ծաղկած ու բազմամարդ էր:  
Իբրև ապացոյց կը բերւի, թէ երբ արաբներն զայն գրաւե-  
ցին ու աւերեցին, երկու խարվար մետաքսեայ խոնջան հա-  
ւաքւեցաւ սպանւողների վարտիքներէն\*):

Սակայն, երբ Սելջուկեանները զայն իրենց մայրաքա-  
ղաքը ըրին, նորէն ծաղկեցաւ ու մեծցաւ. բայց 14-րդ դա-  
րին մէջ այս քաղաքն իւր վերջնական մեծ հարւածն ստացաւ,  
երբ Լէնկ թէյմուր զայն առնելով՝ երևելի ու հոյակապ շի-  
նութիւնները կործանեց, բնակիչները կողոպտեց և քաղաքն  
աւերակների կոյտերի փոխեց: Այս հարւածէն ետքը ալ բոլորովին  
չվերականգնեցաւ:

Շահ Աբբաս 1603—4-ին Հայաստանէ հանած հայերի  
մէկ մասը Համադանի վրայով ու մօտերքով չւեցնելով, մի  
փոքրիկ թիւ ալ, որի քանակութիւնն ինձ կարելի չեղաւ ճշ-  
տել, այս քաղաքին մէջ բնակեցուց: Այս հայերի մասին մինչ  
մէկ դար ոչ մի տեղեկութիւն տրւած չէ: Սաֆաւեան տէրու-

թեան անկումէն և աֆղան Մանուղի Սպահանին տիրելէն  
քանի մը տարի ետքը, Աշրաֆի տիրապետութեան ատենները,  
կատաղի աֆղանների մէկ մասը Համադանի վերայ արշաւելով,  
զայն առին: Այս վայրագները իրենց բանակը քաղաքէն դուրս  
հաստատելով, ամէն օր նրա մէկ թաղին վերայ կը յարձակէին,  
չափահաս մարդկանց ու հասակաւոր կիներն որք կանցնէին,  
տղաներն ու մանկամարդ աղջիկները կը պերէին, տներէ պէտք  
եղած ուտելիքները կը հաւաքէին և տանել չկրցած իրերը  
ջարդելէն ու այրելէն ետքը, թաղին մէջ տեղ մը կը խմբէին  
և կսկսէին ճաշ պատրաստել և ուտել:

Ետքը նորէն նոյն թաղին մէջ շրջելով՝ առուան թերի  
թողած խժողութիւններն կը լրացնէին, և ի վերջոյ, իրիկւան  
կերակուրը լափելէն ետքը, իրենց բանակատեղը կը վերա-  
դառնային:

Ասոնց բարբարոսութիւններէն գերծ չմնաց նաև հայե-  
րի թաղը: Հաճելի է ինձ անյիշատակ շթողուլ հայուհւոյ մը  
արարքն, որն պատմեցաւ ինձ արժանահաւատ անձէ մը, և  
որն աւանդաբար հասեր էր անոր, ինչպէս և ուրիշներին:

Կիրակի առաւօտ մը, մինչ Խաչատուր անուսով քա-  
հանայ մը պատարագ կը մատուցանէր և ժողովուրդի բարե-  
պաշտ մասը եկեղեցին ժողովւած՝ ջերմեռանդութեամբ կաղօ-  
թէր, որ այն դառն բաժակն իրենց և իրենցներին չխմցւի,  
արիւնարբու աֆղանները հայերի բնակած թաղին վերայ կը  
յարձակին և կսկսին իրենց սովորական խժողութիւնները գոր-  
ծադրել: Ասոնցմէ խումբ մը «Առէք կերէք» ի պահին եկեղե-  
ցին կը մտնէ, բոլոր աղօթողներն սրէ կանցնէ, որոնց մէջ  
նաև պատարագիչ քահանան, որն սրի քանի մը հարւած  
ընդունելով՝ արիւնթաթաւ, սեղանին վերայ կիյնայ, կը մարի:  
Աֆղաններն եկեղեցին կողոպտելէն ետքը կը հեռանան: Այս ժա-  
մանակ հայերէն ոմանք փախչելով՝ զետնափոր ջրանցքի մը մէջ  
ապաստաներ էին: Քահանայի կինը՝ Մարիամ, իւր գաւակնե-  
րը հոն տարեր էր: Այս անվեհեր հայուհին երբ նորեկ ապա-

\* Այս չափազանցութիւն կը քի, Բանգի ասոր յիշած խա-  
վարն մերձ 300 ֆիլոզամ է: Եթե ամէն մէկ խոնջան իրար վերայ 15  
գրամ կռէ, 40,000 խոնջան կրնէ, եթէ մեծախնայ խոնջան ունե-  
ցողների քիւր 40,000 լինի, հասարակ խոնջան ունեցողներին առ-  
նրւագն 400,000 հաւելու է...

տանոցներէն կիմանայ որ աֆղանները եկեղեցին մտեր և այն-  
տեղ եղողներն կոտորեբ են, իսկոյն գաւազները մէկի մը յանձ-  
նելով՝ ապաստարանէն դուրս կելլէ, կը վազէ եկեղեցին և իւր  
կիսամեռ քահանայ էրիկն շալակն առնելով և բազմաթիւ վը-  
տանգներէ հրաշքով ազատուելով՝ կը վերագառնայ գետնափորն,  
ուր անոր վէրքերն կերպով մը կապելով և հնարաւոր ճարն  
ընելով՝ նորէն շուշ կը տայ:

Աֆղանները քանի որ շարունակեցին կոտորածն ու կո-  
ղոպուտն, գետնափորին մէջ ապաստանած հայերը դուրս չելան  
և արիասիրտ Մարիամ, քանի մը քաջերի հետ, ամէն իրիկուն  
աֆղանների քաղաքէն հեռանալէն ետքը, ջրանցքէն դուրս  
ելլելով, անտէր ու կիսաւեր տներն և շատ անգամ աֆղան-  
ների ճաշած տեղն կերթար և գտած ուտելիքները հաւաքելով՝  
գետնափորը կը տանէր և անդ եղողներին կը բաշխէր:

Քիչ ժամանակէն ետքը օսմանցիներն Ահմադ փաշայի  
հրամանատարութեամբ աֆղանների ձեռքէն առին այս քա-  
ղաքն և անոնց պակաս թողածը լրացուցին, գայն դարձեալ  
կոտորածի ու կողոպուտի ենթարկելով, և բազմաթիւ գերիներ,  
գլխաւորաբար հայերէն, առնելով՝ զրկեցին թուրքիա:

1730-ի ատեններն Նաղեր շահ օսմանցիներին յաղթե-  
լով՝ տիրեց նաև Համադանին: Այս շահի մահէն յետոյ Պարս-  
կաստան ինկաւ նորէն խռովութիւնների մէջ, որք շարունակ-  
ւեցան քիչ բացառութեամբ, մինչև զաջարաց Մահմադ շահի  
թագաւորելը:

Այս աղէտներին ամէնէն շատ ենթարկւեցան հայերն,  
որոնց թիւը կոտորածի, գերեվարութեան ու գաղթականու-  
թեան պատճառով շատ նւազեցաւ:

Այսու հանդերձ, Մօրիէ, որ դարիս սկիզբներն և Քեր  
Փորթըր, որ 1818-ին այցելեցին այս քաղաքը, հայ ընտանիքնե-  
րի թիւը մերձ 600 տուն գտան: Իսկ Հ. Լայրըդ, որ 1841—42-ին  
այցելեց այստեղ, կըսէ. «Քաղաքն ունի բազմաթիւ հայ ըն-  
տանիքներ, որք առանձին թաղի մը մէջ կը բնակին»: Անկէ

ետքը անոնց թիւը երթալով պակսեցաւ և 1871-ի սովը Հա-  
մադանի մէջ գուցէ ամէնէն սաստիկն եղաւ և որը նորէն հա-  
յերի ցրումին պատճառ դարձաւ: 1877-ին ինձ բլուր մը ցոյց  
տւին, որի վերայ սովէն առաջ 100-ի շափ պարսիկ աղքատ  
ընտանիքներ կը բնակէին, բայց այժմ անոնց տների աւե-  
րակները միայն կը տեսնուէին: Քաղաքի մէջ դեռ անբնակ  
տներ կային: Արդի բնակչաց թիւը 30,000-ը կանցնէ: Ասոնք  
կը բազկանան պարսիկներէ ու թուրքերէ, գրեթէ կէս առ կէս  
համեմատութեամբ և երկու լեզուն ևս անխտրաբար կը խօսուի:

Համադանի մէջ կը բնակին նաև մերձ 3—400 տուն  
հրէայք, որոնք շատ հին ժամանակներէ եկած կը կարծւին:

Աստ պատրաստուած կաշին Պարսկաստանի մէջ ամենա-  
լաւ որակն ունի. կաշեգործարաններ շատ կան, որք քաղա-  
քին մէջ լինելով, մէկ թաղը գարշահոտութեամբ կը լեցնեն:  
Բացի ասկէ, շատ մը արտաքնոցների ոտքերը մօտակայ փոսե-  
րի մէջ վազելով, կարելի չէ գնալ մէկ քանի փողոցներէն,  
սաստիկ գարշահոտութեան պատճառով:

Չարմանալի է, որ այսչափ աղտոտութիւններով հան-  
դերձ, տարափոխիկ հիւանդութիւններ չկան: Այս պիտի բացա-  
տըբել Համադանի դիրքի բարձրութեամբ և օդի աղէկու-  
թեամբ:

Պարսկաստանի գինու տեսակների մէջ երրորդ տեղը կը  
բռնէ Համադանի գինին, որ մեղմ ու հաճելի ըմպելիք է: Բա-  
ւականին գեղեցիկ գորգ և ուրիշ հիւսւածեղէններ կելլեն այս  
քաղաքէն:

Շինութեանց մէջ անւանի է Գօմբաղը Ալեւիան, որ  
մի հին ձեռակերտ է: Քաղաքին մէջ, մեծ մզկիթի մօտերը,  
գմբէթաւոր փոքրիկ շէնք մը կայ, որի համար հրէայք կըսեն,  
թէ Եսթերի և Մուրթքէի գերեզմանները կը պարունակէ: Քա-  
րէ դռնակէ մը մտնելով, նախ փոքրիկ սենեակ մը կայ, ուրկէ  
կը մտնէք ուրիշ քառակուսի սրահիկ մը, որ գմբէթով ծածկը-  
ւած է: Այս սրահիկին մէջ երկու իրարմէ քիչ տարբեր մե-

ծուծեամբ դամբան կամ լաւ է ըսել տապանակ կայ, ազնիւ փայտէ շինւած: Տապանակներէ շորս կողմի շրջանակները քանդակւած են: Քանդակներն կը պարունակեն Սաղմոսէն քաղւած քներ՝ երբայցեքէն լեզուով և դուրս ցցւած գրերով: Այն խախտման, որ 200-րդ որդիէ որդի յաջորդութեամբ սոյն շէնքի պահպանութեան պաշտօնն ունէր, կըսէր, որ այս գրւածքի թւականը 1000 տարիէ աւելի հնութիւն ունի: Փայտն ու քանդակներն շատ հին կերէին, սակայն այնչափ հին լինելը չկըրցայ ճշտել: Տապանակներէն մեծն, ըստ աւանդութեան, կը ներկայացնէ Եսթերի (Աստուծոյ թագուհւոյ\*) շիրիմն, իսկ փոքրը՝ Մուրթքէինը: Շրջակայ պատերի վերայ դաճով դուրս ցցւած գրւածքներ կան, որք ըստ նոյն խախտման, Մուրթքէի ազգաբանութիւնն մինչ Աբրահամը կը հասցնեն: Արեւելեան պատին վերայ մարմարիոնէ փոքրիկ յիշատակարան մը կայ, որի համար խախտման կըսէր, թէ 2000 տարւան էր: Սոյն սրահիկին կից ուրիշ սենեակ մը կայ, որ սեղանը կամ աղօթատեղին է:

Քաղաքի հարաւային կողմը, կէս ֆարսախ հեռաւորութեան վերայ, կը գտնուին «Գնանջնամե» կամ լաւ է ըսել «Ջանգնամե» կոչւած բնակարան արձանագրութիւններն:

Որոնդէս լեռներէն մէկի կուրծքին վերայ, որ նոյն լեռնաշղթայի հիւսիսային արեւմտեան և քաղաքի արեւմտեան կողմէ հոսող գետի աջ կողմն է, տաշւած են երկու տախտակ՝  $2\frac{3}{4}$  քառորդ մեթր լայնութեամբ և երկու մեթր բարձրութեամբ:

Այս տախտակներէն իւրաքանչիւրը 3 սիւնակի բաժնուած է. առաջին սիւնակը  $1\frac{1}{4}$  մեթր, իսկ երկրորդը և երրորդը 75 սանթիմեթր լայնք ունին: Սիւնակներէն իւրաքանչիւրն 20 տող գրւածք ունի և տողերն իրարմէ անջատւել են դիժով մը: Սիւնակների տողերն ու դիժերը հորիզոնական ուղղու-

\*) Հաւանաբար Արսաւիր Երկայնաբազուկի քաղուհին լինի:

թեամբ իրար կը համեմատեն: Առաջին սիւնակի բնակարանն ուղղաձիգ են, երրորդինը հորիզոնական, իսկ երկրորդինը տեղ-տեղ առաջինի և տեղ-տեղ երրորդի գրերին կը նմանին:

Այս արձանագրութիւններն երեք լեզուով են. գրւած են պարսկերէն, բաբելական և մարական լեզուներով: Այս բնակարանը կը պարունակեն Գարեհ Վշտասպեանի և իւր որդւոյ Քսերքսէսի անուններն և տիտղոսներն, Որմիզդին ուղղւած մաղթանքների հետ: Այս արձանագրութիւններն մասնաւորապէս հետաքրքրական են բնակարանի գրւածքներին մեկնաբանութեան առաջին բանալին ընծայած լինելուն համար:

1877-ին, այս քաղաքն իմ այցելութեան ժամանակ, ամերիկացի միսիոնարները դեռ նոր հաստատուած լինելով, յաջողեցին հայ ժողովուրդի միայն կէսն բողոքական դաւանութեան դարձնել: Այս պատճառով բողոքական ու լուսաւորչական հատւածներին մէջմատուռի ժառանգութեան վերայ վէճ ծագած էր, բայց ի վերջոյ, տեսակ մը լուծեայն համաձայնութեան եկեր էին, որ առաւօտեան հայ քահանան ժամասացութիւն կը կատարէր ըստ առաքելական եկեղեցւոյ ծէսի, որմէ ետքը պատուելի միսիոնարը կը մտնէր, քիչ-շատ փոփոխութիւն ընելով՝ մատուռը ժողովարանի կը վերածէր և քարոզութիւն կընէր: Այս տեղի հայոց բողոքական լինելն աւելի իրենց անգիտութեան ու աղքատութեան հետևանքն է:

Գրիչս ժամանակին (1877 թ.) մասնաւոր նամակով էջմիածնի ուշադրութիւնը հրաւիրեց իրաց այս վիճակին վերայ, բայց հարկ է ցաւօք կրկնել, որ ամէն ազդ, տեղեկագիր ու բողոք ապարդիւն էր ժամանակի թմբեալ միաբանութեանը յուզելու և գործունէութեան մղելու:

1889-ին, երկրորդ անգամ այս քաղաքէն իմ անցած ատեն տեսայ, որ միսիոնարք շինած էին բաւականին մեծ ժողովարան մը, որին քիչ-շատ հայկական եկեղեցւոյ ձև տալու համար մի փոքրիկ դմբէթ ալ աւելցուցեր էին, և քաղաքի 40 տուն հայերէն 34 տունը բողոքական ըրեր էին: Մնացեալ 6 տունն,

որ դեռ իւրեանց նախահարց դաւանութեանը պինդ մնացեր էին, քահանայ չունէին և պէտք եղած ատենը մօտակայ Շաւարին գիւղէն բերել կը տային: Մատուռն գոցւած և սպասներն մի առանձին տան մէջ կը պահէին: Թող մեր վարդապետները էջմիածնի մէջ պորտաբուծութեամբ միայն պարապեն...

Մատուռի շրջակայ գերեզմանաքարերէն շատերը չէին կարգացւեր. հիներէն մէկը, զոր ես կըրցայ կարգալ, 1820 թըւականը կը կրէր: Միսիոնարներն 3 դպրոց, կամ աւելի ճիշտ է ըսել 3 դատ դասարանէ բաղկացած մի կրթական հաստատութիւն ունին: Մէկին մէջ 34 հրեայ և 6 հայ տղայք կային: Վերջիններս կը սովորէին հայերէն և մասնաւոր կերպով անգլերէն և պարսկերէն: Երկրորդին մէջ 35-ի չափ հայ տղայք միայն ընթերցանութիւն կը սովորէին: Երրորդը, որ գիշերօթիկ էր, 36-ի չափ աղջիկներ հայերէն ընթերցանութիւն կը սովորէին երկու գթութեան քոյրերի ձեռամբ:

\*  
\* \* \*

Համադան քաղաքէն 3 քիլոմետր հեռու կը գտնուի ծառուէտ ու ջրառատ Շաւարին գիւղը: Աստ հաստատուած են 80 տուն հայեր, տեղացի պարսիկների հետ: Գիւղն ունի մի քահանայ և մատուռ մը: Ասոնք ամէնքն ալ 1877-ին լուսաւորչական էին, բայց այն ատենէ այս կողմ հինգ ընտանիք բողոքականութիւն ընդունեցին:

## ԱՆՋԱՏ ԳԱԻԱՌՆԵՐ

Ստորև կը ներկայացնեմ Սպահանի և Հնդկաստանի թեմին ենթակայ քանի մը դաւառներ, որոնք հայաբնակ գլխաւոր կեդրոններէ հեռու ընկած լինելով, անջատ շրջաններ են, տարբեր նահանգների սահմանների մէջ: Ասոնք հետևեալ շրջաններն կամ փոքրիկ դաւառներն են.

### 1. — ՂԱՐԱՂԱՆ

Այս դաւառը կը գտնուի Թեհրանի հարաւային, հարաւային արևմտեան կողմը և անորմէ կարաւանի չորս օրւայ ճամբայ կամ մերձ 20 ֆարսախ հեռու է:

Գիրքը քիչ-շատ լեռնային է, ունի առատ ջուր, լաւ արօտատեղիներ և շատ մրգաստաններ, ուր մեծ թիւով ընկուզենիներ կան: Ղարաղանի միայն 5 գիւղերի մէջ հայեր կան, որոնք պարսիկների հետ խառն կը բնակին: Հայաբնակ գիւղերն հետևեալներն են. —

Լառ, որ 65 տուն հայ բնակիչ ունի:

Չանախչի, Լառէն 1/4 ֆարսախ հեռու է և 70 տուն հայ բնակիչ ունի:

Չամբար, որ Չանախչիէ մէկ ֆարսախ հեռու է և 35 տուն հայ բնակիչ ունի:

Ենգիղալա, որ Լառէն քիչ մը հեռու է և 20 տուն հայ բնակիչ ունի և մի փոքրիկ եկեղեցի, առանց քահանայի:

Բարգուեաս, որ Լառէն 1/2 ֆարսախ հեռու է, և ուր կան

փոքրիկ եկեղեցի մը, քահանայ մը և 20 տուն հայ բնակիչ: 1)

2. — ՄԱԼԱՅԵՐ ԿԱՄ ՄԱԼԱՅԻՐ

Այս գաւառն, որ Համադանի հարաւային կողմն և անորմէ մերձաւորապէս 10 ֆարսախ հեռու է, ունի երեք հայ գիւղ: 2)

Անուաւ կամ Անուշ, որ ունի 61 տուն (190 արական և 151 իգական) հայ բնակիչ: Ըստ ուրիշ տեղեկութեան մը՝ միայն 40 տուն ունի:

Ղասումարադ՝ 24 տուն (71 արական, 69 իգական):

Դէյզուլնա՝ 3 տուն (11 արական, 9 իգական), ընդամենը 88 տուն կամ 501 բնակիչ:

3. — ՔԵԱՂԱՂ ԿԱՄ ՔԵՂԱՂ

Համադանի հարաւային արևելեան կողմը և անորմէ 20 ֆարսախ հեռու է, իսկ Սուլթանաբաղ քաղաքի արևմտեան, արևմտեան-հարաւային կողմը և անորմէ երեք-չորս ֆարսախ հեռու է:

1) Ըստ Քադէոս եպիսկոպոսի վիճակագրութեան՝ Լառի մէջ՝ 50, Չանախչիի մէջ 32, Չամբարի մէջ 14 տուն հայ բնակիչ կայ, իսկ Ենգիղալա եւ Բարգուլեաս այդ վիճակագրութեան մէջ յիշուած չեն, այլ Չարհաս անուանով գիւղ մը կը յիշուի 6 տուն կամ 47 բնակիչով:

2) Հարկ կը նկատեմ յիշել, որ ստորեւ բերուած գաւառներն ու գիւղերն ոչ ճշտեր են եւ ոչ այնպիսի լաւատեղեակ անձերի հանդիպել են, որոնք անձամբ ճշտած լինելով, կարենային ստոյգ տեղեկութիւն տալ, ուստի պարտաւորեալ Ջուղայի պատմութեանն կը փառնեմ վիճակագրութիւնն, զոր Սպահանի առաջնորդ Քադէոս եպիսկոպոս ընել սեր է 1856 րականին, Տեղ-տեղ աւելցուցած են բնիկ գնդացիներ ինձ սիւստ տեղեկութիւնները:

Այս գաւառակն ունի 9 հայաբնակ գիւղ, որք Քարին գետի և անոր ճիւղերի վերայ են:

Ըստ 1856 թւի վիճակագրութեան յիշուած են հետևեալ գիւղերն. —

	տուն	արական	իգական
Դիլիսաւա	29	102	103
Քեալաւա	51	154	140
Ազնա	26	94	81
Գոլգար	27	70	62
Մարանդ	12	43	31
Ումբիան	6	18	16
Ջզինաղ	6	18	16
Սէյդուլնա	13	30	27
Ղալա Շէյխ	8	32	29
Ամբարթա	11	38	36

Սակայն, բնիկ գիւղացիներէն ձեռք բերած իմ տեղեկութեանց համաձայն՝ վերի գիւղերն ունին հետևեալ թիւով բնակչութիւն. — Դիլիսաւա՝ 60 տուն, մէկ եկեղեցի և մէկ քահանայ, Քեալաւա՝ 100 տուն, մէկ փայտածածկ եկեղեցի և 2 քահանայ. Ազնա՝ 60 տուն, մէկ փայտածածկ եկեղեցի և 2 քահանայ. Գոլգար՝ 60 տուն, մէկ փայտածածկ եկեղեցի և քահանայ. Մարանդ՝ 40 տուն, մէկ փայտածածկ եկեղեցի և 1 քահանայ. Ումբիան՝ 40 տուն. Ջզինաղ՝ 20 տուն, մէկ փայտածածկ եկեղեցի և 1 քահանայ, ընդամենը 380 տուն: Ըստ ուսումնաց այս գաւառակի հայ բնակչութիւնը կը կազմէ 425 տուն:

4. — ԳԵՍՓԼԱ

Այս գաւառակն կից է Քաղաղին և ունի 15 հայաբնակ գիւղ, ըստ հետևեալի.

	տուն	արական	իգական
Չարթաղ	19	69	61
Օրթաշիման	37	109	99
Թոխմար	35	119	88
Մուղան	3	8	6
Ահմադաբաղ	23	82	64
Հոսէյնաւա	38	113	93
Հաջիաւա	37	95	83
Շարաֆաւա	5	18	15
Փրչստան	32	114	102
Քամիան	11	44	36
Քերթ	87	287	237
Զառնա	39	123	117
Աբասաբաղ	2	9	8
Բաղմովդի	40	130	126
Մազրա	5	16	9

Այս գաւառակի մէջ Չէշմէդարա և Աբբարիք հայ գիւղերն, որք 60 տունէ կը բաղկանային, կրօնափոխ եղած են 70—80 տարի առաջ, նազր խան անուանով մէկի հարստահարութենէն ստիպւած, բայց մինչ այժմ պահեր են քրիստոնէական յատկանիշներն, կը յարգեն որոշեալ պահքեր և հայ հոգևորականներն, գիտեն հայ լեզուն, երբեմն կը խօստովանեն և հաղորդութիւն կառնեն:

ՔԵՍՄԱՐԱ

Համադանի հարաւային-արևելեան կողմը և անորմէ մերձաւորապէս 6 օրւայ, իսկ Քեաղաղ գաւառակէն երկու օրւայ ճամբայ հեռու է: Կը գտնուի Սուլթանաբաղ և Գոլփայեզան քաղաքների միջև: Այս գաւառակը կը պարունակէ հինգ հայաբնակ գիւղ. —

	տուն	արական	իգական
Դաւութաբաղ	14	45	36
Քեանդլներ	24	75	61
Լիլիհան	54	170	154
Սաքի	10	38	23
Ղորշիբաշի	22	74	68
Գումար՝	124	402	342

Ըստ այլ տեղեկութեանց, այս գաւառակն ունի 8 հայաբնակ գիւղ և 350 տուն բնակիչ:

ԲՈՒՐՎԱՐԻ

Այս գաւառակը կը գտնուի Քեամարայի հարաւային և Գոլփայեզան քաղաքի արևմտեան կողմն:

Այս գաւառակն ունի 9 հայաբնակ գիւղ, ըստ հետևե-



լի.—	սուն	արական	իգական
Գովգ	31	115	107
Ղարաքահրիգ	11	31	37
Ֆարաջաբադ	17	57	50
Ջանխոշ	65	171	123
Չարբադ	46	153	115
Շաւրաւա	19	63	43
Անուշ(°)	35	115	100
Փահրա	34	115	89
Գէհնով	5	9	9
Գումար՝	263	829	673

**ՉԼԱՐՄԱՀԱԼ**

Այս գաւառն կը գտնուի Բուրվարի գաւառակի և Գուփայեղան քաղաքի հարաւային կողմը. Համադանէ հեռու է մօտաւորապէս 40 ֆարսախ, իսկ Սպահանէ 14 ֆարսախ հեռու: Չհարմահալի հայերն Շահ Աբբասի զաղթականութեան մաս կազմած են Բասենի շրջանէն:

Ըստ իմ յիշած վիճակագրութեան, Չհարմահալ ունի 5 հայաբնակ գիւղ, ըստ հետևեալի.

	սուն	արական	իգական
Սիրաք	64	277	245
Անմադաբադ	92	326	271
Գիշնիդան	43	125	114
Մամուռան	24	72	73
Լիվասիան	83	307	253
Գումար՝	306	1107	956

Ըստ իմ ունեցած մասնաւոր տեղեկութեանց, այս գաւառն ունի 9 հայաբնակ գիւղ՝ 550 տուն բնակիչք<sup>1)</sup>:

**ՓԵՐԻԱ**

Այս գաւառն, որ Սպահանէ մերձ 20 ֆարսախ հեռու է, ունի 21 հայաբնակ գիւղ, ըստ հետևեալ վիճակագրութեան.

	սուն	արական	իգական
Խօջիդալա	45	160	135
Հազարջրիք <sup>2)</sup>	99	334	311
Բոլորան	81	269	219
Ազնաւուլ	50	167	133
Հադան	62	189	130
Նամակերտ	84	367	221
Գրախտակ	14	67	42
Միլակերտ	50	192	169

(Շարունակութիւնը տեսնել յաջորդ էջում)

1) Մեր քաղաքի տեղեկութեանց համաձայն՝ Չհարմահալ գաւառում, այդ քաղաքներին, գոյութիւն են ունեցել հայաբնակ 11 գիւղեր, ըստ հետևեալի՝ Սիրաք, Անմադաբադ, Գիշնիդան, Մամուռան, Լիվասիան, Մամուլա, Սինագան, Աղբուլաղ, Ներքին Քոնար, Վերին Քոնար և Հաջիաբադ:

1946—47 թ. դեպի Հայաստան եղած ներգաղթից յետոյ այս գաւառի հայ բնակչութեան թիւը աս նօսաբար, եւ միայն մի քանի գիւղերում մնացին փոքրաթիւ հայեր: Ներկայիս հազիւ մի քանի սուն հայեր բնակուում են Սիրաք, Հաջիաբադ և Մամուլան գիւղերում: Ծ. Խ.

2) Աստ առաջներն 600 սուն հայ եղած է եւ վանք մը, որ առաջնորդ մը կը նսէր, որ թէ այս գաւառին եւ թէ Համադանին կիթէր:

	տուն	արական	իգական
Շուրիչկան <sup>1)</sup>	44	134	111
Բժկերտ	21	66	70
Խունկ	40	141	104
Սանդիբարան	89	285	251
Խոյզան	73	273	228
Գաջան	36	100	99
Ղարղուն	49	181	175
Սըվարան	19	81	59
Մուղան	26	109	103
Ատիգիան	54	174	158
Նանադիկեան	42	135	121
Դարաբուրդ	16	58	44
Քրդերն	20	71	61
<b>Ընդամենը՝</b>	<b>1014</b>	<b>3553</b>	<b>2964</b>

### ԼՆՁԱՆ ԵՒ ԱԼԻՆՁԱՆ

Այս գաւառակները կը գտնուին Սպահանի մօտերն: Ժամանակին այս գոյգ գաւառակներում եղած են 18 հայ գիւղեր, բայց կերևի, որ այս գիւղերի ժողովուրդը Պարսկաստանի խառնակութեանց ժամանակ, գլխաւորապէս 18-րդ դարի վերջին քառորդին մէջ հարստահարութեանց զիմանալ չկրնալով, ցրւեցաւ և այժմ ոչ մէկ հայ կը գտնուի:

Թաղէոս եպիսկոպոսի վիճակագրութեան մէջ կը յիշուի Շօրօրիար գիւղը՝ 13 տուն, 32 արական, 30 իգական բնակչութեամբ:

1) Աս հոչակաւոր ձեռագիր աւետարան մը կայ, եւ շատ ուխտաւորներ կերթան ուխտի:

Չաքարիա սարկաւագ, ի շարս այն տեղերի, ուր հայերը բնակեցան Շահ Աբբասի օրօք, կը յիշէ նաև Գուլփէքան (Գուլփայեզան) և Քերման: Տարակոյս չկայ, որ առաջներն Գուլփայեզան հայեր եղեր են, քանզի այս պատմագիրը Շահ Աբբասի Գուլփայեզան այցելելու մասին խօսած ժամանակ կըսէ, թէ մօրմէն լսած է, որ երբ Շահ Աբբասն հայերն գաղթեցրած է, իր մօր մայրը և հայրը տարած և հաստատած են Գուլփայեզան, բայց յետոյ, քանաքեռցի Մելիք Դաւիթն, որ եղած էր Կոտայքի գաւառապետը, անոնց տարած, բնակեցուցած է իւրեանց գիւղն՝ Արծնի, և այլն...

Սակայն, ուրիշ որևէ աղբիւրի մէջ յիշատակութիւն չեմ տեսած Քերմանի մէջ հայերի բնակութեան մասին:

### ՇԻՐԱԳ

Երբ Շահ Աբբաս Հայաստանէն հանած հայերն Սպահան բերաւ, Ալլահվերդի խան, որ շահի զօրավարներէն մէկն էր, թագաւորէն խնդրելով, անոնցմէ 500 ընտանիք տարաւ Շիրազ և այդ քաղաքի շրջակաները բնակեցուց:

Հայ գրիչներ մասնաւոր տեղեկութիւններ չեն թողած հայ գաղթականութեան այս հատուածի մասին: Եւրոպացի ճամբորդների թողած յիշատակութեանց մէջ ևս հատ ու կտոր ու հարևանցի տեղեկութիւններ կան: Շարդէն հետևեալը միայն կը գրէ. «Ես պէտք չէ մոռնամ, որ Շիրազ կան հրեաներ, հայ քրիստոնեայ և լատին քարոզիչներ, որք Քարմիլեան կրօնաւորները դասին կը պատկանին»:

Ցրայզըր, որ 1672-ի և 1681-ի ընթացքին այցելած է այս քաղաքն, հետևեալը կըսէ. «Պարսկաստանի ամէն քաղաքների, ինչպէս և ասոր մէջ (Շիրազ), հրէից ազգէն շատերը կան, նոյնպէս հայ քրիստոնեաներ և եւրոպացի հոռմէական կաթոլիկներ. ասոնք ամէնքը վաճառականութիւն կընեն»:

Այս քաղաքէն մեկնած ատենը, մենք դուրս առաջնորդեցանք այնպէս, ինչպէս ներս մտեր էինք: Հայերը զմեզ պարտաւորեցուցին ճաշ մը ընդունել իրենց պարտէզին մէջ, ուր կային մաքուր ու գեղեցիկ պահած շատ գերեզմաններ: Բայց ամէնէն աւելի տարատեսիլը մի նոր գերեզման էր, որ շրջապատուած էր նոճիներէ, որոնք այնչափ աղէկ յարդարուած էին, որ կը թւէին թուխ կանաչ հագած սզաւորներ լինէին. այնչափ սիրուն սպասաւորներ, իրենց բրգաձև կերպարանքով, այնպիսի տխուր պաշտօնի մը համար»:

Ֆրէզըր, 1821-ին,<sup>1)</sup> այս քաղաքէն անցնելով, կըսէ. «Քուրեան անդ սաստիկ կոտորած կընէր, բայց գեռ հրէից ու հայոց թաղերը չէր մտած: Տեղացի մոլեռանդները ըսելով որ քրիստոնէից խմիչք շինել, խմելու և վաճառելու պատճառով է այս ախտին ենթարկւելը քաղաքը, զրեթէ ամէն հրէի ու հայի տները բռնութեամբ խուժեցին և գտած զինու և օղու ամանները ջարդեցին: Այս խեղճ ժողովուրդներն այս դէպքի պատճառով շատ մեծ վնասներ կրեցին և երկելի հայ վաճառական մը մեզ վստահացուց, որ միայն ինքն 3,000 ռուբլի արժողութեամբ զինու կորուստ ունեցեր էր»:<sup>2)</sup>

1) Այս Ֆրէզըրը չափիս շփոթել Ֆրայզըրի (նիւթը Ֆրայր) հետ. առաջինը նամբորդել է 1821—22 եւ 1825—26 թ. թ., իսկ երկրորդը՝ 17-րդ դարի երկրորդ կեսին, Ծ. Խ.

2) Պէտք է յիշել, որ Պարսկաստանի գիւնիների մէջ ամենէն պատականը Շիրազի գիւնին է. այստեղի գիւնու տեսակների մէջ համեղագոյնն «Ալի» կոչւածն է, զոր Քեմաթըր «Էրմիթաժ»ին կը նմանցնէ: Այս գիւններն մեծ ֆանակութեամբ Պարսկաստանէ դուրս՝ ուրիշ երկրներ կուղարկեն, Շիրազ երբեմն երեւելի վաճառականներ եղեր են: Այս ֆաղափը գտնւելով Հնդկաստանի եւ Սպահանի երկու նամբաներէն մեկին վրայ, կը ծառայէր իբր իջեւան, եւ հայերն աս հանգիստ առնելէ նսքը կը շարունակէին իրենց նամբորդութիւնը կամ դէպի Բուսեն, ուրկէ կը նաւարկէին դէպի Հնդկաստան եւ կամ դէպի Սպահան:

1724 թ. Ապրիլին, ութամսեայ պաշարումէ ետքը, Շիրազ առնւեցաւ աֆղաններէ, որք իրենց սովորութեան համեմատ շատ խժովութիւններ գործեցին:

Այս թւականէ ետքը Շիրազ և Շիրազի հայերն Սպահանի ամէն փոփոխութեանց մասնակից եղան: Շիրազ այժմ 12 տան չափ հայեր կան, ունին մի եկեղեցի մի քահանայով:

### ԲՈՒՇԵՀՐ ԿԱՄ ԲԱՆԳԱՐ ԲՈՒՇԵՀՐ

Պարսկաց ծոցին վրայ մի քաղաք է, և իբր նաւահանգիստ կը ծառայէ հարաւային Պարսկաստանին կամ Ֆարս նահանգին համար:

17-րդ դարի վերջերը, հայերը սկսան Բուշեհրի վրայով Հնդկաստան երթալ, և ոմանք այս քաղաքին մէջ հաստատուեցան: Բայց կերևի որ օդի, նամանաւանդ ջրի գէշութեան պատճառով չբազմացան: \*)

Այժմ միայն 25 տան չափ հայեր կան, որք մեծամասամբ վաճառականութեամբ կը պարապեն:

### ԽՈՐԱՍԱՆ

Արդի Պարսկաստանի արևելեան հիւսիսային կողմը կիլանայ: Արևմուտքէն կից է Մազանդարան նահանգին. հարաւէն Ֆարս, Եագղ և Քերման նահանգներին և Բելուջիստանին:

\*) Այս ֆաղափը բնակնողները թէ բնիկ եւ թէ օտարական, մերթ մակաբոյժ միջոց մը ունենալու ենթակայ կը լինեն. Այս որդր, որ մագի կամ ամենանուրբ աղիփի պէս է, ոչ գլուխ ունի եւ ոչ պոչ, մինչ մեկ մեքր երկայնութիւն ունի, Մարմնի ամէն տեղը, բայց ընդհանրապէս ոտի կոնդերի մօտերը կնլլէ, Երբ կը սկսի բուսնիլ, պէտք է ծայրը կապելով փաթթել եւ այնպէս պահպանել, որ չկտրուի կամ չկոտրուի, որը յանախ վսանգաւոր կրնայ լինել:

Արևելքէն՝ Աֆղանստանին, իսկ հիւսիսէն՝ Թուրքեստան կամ Թուրքմանիա երկրին կամ արդի կոչմամբ ուսական Անդրը-կասպեան նահանգին, որմէ կը բաժանուի Աթաք լեռների և Քուրանգաղի շղթայով և Աթաք ու Գորդան գետերով:

Սորասանի բազմամարդութիւնը թէև Պարսկաստանի ուրիշ երկու-երեք նահանգներէն պակաս է, սակայն տարածութեամբ միւսները մեծապէս կանցնէ: Սա իր մէջ կը պարունակէ Մեծ Աղի անապատը:

Չամչեան պատմագիրը, Յովհաննէս կաթողիկոսէն, Ասողիկէն կամ Սամուէլէն առնելով, կըսէ. — Երբ Սմբատ Բագրատունին Պարսից Սոսրով Բ.-ի (սովորաբար Փարվիզ մականուանւած) թշնամիներին յաղթեց, թագաւորն, Սմբատին վարձատրելու համար, զայն Հայոց և Վրկանայ աշխարհին մարդպան կարգեց: Սմբատ, պարսիկ և հայ զօրքերով Վրկանայ երկիրն երթալով, անդ շատ հայեր գտաւ, որք յառաջագոյն պարսիկներէ գերւեր էին և Սագաստանի կողմերը կը բնակէին, մուցեր էին Հայոց լեզուն ու գիրը և պարսկերէնով կը վարէին: Իսկ Սմբատ Հայոց կողմերէ քահանաներ ու դպիրներ բերելով, լեզուի ուսուցիչներ կարգեց և Աբէլ անունով մէկը Վրկանայ եպիսկոպոս ձեռնադրել տալով Մովսէսէ, այն երկիրն, Հայոց կաթողիկոսի հոգևոր իշխանութեան տակ ձգեց: Սագաստան, որ նոյն է արդի Սիստան գաւառին հետ, Սորասանի հարաւային արևելեան ծայրն, իսկ Վրկանայ երկիրն հիւսիսային արևմտեան կողմը կը գտնուին, իրարմէ մերձ 150 ֆարսախ հեռու են, և Մեծ Աղի անապատով և լեռների երկու կամ երեք շղթաներով կանջատուին: Ուստի ամենևին հաւանական չէ, որ Սագաստան Վրկանայ պատկանած լինի և կամ Սմբատի մարդպանութեան մէջ պարունակւած: Ինձ կը թւի, որ Չամչեան առանց քննութեան կամ լաւ ևս անուշադրութեամբ Թուրքեստանի փոխանակ Սագաստան դրեր է: Սեբէոսի պատմածն աւելի ճիշտ և արդի պատմական քննութեանց համաձայն է: Սա կըսէ՝ Սմբատ Վրկանայ երկրի մարդպան կարգ-

ւելով, երեք ապստամբ գաւառները Պարսից հպատակութեան մէջ մտցուց և իր մարդպանութեան ամէն երկիրը շէնցուց ու հաստատեց: «Քանզի, — կաւելցնէ, — էր երկիրն աւերակ, կային յաշխարհին այնմիկ ազգն դերեալք ի Հայաստան երկրէն և նստուցեալ առ ստորոտով անապատին մեծի՝ որ Թուրքաստանի և ի Դիլիհաստանի կողմանէ զլեզու իրենց մոռացան և դպրութիւնք նւագեալք և կարգ քահանայութեան պակասեալ: Կային և անդ և ազգք կորդրեացն, որք գերեցան մերովք արամբք: Կային անդ և յիշխանութենէ Յունաց, յԱսորաց կողմանէ ոչ սակաւք: Հին ազգն Կորդրիացն անհաւատք, բայց ի վերայ քրիստոնէից ծագէր լոյս մեծ, հաստատէին ի հաւատս և ուսանէին դպրութիւն և լեզու և հաստատէին, ի կարգ քահանայութեան յաշխարհի անդ երէց ոմն ի նոցանէ Աբէլ անուն\*):

Այս հայերն կամ հայաստանցիք թէ ե՛րբ գերւեր էին, նախկին հեղինակաց մէջ որոշ տեղեկութիւն մը չկայ:

\*) Վրկանայ երկիրն, որ հին պարսկերէն կը կոչեն Վեր-խանէ եւ յունարէն Հերխանիա, Շարդէն կրտ՝ համարւած է իբր սաս-րապոսիւն եւ կամփոփեր արդի Պարսկաստանի չորս երկիրներն, Կերենի որ Պարսիաստանը Վրկանայ մէջ պարունակւած էր մինչ այն քաղկան, երբ պարսիներն Պարսկաստանի իշխողներն նդան:

Վրկանայ երկիրը պարսիկներէ մի որոշ ազգութեամբ ժողովուրդ ունէր: Շաս հին ժամանակներէ ի վեր իւր առանձին, բայց կէս անկախ քաղաւորները, իշխաններն ունէր: Իր դիրքին շնորհիւ, որ Պարսկաստանի միւս նահանգներէն զատւած է անմասշնի լեռների շղթայով, գրեթէ անուանակ ապստամբութեան մէջ էր եւ ներք բոլորովին նւաճւած ու հնազանդ չէր նդամ:

Այս երկիրն Հայաստանի հետ Սմբատին յանձնելն անելի այն նպատակով նդամ պէտ է լինի, որ Հայաստան Փայտկարանի կողմէ Վրկանին մօտ լինելով՝ Սմբատ կրնար թէ Հայաստանը կառավարել, որ ընդհանրապէս խաղաղ էր, երբ իւր կրօնին չէին դայեր, թէ Վրկանը հնազանդութեան մէջ պահել իւր հայազունը զօրով եւ թէ միանգամայն հիւսիսականաց արեւմտեանները զսպել:

Սա միայն գիտենք, որ Շապուհ Բ. Հայաստանէն շատ գերիներ տարաւ: Անհաւանական չէ, որ ասոնց մէկ մասն այն ատենւան Խորասանի հիւսիսային սահմաններին վրայ, կամ ինչպէս Սեբէոս կըսէ, Թուրքաստանի մեծ անապատին ստորոտով, որ այժմ Քարա-Քում անունը կը կրէ, զրկւած լինեն: Սասանեան թագաւորները միշտ անհանգիստ եղեր են իրենց հիւսիսային դրացիներէ, որք յանկարծ Պարսկաստանի վրայ յարձակելով՝ շատ աւերներ կը գործէին, ուստի հաւանական է, որ Հայաստանէ հանւած գերիներն այդ սահմաններին վրայ բնակեցւած լինէին, թէ երկիրը բազմամարդ ընելու և թէ հիւսիսականաց ասպատկութեանց դէմ պահապան լինելու:

Հաւանականութեան սահմանէն դուրս եկած չենք լիներ, եթէ յայտնենք այն կարծիքը, թէ Պարթևաց տիրապետութեան ժամանակ թէ Հայաստանէն և թէ Ասորեստանէն մերթ ընդ մերթ փոքրիկ խմբեր զրկւած լինեն այդ կողմերն, որ Պարթևաց բնիկ վայրերն էին, լեցնելու այն պակասն, որ միշտ տեղի կունենար պարթևների շարունակ Պարսկաստան և այլուր պատերազմի զրկւելովը:

Գուցէ 11-րդ դարէն սկսեալ մինչ 16-րդ դարի սկիզբը Հայաստանէն շատ անգամ հանւած գերիներէն մաս մը ևս զրկւեցան այս կողմերը: Վերջին ժամանակների հեղինակ մը կողմէ «Գերի գնամք Խորասան», թէ և չի յիշեր ո՛ր դարի մէջ, բայց տարակոյս չկայ, որ հայոց Նոր-Ջուղա գաղթելէն ետքը տեղի ունեցած պիտի լինի այս գերութիւնը:

Ըստ Աբրահամ կաթողիկոսի, որ ոչ միայն Նազեր Շահին ժամանակակից էր, այլ յաճախ անոր բանակին հետևելով կը միջնորդէր և հայերն անոր հարստահարութիւններէն կազատէր, Կարնոյ շրջականերէն, Ջաւախէթու ու Չալդրան գաւառների հայերը գերւելով, նաև Արարատեան երկրէն 300 տուն հանւելով, Նազեր Շահի հրամանով տարւեցան Խորասան: Հաւանականաբար Նազեր Շահ Հայաստանէ տարած գերիներն Աֆղանստան զրկեց, այնտեղ մահմեդականացնելու կամ աֆ-

ղանների մէջ տարացեղ ու տարակրօն տարր մը քաղաքական գիտաւորութեամբ հաստատելու համար:

Իրարմէ խիստ հեռու ժամանակներով այս գերեվարւածներն ի՞նչ եղան. արդեօք տեղացի տարրի հետ խառնըւելով ձուլւեցան ամենքը, թէ անոնցէ մէկ մասն որևէ կերպով ու միջոցով իրենց հայրենիքը դարձան, ամենևին տեղեկութիւն չկայ:

Այս հայ, հայաստանցի կամ ընդարձակ առմամբ քրիստոնեայ գերիներն ու գաղթականներն այսօր բոլորովին անհետացեր են Խորասանի նահանգէն: Սակայն, անոնք թողեր են այնպիսի հետքեր, որք կը հաստատեն թէ երբեմն շատ քրիստոնեայ հաստատութիւններ ու մեծաթիւ ժողովուրդներ եղեր են:

Գնդապետ Սթիւարտ իւր 1880-ին Խորասան ըրած ճամբորդութեան ընթացքին հանդիպեր է քանի մը տեղեր, որք Քիլիսէ (եկեղեցի) անունը կը կրեն: Սթիւարթ կըսէ Մահմուդաբադէն (Դէրազագ գաւառ) 12 անգլ. մղոն հեռու Ջուլֆան գիւղին մօտ թումբ մը ցոյց տւին ինձ, որ Թափեփիլիսէ կը կոչւէր. Ջուլֆանի բնակիչները կըսէին ըստ աւանդութեան այն քրիստոնեայ գիւղ մը եղեր է, բայց ձինկիդխանէն կործանւեր է 10-րդ դարին մէջ: Իրենք (Ջուլֆանի բնակիչներն) որք քիւրդ էին, արևմուտքէն բերւեր էին կործանւած գիւղը մարդաբնակ ընելու համար:

«Գէյլի Նիւզ»ի թղթակիցը կը յիշէ իւր ճամբորդութեան մէջ, թէ 3 գիւղի պատահած է Նօջափիլիսէ, Ա.մ.ա.Նաք փիլիսէ, Ղաղախաճ փիլիսէ անունով: Ասոնք Քահվա և Մէինի գիւղերին մէջ կիյնան, որք Խորասանի հիւսիսային սահմանին վրայ են:

Ըստ նոյն Սթիւարթի՝ Սասանեան տէրութեան օրով Մերվ և Թուս (վերջինս Մեշէղի մօտ է) նեստորական եկեղեցւոյն պատկանեալ երկու արքեպիսկոպոսութիւնների պատկանեալ առաջնորդութիւններ էին: Մինչ արաբների Մերվն առնելը (661 թ. Ք. ծ. յ.), այդ քաղաքին մէջ քրիստոնեայ ար-

քեպիսկոպոսութեան անթուր հաստատուն էր: Իսկ ըստ Հենրի Ռոլինսընի, մինչ 14-րդ դարը քրիստոնեայ շատ հաստատութիւններ կային Սորասանի մէջ: Նեստորական տարեգրութիւնները լի են այդ երկրին մէջ եղած մենաստանների և առաջնորդական վիճակների ծանօթութիւններով ու տեղեկութիւններով: Բայց ինչպէս վերն ըսեցաւ, այս ամէն քրիստոնեայ գաղթականները, տարագիրներն ու գերիներն, ամէնքն ալ այսօր անհետացեր են, միայն իրենց գանազան բնակութեանց ու հաստատութեանց աստ-անդ թողած հետքերը կը նշմարուին: Իսկ քիւրդ գաղթականներէն ու գերիներէն զեռորոշ թւով գիւղեր կը գտնուին Սորասանի նահանգին մէջ:

## ՍՊԱՀԱՆԻ ԹԵՄԻՆ ՊԱՏԿԱՆՈՂ ՊԱՐՍԿԱՍՏԱՆԷ ԴՈՒՐՍ ՀԱՅԵՐԸ

Պարսկաստանէ դուրս եղող հայերի վերաբերեալ մեր ունեցած տեղեկութիւններն խիստ պակասաւոր են, անոնց բնակած երկիրներու հեռաւորութեան և յարաբերութեանց սակաւութեան պատճառաւ:

Անոնք Պարսկաստանի միջոցաւ այն տեղերը գնացած և Պարսկաստանի հայերէն լինելով, սոյն գրածս թերի պիտի ըլլար, եթէ անոնց վրայ ևս քիչ-շատ տեղեկութիւնք չհաղորդէր:

Կարելի է ըսել, ինչպէս Հին-Ջուղայի բնակչաց վրայ խօսած ատենը տեսնեցաւ, անոնց յարաբերութիւնները Հնդկաստանի հետ ամենայն հաւանականութեամբ Սպահան գաղթելէ առաջ պիտի եղած ըլլայ: Միայն, այս յարաբերութիւններն աւելի շատացան անոնց Նոր-Ջուղա հաստատուելէ ետքը:

Սակայն հնդկաբնակ հայերու թիւը մեծացաւ Շահ Աբրաս Ա. ի մահէն ետքը, և մանաւանդ Շահ Հիւսէյնի թաղաւորութեան ատենն, երբ Ջուղայեցիք զգացին ու տեսան, որ այս վերջին թաղաւորի թուութեան ու կրօնամոլութեան պատճառաւ գործ դրած հալածումներն և պաշտօնակալաց ընչաքաղցութիւնը յայտնի տրամադրութեանց կը վերածուէին:

Հայերն աւելի Հնդկաստանի արևելակողմերն երթալով, կը բնակէին արևմտեան սահմանների վրայ, ուր տակաւին մահմեդականներն էին տիրող տարրը:

Սկիզբները հայերը իրենց յարմարութեամբ և ուրիշ ձեռքերով, մեծ յաջողութիւնք ունեցան ոչ միայն վաճառականութեան, այլ և հնդկական զանազան տէրութեանց ծառայութեանց մէջ, այնպէս որ, թէ մեծ հարստութիւններ կըրցան դիգել և թէ բարձր պաշտօններու հասնել: Եւրոպացւոց Հընդկաստան մտնել-հաստատուելովը հայոց յառաջդիմութիւնը թէև չդադրեցաւ, բայց իւր արագընթացութիւնը կորսնցուց:

Հայերը թէև մեծամեծ ծառայութիւններ մատուցին բոլոր նորեկ եւրոպացիներուն և ի մասնաւորի անգլիացոց, սակայն, քիչ ատենէ, սկսան անոնցմէ ճնշուիլ և անարդարութիւններ կրել: Նաև, շատ անգամ, եւրոպացւոց իրարու հետ ունեցած պատերազմին պատճառաւ մերթ մէկերէն, մերթ միւսներէն անխղճաբար, գուցէ քաղաքակրթեալ-ուխտեալ բարբարոս կերպով կողոպտուեցան:

Այսպէս, Հնդկաստանի հայերը հետզհետէ կորսնցուցին թէ իրենց բարձր դիրքը, թէ վաճառականութեան միջոցները և թէ հարստութիւնքը և այժմ իսկ աւելի անկման և նւազման կը հակին: Քան թէ յառաջդիմութեան ու աճման:

Սոյն հակիրճ տեսութիւնը կը վերջացնեմ, դնելով աստ բարեխիղճ անգլիացւոյ մը նկատողութիւնները:

«Շատ ազգերու մէջ, որք մասնակցեցան վաճառականութեան ի Հնդկաստան, — կըսէ Ու. Բըլթս, — հայերը քիչ երևելի չէին: Արդ երկրին պատմութեան ամենանախկին շրջանէն, անոնք են գլխաւոր վաճառականութիւն ընողները՝ Հընդկաստանի, Պարսկաստանի, Ջուղայի և Արաբիոյ մէջ: Վերջին ճամբայով, ի մասնաւորի արևելեան վաճառականք կը փոխադրուէին Եգիպտոս, Թուրքիա և Միջերկրական ծովի եզրները... Անոնք (հայ վաճառականք) ըլլալով ամենաազգեցիկ վաճառականք Ասիոյ մէջ, գլխաւորապէս նպաստեցին այն

երկրների վաճառականութեանն ու բազմամարդութեանը, աճմանը, ուր անոնք առանձին կը բնակէին»:

Չկնի պատմելէ, որպէս տեսնեցաւ Չուղայեցւոց վաճառականութեան մասին, ու ինչպէս Արևելեան Հնդկաստանի Ընկերութիւնը պայմանագրութիւն մը կնքելով Սոջա Փանոսի հետ, հրապուրեց հայերը իրենց վաճառականութեան ճամբան յօգուտ անգլիացւոց փոխել և թէ ինչպէս հայոց միջոցաւ ձեռք բերւած ֆէրմանները հիմ գրին Ընկերութեան հաստատումին յաջողութեանն ու մեծութեանը, կաւեցնէ:

«Նախընթաց իրողութիւնք առատապէս կը բաւին տալ անաշու ընթացողին բաւական գաղափար Ընկերութեան պաշտօնեաների ընթացքին վրայ դէպի հայերն ընդհանրապէս: Բայց եթէ սոյն տողերիս գրողը կրնայ համարձակիլ կարծիք մը յայտնելու այս նիւթին վրայ, անոնց (հայոց) հետ ունեցած շատ հաղորդակցութենէ և ծանօթութենէ ետքը, որչափ որ ուէ անգլիական ընկերութեան պաշտօնակալ ունեցեր է, պիտի յանդգնի վճռել, որ Հնդկաստան եղող հայերը մի ողջախոհ, խոհական, աշխատասէր, հաւատարիմ ու խաղաղասէր վաճառականաց դաս են, որոնցմէ Ընկերութիւնը կրնար շարունակել քաղել ամենամեծ առաւելութիւններ, եթէ հայոց յաջողակ վաճառականներն իբր ամենալաւ գործնական վաճառականներ, անդ (Հնդկաստանին մէջ) միջամտած չըլլային Ընկերութեան գլխաւոր պաշտօնակալաց անձնաշահական դիտաւորութեանց, որով և անոնց նախանձն ու քէնը գրգռած»:

Կրթութիւնը 18-րդ դարին մէջ բաղադրամամբ աւելի տարածւեր ու աւելի յառաջացեր էր հնդկահայոց մէջ, քան թէ ուրիշ ուէ տեղի հայերուն մէջ: Այս հեռաբնակ հայերն անտարբեր չեղան ո՛չ իրենց ծննդավայր Պարսկաստանի և ոչ ալ իրենց բուն հայրենիք Հայաստանին նկատմամբ:

Հնդկաստան հաստատուելէ և յաջողութիւն գտած օրերէ սկսած, ամէն կերպով օգնած են թէ քաղաքացիներուն և թէ Սպահանի նահանգին մէջ և ուրիշ տեղեր գտնւած ազգային-

ներուն: Նամանաւանդ, երբ ասոնք Սէֆէվեան տէրութեան անկումէն ետքը հարստահարութեանց ու տառապանաց ենթակայ եղան:

Այնուհետև ևս շարունակեցան իւրեանց առատ նւէրներով ու նպաստներով թէ դպրոցներ հաստատել ու պահպանել և թէ շատ կարօտեալ ու չքաւոր ազգայիններու ապրուստ հայթայթել:

Եղան այնպիսիներ ևս, որք լրջօրէն խորհեցան և ջանացին Հայաստանի մէջ տեղ մը, երկիր մը իւրեանց դրամով գնելով՝ ազատ կէտ մը, անկիւն մը ստեղծել:

Մադրասաբնակ Շամիր կամ Շահմիր անունով հարուստ մը 18-րդ դարու վերջերը բանակցութեանց մէջ մտաւ վրաց Հերակլ Բ. թագաւորին հետ, անորմէ Լոռի գաւառակն գնելու: Կերևի, որ Հերակլ հաճութեամբ ընդունեց Շամիրի առաջարկութիւնը և յատուկ հրովարտակով մը գայն վրաց իշխաններու կարգը բարձրացուց: Ստորև կը ներկայացնենք Հերակլ արքայի նամակն, որն առած ենք տպագրւած պատճէնէն\*): —

Պայծառ Իշխան Շահմիր աղա,  
մեր հաւատարիմ բարեկամ,

Յոյժ ծանրագոյն է ինձ պատմել զպատահմունս գայն, զորս ընկալաք ի յանճննելի դատաստանէն Աստուծոյ. ի յանակնկալ ժամու պարսիկ իշխող Աղա Մահմատիսանն եկն և բազմաց ցանկալի քաղաքս այս Տրփլ(իս)իս, որ էր պարծանք մերոյն արքայութեան, նովիմք եղև աւերեալ, զերեցեալ և այ-

\*) Ըստ հնդիկակի գրած ծանօթութեան, այս հրովարտակի հայերէն քարգմանութիւնը կատարւած է վրացերէն բնագրից, պալասական քարգմանիչ Տէր Դաւիթ Տէր Յօհաննանի ձեռքով: Հրովարտակը գրւած է 474 թ. Մարտի 22-ին, ըստ վրաց տմարի: Ծ. Խ.

րեցեալ, անկանելով ի փառաց իւրոյ և եղեալ հովանի մրգապահաց որք այսօրիկ համբաւք թէպէտ ծանրագոյնք են վասն մեր պատմել, սակայն կարծեմ, թէ վասն ձեր ևս ծանրագոյն իցէ ի լսել, վասն զի այսպէս զիտեմք զձէնջ, զի և սակս ձեր ցանկալի է սա որ և ցանկայիք փառացն սորին, Քրիստոնէական հաւատոյ սորին և եկեղեցեաց պայծառութեան սորին և առ բնակիչս սորին, ի յԱրքայէ սորին մինչև ցհարկութեամբ բարեկամանալ և որովհետև այսպէս է, ուրեմն պարտ է ինձ ասել զայս ըստ մարգարէին, թէ ոչ յաւիտեան բարկանայ մեզ Տէր և ոչ յաւիտեանս..... ոխս:

Արդ, ձեռն այն, որ վիրաւորեաց զմեզ, նոյն և ողորմեցաւ և սփռեաց ի վերայ մեր և ժողովրդեան երկրին այսօրիկ, զի շարժեաց զլոյս սիրտ նորին Կայսերական Մեծութեան և Թագուհւոյն ուստաց և մեծս ողորմութեամբ և մարդասիրութեամբ բացեալ զծոց իւրոյ պահպանութեամբ և ընկալաւ զմեզ իբրև մայր զթառատ, և առաքելեաց առ մեզ ի յաղթող և յարի զինւորական դասուց իւրոց, զգօրս և զօրապետս համայն յարմարութեամբ արտելիրականօք և ոչ եթէ առ մեզ և ի կողմանս մեր, այլ և ծովու և .....բացեալ զզանձս պատրաստեաց զմեծամեծ զօրս և զզերագանց եներալ Ֆերթմաշալ զօրապետներս, որք պարտին զՊարսից երկիրն ի ներքոյ ոտից կոխան առնել և զչար ներքինին այն, կարծեցեալ իշխողն Պարսից ըմբռնել խնամօք..... ն.....ըն գայն դառնաք չորս կողմեաց նա մեզ և երկրիս... և մեր ևս ի մեծի պատրաստութեան եմք. զ..... խորհ... նոյնոյ չէզոքին և մեզ դրկիցք մերձաւորք հատուցուք զհատուցումն եօթնպատիկ զոր նոքա մեզ հատուցին և ողորմութեամբն Աստուծոյ այս ոչ է տեւոց յերկար միջոցս, այլ յուսամք փոքր ամանակաւ յայտնի լինիցի ամենեցոյն:

Թողցուք մեք գայս, որով մեր հաւատարիմ գրագիր և թարգման Տէր Դաւիթ Տէր Յօհաննան երկրոյս..... է և ներկայ ժամս, գայս հարկաւոր համարիմ գրել քեզ և ասել զի



Տէր Դաւիթն արգ արար զմեզ զղիտաւորութիւն ձեր որ յազազս Լոռոյ գաւառին, զոր շնորհեալ եմք պայծառութեան ձերում ի բոլոր սրտէ, որպէս և զգրւածս իմ ունիք ի ձեռս ձեր շնորհեալ եմ, մինչ զի զայս ևս ասեմ, եթէ դու և կամ զմի ի յորդոց քոց և յորդոց որդիսն քո դան առ մեզ, ես բազում այլ ևս ձեզավայել ողորմութիւնս և զսէրս ցուցանիմ և շատ ամի շահեցող լինիմք և ողորմած... 1)

Հերսելի որդի Գէօրգորի(°) գրած մի նամակէն<sup>2)</sup> կարելի է հետևցնել, որ Լոռին իսկապէս Շահմիրին թողւեցաւ և անոր սեփականութիւնը դարձաւ, բայց չի գիտցւիր հայրենեաց ազատութեան այս բաղձացողն ինչո՞ւ անձամբ չզնայ իրեն սեփականացւած երկիրն տիրելու, այլ միայն ուղեց փոխանորդով զայն կառավարել: Այս դարիս 2-րդ քառորդի սկիզբներէից, երբ ուսերն տէր դարձան Երևանի ու Նախիջևանի խանութիւններին, Բաթալիացի հարուստ հայ մը ևս առաջարկեց Ռուսիոյ կառավարութեան սոյն երկիրներէ հայկական իշխանութիւն մը կազմել կայսեր հովանաւորութեան տակ, որի համար նա կը համաձայնէր Ջաւա կղզու մէջ ունեցած իւր

\*) Այս նամակը գրւած է 1796 թ. Մայիս 10-ին, Թիֆլիսում եւ կրում է վրաց արձանագրու ստորագրութիւնը, Այստեղ սպազրնցիմ նամակի սկզբի մասը, որ վերաբերում է Լոռի գաւառը Շահմիր աղային յանձնելու պատրաստակամութեան մասին, Բառերի փոխարէն գրւած կէտերը սպազրնլ նմ գոյնութեամբ, Ըստ ներուրին հեղինակն արձանագրել է գոյնութեամբ, իր տրամադրութեան տակ եղած աղբիւրից, Հեղինակը սոյն էջի ներքնում, իբրև ծանօթութիւն, գրել է, թէ կեիք չի կարգացում, իսկ ստորագրւած անուան մէջ կարգացում են միայն ԲԻԼԱ. տառերը, Ծ. Խ.

2) Արձանագրի Գեորգորի 1796 Մայիս 10-ի նամակի քիւն է 1798 (Գ.):

Իսկական նամակը, որ այժմ գոյն և ունի կը գտնուի, գրւած է վերջի տարիներս, վերը յիշուած Շահմիրի մի սերունդէն, որ այժմ Մադրասի մօտերն գիւղի մը մէջ կը բնակի, ոչ բարեկեցիկ վիճա-

ամբողջ կալւածները, որոնց տարեկան եկամուտն 500,000 ֆրանկէ աւելի էր ուս կառավարութեան բուրջով: Աւելորդ է յիշել, որ այսպիսի առաջարկութիւններ քիչ անգամ ընդունելութիւն կը գտնեն երկրասէր տէրութիւններէ:

Սոյն դարին սկզբները հայոց թիւը Հնդկաստանի ու Ջաւայի մէջ կը համարուէր 7000, բայց այնուհետև շատ ու շատ նւազեցան: Հնդկաստանի ու Ջաւա կղզու հայ բնակիչներու թւերն, ըստ Բէկնազարեան Թադէոս Եպիսկոպոսի 1856 թ-ի շնչադրութեան, հետևեալներն են.

Կալկարա՝ 113 տուն, 345 արական, 297 իգական: Բացի ասոնցմէ կան ևս 77 օտարական հայեր: Ունին Նազարէթ անունով եկեղեցի մը, բաւականին մեծագումար հաստատուն եկամուտով, «Մարդասիրական»\*) անունով դպրոց մը, որ առաջներն աւելի արդիւնաւէտ եղած կը թւի: Կայ տպարան մը, ուր երբեմն գրքեր կը տպուին: Կալկաթայի հայերն ունեցան ևս իրենց լրագիրն՝ «Ազգասեր» անունով, որը բաւական ժամանակ գոյութիւն ունեցաւ: Կալկաթայի մէջ կան փոքր թւով նորեկներ, որք հայերէն կը սորվին և Հայոց եկեղեցին կը յաճախեն:

Չանագար՝ 1 տուն, 4 արական և 2 իգական:

Չիգրա՝ 6 տուն, 6 արական, 6 իգական, ունի եկեղե-

կով: Սոյն նամակի հետ ձեռք բերւած է Լոռի գաւառակի ֆարսկըր կամ typographie-ն, որմէ վերջին առնողն չուրեց որեւէ պայմանով բաժնիլ, Այս ֆարսկըր, որ ունի քիւսկան չէր կրն, այնչափ նարտարութեամբ ու արեստով գծւած է, որ կարելի չէ 18-րդ դարի գործ համարել եւ ինձ կարծել կը լայ, որ բնորոշակաւ լինի նախնական ֆարսկէ մը, որ գուցէ Հերակլէ կամ Գեորգիէ դրկւած էր Շահմիրին, ներքի տարածութիւնն ու դիրքը բացատրելու համար:

\*) Հետագային եւս «Մարդասիրական ձեմարան»ը մեծ դեր է կատարել Նոր-Ջուղայի օրջանի ուսանողութեան համար եւ սեղ է զգալի թուով մտաւորականներ ու հոգեւորականներ, Ծ. Խ.

ցի՝ Ս. Յովհաննէս անուանով:

Սէյդաբադ՝ 5 տուն, 14 արական և 9 իգական:

Դաֆա՝ 24 տուն, 55 արական և 39 իգական, ունի եկեղեցի՝ Ս. Յարութիւն անուանով:

Մադրաս՝ 20 տուն, 51 արական և 45 իգական, ունի եկեղեցի և դպրոց: Հայերէն առաջին լրագրի հրատարակութեան պատիւը կը պատկանի Մադրասի հայոց, որք «Ազգարար» անուանով ամսաթերթ մը սկսած են հրատարակել 1794 թւականին, Տէր Յարութիւն քահանայ Շմաւոնեան Շիրազցոյ խմբագրութեամբ: Ետքը հրատարակեցաւ վաղանցուկ կեանքով «Բանասէր»-ը (10-օրեայ, վիճաբան, քաղաքական, գրասիրական և առևտրական, 1848—1849, խմբագրութեամբ Ս. Պ. Յովհաննէսի):

Բոմպայի՝ 17 տուն, 29 արական և 25 իգական, ունի մէկ եկեղեցի՝ Ս. Պետրոս անուանով:

Սուրաթ՝ 5 տուն, 19 արական և 17 իգական:

Սինգապուր՝ 8 տուն, 29 արական և 26 իգական: Աստ 1849-էն «Ուսումնասէր» անուանով 4 էջոց թերթ մը հրատարակեցաւ, «լրագիր քաղաքական, գրագիտական և առևտրական», խմբագրութեամբն Գրիգոր Գալստեանի, բայց չորս տարւան սպաղարութենէն ետք գաղթած է: Ատկէ դատ «Սինգապուր» անուանով թերթ մըն ալ հրատարակւած է 1847-ին, զոր կարճատե կեանք է ունեցեր:

Պինանկ՝ 4 տուն, 16 արական, 13 իգական:

Բարաւիա (Ջաւա)՝ 7 տուն, 19 արական և 20 իգական, ունի եկեղեցի, Ս. Յովհաննէս անուանով:

Չրիբոն, Թիպալ եւ Բահամաս՝ 4 տուն, 6 արական և 10 իգական:

Ջպարա՝ 2 տուն, 13 արական, 6 իգական:

Սուրբայիա՝ 5 տուն, 11 արական, 12 իգական:

Սիմարանգ՝ 4 տուն, 10 արական, 8 իգական:

Ընդհանուր զուամբ՝ 225 տուն, 699 արական, 515 իգական:

Իսկ ըստ հետագայ տեղեկութեանց, Հնդկաստանի, Ջաւայի և Բիրմանիոյ հայ բնակիչների թւերն հետեւեալներն են.

Կալկաթա	120 տուն
Չիգրա	2 >
Սիրամփօր	1 >
Սէյդաբադ	3 >
Դաքա	2 >
Մադրաս	15 >
Բոնտիշէրի	1 >
Մախուլիպատամ	2 >
Բոմպայի	6 >
Սուրաթ	3 >
Պէկա և Հաւա	5 >
Սինգապուր	8 >
Պինանկ	3 >
Բաթաւիա	8 >
Սիմարանգ	5 >
Ուրիշ գիւղեր	9 >
Ռանգուն (Բիրմանիա)	15 >
Մանտալէ	13 >

ուսին Ս. Յովհաննէս Մկրտիչ անուանով եկեղեցի մը, քահանայով:

Ս. Լուսաւորիչ անուանով եկեղեցի մը ունի, շինւած 1862-ին:

Ընդհանուր զուամբ՝ 221 տուն:

Ըստ Պ. Լազարեիչի ճանապարհորդական նկարագրութեան, Ակրայի մէջ կը բնակէր Պետրոսեան Յակոբ հայազգի մը, որ սովորաբար Քըրնըլ (գնդապետ) Յակոբ կը կոչւէր և Աքբարաբադի իշխանին սպարապետն էր: Այս զօրապետը

ցի՝ Ս. Յովհաննէս անուանով:

Սէյդաբադ՝ 5 տուն, 14 արական և 9 իգական:

Դաֆա՝ 24 տուն, 55 արական և 39 իգական, ունի եկեղեցի՝ Ս. Յարութիւն անուանով:

Մադրաս՝ 20 տուն, 51 արական և 45 իգական, ունի եկեղեցի և դպրոց: Հայերէն առաջին լրագրի հրատարակութեան պատիւը կը պատկանի Մադրասի հայոց, որք «Ազգարար» անուանով ամսաթերթ մը սկսած են հրատարակել 1794 թւականին, Տէր Յարութիւն քահանայ Շմաւոնեան Շիրազցւոյ խմբագրութեամբ: Ետքը հրատարակեցաւ վաղանցուկ կեանքով «Բանասէր»-ը (10-օրեայ, վիճատիպ, քաղաքական, գրասիրական և առևտրական, 1848—1849, խմբագրութեամբ Ս. Պ. Յովհաննէսի):

Բոմպայի՝ 17 տուն, 29 արական և 25 իգական, ունի մէկ եկեղեցի՝ Ս. Պետրոս անուանով:

Սուրաբ՝ 5 տուն, 19 արական և 17 իգական:

Սինգապուր՝ 8 տուն, 29 արական և 26 իգական: Աստ 1849-էն «Ուսումնասէր» անուանով 4 էջնոց թերթ մը հրատարակեցաւ, «լրագիր քաղաքական, գրագիտական և առևտրական», խմբագրութեամբն Գրիգոր Գալստեանի, բայց չորս տարւան սպաղարութենէն ետք դադրած է: Ատկէ դատ «Սինգապուր» անուանով թերթ մըն ալ հրատարակւած է 1847-ին, զոր կարճատե կեանք է ունեցեր:

Պինանկ՝ 4 տուն, 16 արական, 13 իգական:

Բարաւիա (Ջաւա)՝ 7 տուն, 19 արական և 20 իգական, ունի եկեղեցի, Ս. Յովհաննէս անուանով:

Չրիբոն, Թիպալ և Բահամաս՝ 4 տուն, 6 արական և 10 իգական:

Ջպարա՝ 2 տուն, 13 արական, 6 իգական:

Սուրբայիա՝ 5 տուն, 11 արական, 12 իգական:

Սիմարանգ՝ 4 տուն, 10 արական, 8 իգական:

Ընդհանուր զուամար՝ 225 տուն, 699 արական, 515 իգական:

Իսկ ըստ հետագայ տեղեկութեանց, Հնդկաստանի, Ջաւայի և Բիրմանիոյ հայ բնակիչների թւերն հետեւալներն են.

Կալկաթա	120	տուն
Չիգրա	2	>
Սիրամփօր	1	>
Սէյդաբադ	3	>
Դաքա	2	>
Մադրաս	15	>
Բոնտիշէրի	1	>
Մախուլիպատամ	2	>
Բոմպայի	6	>
Սուրաթ	3	>
Պէկա և Հաւա	5	>
Սինգապուր	8	>
Պինանկ	3	>
Բաթաւիա	8	>
Սիմարանգ	5	>
Ուրիշ գիւղեր	9	>

ուսին Ս. Յովհաննէս Մկրտիչ անուանով եկեղեցի մը, քահանայով:

Ռանգուն (Բիրմանիա) 15 > Ս. Լուսաւորիչ անուանով եկեղեցի մը ունի, շինւած 1862-ին:

Մանտալէ 13 >

Ընդհանուր զուամար՝ 221 տուն:

Ըստ Պ. Լազարեիչի ճանապարհորդական նկարագրութեան, Ակրայի մէջ կը բնակէր Պետրոսեան Յակոբ հայազգի մը, որ սովորաբար Քըրնըլի (գնդապետ) Յակոբ կը կոչւէր և Աքքարաբադի իշխանին սպարապետն էր: Այս գօրապետը

հայերէ կազմուած խումբ մը գինւոր ունէր, մերձ 100 հոգի, որք իշխանի ծառայութեան մէջ էին\*):

ՔԱՌՈՒԼ  
(ԱՅՊԱՆՍԱՆ)

Ուէ տեղեկութիւն չենք գտներ թէ ե՞րբ կամ ինչպէ՞ս գաղթեցին այստեղ այն սակաւթիւ հայերը, որոնցմէ մէկ քանին մինչ վերջին տարիներս կապրէին այնտեղ:

Շահ Աբբաս Ա.-ի ժամանակներէն ի վեր, Աֆղանըստանի արևմտեան երկրներն իրենց գլխաւոր երկու քաղաքներով՝ Հերաթ ու Ղանդահար, Սէֆէֆեան տէրութեան իշխանութեան տակ էին:

Այդ երկու քաղաքներէն մանաւանդ առաջինին մէջ բազմաթիւ պարսիկներ կային, որք ընդհանրապէս կառավարչական խմբին և վաճառականական ու արհեստաւոր դասին կը պատկանէին:

Այն ատեններն ևս Հնդկաստանի ու Պարսկաստանի մէջ եղող ճամբաներէն գլխաւորն ու բանուկն այն երկու քաղաքների վրայով էր:

Սպահանի ու Պարսկաստանի գանազան կողմերէ կարաւաններ մեկնելով, իրարու կը հանդիպէին Հերաթ, ուրկէ միացեալ կարաւան մը կազմելով, որ երբեմն 2000-է աւելի բեռէ ու ճամբորդէ կը բաղկանար, կը շարունակէին իրենց ճամբորդութիւնը Ղանդահարի վրայով մինչ Հնդկաստան:

Հաւանականութեամբ կարելի է ըսել, որ այս ճամբորդութեան ժամանակները հայերէ ոմանք վաճառականութեան ոգիէն մղուած, Քաբուլ, որ ճամբայէ շատ հեռու չէր, գնացեր և յաջողութիւն գտնելով՝ հոն հաստատուեր են:

Սակայն նոյնպէս գիտենք հայ ժամանակակից գրչէ մը, որ Մահմուդ Սպահանն առնելէ ետքը երեք անգամ գանձ

ղրկեց Ղանդահար և իւրաքանչիւր անգամ երբ գացին գանձատարները, Մահմուդ բացի աֆղաններէ, անոնց ընկերացուց վաթսուն հայ երիտասարդներ, վերջիններս թէ գանձը պահպանելու և թէ Աֆղանստան հասնելէ ետքը մահմեդականութիւն ընդունել տալու նպատակով:

Գուցէ անոնցմէ ոմանք ևս Քաբուլ տարւեր, պահուեր են:

Ինչ կերպ ալ եղած ըլլայ, 19-րդ դարու առաջին կիսին դեռ սոյն քաղաքին մէջ 30 տան չափ հայեր կային: Այս կիմանանք Մեսրոպ Թաղիաղեանցի Հնդկաստանի պատմութեանէն, ուր կըսէ.

«Հատուած ինչ ազգիս, 30 տանց, ի վաղեմի ժամանակաց հետէ բնակեալ ի Քապուլ, գամենայն հոգևորական պիտոյս իւր ընդունէր յառաջնորդէ Նոր-Ջուղայ մինչ ցկարապետ եպիսկոպոս: Ապա օտարոտի և տղէտ եպիսկոպոսաց փոխանորդիլ յաթոռ տեղւոյ է որ անգիտութեամբ և է որ անհոգութեամբ գանց արարին առաքել առ նոցա մատակարարս աստուածային շնորհաց: Նախախնամ ժողովրդեանն գամս յոլովս անկնունք պահելով՝ գմանկունս և անհաղորդ թողելով գմեռեալս իւրեանց, տակաւին ամբողջ պահէին գհաւատս գհարց իւրեանց յամիՏն. 1838: Յորում արշաւել զօրաց Անդղիացւոց ի Քապուլ, յամբառնալ զՇահ Սուլթա յաթոռ իւր, պատահեալ քահանայի բանակին և հրաւիրեալ յեկեղեցին, մատուցեալ էին գառաջեաւ չափահաս մանկունս աւելի քան քսան թւով, մկրտել գնոսա...»:

Վերջին տարիներս առնուած տեղեկութեանց համեմատ, այդ քաղաքին մէջ միայն 4—5 տուն հայեր կային և կերևի որ բարւոք վիճակ մը չունէին և օգնութեան կը կարօտէին այդ տեղէ Պարսկաստան կամ Հնդկաստան գաղթելու համար:

ՔԱՇԿԱՐ

Այս նոյն անունը կրող գաւառի գլխաւոր քաղաքն է:

\*) Աղբիւրների պակասութեան պատճառով հնարաւորութիւն չունեցանք 347—349 էջերում եղած բոլոր տեղանունների usոյց գրութեան ձևը նշել, Ծ. Խ.

Քաշկար դաւառն էս, որ այժմ կէս անկախ է, երբեմն կը պա-  
րունակէր Չինաց Թուրքեստան կամ Թիան Շան նա-  
հանգին մէջ: Անգլիական հանդէսի մը\*) մէջ տպւած «Կեդրո-  
նական Ասիա» վերնագրով յօդուածի մը մէջ թէև Քաշկար քա-  
ղաքի զանազան ազգէ եղող բնակչաց թւահամարը տրւած ա-  
տենը կը յիշուին ևս հայեր 325 թւով, սակայն այս յիշատա-  
կութիւնը կասկածելի կը թւի և ստուգելու պէտք ունի:

\*) The Quarterly Review No, 240, October 1866, London,  
John Murray (Դեր Քուարթրլի Րիւիու, քիւ 240, Հոկտեմբերի հա-  
մարը, Լոնդոն հրատարակած հանդէս, յօդուածագիրը՝ Ջասն Մուր-  
րէյ):

## Յ Ա Ի Ե Լ Ի Ա Ծ

### ՅԱՆԿ ՊԱՐՍԿԱՍՏԱՆԻ ԹԵՄԱԿԱԼ ԱՌԱՋՆՈՐԴԱՅ

«Թղմիրեանց» մրցանակաբաշխութեան քննիչը փափաք  
յայտներ էր երկիս մէջ կազմուած տեսնել ևս Պարսկաստանի  
թեմակալ առաջնորդաց ցանկը: Պատուելի քննիչի ցանկութիւ-  
նը յարգելով, աստ կաւելցնեմ անոր ցանկացածն, ըստ կարել-  
ւոյն:

Ատրպատականի մէջ հնուց զանազան թեմակալ առաջ-  
նորդներ եղեր են, սակայն այժմ անձնական տկարու-  
թեանս և ժամանակի սղութեան պատճառով հնարաւոր չլինե-  
լով ասոնցմէ իւրաքանչիւրի յաջորդներն գրի առնել, պիտի  
բաւականանամ Սպահանի և Հնդկաստանի ամէն առաջնորդնե-  
րի և միայն վերջին երեք քառորդ դարին մէջ Թաւրիզ նըս-  
տող վիճակաւոր առաջնորդներու և առաջնորդական փոխա-  
նորդներու ցանկը կազմել, աւելցնելով անոնցմէ ոմանց վրայ  
խիստ հակիրճ տեղեկութիւններ:

### Ա. — ՅԱՆԿ ԹԱԻՐԻՉԻ ԹԵՄԱԿԱԼ ԱՌԱՋՆՈՐԴԱՅ

Թաւրիզի թեմակալ առաջնորդութիւնն կը սկսի ուու-  
սաց կողմէ այս քաղաքն առնուելէ ետքը: Անկէ առաջ Թաւրիզ  
առաջնորդ չէր նստեր: Այս կերևի 1781-էն մինչև 1827 թը-

ւականն կաթողիկոսներու զրկած կոնդակներէն, որք ուղղւած են կամ Թաւրիզի աւագ քահանային և կամ ժողովուրդին:

Ս. Աստուածամայր\*) եկեղեցւոյ պատին մէջ եղած յիշատակարանին մէջ, ինչպէս տեսնւեցաւ, թէ և կը յիշուի Չափաւրիա անունով վարդապետ մը, իբր առաջնորդ, բայց հաւանականաբար, այս վարդապետն Ս. Թաղէոս Առաքելոց վանքին առաջնորդն էր, որի վիճակն եղեր է Թաւրիզ մինչ 1828 թւականն և որի առաջնորդներն երբեմն Թաւրիզ այցելելով, ժամանակ մը այս քաղաքը կը բնակէին:

Իսրայէլ եպիսկոպոս. — Ս. Բարդուղիմէոս վանքին վանահայրն էր. 1828-ից փոխարքայ Աբբաս Միրզայի հրաւերով եկաւ Թաւրիզ և ինքնազուրի սկսաւ թեմակալ առաջնորդի պաշտօն վարել մինչ սոյն զահաժառանգ կուսակալի այս քաղաքէն մեկնիլը: Իսրայէլ եպիսկոպոս թէ և քանիցս հրաւիրւեցաւ էջմիածին, բայց չգնաց: Աբբաս Միրզան Թաւրիզէն հեռանալէ առաջ կաթողիկոսին դիմելով, զայն վերստին հաստատել տւաւ Ս. Բարդուղիմէոս վանքի վանահայրութեան կամ յաւէտ առաջնորդութեան մէջ, որի վիճակն էր նաև Սալմաստ գաւառն: Իսրայէլ եպիսկոպոս մինչ իւր մահը վարեց այս թեմակալութեան կամ առաջնորդութեան պաշտօնը և թաղւեցաւ Սալմաստի Հաֆթվան գիւղը:

Բարսեղ արքեպիսկոպոս. — Եփրեմ կաթողիկոսէ Թաւրիզ զրկւեցաւ՝ 1828 թ. վերջերն, բայց սա կերևի ի ներկայութեան Իսրայէլ եպիսկոպոսի, ոչ մէկ իշխանութիւն չկըրնալով բանեցնել, քիչ ատենէ էջմիածին վերադարձաւ: Սոյն Բարսեղ արքեպիսկոպոսն Յովհաննէս կաթողիկոս Կարբեցիի օժման հանդիսագիր արքեպիսկոպոսն էր 1831 թւականի Նոյեմբեր 6-ին և դեռ իւր վերայ կը կրէր «Թեմակալ Առաջնորդ

Ատրպատականի» անունը:

Նիկողայոս վրդ. — Եփրեմ կաթողիկոս\*) շին Նախիջևանի Նիկողայոս վարդապետն եպիսկոպոս ձեռնադրելով, Ս. Թաղէոս և Ս. Բարդուղիմէոս Առաքելոց վանքերի վանահայր կարգեց, միացնելով երկուքի առաջնորդութեան և վանահայրութեան պաշտօնները (որք մինչ այն ատենն առանձին վիճակ կը կազմէին), Թաւրիզ զրկեց 1834 թւի Մայիսի մէջ, իբր Ատրպատականի թեմակալ առաջնորդ: Սա երկար ժամանակ վարեց սոյն պաշտօնը և վախճանելով Թաւրիզին մօտակայ Մուժուժբար գիւղը, թաղւեցաւ Աներեւոյթ մատուռին առջև: Տապանաքարն արձանագրութիւն չունի:

Խաչատուր եպիսկոպոս Վաղարշապատցի, 1838—1842. — Անխոհեմ ըլլալով, չի կրնար բարւոք կառավարել իւր հօտն, ուստի Ս. Սինողին կողմանէ կանչւելով՝ կը վերադառնայ էջմիածին:

Յովհաննէս եպիսկոպոս Սուրենեան, Ղրիմեցի, 1842—1848. — 1843-ին հիմնեց հոգևոր դպրոց մը, զոր մուտքի պահասութեան պատճառաւ յաջողութիւն չունեցաւ:

Սարունեան եպիսկոպոս. — 1851-ին Ատրպատականի թեմին վիճակաւոր առաջնորդ կարգւելով, հինգ տարւայ չափ լաւ կառավարեց իւր հօտն և թաւրիզեցւոց մեծ ծառայութիւն մատոյց: Սալմաստ այցելութեան ելնելով, անդ առ Աստուած փոխւեցաւ 1856 թւին և Փայաջուկ գիւղը թաղւեցաւ:

Յակովբ վարդապետ Շահբաղեան. — Իբր փոխ-առաջնորդ թեմին Հայոց Ատրպատականի՝ Թաւրիզ եկաւ և տարի մը ետքը վախճանելով, թաղւեցաւ Ս. Աստուածածին մատու-

\*) Հնդիմակի խօսքը վերաբերում է Ղալա քաղի կամ Բերդարաղի Ս. Աստուածածին եկեղեցուն, Ծ. Խ.

\*) Հս Աղեփանդ Երիցեանի, Յովհաննէս Կարբեցի կաթողիկոս օժեցաւ Յովհաննէս Բ. անամբ և զահակալեց 1832—1836 թ.

նին\*) մօտ:

Գրիգոր վարդապետ. — Իբր փոխ-առաջնորդ, յաջորդեց Շահբազեանին, բայց քիչ մը ետքը դարձաւ էջմիածին:

Աբէլ արքեպիսկոպոս. — 1859 թ-ի վերջերն Ատրպատականի Հայոց վիճակաւոր առաջնորդ կարգւելով, Թաւրիզ հասաւ, բայց քիչ ժամանակէ ետքը ետ կանչւելով՝ վերադարձաւ էջմիածին: Աբէլ արքեպիսկոպոս գրաբարին հմուտ, գործունեայ և աշխատասէր անձ մըն էր, իսկ խիստ տաք բնաւորութեան տէր լինելով, շուտով վէճի կը բռնւէր:

Գեորգ եպիսկոպոս Վեհապետեան. — 1861-ի սկիզբէն, իբրև Ատրպատականի վիճակաւոր առաջնորդ, Թաւրիզ եկաւ: Փառահեղ դէմքով, քաղաքավար ձևերով, ծանրաբարոյ, բայց կեր ու խում սիրող և լաւ ապրող մէկն էր: Գիտէր ըստ պատշաճի վարելի օտարներու հետ և իր արժանապատուութիւնը յարգել տալ: 1865-ին Թեհրան գնաց և կառավարութեան կողմանէ շատ պատուով ընդունւեցաւ և յաջողեցաւ Վեհափառ Շահէն Թաւրիզի Ներսիսեան դպրանոցին համար տարեկան երկու հարիւր թուման թոշակ ստանալ և հրովարտակներ ու արտօնագրեր ձեռք բերել: 1866-ին վերադարձաւ էջմիածին, Սինոդին անդամ նշանակւած ըլլալով, բայց պահելով միևնոյն ժամանակ Ատրպատականի Հայոց վիճակաւոր առաջնորդի պաշտօնը:

Յակովբեան եպիսկոպոս. — Վեհապետեան Սրբազանին յաջորդեց Յակովբեան եպիսկոպոս, 1868 թ. Սեպտեմբեր 10-ին: Շատ փայլուն յատկութիւններ չունէր: էջմիածին մեկնեցաւ 1874 Մայիս 16-ին:

Անդրեաս եպիսկոպոս. — Անոր յաջորդեց Անդրէաս եպիսկոպոս, որը պաշտօնի կոչւելով 1874-ի Մայիս 29-ին, Թաւ-

\*) Մարալան քաղում գտնող Ս. Աստածածին մատուռն է: Գոյութիւն ունի նաև ներկայիս, բարեկարգ վիճակում: Մատուռի մօտ քաղած են քարիզահայ ականաւոր դեմքեր: Ծ. Խ.

րից հասաւ Յունիսի մէջ և մինչև 1878 թ. Յունիս 9-ը վարեց իր պաշտօնը, որմէ ետքը դարձաւ էջմիածին, 1879 թ. Հոկտեմբեր 1-ին:

Բարդուղիմէոս վարդապետ. — 1878-ի Յունիս 8-ին, Բարդուղիմէոս վարդապետ կարգւեց առաջնորդական տեղապահ: Տարի մը ետքը ան վերադարձաւ իր տեղը, 1879 թ. Յունիս 26-ին:

Գրիգոր եպիսկոպոս Մուշեղեան. — Բարդուղիմէոս վարդապետին յաջորդեց Գրիգոր եպիսկոպոս Մուշեղեան, որ Թաւրիզ ժամանեց 1879 Հոկտեմբերի սկիզբին: Բարի և ազնւաբարոյ մէկն էր և խոհեմութեամբ վարեց իւր պաշտօնը: Գաւառներն այցելութեան երթալով, 1882 Գեկտեմբեր 10-ին վախճանեցաւ Սալմաստ և թաղւեցաւ Փայաջուկ գիւղը:

Թադէոս եպիսկոպոս. — Մուշեղեանին յաջորդեց Թադէոս եպիսկոպոս, որը ժամանակ մը թեմակալ առաջնորդի պաշտօն վարելէ ետքը հեռացաւ:

Մեսրոպ ծայրագոյն վարդապետ ձերմակեան. — 1884-ին կարգւեցաւ վիճակաւոր առաջնորդ և մէկ տարի ետքը վերադարձաւ էջմիածին: Նա գիտէր, բացի հայերէնէ, իտալերէն և բաւականին ֆրանսերէն: Շատ լաւ կը խօսէր օսմանեան թրքերէնը և գրաւիչ քարոզիչ էր: Խորագէտ էր և գործելու փորձառութիւն ունէր, միայն կուզէր աւելի բռնութեամբ վարել ժողովուրդն, քան թէ զայն սիրաշահելով և հայրաբար կառավարելով:

Ստեփաննոս եպիսկոպոս Մխիթարեան. — 1886-ին, ամառնամիջին, Թաւրիզ հասաւ Ստեփաննոս եպիսկոպոս Մխիթարեան, իբրև Ատրպատականի հայոց վիճակաւոր առաջնորդ: 1892 թ. Օգոստոս 2-ին քոլերայէ մեռաւ և Ղալա Թադի Ս. Աստուածամայր եկեղեցւոյ աւագ դրան աջ կողմը, զանդակատան մէջ թաղւեցաւ:

Խաչատուր Ժ. վարդապետ. Կարապետեան. — Նոր-Ջուղայի Ս. Ամենափրկչի վանուց միաբան Խաչատուր ծայրագոյն վար-

դաստ Կարապետեանը 1892 թւի Սեպտեմբերի սկիզբներին, իբրև առաջնորդական փոխանորդ, Թաւրիզ հասաւ Էջմիածնէն: Վաթսուն կամ աւելի տարիքով անճարակ մարդ մըն էր, աղքատ մտքով, ժլատ ու արծաթասէր բնաւորութեամբ: Հակառակ երկար ժամանակ Նոր-Ջուղա և Հնդկաստան պաշտօն վարած ըլլալուն, շատ քիչ աշխարհային փորձառութիւն ստացեր էր: Մեռաւ 1893 Ապրիլ 14-ին: Շատ փառաւոր կերպով կատարեցաւ իւր յուղարկաւորութիւնը. հիւպատոսներ, կառավարութեան զանազան պաշտօնեաներ և ամբողջ հայ հասարակութիւնն ընկերացաւ զազաղին մինչ Լիլաւա թաղի Ս. Սարգիս եկեղեցին, որի բակին մէջ թաղեցաւ:

Գրիգորիս նախկնոպոս Աղւանեան. — 1893-ի աշնան վերջերին կարգեցաւ Ատրպատականի վիճակաւոր առաջնորդ և մինչ Էջմիածնէ Թաւրիզ կը գար, ճամբան քոյերայէ բռնւելով, ուսաց Ջուլֆա, Արաքսի եզրին հասած ժամանակ վախճանեցաւ և անդ բլուրի մը վրայ թաղեցաւ:

Սուբիաս արքեպիսկոպոս Պարզեանց. — Աշխատութեանս հեղինակը՝ Նազար Գորոյեանց և Յովակիմ Ֆէնէրճեան Ատրպատականի կողմէ, Տ. Տ. Մկրտիչ Սրբիմեանի կաթողիկոս օժնւելու առթիւ իբր պատգամաւոր Էջմիածին ղրկւելով, Վեհափառէն խնդրեցին, համաձայն Ատրպատականի ժողովրդի ցանկութեան, Սուբիաս արքեպիսկոպոս Պարզեանցին Ատրպատականի վիճակաւոր առաջնորդ նշանակել: Վեհափառն հաւանութիւն տւաւ: Սուբիաս Սրբազանը յայտնելով հանդերձ, որ ինքն միշտ իւր պետին հնազանդ եղեր է, որ եթէ մինչև անգամ գիւղ մը ղրկւելու լինի, յօժարութեամբ կերթայ, սակայն, քանի որ Երեմիա արքեպիսկոպոսի տեղապահութեան ժամանակ զինքը անիրաւութեամբ աքսոր ղրկել տւեր էին, ուստի կը ցանկայ նախ այն աքսորման խնդիրն քննել և ապա ուրիշ տեղ նշանակել: Վեհափառն երբ Սուբիաս արքեպիսկոպոսի պահանջը իմացաւ, պատասխանեց. «Այդ քննութիւնը շատ երկար կը տևէ և այս պատճառաւ նախ Աղւանեանն նշանակեց

առաջնորդ, որ ճամբուն մեռաւ:

Ասոր մահէն ետքը, Ատրպատականէ նորէն խնդիրք երթալով, Կաթողիկոսն այս անգամ Սուբիաս արքեպիսկոպոսը նշանակեց, որը Թաւրիզ հասաւ 1894 Յունւար 2-ին և մեծ պատուով ընդունւեցաւ բոլորին կողմէ: Բարձրահասակ, փառահեղ դէմքով անձ մըն էր, հմուտ և նախանձախնդիր եկեղեցական օրինաց: Ծանրաբարոյ և խելացի, զօրաւոր կամքով և անվեհեր հոգւով: Ազգային գործոց համար խանդով կաշխատէր: Իւր առաջին քարոզին մէջ յայտարարեց, որ ամենայն յօժարութիւն և կամք ունէր իւր հօտին համար աշխատելու:

Բաւականին նիւթական կարողութեան տէր լինելով, կուզէր հաստատուելիք Կեդրոնական դպրոցի ծախուց առատաբար մասնակցիլ և իւր յիշատակ թողուլ Թաւրիզին մէջ: Մտադիր եղաւ աւելի հոյակապ շէնքով առաջնորդարան ունենալ, բայց չյաջողեց: Թաւրիզեցիք անոր առաջնորդութենէն շատ նիւթական և բարոյական օգուտներ կրնային քաղել, եթէ վարւելու կերպն իմանային: Սակայն, մէկ-երկու ինքնակոչ ազգայիններ և ժողովուրդէն քանի մը անհատներ և գլխաւորապէս մէկը, որի խորհուրդներին Պարզեանց Սրբազան չէր հետևեր, սկսան զինքը բամբասել և «Շաւիղ»ին մէջ անարդական յօդածներ հրատարակել, զրպարտութիւններ ընել, Սուբիաս արքեպիսկոպոսն անիրաւաբար ամբաստանել այնինչ գործին յաջող ելք չուենալուն համար: Այնչափ ըրին, որ մարդը ճանձրացաւ, և հակառակ իւր խոստման, ցանկութեան և որոշման, արձակուրդ ուզելով՝ մեկնեցաւ 1895 թ. Մայիս 15-ին և ալ չվերադարձաւ:

Յովսէփ վարդապետ Սարաւան. — Պարզեանց արքեպիսկոպոսի մեկնած ժամանակ կը գտնւէր Թաւրիզ. յաջորդեց նրան իբր առաջնորդական տեղապահ: Խելացի անձ մըն էր և բաղդատմամբ իւր երիտասարդ հասակին, որ դեռ 40 չէր մտած, գործերի բաւական փորձառութիւն ունէր: Սակայն երբեմն, կէսօրէ ետքը, դատողութիւնը խանդարւած վիճակի մէջ



դապետ Կարապետեանը 1892 թւի Սեպտեմբերի սկիզբներին, իբրև առաջնորդական փոխանորդ, Թաւրիզ հասաւ Էջմիածնէն: Վաթսուն կամ աւելի տարիքով անճարակ մարդ մըն էր, աղքատ մտքով, ժլատ ու արծաթասէր բնաւորութեամբ: Հակառակ երկար ժամանակ Նոր-Ղուղա և Հնդկաստան պաշտօն վարած ըլլալուն, շատ քիչ աշխարհային փորձառութիւն ստացեր էր: Մեռաւ 1893 Ապրիլ 14-ին: Շատ փառաւոր կերպով կատարեցաւ իւր յուղարկաւորութիւնը, հիւպատոսներ, կառավարութեան գանազան պաշտօնետներ և ամբողջ հայ հասարակութիւնն ընկերացաւ զազազին մինչ Լիլաւա թաղի Ս. Սարգիս եկեղեցին, որի բակին մէջ թաղեցաւ:

Գրիգորիս նախկնոպոս Աղւանեան. — 1893-ի աշնան վերջերին կարգեցաւ Ատրպատականի վիճակաւոր առաջնորդ և մինչ Էջմիածնէ Թաւրիզ կը գար, ճամբան քոլերայէ բռնւելով, ուստաց Ղուլֆա, Արաքսի եզրին հասած ժամանակ վախճանեցաւ և անդ բլուրի մը վրայ թաղեցաւ:

Սուբիաս արքեպիսկոպոս Պարզեանց. — Աշխատութեանս հեղինակը՝ Նազար Գորոյեանց և Յովակիմ Ֆէնէրճեան Ատրպատականի կողմէ, Տ. Տ. Մկրտիչ Խրիմեանի կաթողիկոս օժնւելու առթիւ իբր պատգամաւոր Էջմիածին ղրկուելով, Վեհափառէն խնդրեցին, համաձայն Ատրպատականի ժողովրդի ցանկութեան, Սուբիաս արքեպիսկոպոս Պարզեանցին Ատրպատականի վիճակաւոր առաջնորդ նշանակել: Վեհափառն հաւանութիւն տւաւ: Սուբիաս Սրբազանը յայտնելով հանդերձ, որ ինքն միշտ իւր պետին հնազանդ եղեր է, որ եթէ մինչև անգամ գիւղ մը ղրկուելու լինի, յօժարութեամբ կերթայ, սակայն, քանի որ Երեմիա արքեպիսկոպոսի տեղապահութեան ժամանակ զինքը անիրաւութեամբ աքսոր ղրկել տւեր էին, ուստի կը ցանկայ նախ այն աքսորման խնդիրն քննել և ապա ուրիշ տեղ նշանակել: Վեհափառն երբ Սուբիաս արքեպիսկոպոսի պահանջը իմացաւ, պատասխանեց. «Այդ քննութիւնը շատ երկար կը տևէ և այս պատճառաւ նախ Աղւանեանն նշանակեց

առաջնորդ, որ ճամբուն մեռաւ:

Ասոր մահէն ետքը, Ատրպատականէ նորէն խնդիրք երթալով, Կաթողիկոսն այս անգամ Սուբիաս արքեպիսկոպոսը նշանակեց, որը Թաւրիզ հասաւ 1894 Յունւար 2-ին և մեծ պատուով ընդունուեցաւ բոլորին կողմէ: Բարձրահասակ, փառահեղ դէմքով անձ մըն էր, հմուտ և նախանձախնդիր եկեղեցական օրինաց: Ծանրաբարոյ և խելացի, զօրաւոր կամքով և անվեհեր հոգւով: Ազգային գործոց համար խանդով կաշխատէր: Իւր առաջին քարոզին մէջ յայտարարեց, որ ամենայն յօժարութիւն և կամք ունէր իւր հօտին համար աշխատելու:

Բաւականին նիւթական կարողութեան տէր լինելով, կուղէր հաստատուելիք Կեդրոնական դպրոցի ծախուց առատաբար մասնակցիլ և իւր յիշատակ թողուլ Թաւրիզին մէջ: Մտադիր եղաւ աւելի հոյակապ շէնքով առաջնորդարան ունենալ, բայց չյաջողեց: Թաւրիզեցիք անոր առաջնորդութենէն շատ նիւթական և բարոյական օգուտներ կրնային քաղել, եթէ վարուելու կերպն իմանային: Սակայն, մէկ-երկու ինքնակոչ ազգայիններ և ժողովուրդէն քանի մը անհատներ և դիւաւորապէս մէկը, որի խորհուրդներին Պարզեանց Սրբազան չէր հետևեր, սկսան զինքը բամբասել և «Շաւիղ»ին մէջ անարգական յօդաւածներ հրատարակել, զբարտաթիւններ ընել, Սուբիաս արքեպիսկոպոսն անիրաւաբար ամբաստանել այնինչ գործին յաջող ելք չունենալուն համար: Այնչափ ըրին, որ մարդը ձանձրացաւ, և հակառակ իւր խոստման, ցանկութեան և որոշման, արձակուրդ ուզելով՝ մեկնեցաւ 1895 թ. Մայիս 15-ին և ալ չվերադարձաւ:

Յովակիմ վարդապետ Սարգեանց. — Պարզեանց արքեպիսկոպոսի մեկնած ժամանակ կը գտնուէր Թաւրիզ. յաջորդեց նրան իբր առաջնորդական տեղապահ: Խելացի անձ մըն էր և բաղդատմամբ իւր երիտասարդ հասակին, որ դեռ 40 չէր մտած, գործերի բաւական փորձառութիւն ունէր: Սակայն երբեմն, կէսօրէ ետքը, դատողութիւնը խանգարւած վիճակի մէջ

լինելու պատճառաւ, սխալներ կը գործէր: 1898-ի գարնան վերջերն ստիպուեցաւ հրաժարական տալ և մեկնիլ Էջմիածին:

Սահակ եպիսկոպոս Այվասեան. — Նոյն տարին, ամառուան վերջերն, հասաւ Թաւրիզ, իբր վիճակաւոր առաջնորդ Ատրպատականի: Իր խօսակցութեան մէջ շատ անգոյշ մէկն էր, երբեմն խիստ անխոհեմ խօսքեր կը հանէր բերնէն, առանց խորհելու, թէ ըսածն ինչ կարևորութիւն կրնար ունենալ: Մարդիկ սիրաշահելու կերպն չգիտէր, իւր հակառակորդներն ու թշնամիներն իւր բարեկամներէն չէր կրնար զատիլ, ոչ բարեկամներն կրնար պահել և ոչ ալ հակառակորդներն շահել կամ լռեցնել: 1900-ի վերջերն իւր հրաժարականն ընդունուելով վեհափառէն, 1901 Օգոստոսին Թաւրիզէն մեկնեցաւ:

Եղիշե Ծ. վարդապետ Մուրադեան. — 1901 թւականի Հոկտեմբեր 13-ին, Թաւրիզ ժամանեց Եղիշէ ծայրագոյն վարդապետ Մուրադեանը, իբր վիճակաւոր առաջնորդ Թեմին Հայոց Ատրպատականի:

Բ. — ՅԱՆԿ ԹԵՄԱԿԱԼ ԱՌԱՋՆՈՐԴԱՅ

ՍՊԱՀԱՆԻ ԵՒ ՀՆԴԿԱՍՏԱՆԻ\*)

Մեսրոպ վարդապետ. — 1605-ին կարգուեցաւ առաջնորդ Սպահանի և այդ պաշտօնը վարեց մինչև 1613 թւականը:

Խաչատուր վարդապետ Կեսարացի. — Էջմիածնէն Նոր Զուղա ղրկուելով, ժողովրդի խնդրանօք, 1620-ին առաջնորդութեան պաշտօն ստանձնեց: Եռանդուն և ազգասէր մէկն էր, առաջինն եղաւ, որ տպարան մը հաստատեց Նոր-Զուղայի մէջ: 1646-ին վախճանուելով, վաճառեց մէջ թողուեցաւ:

Դաւիթ եպիսկոպոս Նոր-Զուղայեցի. — Փիլիպպոս կաթողիկոսէն 1652-ին Սպահանի և Հնդկաստանի առաջնորդ կարգուելով, այս պաշտօնը վարեց մինչ 1683 թ., երբ կնքելով իր մահկանացուն, թողուեցաւ Խաչատուր վարդապետի մօտ: Յիշատակարան մը խիստ գոհունակութեամբ կը խօսի Դաւիթ եպիսկոպոսի վարքին ու բարքին վրայ և ժողովուրդի գոհունակութիւնը կը յայտնէ անոր ընթացքին նկատմամբ: Հիմէ քանդելով Ս. Ամենափրկիչ վանքն ու եկեղեցին, նորոգ հոյակապ և ընդարձակ կերպով շինեց ժողովրդի աջակցութեամբ և հանդանակութեամբ: Շատ աշակերտներ ունեցաւ, որոնց մէջ քսանհինն հոգի երևելի եղան իրենց ուսմամբն:

Ստեփաննոս եպիսկոպոս Նոր-Զուղայեցի. — Դաւթին յաջորդեց իր ձեռնասուռն աշակերտներէն՝ Նոր-Զուղայեցի ընտեփաննոս եպիսկոպոս, 1684-ին, որը յաջողեցաւ շատ դրամ

\*) Սպահանի եւ Հնդկաստանի առաջնորդաց այս ցանկը գրված խաւորապէս քաղուած է Յարութիւն Թ.Տեր Յովհաննեանցի Նոր-Զուղայի պատմութենէն:

ծախսել է և շատ յոգնութիւն կրել է ետքը հրովարտակ մը ձեռք բերել, որ Շահ Սուլէյմանէ եկեղեցիներէ վրայ դրւած հարկերն շառնւին: Բայց հրովարտակն չգործադրւեցաւ մինչև Մովսէս թեմակալ առաջնորդի ժամանակն Ստեփաննոս եպիսկոպոս «Պապականաց դէմ հակաճառութիւն» անուամբ գիրքը հրատարակեց, որ ժամանակին շատ աղմուկ հանեց: 1697-ին էջմիածնի մի քանի եպիսկոպոսներէ կաթողիկոսութեան հրաւիրւելով, մեկնեց էջմիածին, բայց Յաբէթ կաթողիկոսի շարախօսութեամբ, Երևանի իշխանէն բռնւելով, բանտ դրւեցաւ, և 1698-ի սկիզբներին վախճանեցաւ:

Աղեֆսանդր եպիսկոպոս Կոստանեան Ջուղայեցի. — Ժողովրդի խնդրանօք, 1699 թւականին առաջնորդ դարձաւ և իր հօտն լաւ կառավարեց: 1706 թւականին ազգէն կաթողիկոս ընտրւելով՝ գնաց էջմիածին:

Մովսէս եպիսկոպոս Նոր-Ջուղայեցի. — 1706 թւականին առաջնորդ կարգւեցաւ: Սա բաւականին յաջողակ ու խելացի կերպով կառավարեց իրեն յանձնւած հօտն: Վանքին մէջ յատուկ առաջնորդարան մը շինեց: 1715-ին, Ս. էջմիածնի միաբաններէ հրաւիրւեցաւ կաթողիկոսական գահը դրաւել, բայց յանձն չառաւ: 1725-ին իր մահկանացուն կնքելով, վանքին եկեղեցւոյ հիւսիսային դրան սեմին մէջ թաղւեցաւ:

Դաւիթ Բ. եպիսկոպոս. — Ժողովրդի թախանձանաց զիջանելով, 1725-ին առաջնորդութեան աթոռը կելլէ: Բարեկարգութեան և հոգևորականաց բարի վարուց նախանձախնդիր ըլլալով, զանոնք ուղղութեան կը կոչէ: 1728-ին կը վախճանի և իր նախորդին կից կը թաղուի:

Ասուածասուր եպիսկոպոս Ֆախրաբաղցի. — Կրօնասէր, հեղաբարոյ և խաղաղասէր մէկը: Ջուղայեցւոց խնդրանօք թեմակալ առաջնորդի աթոռը կը նստի 1729-ին, և 1745-ին վախճանելով, վանքի հիւսիսային գաւթին մէջ կը թաղուի:

Պողոս եպիսկոպոս. — 1749-ին թեմակալ առաջնորդ կը դառնայ և 1752-ին, անձնական դատապարտելի գործի մը

պատճառաւ կը հրաժարեցի թեմակալութենէ: Սորա առաջնորդութիւնն վանքին շատ վնասակար եղաւ և վանքն շատ ծանր պարտքերու տակ ինկաւ:

Գեորգ եպիսկոպոս. — 1752 թւին թեմակալ առաջնորդ կը կարգուի: Սա ժամանակ մը ետքը այն ատենւան բրնակալներու անիրաւութիւններէն ու հարստահարութիւններէն անճարացած, Վանքի արժէքաւոր անօթներն կառնէ, քանի մը երևելի միաբաններու հետ կերթայ Բասրա և այնտեղէ կը վարէ իւր առաջնորդութեան պաշտօնն մինչ 1763, երբ Սպահան և Երկիրն քիչ մը խաղաղ վիճակ ստացած ըլլալով, կը վերադառնայ Նոր-Ջուղա, և 1768-ին վախճանելով, վանքի եկեղեցւոյ արևմտեան դրանը կը թաղուի:

Մկրտիչ եպիսկոպոս. — Ժողովրդի թախանձանօք 1769-ի սկիզբին թեմակալութեան աթոռը կը նստէ: Պարսկաստանի խռովութեանց պատճառաւ նա ինքն անչափ նեղութիւններ կը կրէ, տուղանքներու և հարւածներու կենթարկելի, եկեղեցիներն ու վանքն բռնակալէ կողոպտումին ժամանակ: Հուսկ յետոյ Շիրազ կերթայ և ժամանակ մը անդ կը մնայ: Քարիմ խանի ամբողջ Պարսկաստանը տիրապետելէ ետքը, անորմէ պատուի կարժանանայ, Նոր-Ջուղա կը վերադառնայ և 1781-ին մահկանացուն կնքելով, վանքին եկեղեցւոյ արևմտեան դրանը կը թաղուի:

Յակոբ եպիսկոպոս. — 1788-ին թեմակալ առաջնորդ կը դառնայ: Ասոր համար կը պատմուի, որ 1—2 տարի լաւ կը կառավարէ իւր հօտն և սովի ժամանակ մեծատանց աջակցութեամբ կարօտելոց օգնութեան կը հասնէ: Սակայն, այնուհետև ընթացքն կը փոխէ, կը սկսի շատ բռնութիւններ ի գործ դնել, ջուղայեցւոց շարիքներ հասցնել, եկեղեցիներու սպասներն ու զարդերը կը կողոպտէ, կիւրացնէ և ծածուկ կերթայ Բասրա, ուր գտնւող ջուղայեցիք վերստին իրերն իրմէ ետ առնելով՝ Ջուղա կը վերադարձնեն: Յակոբ եպիսկոպոս Մադրաս երթալով, անդ կը վախճանի 1793-ին և իր ամէն գոյքն

կը կտակէ Ամենափրկչի վանքին: Ոմանք նկատի առնելով նորա նախկին ընթացքը, այն դադարեալներն են, որ նա եկեղեցապական գոյքերն աւելի բռնաւորների կողոպուտէն ազատելու համար Բասրա տարեր էր, քան թէ իր անձին սեփականացնելու:

Յարութիւն եպիսկոպոս. — 1801-ին կը կարգւի Գաւիթ կաթողիկոսէն իբր առաջնորդ, իրեն յաջորդ ունենալով Գեորգ եպիսկոպոս: Ասոնք իրենց հօտը բարւոք կը կառավարեն: Հնդկաստան և Ռուսիա նւիրակներ զրկելով, հանդանակութիւն կընեն, որով վանքն ծանր պարտքէ կազատին, որ այդ ժամանակ շորս հազար թումանի հասեր էր: Յարութիւն եպիսկոպոս 1810-ին վախճանելով, թաղւեցաւ վանքի հիւսիսային դաւթին մէջ:

Յովհաննէս եպիսկոպոս. — Սպահանի և Հնդկաստանի հայոց խնդրանօք՝ Տ. Տ. Եփրեմ կաթողիկոսէն 1813 թւին վիճակաւոր առաջնորդ կը կարգւի: Ասոր ժամանակ, Սպահան սաստիկ սով եղաւ, որի պատճառաւ առաջնորդն շատ վիշտ ու նեղութիւն կրեց: 1817-ին վախճանելով, վանքին զանդակատան մէջ թաղւեցաւ:

Կարապետ եպիսկոպոս Ջուղայեցի. — 1818 թւականին կաթողիկոսին կոնդակով Նոր-Ջուղա հասաւ: Ատոր ժամանակ, Հաջի Հաշիմ խան անունով մէկը, իր շուրջը շատ մը սրիկաներ հաւաքելով, կը սկսի շատ բռնութիւններ ի գործ դնել, մանաւանդ հայոց վերայ: Թեմակալ առաջնորդը կը շտապէ իւր պաշտօնէն հրաժարիլ: 1831-ին էջմիածին կերթայ: 1842-ին նորէն Ջուղա վերադառնալով՝ իբր միաբան, կապրի վանքին մէջ և 1853-ին կնքելով իւր մահկանացուն, վանքի՝ տաճարին արևմտեան դրան կողմը կը թաղւի:

Յովհաննէս (Բ) եպիսկոպոս. — 1832-ին առաջնորդ կը կարգւի: Իւր ժամանելէն առաջ նորէն սով սկսած լինելով, ուտելիք կը բերէ և կարօտեալներուն կը բաշխէ, որով ազդին աղքատներն սովամահ ըլլալէ կազատին: Փաթհալի Շահի

մահւան ժամանակ, 1834 թւականին, իր քաջասրտութեամբ, Նոր-Ջուղան դադարեալ շրջիկներու և բռնաւորներու ասպատակութենէն կը պահպանէ: 1836-ին վախճանելով, կը թաղւի հասարակաց հանգստարանին մէջ, համաձայն իւր կտակին:

Խաչատուր եպիսկոպոս Վաղարշապատցի. — 1838 թւականին, թեմակալ առաջնորդութեան կոնդակով, կը ժամանէ Նոր-Ջուղա: Խոհեմութեամբ չկրնալով կառավարել, Ս. Սինոդի հրամանով, 1842-ին, կը վերադառնայ Ս. էջմիածին:

Յովհաննէս եպիսկոպոս Սուրենեան. — 1842-ին Նոր Ջուղա եկաւ կաթողիկոսին կոնդակով: Սա հիմնեց հոգևոր դպրոց մը, որը մուտքի պակասին պատճառաւ երկար չշարունակեցաւ: 1848-ին վախճանեցաւ և վանքին հիւսիսային դաւթի մէջ թաղւեցաւ:

Թադէոս եպիսկոպոս Բեկնազարեան. — 1851 թւին Տ. Տ. Ներսէս կաթողիկոսին կոնդակով ժամանեց Նոր-Ջուղա: Այս ազատական թեմակալ առաջնորդի ազգօգուտ գործերը շատ են և բազմատեսակ: Իւր աշխատութեան և դիմումների շնորհիւ Սպահանի թեմի հայերն ազատեցան զինուորատուութենէ, որի պատճառաւ շատ կեղեքմանց ու հարստահարութեանց կենթարկւէին: Ջուղայեցւոց հարկատուութիւնն ու կալւածական տուրքերն չափաւորեցան, հարստահարողներու և բռնակալներու հեղինակութիւնն ոչնչացաւ: Թեհրան երթալով, յաջողեցաւ վեհափառ Շահէն ստանալ հրովարտակ մը, որով դաւառի հարկատուութիւնն թեթեացաւ, վաճառականներն և ուրիշ հայերն պարսկաց հաւասար տուրք միայն պարտաւոր եղան վճարել: Սուքիասեան Մարգարի և Յ. Յարութիւնեանի տիկին՝ Մարիամի օժանդակութեամբ Նոր-Ջուղային մէջ երեք դպրոց հաստատեց: Այսպէս, շատ ժամանակ իմաստութեամբ, խոհականութեամբ և շրջահայեացութեամբ կառավարելով, կնքեց իւր բազմարդիւն կեանքը և թաղւեցաւ Ամենափրկիչ եկեղեցւոյ աւագ դրան մօտ: Մահւան թւականը չյաջողեց ինձ ըստուղել, բայց հաւանականաբար, 1860-է ետքը տեղի ունեցաւ:

Մովսէս Եպիսկոպոս Վաղարշապատացի, որ յաջորդեց Բէկնազարեանին, բայց 1870-ի վերջերն վերադարձաւ Էջմիածին:

Գրիգորիոս Եպիսկոպոս. — 1872 թւականին Սպահանի թեմակալ առաջնորդ կարգւեցաւ և մերձ տասնվեց տարի խոհեմութեամբ կառավարեց իւր հօտն և բաւականին լաւ գործունէութիւն ունեցաւ: 1888-ին վերադարձաւ Էջմիածին և այնտեղէ ալ գնաց Կ. Պոլիս:

Եսայի Եպիսկոպոս. — 1891 թւականին Նոր-Ղուղա ժամանեց Եսայի Եպիսկոպոսը և 3 տարի կառավարելէ ետքը վերադարձաւ Ս. Էջմիածին:

Մաղաֆիա Եպիսկոպոս Տիգրանակերտցի. — 1898-ին հասաւ Նոր-Ղուղա և 2 տարի կառավարելէ ետքը վերադարձաւ Ս. Էջմիածին:

Այժմ, 1901 թւականին, թեմակալ առաջնորդութեան պաշտօնը փոխանորդաբար կը վարէ Բազարատ վարդապետ Թաւաքալեան:

## Վ ԵՐՉ